



ЖОЯИТВОСЯОВ



ПРАВИЛО
КО ПРИЧАСТИЮ
МОЛИТВЫ
БОЖИЕЙ МАТЕРИ
И СВЯТЫМ
АКАФИСТЫ,
ЧТОМЫЕ
В РАЗЛИЧНЫХ
НУЖДАХ
МОЛИТВЫ
НА ВСЯКУЮ
ПОТРЕБУ





МОЛИТВОСЯЗОВ

ПРАВИЛО
КО ПРИЧАСТИЮ
МОЛИТВЫ БОЖИЕЙ МАТЕРИ
И СВЯТЫМ


АКАФИСТЫ, ЧТОМЫЕ
В РАЗЛИЧНЫХ НУЖДАХ

МОЛИТВЫ
НА ВСЯКУЮ
ПОТРЕБУ



МОСКВА
2000

По благословению
Святейшего Патриарха Московского и всея Руси
АЛЕКСИЯ II



МОЛИТВЫ УТРЕННИЕ

Востав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:

Во имя Отца, и Сына, и Святаго Духа.
Аминь.

Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы, без поспешности и со вниманием сердечным:

Молитва мытаря

(Евангелие от Луки, глава 18, стих 13)

Бóже, мѣлостив бѹди мнѣ грѣшному. (Поклон)

Примечание. Напечатанное **полужирным и курсивом** (названия молитв и пояснения) не читается во время молитвы.

Молитва предначинательная

Го́споди Иису́се Христе́, Сы́не Бо́жий, моли́тв ра́ди Пречи́стыя Твоея́ Ма́тере и всех святы́х, поми́луй нас. Ами́нь.

Сла́ва Тебе́, Бо́же наш, сла́ва Тебе́.

Молитва Святому Духу

Царю́ Небе́сный, Уте́шителю, Ду́ше и́стины, Иже везде́ сый и вся исполня́яй, Сокро́вище благи́х и жи́зни Пода́телю, прииди́ и всели́ся в ны, и очи́сти ны от вся́кия скве́рны, и спаси́, Бла́же, ду́ши на́ша.*

Трисвятое

Святы́й Бо́же, Святы́й Кре́пкий, Святы́й Безсме́ртный, поми́луй нас. (*Читается*

* От Пасхи до Вознесения вместо этой молитвы читается тропарь: «Христос воскресе из мертвых, смертию смерть поправ, и сущим во гробех живот даровав». (*Трижды*)

От Вознесения до Троицы начинаем молитвы со «Святы́й Бо́же...», опуская все предшествующие.

Всю Светлую седмицу вместо этого правила читаются часы Святой Пасхи (*см. стр. 173*).

Эти замечания относятся и к молитвам на сон грядущим.

трижды, с крестным знаменем и поясным поклоном.)

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Молитва ко Пресвятой Троице

Пресвята́я Тро́ице, помілуй нас; Го́споди, очісти грехі на́ша; Влады́ко, прости́ беззако́нія на́ша; Святы́й, посети́ и исцели́ немо́щи на́ша, імене Твоего́ ра́ди.

Го́споди, помілуй. (*Трижды*) Сла́ва, и ны́не.*

Молитва Господня

Отче наш, Иже еси́ на небесѣх! Да святѣ́тся імя Твое́, да приидет Цѣ́рствіе Твое́, да бу́дет во́ля Твоя́, ꙗ́ко на небесѣ́х и на землѣ́х. Хлеб наш насущный даждь нам днесь; и оста́ви нам до́лги на́ша, ꙗ́коже и мы оставля́ем должникóм на́шим; и не введи́ нас во искуше́ние, но изба́ви нас от лука́ваго.

* Когда написано «Слава:», «И ныне:», надо читать полностью: «Сла́ва Отцу́ и Сы́ну и Свято́му Ду́ху», «И ны́не и прісно и во ве́ки веко́в. Ами́нь».

Тропари Троичные

Воста́вше от сна, припа́даем Ти, Бла́же, и а́нгельскую песнь вопи́ем Ти, Си́льне: Свят, Свят, Свят еси́, Бо́же, Богоро́дицею поми́луй нас.

Слава: От одра́ и сна воздв́игл мя еси́, Го́споди, ум мой просвети́ и се́рдце, и устне́ мой отве́рзи, во е́же пе́ти Тя, Свята́я Тро́ице: Свят, Свят, Свят еси́, Бо́же, Богоро́дицею поми́луй нас.

И ныне: Внеза́пно Судия́ приидет, и ко́егождо дея́ния обнажа́тся, но стра́хом зове́м* в полу́нощи: Свят, Свят, Свят еси́, Бо́же, Богоро́дицею поми́луй нас.

Го́споди, поми́луй. (12 раз)

**Молитва
ко Пресвятой Троице**

От сна воста́в, благодарю́ Тя, Свята́я Тро́ице, я́ко мно́гия ра́ди Твоея́ бла́гости и долго-терпе́ния не прогне́вался еси́ на мя, лени́ваго и грёшнаго, ниже́ погуби́л мя еси́ со беззако́ньными мо́ими; но человеколю́бствовал еси́

* В церковнославянском языке нет звука ё, и поэтому надо читать «зовём», а не «зовём», «твоеё», а не «твоеё», «моё», а не «моё» и т. д.

обычно и в нечаянии лежащаго воздвигл мя еси, во еже утреневати и славословити державу Твою. И ныне просвети мои очи мысленныя, отверзи мои уста поучатися словесем Твоим, и разумети заповеди Твоя, и творити волю Твою, и пети Тя во исповедании сердечнем, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

Приидите, поклонимся Царю нашему Богу. (*Поклон*)

Приидите, поклонимся и припадём Христу, Царю нашему Богу. (*Поклон*)

Приидите, поклонимся и припадём Самому Христу, Царю и Богу нашему. (*Поклон*)

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя; яко беззаконие мое аз знаю, и грех мой предо мною есть вину. Тебе единому согреших и лукавое пред Тобою сотворих; яко да оправдишися во словесах Твоих, и победиши вне-

гда судити Ти. Се бо, в беззаконіих зачат есмь, и во гресѣх роди мя мати моя. Се бо, истину возлюбил еси; безвѣстная и тайная премудрости Твоея явил ми еси. Окропиши мя иссопом, и очищуся; омыеши мя, и паче снѣга убелюся. Слуху моему даси радость и веселіе; возрадуются кости смиренныя. Отврати лице Твое от грех моих и вся беззаконія моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебѣ обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотѣл еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стѣны Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Символ веры

¹ Вѣрую во еди́наго Бо́га Отца́, Вседержи́теля, Творца́ не́бу и землі́, ви́димым же всем и неви́димым. ² И во еди́наго Го́спода Иису́са Христа́, Сы́на Бо́жия, Единоро́днаго, Иже от Отца́ рождѣннаго прѣ́жде всех век; Све́та от Све́та, Бо́га и́стинна от Бо́га и́стинна, рождѣнна, несотворѣнна, единосу́щна Отцу́, Имже вся бы́ша. ³ Нас ра́ди челове́к и на́шего ра́ди спасѣ́нія сше́дшаго с небѣс и воплоти́вшагося от Ду́ха Свя́та и Мари́и Де́вы и вочелове́чшася. ⁴ Распя́таго же за ны при Понти́йстем Пилáте, и страда́вша, и погребѣ́нна. ⁵ И воскрѣ́сшаго в трѣ́тій день по Писáнием. ⁶ И возше́дшаго на небеса́, и сѣдѣ́ща одесну́ю Отца́. ⁷ И па́ки грядúщаго со сла́вою суди́ти живы́м и мѣртвым, Егóже Цáрствию не бúдет концá. ⁸ И в Ду́ха Свята́го, Го́спода, Животворя́щаго, Иже от Отца́ исходя́щаго, Иже со Отце́м и Сы́ном спокланѣ́ма и ссла́вима, глаго́лавшаго проро́ки. ⁹ Во еди́ну Святу́ю, Собо́рную и Апóстольскую Цѣ́рковь. ¹⁰ Испове́дую еди́но крещѣ́ние во оставлѣ́ние грехо́в. ¹¹ Ча́ю воскрѣ́сенія мѣртвых, ¹² и жи́зни бúдущаго вѣ́ка. Ами́нь.

**Молитва 1-я,
святого Макария Великого**

Бóже, очисти мя грѣшнаго, яко николиже сотвори́х благо́е пред Тобо́ю; но изба́ви мя от лука́ваго, и да бу́дет во мне во́ля Твоя́, да неосужде́нно отве́рзу уста́ моя́ недосто́йная и восхвалю́ имя Твое́ свято́е, Отца́ и Сы́на и Свята́го Ду́ха, ны́не и прісно и во ве́ки веко́в. Ами́нь.

Молитва 2-я, того же святого

От сна воста́в, полунощную песнь приношу́ Ти, Спа́се, и припада́я вопию́ Ти: не даждь ми усну́ти во грехо́вней сме́рти, но уще́дри мя, распный́ся во́лею, и лежа́щаго мя в ле́ности ускори́в возста́ви, и спаси́ мя в предстоя́нии и моли́тве, и по сие но́щнем возсия́й ми день безгре́шен, Христé Бóже, и спаси́ мя.

Молитва 3-я, того же святого

К Тебе́, Влады́ко Человеколю́бче, от сна воста́в прибега́ю, и на дела́ Твоя́ подвиза́юся милосе́рдием Твои́м, и молю́ся Тебе́: помози́ ми на вся́кое вре́мя, во вся́кой ве́щи, и изба́ви мя от вся́кия мирскія́ злы́я ве́щи и диаво́льскаго поспеше́ния, и спаси́ мя, и вве-

ди в Царство Твое вѣчное. Ты бо еси мой Сотворитель и всякому благу Промысленник и Податель, о Тебѣ же все упование мое, и Тебѣ славу возсылаю, ныне и присно и во веки веков. Аминь.

Молитва 4-я, того же святого

Господи, Иже мно́гою Твоею блага́стию и вели́кими щедро́тами Твоими дал еси́ мне, рабу́ Твоему́, мимоше́дшее вре́мя но́щи сея́ без напа́сти преи́ти от всякаго зла проті́вна; Ты Сам, Влады́ко, всяческих Тво́рче, сподо́би мя и́стинным Твои́м свѣ́том и просвѣ́щенным се́рдцем твори́ти во́лю Твою́, ны́не и прі́сно и во ве́ки веко́в. Аминь.

Молитва 5-я, свт. Василия Великого

Господи Вседержителю, Бо́же сил и вся́кия плóти, в вѣ́шних живы́й и на смире́нных призира́яй, се́рдца же и утробы́ испыту́яй и сокро́венная челове́ков я́ве предвѣ́дый, Безнача́льный и Присносу́щный Свѣ́те, у Него́ же несть премене́ние, и́ли преложе́ния осене́ние; Сам, Безсме́ртный Царю́, приими́ моле́ния на́ша, я́же в настоя́щее вре́мя, на мно́жество Твои́х щедро́т дерза́юще, от скве́рных к Тебѣ́ усте́н твори́м, и оста́ви нам прегре-

шѣнія наша, яже дѣлом, и словом, и мыслію, веденіем, или неведеніем согрѣшенная нами; и очисти ны от всякія скверны плоти и дѹха. И даруй нам бодреннымъ сѣрдцемъ и трезвенною мыслію всю настоящаго житія ночь прейти, ожидающимъ пришествія свѣтлаго и явленнаго дне Единороднаго Твоего Сына, Господа и Бога и Спаса нашего Иисуса Христа, в онѣже со славою Судія всехъ придетъ, кому́ждо отдати по делѣмъ его; да не падше и обленѣвшеся, но бодрствующе и воздвѣженіи в дѣланіе обрѣщемся готѣви, в радость и Божественный чертогъ славы Его совнідемъ, идеже прѣзднующихъ гласъ непрестанный, и неизреченная сладость зрящихъ Твоего лица доброту неизреченную. Ты бо еси истинный Светъ, просвѣщаяй и освящаяй всяческая, и Тя поетъ вся тварь во вѣки вѣковъ. Аминь.

Молитва 6-я, того же святого

Тя благословимъ, вышній Боже и Господи милости, творящаго прѣсно с нами великая же и неизслѣдованная, славная же и ужасная, ихже несть числа, подавшаго намъ сонъ во упокоеніе немощи нашей и ослабленіе трудовъ многотрудныя плоти. Благодаримъ Тя, яко не погубилъ еси насъ со беззаконными нашими, но человеколюбовствовалъ еси обычно, и

в нечаянии лежащія ны воздвѣгл еси, во еже славословити державу Твою. Тѣмже молим безмѣрную Твою благодать, просвети наша мысли, очеса, и ум наш от тяжкаго сна лѣности возстави: отвѣрзи наша уста, и исполни я Твоего хвалѣнія, яко да возможем непоколеблемо пѣти же и исповѣдаться Тебѣ, во всех, и от всех славимому Богу, Безначальному Отцу, со Единородным Твоим Сыном и Всесвятым и Благим и Животворящим Твоим Духом, ныне и присно и во веки веков. Аминь.

**Молитва 7-я,
ко Пресвятой Богородице**

Воспеваю благодать Твою, Владычице, молю Тя, ум мой облагодати. Ступати право мя настави, путем Христовых заповедей. Бдѣти к пѣсни укрепи, унынія сон отгоняючи. Связана пленницами грехопадѣний, мольбами Твоими разреши, Богоневѣсто. В нощи мя и во дни сохраняй, борющихся враг избавляючи мя. Жизнодателя Бога рождающая, умерщвлена мя страстьми оживи. Яже Свѣтъ невечерний рождающая, душу мою ослѣпшую просвети. О дивная Владычняя палата, дом Духа Божественна мене сотвори. Врача рождающая, врачуй души моея многолѣтныя страсти. Вол-

нующася житѣйскою бурею, ко стезі мя покаянія направи. Избави мя огня вѣчнующаго, и червѣя же злаго, и тартара. Да мя не явиши бесом радование, иже многим грехом повинника. Но́ва сотвори мя, обетшавшаго нечувственными, Пренепорочная, согрешѣнии. Странна мѹки всякія покажи мя, и всех Владыку умоли. Небесная ми уллучи весѣлія, со всеми святыми, сподоби. Пресвятая Дѣво, услыши глас непотребнаго раба Твоего. Струю давай мне слезам, Пречистая, души моея скверну очищаючи. Стенанія от сердца приношу Ти непрестанно, усердствуй, Владычице. Молѣбную службу мою прими, и Богу благоутробному принеси. Превышшая Ангел, мирскаго мя превышша слітія сотвори. Светоносная Сѣне небесная, духовную благодать во мне направи. Руце воздею и устне к похвалѣнію, осквернены скверною, Всенепорочная. Душетлѣнных мя пакостей избави, Христа прилѣжно умоляючи; Ему же честь и поклонѣніе подобает, ныне и присно и во веки веков. Аминь.

**Молитва 8-я,
ко Господу нашему Иисусу Христу**

Многомилостиве и Всемилостиве Бо́же мой, Господи Иисусе Христѣ, многія ради

любвѣ сшел и воплотился еси, яко да спасеши всех. И паки, Спасе, спаси мя по благодати, молю Тя; аще бо от дел спасеши мя, несть се благодать, и дар, но долг паче. Ей, многий в щедротах и неизреченный в милости! Вѣруйя бо в Мя, рекл еси, о Христѣ мой, жив будет и не узрит смерти во вѣки. Аще убо вѣра, яже в Тя, спасает отчаяныя, се вѣрую, спаси мя, яко Бог мой еси Ты и Создатель. Вѣра же вмѣсто дел да вменится мне, Божѣ мой, не обрящещи бо дел отнюд оправдающих мя. Но та вѣра моя да довлѣет вмѣсто всех, та да отвѣщает, та да оправдит мя, та да покажет мя причастника славы Твоея вѣчныя. Да не убо похитит мя сатана, и похвалится, Слове, еже отторгнути мя от Твоея руки и ограды; но или хощу, спаси мя, или не хощу, Христѣ Спасе мой, предвари скоро, скоро погибох: Ты бо еси Бог мой от чрева матери моея. Сподоби мя, Господи, ныне возлюбити Тя, якоже возлюбих иногда той самый грех; и паки поработати Тебѣ без лѣности тощю, якоже поработах прежде сатанѣ льстивому. Наипаче же поработаю Тебѣ, Господу и Богу моему Иисусу Христу, во вся дни живота моего, ныне и присно и во вѣки веков, аминь.

Молитва 9-я, к Ангелу хранителю

Святы́й Ангеле, предсто́яй ока́янной мо́ей ду́шѣ и стра́стной мо́ей жи́зни, не оста́ви мене́ грѣшнаго, ниже́ отступѣ́й от мене́ за невоздержáние моё. Не даждь мѣста лука́вому дѣмону облада́ти мно́ю, насѣ́льством смѣ́ртнаго сего́ телесе́; укре́пи бѣдствующую́ и худую́ мою́ ру́ку и наста́ви мя на путь спасе́ния. Ей, святы́й Ангеле Бо́жий, хранѣ́телю и покровѣ́телю ока́янных мое́я ду́шѣ и тѣла, вся́ мне прости́, ели́кими ты оскорби́х во вся́ дни живота́ моего́, и а́ще что согреши́х в прешѣ́дшую но́щь сию́, покрѣ́й мя в настоя́щий день, и сохрани́ мя от вся́каго искуше́ния протѣ́внаго, да ни в ко́ем гресе́ прогне́ваю Бо́га, и моли́ся за мя ко Го́споду, да утверди́т мя в стра́се Своём, и досто́йна пока́жет мя раба́ Свое́я бла́гости. Ами́нь.

**Молитва 10-я,
ко Пресвятой Богородице**

Пресвята́я Влады́чице моя́ Богоро́дице, святы́ми Твои́ми и все́ильными мо́льба́ми отжени́ от мене́, смире́ннаго и ока́яннаго раба́ Твоего́ уны́ние, забвѣ́ние, неразу́мие, нераде́ние, и вся́ скве́рная, лука́вая и ху́льная помышле́ния от ока́яннаго моего́ се́рдца и от

помрачѣннаго ума моего; и погаси пламень страстей моих, яко нищ есмь и окаяннен. И избави мя от многих и лютых воспоминаний и предприятій, и от всех действ злых свободи мя. Яко благословѣна еси от всех родов, и славится пречестное имя Твое во веки веков. Аминь.

**Молитвенное призывание святого,
имя которого носишь**

Моли Бога о мне, святый угодниче Божий (имя), яко аз усердно к тебе прибегаю, скромному помощнику и молитвеннику о душе моей.

Песнь Пресвятой Богородице ✓

Богородице Дѣво, радуйся, Благодатная Маріе, Господь с Тобою; благословѣна Ты в женах и благословен плод чрева Твоего, яко Спаса родила еси душ наших.

Тропарь Кресту и молитва за отечество

Спаси, Господи, люди Твоя, и благослови достояние Твое, победы на сопротивныя даруя, и Твое сохраняя Крестом Твоим жительство.

Молитва о живых

Спаси, Господи, и помилуй отца моего духовнаго (имя), родителей моих (имена), сродников (имена), начальников, наставников, благодетелей (имена их) и всех православных христиан.

Молитва о усопших

Упокой, Господи, души усопших раб Твоих: родителей моих, сродников, благодетелей (имена их), и всех православных христиан, и прости им вся согрешения вольная и невольная, и даруй им Царствие Небесное.

Если можешь, читай вместо кратких молитв о живых и усопших этот помянник:

О живых

Помяни, Господи Иисусе Христэ, Боже наш, милости и щедроты Твоя от века сущия, ихже ради и вочеловечился еси, и распятие и смерть, спасения ради право в Тя верующих, претерпети изволил еси; и воскрес из мертвых, вознеслся еси на небеса и седиши одесную Бога Отца, и призираеши на смиренныя мольбы всем сердцем призывающих Тя: приклони ухо Твое, и услыши смиренное моление мене, непотребнаго раба Твоего, в во-

нiю благоуханiя духовнаго, Тебѣ за вся люди Твоя приносящаго. И в первых помяни Церковь Твою Святую, Соборную и Апостольскую, юже снабделъ еси честною Твоею Кровию, и утверди, и укрепи, и разшири, умножи, умири, и непреобориму адовыми враты во веки сохрани; раздирания Церквей утиши, шатанiя языческая угаси, и ересей востанiя скоро разори и искорени, и в ничтоже силою Святаго Твоего Духа обрати. (Поклон)

Спаси, Господи, и помилуй Богом хранимую страну нашу, власти и воинство ея, огради миром державу их, и покорй под нозе Православных всякаго врага и супостата, и глаголи мирная и благая в сердцах их о Церкви Твоей Святей, и о всех людех Твоих: да тихое и безмолвное житiе проживем во правовѣрии и во всяком благочестии и чистотѣ. (Поклон)

Спаси, Господи, и помилуй Великаго Господина и Отца нашего Святейшего Патриарха Алексiя, преосвященныя митрополиты, архиепископы и епископы православныя, иереи же и диаконы, и весь причет церковный, яже поставилъ еси пасты словесное Твое стадо, и молитвами их помилуй и спаси мя грешнаго. (Поклон)

Спаси, Господи, и помилуй отца моего духовнаго (*имя его*), и святыми его молитвами прости моя согрешения. (*Поклон*)

Спаси, Господи, и помилуй родители моя (*имена их*), братью и сестры, и сродники моя по плоти, и вся ближняя рода моего, и други, и даруй им мирная Твоя и премирная блага. (*Поклон*)

Спаси, Господи, и помилуй по множеству щедрот Твоих вся священноиноки, иноки же и инокини, и вся в девстве же и благоговении и постничестве живущия в монастырех, в пустынях, в пещерах, горах, столпах, затворех, расцелинах каменных, островех же морских, и на всяком месте владычества Твоего правověрно живущия и благочестно служащия Ти, и молящияся Тебе: облегчи им тяготу, и утѣши их скорбь, и к подвигу о Тебѣ силу и крепость им подаждь, и молитвами их даруй ми оставление грехов. (*Поклон*)

Спаси, Господи, и помилуй старцы и юныя, нищия и сироты и вдовицы, и сущия в болѣзни и в печалех, бедах же и скорбех, обстоящих и плененных, темницах же и заточенных, изряднее же в гоненных, Тебѣ ради и веры православныя, от язык безбожных, от отступник и от еретиков, сущия рабы Твоя,

и помяни я, посети, укрепи, утѣши, и вскорѣ сілою Твоею ослабу, свободу и избаву им подаждь. (Поклон)

Спаси, Господи, и помилуй благотворящия нам, милующия и питающия нас, давшия нам милостыни, и заповѣдавшия нам недостойным молѣтися о них, и упокоевающия нас, и сотвори милость Твою с ними, даруя им вся, яже ко спасенію прошенія, и вѣчных благ воспріятіе. (Поклон)

Спаси, Господи, и помилуй посланныя в службу, путешествующия, отцы и братію нашу, и вся православныя христианы. (Поклон)

Спаси, Господи, и помилуй ихже аз безумием моим соблазних, и от пути спасительнаго отвратих, к делом злым и неподобным приведох; Божественным Твоим Промыслом к пути спасенія паки возврати. (Поклон)

Спаси, Господи, и помилуй ненавидящия и обидящия мя, и творящия ми напасти, и не остави их погибнути мене ради, грешнаго. (Поклон)

Отступившія от православныя вѣры и погибельными ересми ослепленныя, светом Твоего познания просвети и Святѣй Твоей Апостольстей Соборней Цѣркви причти. (Поклон)

О усопших

Помяни, Господи, от жития сего отшедшия правове́рные царі и царіцы, благове́рные князи и княгіни, святѣйшія патриархи, пресвященныя митрополіты, архиепіскопы и епіскопы правосла́вныя, во иерейстем же и в причте церковнем, и мона́шеством чине Тебѣ послужившія, и в вѣчных Твоихъ селѣніих со святыми упоко́й. (Поклон)

Помяни, Господи, ду́ши усо́пших рабо́в Твоихъ, роди́телей моихъ (*имена их*), и всехъ сродниковъ по плоти; и прости ихъ вся согрѣшенія во́льная и нево́льная, да́руя им Царство и прича́стие вѣчных Твоихъ благо́х и Твоея безконѣчныя и блаженныя жи́зни наслажде́ние. (Поклон)

Помяни, Господи, и вся в наде́жди воскресе́нія и жи́зни вѣчныя усо́пшія, отцы и бра́тию на́шу, и сестры, и zde лежа́щія и повсю́ду, правосла́вныя христиа́ны, и со святыми Твоими, иде́же присеща́ет свет лица́ Твоего́, всели, и нас помі́луй, я́ко Благ и Человеколюбец. Ами́нь. (Поклон)

Пода́ждь, Господи, оставле́ние грехо́в всемъ пре́жде отше́дшимъ в ве́ре и наде́жди воскре-

сѣнія, отцѣм, брѣтѣям и сестрѣм нашим и сотвори им вѣчную пѣмѣя. (*Трижды*)

Окончание молитв

Достѣйно есть яко войстину блажити Тя Богородицу, Присноблаженную и Пренепорѣчную и Мѣтерь Бѣга нашего. Честнѣйшую Херувим и слѣвнейшую без сравнѣния Серафим, без ислѣния Бѣга Слово рѣдшую, сущую Богородицу Тя величаѣм.*

Слава, и ныне: Господи, помилуй. (*Трижды*)

Господи, Иисусе Христе, Сыне Бѣжий, молитв ради Пречистыя Твоея Мѣтере, преподѣбных и богонѣсных отец наших и всех святых помилуй нас. Аминь.

* От Пасхи до Вознесения вместо этой молитвы читается припев и ирмос 9-й песни пасхального канона:

«Ангел вопияше Благодѣтней: Чистая Дѣво, радуйся! И пѣки реку: радуйся! Твой Сын воскресѣ триднѣвен от грѣба и мѣртвыя воздвигнувый; людие, веселитесь!

Светисѣя, светисѣя, нѣвый Иерусалиме, слава бо Господня на тебѣ возсия. Ликуй ныне и веселисѣя, Сиѣне. Ты же, Чистая, красуйся, Богородице, о востѣнии Рождества Твоего».

Это замечание относится и к молитвам на сон грядущим.



МОЛИТВЫ НА СОН ГРЯДУЩИМ

Во имя Отца, и Сына, и Святаго Духа.
Аминь.

Господи Иисусе Христэ, Сыне Божий, мо-
литв ради Пречистыя Твоея Матере, преподобных и богоносных отец наших и всех святых, помилуй нас. Аминь.

Слава Тебэ, Боже наш, слава Тебэ.

Царю Небесный, Утешителю, Душе истинны, Иже вездэ сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. (Трижды)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости безза-

кѡнія нѡша; Святѣй, посетѣ и исцелѣ нѣмо-
щи нѡша, ѣмене Твоегѡ рѡди.

Гѡсподи, помѣлуй. (*Трижды*) Слѡва, и
нынѣ:

Отче нѡш, Иже еси на небесѣх! Да святѣт-
ся ѣмя Твое, да приѣдет Цѡрствие Твое, да
бѣдет воля Твоя, ѣко на небеси и на земли.
Хлеб наш насущный даждь нам днесь; и ос-
тави нам дѡлги нѡша, ѣкоже и мы оставля-
ем должникомъ нѡшим; и не введѣ нас во ис-
кушеніе, но избѡви нас от лукаваго.

Тропарѣ

Помѣлуй нас, Гѡсподи, помѣлуй нас; вся-
каго бо отвѣта недоумѣюще, сѣю Ти молѣт-
ву ѣко Владѣце грѣшнии приносим: помѣлуй
нас.

Слава: Гѡсподи, помѣлуй нас, на Тя бо упо-
вахом; не прогнѣвайся на ны зело, ниже по-
мянѣ беззакѡний нѡших, но призри и нынѣ
ѣко благоутрѡбен, и избѡви ны от врагъ нѡ-
ших; Ты бо еси Богъ наш, и мы людіе Твой,
вси делѡ руку Твоею, и ѣмя Твое призываем.

И нынѣ: Милосѣрдѣя двѣри отвѣрзи нам,
благословѣнная Богорѡдице, надѣющіися на
Тя да не погѣбнем, но да избѡвимся Тобѡю

от бед: Ты бо еси спасение рода христианскаго.

Господи, помилуй. (12 раз)

**Молитва 1-я, святого Макария Великого,
к Богу Отцу**

Бо́же вѣчный и Царю всякаго создáния, сподóбивый мя да́же в час сей dospéти, прости ми грехи́, я́же сотвори́х в сей день дѣлом, слóвом и помышлѣнием, и очисти, Господи, смиренную мою́ дýшу от всякя сквѣрны плóти и дýха. И даждь ми, Господи, в но́щи сей сон прейти́ в мѣре, да востáв от смиреннаго ми лóжа, благоугождý пресвятóму имени Твоемý, во вся дни животá моего́, и поперý борющия мя врагѣ плотскія и безплóтныя. И избáви мя, Господи, от помышлѣний сýетных, оскверняющих мя, и пóхотей лука́вых. Яко Твое́ есть цáрство и сѣла и сла́ва, Отца́ и Сына и Свята́го Дýха, ны́не и прѣсно и во вѣки веко́в. Ами́нь.

**Молитва 2-я, святого Антиоха,
ко Господу нашему Иисусу Христу**

Вседержителю, Слово Отчее, Сам совершён сый, Иисýсе Христé, мно́гаго ра́ди милосѣрдия Твоего́ никогда́же отлучáйся менé, раба́ Твоего́, но всегда́ во мне почивáй. Иисý-

се, добрый Пастырю Твоих овец, не предаждь менѣ крамолѣ змийне, и желанію сатанинѹ не остави менѣ, яко сѣмя тли во мнѣ есть. Ты ѹбо, Господи Бѣже покланяемый, Царю Святѣй, Иисусе Христѣ, спяща мя сохрани немерцающим свѣтом, Духом Твоим Святѣм, Имже освятил еси Твоя ученики. Дажь, Господи, и мнѣ, недостѣйному рабѹ Твоемѹ, спасѣние Твое на лѣжи моѣм: просвети ум мой свѣтом разума святаго Евѣнгелия Твоего, дѹшу любѣвию Креста Твоего, сѣрдце чистотою словесѣ Твоего, тѣло моѣ Твоею страстию безстрастною, мысль мою Твоим смирѣнием сохрани, и воздвигни мя во время подобно на Твое славослѣвие. Яко препрославлен еси со Безначальным Твоим Отцѣм и с Пресвятым Духом во вѣки. Аминь.

**Молитва 3-я,
ко Пресвятому Духу**

Господи, Царю Небесный, Утѣшителю, Дѹше истины, умиласѣрдися и помилуй мя грѣшнаго раба Твоего, и отпусти ми недостѣйному, и прости вся, елика Ти согрѣших днесь яко человек, пѣче же и не яко человек, но и горѣе скота, вѣольныя моя грѣхи и невѣольныя, вѣдомыя и невѣдомыя: яже от юности и от науки злы, и яже суть от

нагльства и унынія. Аще именем Твоим
кляхся, или похулих е в помышлѣнии моем;
или когѡ укорих; или оклеветах когѡ гнѣ-
вом моим, или опечалих, или о чем прогнѣ-
вахся; или солгах, или безгѡдно спях, или
нищ прииде ко мне, и презрѣх егѡ; или брѧ-
та моего опечалих, или свѧдих, или когѡ
осудих; или развеличахся, или разгордѣхся,
или разгнѣвахся; или стоящу ми на молѣт-
ве, ум мой о лукавствии мѣра сего подви-
жется, или возвращѣние помыслих; или
объядохся, или опихся, или без ума смеях-
ся; или лукавое помыслих, или доброту
чуждую видѣх, и тою уязвлен бых сѣрдцем;
или неподѡбная глаголах, или греху брѧта
моегѡ посмеяхся, мой же суть безчисленная
согрѣшѣнія; или о молѣтве не радих, или
ино что содѣях лукавое, не помню, та бо
вся и бѡльша сих содѣях. Помилуй мя,
Творче мой Владыко, унылаго и недостѡй-
наго раба Твоегѡ, и остави ми, и отпусти, и
прости мя, яко Благ и Человеколюбец, да с
миром лягу, усну и почию, блудный, грѣш-
ный и окаянный аз, и поклонюся, и воспою,
и прославлю пречестное имя Твое, со От-
цем, и Единородным Его Сыном, ныне и
присно, и во вѣки. Аминь.

**Молитва 4-я,
святого Макария Великого**

Что Ти принесу́, или́ что Ти возда́м, великодарови́тый Безсме́ртный Царю́, ще́дре и человеколю́бче Го́споди, я́ко леня́щаяся мене́ на Твое́ угожде́ние, и ничто́же бла́го сотво́рша, привёл еси́ на ко́нec мимоше́дшаго дне сего́, обра́щение и спасе́ние ду́ш моёй стро́я? Милостив ми бу́ди грёшному и обна́женному вся́каго де́ла бла́га, возста́ви па́дшую мою́ ду́шу, оскверни́вшуюся в безме́рных согреше́ниях, и оты́ми от мене́ весь по́мысл лука́вый ви́димаго сего́ жити́я. Прости́ моя́ согреше́ния, еди́не Безгрёшне, я́же Ти согреси́х в сей день, ве́дением и неве́дением, сло́вом, и де́лом, и помышле́нием, и все́ми моими́ чу́вствы. Ты Сам, покрыва́я, сохрани́ мя от вся́каго сопроти́внаго обстоя́ния Божество́нною Твое́ю вла́стию, и неизрече́нным человеколю́бием, и си́лою. Очи́сти, Бо́же, очи́сти мно́жество грехо́в моих. Благоволи́, Го́споди, изба́вити мя от се́ти лука́ваго, и спаси́ стра́сную мою́ ду́шу, и осени́ мя све́том лица́ Твоего́, егда́ при́идеши во сла́ве, и неосу́ждённа ны́не сном усну́ти сотвори́, и без мечта́ния, и несму́щен по́мысл раба́ Твоего́ соблюди́, и всю сатанину́ де́тель отжени́ от мене́, и про-

свѣти ми разумныя очи сердечныя, да не усну въ смерть. И послѣ ми Ангела мирна, хранителя и наставника души и телу моему, да избавит мя от враг моих; да востав со одра моего, принесу Ти благодарственныя молебны. Ей, Господи, услыши мя грешнаго и убогаго раба Твоего, изволеніем и совѣстію; даруй ми воставшу словесем Твоимъ поучитися, и уныніе бесовское далѣче от мене отгнано быти сотвори Твоими Ангелы; да благословлю имя Твое святое, и прославлю, и славлю Пречистую Богородицу Марію, Юже дал еси нам грешнымъ заступленіе, и приими Сію молящуюся за ны; вемъ бо, яко подражаетъ Твое человеколюбіе, и молящися не престаётъ. Той заступленіемъ, и Честнаго Креста знаменіемъ, и всехъ святыхъ Твоихъ ради, убогую душу мою соблюди, Иисусе Христѣ Божѣ нашъ, яко Свят еси, и препрославленъ во вѣки. Аминь.

Молитва 5-я

Господи Божѣ нашъ, еже согрешихъ во дни семъ словомъ, деломъ и помышленіемъ, яко Благъ и Человеколюбецъ прости ми. Миренъ сонъ и безмятеженъ даруй ми. Ангела Твоего хранителя послѣ, покрывающа и соблюдающа мя от всякаго зла, яко Ты еси хранитель душамъ и телесемъ нашимъ, и Тебѣ славу возсылаемъ,

Отцѹ и Сыну и Святому Дѹху, ныне и прѣсно и во веки веков. Аминь.

Молитва 6-я

Господи Бже наш, в Негоже веровахом, и Егоже имя паче всякаго имени призываем, даждь нам, ко сну отходящим, ослабу души и телу, и соблюди нас от всякаго мечтания, и темныя сласти кроме; устави стремление страстей, угаси разжжения востания телеснаго. Даждь нам целомудренне пожити дела и словеса; да добродетельное жителство восприимлюще, обетованных не отпадём благих Твоих, яко благословен еси во веки. Аминь.

Молитва 7-я, святого Иоанна Златоуста

(24 молитвы, по числу часов дня и ночи)

¹ Господи, не лишй мене небесных Твоих благ. ² Господи, избави мя вечных мук. ³ Господи, умом ли или помышлением, словом или делом согреших, прости мя. ⁴ Господи, избави мя всякаго неведения и забвения, и малодушия, и окамененнаго нечувствия. ⁵ Господи, избави мя от всякаго искушения. ⁶ Господи, просвети моё сердце, еже помрачи лукавое похотение. ⁷ Господи, аз яко человек согреших, Ты же, яко Бог щедр, помилуй мя,

вѣдя нѣмощь души моея. ⁸ Гóсподи, послѣ благодать Твою в по́мощь мне, да прослávлю ѡмя Твое свято́е. ⁹ Гóсподи Иисýсе Христѣ, напиши́ мя раба́ Твоего́ в кни́зе живóтней и да́руй ми конѣцъ бла́гій. ¹⁰ Гóсподи, Бо́же мой, а́ще и ничто́же бла́го сотвори́х предъ Тобо́ю, но даждь ми по благодати Твое́й положи́ти нача́ло благо́е. ¹¹ Гóсподи, окропи́ в се́рдце моёмъ ро́су благодати Твоея́. ¹² Гóсподи небесе́ и земли́, помяни́ мя грѣшнаго раба́ Твоего́, стýднаго и нечи́стаго, во Ца́рствии Твоёмъ. Ами́нь.

¹ Гóсподи, в покая́нии приими́ мя. ² Гóсподи, не оста́ви мене́. ³ Гóсподи, не введи́ мене́ в напа́сть. ⁴ Гóсподи, даждь ми мысль бла́гу. ⁵ Гóсподи, даждь ми слѣзы и па́мять смѣртную, и умилѣние. ⁶ Гóсподи, даждь ми по́мысл исповѣдания грехо́в моихъ. ⁷ Гóсподи, даждь ми смире́ние, целому́дріе и послуша́ние. ⁸ Гóсподи, даждь ми терпе́ние, великодúшие и крóтость. ⁹ Гóсподи, всели́ в мя ко́рень бла́гихъ, страхъ Твой в се́рдце моё. ¹⁰ Гóсподи, сподóби мя любóвити Тя от всея́ души моея́ и помы́шления и твори́ти во всемъ во́лю Твою́. ¹¹ Гóсподи, покрый́ мя от челове́к нѣкоторыхъ, и бесо́в, и страсте́й, и от вся́кія ины́я неподóбныя ве́щи. ¹² Гóсподи, веси́, я́ко твори́ши, я́коже Ты во́лиши, да бу́дет во́ля Твоя́ и во

мне грѣшнем, яко благословѣн еси во вѣки.
Аминь.

Молитва 8-я, ко Господу нашему Иисусу Христу

Господи Иисусе Христѣ, Сыне Божий, ради честнѣйшия Матере Твоея, и безплотных Твоих Ангел, Пророка же и Предтечи и Крестителя Твоего, богоглаголивых же апостол, свѣтлых и добропобѣдных мученик, преподобных и богоносных отец, и всех святых молитвами, избави мя настоящаго обстояния бесовскаго. Ей, Господи мой и Творче, не хотяи смерти грешнаго, но якоже обратитися и живу быти ему, даждь и мне обращение окаянному и недостойному; изми мя от уст пагубнаго змия, зияющаго пожрети мя и свести во ад жива. Ей, Господи мой, утешение мое, Иже мене ради окаяннаго в тленную плоть оболкийся, исторгни мя от окаянства, и утешение подаждь души моей окайней. Всади в сердце мое творити Твоя повеления, и оставити лукавая деяния, и получиши блаженства Твоя: на Тя бо, Господи, уповах, спаси мя.

**Молитва 9-я, ко Пресвятой Богородице,
Петра Студийского**

К Тебѣ Пречистей Божией Матери аз окайный припадая молюся: вѣси, Царице, яко

безпрестани согрешаю и прогневляю Сына Твоего и Бога моего, и многажды аще каюся, лож пред Богом обретаюся, и каюся трепеща: не ужели Господь поразит мя, и по часе паки таяжде творю; ведущи сия, Владычице моя Госпоже Богородице, молю, да помилуеши, да укрепиши, и благая творити да подаси ми. Веси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего; но не вем, Госпоже Пречистая, откуда яже ненавижду, та и люблю, а благая преступаю. Не попускай, Пречистая, воли моей совершатися, не угодна бо есть, но да будет воля Сына Твоего и Бога моего: да мя спасет, и вразумит, и подаст благодать Святаго Духа, да бых аз отселе престал сквернодейства, и прочее пожил бых в повелении Сына Твоего, Емуже подобает всякая слава, честь и держава, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков, аминь.

**Молитва 10-я,
ко Пресвятой Богородице**

Благого Царя благая Мати, Пречистая и Благословенная Богородице Марие, милость

Сына Твоего и Бога нашего излей на страстную мою душу и Твоими молитвами настави мя на деяния благая, да прочее время живота моего без порока преиду и Тобою рай да обрящу, Богородице Дёво, едина Чистая и Благословенная.

**Молитва 11-я,
ко святому Ангелу хранителю**

Ангеле Христов, хранителю мой святыи и покровителю души и тела моего, вся ми прости, елика согреших во днешний день, и от всякаго лукавствия противнаго ми врага избави мя, да ни в коемже гресе прогневаю Бога моего; но моли за мя грешнаго и недостойнаго раба, яко да достоин мя покажеши благодати и милости Всесвятыя Троицы и Матере Господа моего Иисуса Христа и всех святых. Аминь.

Кондак Богородице

Взбранной Воеводе победительная, яко избавльшися от злых, благодарственная восписуем Ти раби Твой, Богородице, но яко имущая державу непобедимую, от всяких нас бед свободи, да зовём Ти: радуйся, Невесто Невестная.

Преслávная Приснодéво, Мáти Христа́ Бо́га, принеси́ на́шу моли́тву Сы́ну Твоему́ и Бо́гу на́шему, да спасёт Тобо́ю ду́ши на́ша.

Все упова́ние моё на Тя возлага́ю, Мáти Бо́жия, сохрани́ мя под кро́вом Твоём.

Богоро́дице Дéво, не прéзри мене́ грéшнаго, трéбующа Твоея́ по́мощи и Твоего́ заступлénия, на Тя бо упова́ душа́ моя, и помíлуй мя.

Молитва святого Иоанникия

Упова́ние моё Оте́ц, прибéжище моё Сын, покрóв мой Дух Святы́й: Тро́ице Свята́я, сла́ва Тебé.

Досто́йно есть я́ко войстинну блаж́ити Тя, Богоро́дицу, Присноблажénную и Пренепоро́чную и Мáтерь Бо́га на́шего. Честнéйшую Херув́им и слáвнейшую без сравнénия Сераф́им, без ислénия Бо́га Сло́ва ро́ждшую, су́щую Богоро́дицу Тя велича́ем.

Слава, и ныне: Го́споди, помíлуй. (*Трижды*)

Го́споди Иисýсе Христé, Сы́не Бо́жий, моли́тв ра́ди Пречы́стия Твоея́ Мáтере, преподо́бных и богоно́сных оте́ц на́ших и всех святы́х, помíлуй нас. Ами́нь.

Молитва святаго Иоанна Дамаскина

Владыко Человеколюбче, не ужэли мне одр сей гроб бѹдет, или ещѣ окаянную мою дѹшу просветиши днем? Се ми гроб предлежит, се ми смерть предстоит. Судѹ Твоего, Господи, боюся и мѹки безконечныя, злое же творѹ не престаю: Тебѣ Господа Бога моего всегда прогневляю, и Пречистую Твою Матерь, и вся Небесныя силы, и святаго Ангела хранителя моего. Вем ѹбо, Господи, яко недостѹин есмь человеколюбия Твоего, но достѹин есмь всякаго осужденія и мѹки. Но, Господи, или хощѹ, или не хощѹ, спаси мя. Аще бо праведника спасеши, ничтѹже велие; и аще чистаго помилуеши, ничтѹже дивно: достѹини бо суть милости Твоя. Но на мене грешнем удивѹ милость Твою: о сем яви человеколюбие Твое, да не одолеет моя злоба Твоей неизглаголанней благодати и милосердию: и якоже хощеши, устрой о мне вещь.

Просвети очи мой, Христѣ Бѹже, да не когда уснѹ в смерть, да не когда речет враг мой: укрепихся на него.

Слава: Застѹпник душі моея бѹди, Бѹже, яко посреде хождѹ сетей многих; избави мя от них и спаси мя, Блаже, яко Человеколюбец.

И ныне: Пресла́вную, Бо́жию Ма́терь, и святы́х Ангел Святѣйшую, немóлчно воспо́йм сѣрдцем и усты́, Богоро́дицу сию́ испове́дающе, я́ко вои́стинну ро́ждшую нам Бо́га воплоще́нна, и моля́щуюся непреста́нно о ду́шах на́ших.

Зна́менуй себя крестом и говори молитву
Честно́му Кресту:

Да воскрѣснет Бог, и расточа́тся врази́ Его́, и да бежа́т от лица́ Его́ ненави́дящии Его́. Я́ко исчеза́ет дым, да исче́знут; я́ко та́ет воск от лица́ огня́, та́ко да поги́бнут бе́си от лица́ лю́бящих Бо́га и зна́менующихся крѣстным зна́мением, и в весе́лии глаго́лющих: ра́дуйся, Пречестный и Животворя́щий Крѣсте Госпо́день, прогоня́яй бе́сы си́лою на тебе́ про́пятаго Го́спода на́шего Иису́са Христа́, во ад сше́дшаго и попра́вшаго си́лу диа́волю, и дарова́вшаго нам тебе́ Крест Свой Честный на прогна́ние вся́каго супоста́та. О, Пречестный и Животворя́щий Крѣсте Госпо́день! Помога́й ми со Свято́ю Госпоже́ю Де́вою Богоро́дицею и со все́ми святы́ми во ве́ки. Ами́нь.

Или кратко:

Огради́ мя, Го́споди, си́лою Честна́го и Животворя́щаго Твоего́ Креста́, и сохрани́ мя от вся́каго зла.

Молитва

Осла́би, оста́ви, прости́, Бо́же, прегреше́ния на́ша, во́льная и нево́льная, я́же в сло́ве и в де́ле, я́же в ве́дении и не в ве́дении, я́же во дни и в но́щи, я́же во уме́ и в помы́шлении: вся нам прости́, я́ко Благ и Человеколю́бец.

Молитва

Ненавѣдящих и обидящих нас прости́, Го́споди Человеколю́бче. Благотворящим благосотвори́. Бра́тиям и сро́дником на́шим да́руй я́же ко спасе́нию проше́ния и жизнь ве́чную. В не́мощих сущія посети́ и исцелѣние да́руй. Иже на мѣри упра́ви. Путешѣствующим спутешѣствуй. Служа́щим и мѣлюющим нас грехѡв оставлѣние да́руй. Заповѣдавших нам недостѡйным моли́тися о них помѣлуй по вели́цей Твое́й мѣлости. Помяни́, Го́споди, прѣжде усо́пших оте́ц и бра́тий на́ших и упоко́й их, иде́же присещает свет лица́ Твоего́. Помяни́, Го́споди, бра́тий на́ших пленѣнных и изба́ви я от всякаго обстоя́ния. Помяни́, Го́споди, плодоно́сящих и добродѣлающих во святы́х Твоѣих цѣрквах, и даждь им я́же ко спасе́нию проше́ния и жизнь ве́чную. Помяни́, Го́споди, и нас, смире́нных и грѣшных и

недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистой Владычицы нашей Богородицы и Приснодевы Марии и всех Твоих святых: яко благословен еси во веки веков. Аминь.

Исповедание грехов повседневное

Исповѣдаю Тебѣ Господу Богу моему и Творцу, во Святей Троице Единому, слави-мому и покланяемому, Отцу, и Сыну, и Святому Духу, вся моя грехи, яже содеях во вся дни живота моего, и на всякий час, и в настоящее время, и в прешедшие дни и ночи, делом, словом, помышлением, объядением, пьянством, тайноядением, празднословием, унынием, леностию, прекословием, непослушанием, оклеветанием, осуждением, небрежением, самолюбием, многостязанием, хищением, неправдоглаголанием, скверноприбытчеством, мшелоимством, ревнованием, завистию, гневом, памятозлобием, ненавистию, лихойимством и всеми моими чувствами: зрением, слухом, обонянием, вкусом, осязанием и прочими моими грехи, душевными вкупе и телесными, имиже Тебѣ Бога моего и Творца прогневах, и ближняго моего онеправдовах: о сих жалея, винна себе Тебѣ Богу мо-

ему представляю, и имѣю волю каятися: то-
чию, Господи Бóже мой, помози ми, со сле-
зѣми смиренно молю Тя: прешѣдшая же со-
грѣшения моя милосердіем Твоимъ прости ми,
и разреши отъ всехъ сихъ, яже изглаголахъ предъ
Тобою, яко Благъ и Человеколюбецъ.

Когда отходишь ко сну, произноси:

Въ руце Твой, Господи Иисусе Христѣ, Бó-
же мой, предаю духъ мой: Ты же мя благосло-
ви, Ты мя помилуй и животи вечный даруй ми.
Аминь.



✓

ТРИ КАНОНА (ИИСУСУ СЛАДЧАЙШЕМУ, МОЛЕБНЫЙ БОГОРОДИЦЕ И АНГЕЛУ ХРАНИТЕЛЮ)

Песнь 1

Во глубинѣ постлѣ иногда фараонѣтское всевоинство преоружѣнная сила, воплощающееся же Слово всезлѣбный грех потребило есть; препрославленный Господь, славно бо прославился.

Спасителю

Припев: Иисусе Сладчайший, спаси мя.

Иисусе Сладчайший Христѣ, Иисусе долготерпеливе, души моея язвы исцели, Иисусе, и услади сердце мое, Многомилостиве, молюся, Иисусе Спасе мой, да величаю тя спасаемый.

Иисусе Сладчайший Христѣ, Иисусе, отверзи ми покаяния дверь, Человеколюбче Иисусе, и прими мя, Тебѣ припадающа и

тѣпле просяща, Иисусе Спасе мой, согрешѣний прощѣния.

Иисусе Сладчайший Христѣ, Иисусе, исхити мя из руки льстиваго велиара, Иисусе, и сотвори деснаго предстоятеля славы Твоея, Иисусе Спасе мой, части шуйи мя избавляяй.

Богородицен: Иисуса рождшая Бѣга, Владычице, моли о непотрѣбных рабѣх, Пречистая, яко да муки молитвами Твоими избавимся, Нескверная, оскверненнии, славы присносущныя наслаждающесея.

Богородице

Припев: Пресвятая Богородице, спаси нас.

Многими содержимъ напастьми, к Тебѣ прибегаю, спасѣния иский: о Мати Слова и Дѣво, от тяжких и лютых мя спаси.

Страстей мя смущают прилози, многаго унынія исполнити мою душу; умири, Отроковице, тишиною Сына и Бѣга Твоего, Всенепорочная.

Спаса рождшую Тя и Бѣга, молю, Дѣво, избавитися ми лютых: к Тебѣ бо ныне прибегаю, простираю и душу и помышление.

Недугующа тѣлом и душею, посещѣния Божественнаго и промыслѣния от Тебѣ сподо-

би, едина Богомати, яко благая, Благого же Родительница.

Ангелу хранителю

*Иисусу: Господи Иисусе Христе Боже мой, помилуй мя.**

Песнь воспети и восхвалити, Спасе, Твоего раба достойно сподоби, безплотному Ангелу, наставнику и хранителю моему.

Припев: Святы́й Ангеле Бо́жий, хранителю мой, моли́ Бо́га о мне.

Един аз в неразумии и в лени нынче лежу, наставниче мой и хранителю, не остави мене погибающа.

Слава: Ум мой твоею молитвою направи, творити ми Божия повеления, да получу от Бога оддание грехов, и ненавидети ми злых настави мя, молюся ти.

И ныне: Молися, Девице, о мне, рабе Твоем, ко Благодателю, со хранителем моим Ангелом, и настави мя творити заповеди Сына Твоего и Творца моего.

* Тропарь Иисусу Христу только в первой и девятой песнях канона Ангелу хранителю.

Песнь 3

На камене мя véры утвердив, разширил еси уста
моя на враги моя, возвесели бо ся дух мой, внегда
пéти: несть свят, я́коже Бог наш, и несть праведен,
па́че Тебé, Го́споди.

Спасителю

Услыши, человеколю́бче Иису́се мой, раба́
Твоего́, вопи́юща во умилéнии, и изба́ви мя,
Иису́се, осужде́ния и му́ки, еди́не долготер-
пели́ве, Иису́се Сладча́йший многомíло-
стиве.

Подыми́ раба́ Твоего́, Иису́се мой, припада́-
юща со слеза́ми, Иису́се мой, и спаси́ Иису́-
се мой, ка́ющагося мя и геéнны, Влады́ко, из-
ба́ви, Иису́се сладча́йший многомíлостиве.

Вре́мя, Иису́се мой, е́же дал ми еси́, в
стра́сти ижди́х, Иису́се мой, те́мже Иису́се
мой, не отве́ржи мя, но воззови́ молю́ся, Вла-
ды́ко, Иису́се сладча́йший, и спаси́.

Богоро́дичен: Де́во ро́ждшая Иису́са мо-
его́, моли́ изба́вити мя геéнны, еди́но пред-
ста́тельство оскорбля́емых, богоблагодáтная,
и сподо́би мя жи́зни, всенепоро́чная неста-
ре́ющаяся:

Предста́тельство и покрóв жи́зни моея́ по-
лагаю́ Тя, Богороди́тельнице Де́во: Ты мя

окорми ко пристанищу Твоему, благих виновна; верных утверждение, еди́на Всепета́я.

Молю, Де́во, душевное смущение и печали моея́ бу́рю разорити: Ты бо, Богоневѣстная, нача́льника тишины́ Христа́ родила еси́, еди́на Пречистая.

Благодетеля ро́ждши до́брых виновнаго, благодея́ния бога́тство всем источи́, вся бо мо́жеши, я́ко си́льнаго в крѣпости Христа́ ро́ждши, Богоблаже́нная.

Лютыми недуги и болѣзненными страстьми истязáему, Де́во, Ты ми помози́: исцелений бо неоску́дное Тя зна́ю сокровище, Пренепоро́чная, неизживáемое.

Ангелу хранителю

Все помышлѣние моё и ду́шу мою́ к тебѣ возложих, хранителю мой; ты от всякия мя напа́сти вра́жия изба́ви.

Враг попира́ет мя, и озлобля́ет, и поуча́ет всегда́ творити своя́ хотѣния; но ты, наста́вниче мой, не оста́ви мене́ погиба́юща.

Слава: Пѣти песнь со благодарением и усердием Творцу́ и Бо́гу даждь ми, и тебѣ, благо́му Ангелу хранителю моему́: изба́вителю мой, изми́ мя от враг озлобля́ющих мя.

И ныне: Исцели, Пречистая, моя многонедужныя струпы, яже в души, прожени враги, иже присно борются со мною.

Господи, помилуй. (*Трижды*)

Кондаки, глас 6-й

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву, и потщися на умоление, предстательствующи присно, Богородице, чтущих Тя.

Не имамы иных помощи, не имамы иных надежды, разве Тебе, Пречистая Дево. Ты нам помози, на Тебе надеемся и Тобою хвалимся, Твой бо есмь раби, да не постыдимся.

Стихира, глас тойже

Не ввери мя человеческому предстательству, Пресвятая Владычице, но прими моление раба Твоего: скорбь бо обдержит мя, терпети не могу демонскаго стреляния, покрова не имам, ниже где прибегну окаянный, всегда побеждаемь, и утешения не имам, разве Тебе, Владычице мира, упование и пред-

стѣтельство верных, не прѣзри молѣние мое,
полѣзно сотвори.

Кондак, глас 4-й

Явися мне милосѣрд, святыи Ангеле Гос-
подень, хранителю мой, и не отлучайся от ме-
не сквернаго, но просвети мя светом непри-
косновенным, и сотвори мя достойна Царст-
вия Небеснаго.

Икос

Уничиженную душу мою многими соблаз-
ны, ты, святыи предстателю, неизреченныя
славы небесныя сподоби, и певец с лики без-
плотных сил Божиих, помилуй мя и сохра-
ни, и помысли добрыми душу мою просвети,
да твоєю славою, Ангеле мой, обогащуся, и
низложу зломыслящихъ мне враги, и сотвори
мя достойна Царствия Небеснаго.

Седален, глас 1-й

Спасе мой Иисусе, блуднаго спасый Спасе
мой Иисусе, приемыи блудницу, и мене ныне
помилуй, Иисусе многомилостиве, спаси,
ущедри, о Иисусе благодетелю, якоже бла-
гоутробне, Манассию, Иисусе мой, яко един
человеколюбец.

Седалны, глас 2-й

Моленіе тёплое и стена необорімая, мѣлости истѣчнице, мѣрови прибѣжище, прилѣжно вопіемъ Ти: Богородице Владычице; предварѣи, и отъ бедъ избави насъ, едина вскорѣ предстательствующая.

Отъ любве душевныя вопію ти, хранителю моея души, всесвятѣй мой Ангеле: покрѣй мя и соблюди отъ лукаваго ловленія всегда, и къ жизни настави небесней, вразумляя и просвѣщая и укрепляя мя.

Слава, и ныне: Богородице безневѣстная Пречѣстая, Яже безъ семени рѣдши всехъ Владыку, Того со Ангеломъ хранителемъ моимъ моли, избавитимся всякаго недоумѣнія, и дати умилѣніе и свѣтъ души моея и согрѣшеніемъ очищеніе, Яже едина вскорѣ заступающа.

Песнь 4

Пришелъ еси отъ Дѣвы не ходатай, ни Ангелъ, но Самъ, Господи, воплощся, и спасъ еси всего мя, человека. Темъ зову Ти: слава силѣ Твоей, Господи.

Спасителю

Исцели Иисусе мой души моея язвы, Иисусе мой, молюся, и руки мя исхити, Иисусе

мой благоутрѣбне, душетлѣннаго велиара, и спаси.

Согрѣших, Иисусе мой сладчайший благоутрѣбне, Иисусе мой, спаси мя прибегающаго к покрову Твоему, Иисусе долготерпеливе, и Царствия Твоего мя сподоби.

Никтоже согрѣши, Иисусе мой, якоже согрѣших аз окайнный: но припадаю моляся, Иисусе мой, спаси мя, и жизни, Иисусе мой, наслѣдие ми даруй.

Богородицен: Всепѣтая Иисуса рождающая Господа, того моли, избавити муки вся поющая тя, и Богородицу воистинну именующия.

Богородице

Страстей моих смущение, кормчию рождающая Господа, и бурю утиши моих прегрешений, Богоневѣстная.

Милосердия Твоего бездну призывающую подаждь ми, Яже Благосердаго рождающая и Спаса всех поющих Тя.

Наслаждающаяся, Пречистая, Твоих дарований, благодарственное воспеваем пение, вѣдущее Тя Богоматерь.

На одре болѣзни моея и немощи низлежащу ми, яко Боголюбива, помози, Богородице, единая Приснодево.

Надёжду и утверждѣние и спасѣнія стѣну недвижиму имѹще Тя, Всепѣтая, неудобства всякаго избавляемся.

Ангелу хранителю

Моли Человеколюбца Бѹга ты, хранителю мой, и не остави мене, но присно в мѣре житіе моѣ соблюди и подаждь ми спасѣние неоторимое.

Яко заступника и хранителя животу моему приѣм ты от Бѹга, Ангеле, молю ты, святый, от всяких мя бед свободи.

Слава: Мою скверность твоєю святынею очисти, хранителю мой, и от части шуйи да отлучен буду молитвами твоими и причастник славы явлюся.

И ныне: Недоумѣние предлежит ми от обышедших мя зол, Пречистая, но избави мя от них скоро: к Тебѣ бо единой прибегахъ.

Песнь 5

Просвѣщеніе во тмѣ лежащих, спасѣние отчаянных Христѣ Спасе мой, к Тебѣ утреннюю царю мѣра, просвети мя сияніем Твоим: иного бо разве Тебѣ Бѹга не знаю.

Спасителю

Ты просвещеніе, Иисусе мой, ума моего,
Ты спасеніе отчаянныхъ душъ моея Спасе, Ты
Иисусе мой муки избави и геенны мя зовуща:
спаси, Иисусе мой Христѣ, мя окайннаго.

Всеконечно, Иисусе мой, ко страсти
безчестія низвержен нынѣ зову: Ты Иисусе
мой помощи ми руку низпославъ, исторгни зо-
вуща: спаси, Иисусе мой Христѣ, мя окайн-
наго.

Оскверненъ умъ, Иисусе мой, обносѣ, взываю
Ти: очисти мя от скверны прегрешеній, и из-
бави мя во глубины злобы от неведения низ-
поползшагося Спасе Иисусе мой, и спаси мя,
молюся.

Богородичен: Иисуса рождающая отрокови-
це Богородительнице, того умоли, спасти вся
православныя монахи, и мирскія, и геенны
избавити зовущыя: разве Тебѣ предстатель-
ства твердаго не знаемъ.

Богородице

Исполни, Чистая, веселія сердце мое,
Твою нетленную даючи радость, веселія
рождающая виновнаго.

Избáви нас от бед; Богорóдице чýстая, вéчное рóждши избавлénие, и мир, всяк ум премýщий.

Разрешí мглý прегрешénий моих, Богоневéсто, просвещénием Твоея свётлости, Свет рóждшая Божéственный и превéчный.

Исцелí, Чýстая, ду́шй моея́ неможéние, посещénия Твоего́ сподóблшая, и здравíе мо́литвами Тво́ими пода́ждь ми.

Ангелу хранителю

Яко имéя дерзновénие к Бóгу, хранítелю мой святы́й, Сего́ умоли́ от оскорбляющих мя зол избáвити.

Свéте свётлый, свётло просветí ду́шу мою́, наставниче мой и хранítелю, от Бóга да́нный ми Ангеле.

Слава: Спýща мя зле тяготóю грехóвною, я́ко бдýща сохрани́, Ангеле Бóжий, и возста́ви мя на славослóвие молénием тво́им.

И ныне: Марíе, Госпожé Богорóдице безневéстная, надéжду вёрных, вра́жия возношénия низложí, пою́щая же Тя возвеселí.

Песнь 6

В бѣзднѣ греховней валяясь, неизслѣдную милосердія Твоего призываю бѣздну: от тли, Бѣже, мя возведи.

Спасителю

Иисусе мой Христѣ многомилостиве, исповѣдающаяся приими мя Владыко, о Иисусе, и спаси мя, и от тли, Иисусе, мя исхити.

Иисусе мой, никтоже бысть ин блудникъ, якоже аз страстный, о Иисусе Человеколюбче, но Ты Иисусе, мя спаси.

Иисусе мой, блудницу и блуднаго, и Манассію и мытаря преидох о Иисусе мой, страстями, и разбойника, Иисусе, и ниневитяны.

Богородицен: Иисуса Христа моего рождавшая Пречистая Дѣво, едина нескверная, осквернена суща мя, молитв Твоихъ иссопом нынѣ очисти.

Богородице

Смерти и тли яко спасл есть, Сам Ся издав смерти, тлѣнием и смертию мое естество, ято бывшее, Дѣво, моли Господа и Сына Твоего, враговъ злодѣйствія мя избавити.

Предстательницу Тя животá вем и храни-
тельную твёрду, Дёво, и напáстей решáщу
молвы, и нало́ги бесов отгоняюще; и молю-
ся всегда, от тли страсте́й мо́их избáвити мя.

Яко стéну прибéжища стяжа́хом, и душ
всесовершенство́е спасéние, и пространство в
скóрбех, Отрокови́це, и просвещéнием Тво-
и́м при́сно ра́дуемся: о, Влады́чице, и ны́не
нас от страсте́й и бед спаси́.

На одре́ ны́не немощству́яй лежý, и несть
исцелéния плóти моёй: но, Бо́га и Спа́са ми́-
ру и Избáвителя недúгов рóждшая, Тебé мо-
лю́ся, Благо́й: от тли недúг возста́ви мя.

Ангелу хранителю

Вся́ких мя напáстей свободи́, и от печа́лей
спаси́, молю́ся ти, святы́й Ангеле, да́нный ми
от Бо́га, храни́телю мой до́брый.

Освети́ ум мой, бла́же, и просвети́ мя, мо-
лю́ся ти, святы́й Ангеле, и мы́слити ми по-
лэ́зная всегда́ наста́ви мя.

Слава: Уста́ви се́рдце моё от настоя́щаго
мяте́жа, и бде́ти укрепи́ мя во благо́их, хра-
ни́телю мой, и наста́ви мя чу́дно к ти́шинé
живо́тней.

И ныне: Слово Божіе в Тя вселіся, Богородице, и человеком Тя показá небесную лѣствицу; Тобою бо к нам Вышній сошелъ есть.

Кондак 1

Возбранный Воеводо и Господи, а́да победителю, ꙗко избавлься от вѣчныя смѣрти, похвѣльная воспісую Ти, создáние и раб Твой; но ꙗко имѣяй милосѣрдіе неизречѣнное, от всѣких мя бед свободѣ, зовуща: Иисусе, Сыне Божій, помилуй мя.

Икос 1

Ангелов Творче и Господи сил, отвѣрзи ми недоумѣнный ум и языкъ на похвалу пречистаго Твоего имени, ꙗкоже глухому и гугнѣвому дрѣвле слух и языкъ отвѣрзл еси, и глаголаше зовѣй таковѣя: Иисусе пречудный, Ангелов удивлѣние; Иисусе пресильный, прародителей избавлѣние. Иисусе пресладкий, патриархов величѣние; Иисусе преславный, вѣрных укреплѣние. Иисусе прелюбимый, пророков исполнѣние; Иисусе предивный, мучеников крѣпосте. Иисусе претѣхий, монахов радости; Иисусе премилостивый, пресвитеров сладосте. Иисусе премилосѣрдый, по́стников воздержѣние; Иисусе пресладостный, препод-

дѣлныхъ радѡваніе. Иисусе пречестный, дѣвственныхъ целомудріе; Иисусе предвѣчный, грѣшниковъ спасеніе. Иисусе, Сыне Божій, помилуй мя.

Песнь 7

Образу златому, на поли Деире служиму, трие Твой отроцы небрегоша безбожнаго веленія, посреде же огня ввержени, орошаеми, пояху: благословен еси, Боже отецъ нашихъ.

Спасителю

Христѣ Иисусе, никтоже согрѣши на земли отъ вѣка, о Иисусе мой, якоже согрѣшихъ азъ окайный и блудный: тѣмже Иисусе мой, вопію Ти: поюща мя ущѣдри, благословен еси Боже отецъ нашихъ.

Христѣ Иисусе, ко страху Твоему вопію, пригвозди мя, о Иисусе мой, и окорми ныне ко пристанищу благоотійшному, яко да Иисусе мой щѣдре, пою Ти спасаемый: благословен еси Боже отецъ нашихъ.

Христѣ Иисусе, тмами обещанъ Тебе страстный, о Иисусе мой, покаяніе, но солгахъ окайный, тѣмже Иисусе мой, вопію Ти: нечувственне пребывающую душу мою просвети Христѣ, отецъ Боже благословен еси.

Богородицен: Христа́ Иису́са ро́ждшая
стра́нно, и па́че естества́: Того́ моли́ Всене-
порочная, яже чрез естество́ моя́ прегреше́-
ния вся прости́ти ми, Острокови́це, да зову́
спаса́емь: благословена́ еси, Бо́га плоти́ю
ро́ждшая.

Богородице

На́ше спасе́ние я́коже восхоте́л еси́, Спа́-
се, устро́ити, во утробу Де́выя всели́лся еси́,
Ю́же ми́ру предста́тельницу показа́л еси́:
оте́ц на́ших Бо́же, благословен еси́.

Воли́теля ми́лости, Егóже родила́ еси́, Ма́-
ти чи́стая, умоли́ изба́виться от прегреше́ний
и душе́вных скверн ве́рою зову́щим: отец на́-
ших Бо́же, благословен еси́.

Сокро́вище спасе́ния и Исто́чник нетле́ния,
Тя ро́ждшую, и столп утвержде́ния, и дверь
покая́ния, зову́щим показáл еси́: отец на́ших
Бо́же, благословен еси́.

Телесны́я сла́бости и душе́вныя недуги, Бо-
городи́тельнице, любóвию присту́пающих к
кро́ву Твоему́, Де́во, исцели́ти сподо́би, Спа́-
са Христа́ нам ро́ждшая.

Ангелу хранителю

Ми́лостив бу́ди ми и умоли́ Бо́га, Госпо́-
день Ангеле, имею́ бо тя засту́пника во всем

животѣ моѣм, наставника же и хранителя, от Бѣга дарованнаго ми во вѣки.

Не остави в путь шествующія души моея окаянныя убити разбойником, святыи Ангеле, яже ти от Бѣга предана бысть непорочно; но настави ю на путь покаяния.

Слава: Всю посрамлену душу мою привожу от лукавых ми помысл и дел: но предвари, наставниче мой, и исцеление ми подаждь благих помысл, уклоняти ми ся всегда на правыя стези.

И ныне: Премудрости исполни всех и крепости Божественныя, Ипостасная Премудросте Вышняго, Богородицы ради, верую вопиющих: отец наших Бѣже, благословен еси.

Песнь 8

В пещь огненную ко отрокомъ еврейскимъ снизшедшаго, и пламень в росу преложшаго Бѣга, пойте дѣла яко Господа, и превозносите во вся вѣки.

Спасителю

Тя Иисусе мой, молю: якоже блудницу, Иисусе мой, избавил еси многихъ согрешений, тако и мене, Иисусе Христѣ мой, избави, и очисти оскверненную душу мою, Иисусе мой.

Преклонився, Иисусе, безсловесными
сластмй, безсловесен явixся, и скотом во-
истинну, о Иисусе мой, страстно окаянный
уподобихся, Спасе: темже Иисусе, безсловес-
ия мя избави.

Впад, о Иисусе, в душетлennыя разбойни-
ки, обнажixся одёжды, Иисусе мой, бого-
тканныя ныне, и лежy ранами уязвен: елей
Христё мой, возлей на мя и вино.

Богородичен: Иисуса моего и Бога носив-
шая Христа несказанно, Богородице Марие,
того моли присно, от бед спастися рабом Тво-
им, и певцем Твоим, неискусомужная Дёво.

Богородице

Помощи яже от Тебё требующия не прё-
зри, Дёво, поющия и превозносящия Тя во
вёки.

Неможёние душй моея исцеляеши и телес-
ныя болёзны, Дёво, да Тя прославлю, Чистая,
во вёки.

Исцелений богатство изливаеши верно
поющим Тя, Дёво, и превозносящим неизре-
чённое Твоё рождество.

Напастей Ты прилоги отгоняеши и стра-
стей находы, Дёво: темже Тя поём во вся
вёки.

Ангелу хранителю

От Бóга по́сланный, утверди́ живóт мой,
раба́ твоего́, преблагый Ангеле, и не оста́ви
менé во вéки.

Ангела тя сýща блага́, души́ моея́ наставля́-
ника и хранителя́, преблаже́нне, воспева́ю во
вэки.

Слава: Буди ми покрóв и забра́ло в день
испытáния всех челове́к, вóньже огнём ис-
куша́ются дела́ благáя же и злáя.

И ныне: Буди ми помóщница и тишина́, Бо-
горо́дице Присноде́во, рабу́ Твоему́, и не ос-
та́ви менé лишéна бы́ти Твоего́ влады́чества.

Песнь 9

От Бóга Бóга сло́ва, неизрече́нною му́дростию, при-
ше́дшаго обновíti Ада́ма, я́дию в тлéние па́дшаго
лю́те: от Святы́я Дéвы неизрече́нно воплотивша́гося
нас ра́ди, вёрнии единому́дренно пёсньми велича́ем.

Спасителю

Манассию́, Иису́се мой, мытаря́, блудни́-
цу, блу́днаго, ще́дре Иису́се, и разбо́йника
преидо́х, Иису́се мой, в де́лах студи́ных и без-
ме́стных Иису́се: но ты Иису́се мой предва-
рив мя спаси́.

От Адама, Иисусе мой, согрешившия вся, прежде закона и в законе, Иисусе, и по закону окаянный и благодати, Иисусе мой, победих страстьми окаянно: но Ты, Иисусе мой, судьбами Твоими спаси мя.

Да не отлучен буду, Иисусе мой, неизреченныя Твоея славы, да не улучу части, Иисусе, шуия, сладчайший Иисусе: но Ты мя десным овцам Твоим, Христэ Иисусе мой, сочетав упокой, яко благоутробен.

Богородицен: Иисуса, Богородице, егоже носила еси, еди́на неискусомо́жная Де́во Ма́рие, То́го Чы́стая, уми́лостиви, я́ко Сы́на Твоего́ и зиждителя, изба́вити притека́ющыя к Тебе́, искуше́ний и бед и огня́ бу́дущаго.

Богородице

То́ка слез мо́их не отврати́ся, Я́же от вся́каго лица́ вся́ку слезу, отъе́мшаго, Де́во, Христа́ ро́ждшая.

Ра́дости моё се́рдце испо́лни, Де́во, Я́же ра́дости прие́мшая исполне́ние, грехо́вную печаль потребля́ющи.

Приста́нище и предста́тельство к Тебе́ прибега́ющих бу́ди, Де́во, и стена́ неруши́мая, прибе́жище же и покро́в и весе́лие.

Свѣта Твоего зарями просвети, Дѣво, мрак неведѣнія отгоняючи, благовѣрно Богородицу Тя исповѣдающих.

На мѣсте озлобленія нѣмощи смири́вшагося, Дѣво, исцели, из нездравія во здравіе претворяючи.

Ангелу хранителю

Иисусу: Помилуй мя, еди́не Спа́се мой, ꙗ́ко ми́лостив еси́ и ми́лосѣрд, и пра́ведных ли́ков сотвори́ мя прича́тника.

Мы́слити ми прісно и творіти, Господень Ангеле, благая и полѣзная да́руй, ꙗ́ко си́льна яви́ в нѣмощи и непоро́чна.

Слава: Яко имѣя дерзновѣніе к Царю́ Небѣсному, Того́ моли́, с прѣчими безплѣтными, помилovati мя ока́йнаго.

И ныне: Мно́го дерзновѣніе иму́щи, Дѣво, к Вопло́щшемуся из Тебѣ, преложи́ мя от уз и разреше́ніе ми пода́ждь и спасѣніе, моли́твами Тво́ими.

**Молитва ко Господу нашему
Иисусу Христу**

Влады́ко Го́споди Иису́се Христѣ́ Бо́же мой, Иже неизрече́ннаго ра́ди Твоего́ человеколю́бія на ко́нѣц веко́в во плоть оболкѣй-

ся от Приснодѣвы Маріи, сла́влю о мнѣ Твое́ спасительное промы́шленіе, рабъ Твой, Влады́ко; песносло́влю Тя, я́ко Тебе́ ра́ди Отца́ позна́х; благословлю́ Тя, Егóже ра́ди и Дух Святы́й в мир при́иде; покланя́юсь Твое́й по плóти Пречы́стей Ма́тери, тако́ей стра́шной та́йне послужив́шей; восхваля́ю Твоя́ Ангельская́ ликостоя́нія, я́ко воспева́тели и служи́тели Твоегó вели́чества; ублажа́ю Предте́чу Иоáнна, Тебе́ крестив́шаго, Го́споди; почита́ю и провозвестив́шая Тя проро́ки, прославля́ю апóстолы Твоя́ святы́я; торжествую́ же и мученики, священники́ же Твоя́ сла́влю; покланя́юсь преподо́бнымъ Тво́имъ, и вся Твоя́ прáведники пѣстунствую. Тако́ваго и то́ликаго мно́гаго и неизрече́ннаго ли́ка Божественна́го в моли́тву привожу́ Тебе́, всеще́д-рому Бо́гу, рабъ Твой, и сего́ ра́ди прошу́ мо́имъ согреше́ниемъ прощѣ́нія, е́же да́руй ми всехъ Тво́ихъ ра́ди святы́хъ, изрядне́е же святы́хъ Тво́ихъ щедро́т, я́ко благослове́н еси́ во ве́ки, а́минь.

Молитва ко Пресвятой Богородице

Цари́це моя́ преблага́я, наде́ждо моя́ Богоро́дице, прия́телище сы́рыхъ и стра́нныхъ предста́тельница, скорбя́щихъ ра́досте, обидимыхъ

покровительнице! Зриши мою беду, зриши мою скорбь, помози ми яко немощну, окорми мя яко странна. Обиду мою веся, разреши ту, яко волиши: яко не имам инья помощи разве Тебѣ, ни инья предстательницы, ни благія утешительницы, токмо Тебѣ, о Богоматери, яко да сохраниши мя и покрыеши во веки веков. Аминь.

Молитва Ангелу хранителю

Ангеле Христов святыи, к тебѣ припадая молюся, хранителю мой святыи, приданный мне на соблюденіе души и телу моему грешному от святаго крещенія, аз же своею леностию и своим злым обычаем прогнѣвах твою пречистую свѣтлость и отгнах тя от себѣ всеми стѣдными дѣлы: лжѣми, клеветѣми, завистию, осужденіем, презорством, непокорством, братоненавидѣніем, и злопомненіем, сребролюбіем, прелюбодеяніем, яростию, скупостию, объяденіем без сытости и опивством, многоглаголаніем, злыми помыслами и лукавыми, гордым обычаем и блудным возбешеніем, имый самохотѣніе на всякое плотское вожделѣніе. О, злое мое произволеніе, егѣже и скѣти безсловеснии не творят! Да како возможеши воззрѣти на мя, или

приступити ко мне, аки псу смердящему? Которыма очима, Ангеле Христов, воззриши на мя, оплétшася зле во гнѹсных дѣлах? Да како ужé возмогѹ отпущѣния просити горьким и злым моим и лукавым деянием, в нѣже впадаю по вся дни и нощи и на всяк час? Но молюся ти припадая, хранителю мой святыи, умилосердися на мя грешнаго и недостойнаго раба твоего (*имя*), буди ми помощник и заступник на злаго моего сопротивника, святыми твоими молитвами, и Царствия Божия причастника мя сотвори со всеми святыми, всегда, и ныне, и присно, и во веки веков. Аминь.



АКАФИСТ СЛАДЧАЙШЕМУ ГОСПОДУ НАШЕМУ ИИСУСУ ХРИСТУ

Кондак 1

Возбранный Воеводо и Господи, а́да победителю, ꙗко избавлься от вѣчнаѣ смѣрти, похвальный восписую Ти, создание и раб Твой; но ꙗко имѣяи милосѣрдие неизреченное, от всяких мя бед свободи, зовуща: Иисусе, Сыне Божий, помилуй мя.

Икос 1

Ангелов Творче и Господи сил, отвѣрзи ми недоумѣнный ум и языкъ на похвалу пречистаго Твоего имени, ꙗкоже глухому и гугнѣвому древле слух и языкъ отвѣрзл еси, и глаголаше зовѣи таковая: Иисусе пречудный, Ангелов удивление; Иисусе пресильный, прародителей избавление. Иисусе пресладкий, патриархов величание; Иисусе преславный, вѣрных укрепление. Иисусе прелюбимый,

пророков исполнѣние; Иисусе предивный, мучеников крѣпосте. Иисусе претихий, монахов радосте; Иисусе премилостивый, пресвитеров сладосте. Иисусе премилосердый, постников воздержаніе; Иисусе пресладостный, преподобных радование. Иисусе пречестный, девственных целомудріе; Иисусе предвѣчный, грѣшников спасеніе. Иисусе, Сыне Божий, помилуй мя.

Кондак 2

Видя вдовицу зѣльне плачущую, Господи, якоже тогда умилосердився, сына ея на погребеніе несѡма воскресил еси: сице и о мне умилосердися, Человеколюбче, и грѣхами умерщвлѣнную мою душу воскреси, зовущую: Аллилуиа.

Икос 2

Разум неуразумѣнный разумѣти Филиппищя, Господи, покажи нам Отца, глаголаше; Ты же к нему: толикое время сый со Мною, не познал ли еси, яко Отец во Мне, и Аз во Отцѣ есмь? Тѣмже, Неизслѣдованне, со страхом зову Ти: Иисусе, Боже предвѣчный; Иисусе, Царю пресильный. Иисусе, Владыко долготерпеливый; Иисусе, Спасе премил-

лостивый. Иисусе, хранителю мой преблагий; Иисусе, очисти грехи моя. Иисусе, отыми беззакония моя; Иисусе, отпусти неправды моя. Иисусе, надеждо моя, не остави мене; Иисусе, помощниче мой, не отрини мене. Иисусе, Создателю мой, не забуди мене; Иисусе, Пастырю мой, не погуби мене. Иисусе, Сыне Божий, помилуй мя.

Кондак 3

Силою свыше апостолы облекий, Иисусе, во Иерусалиме сидящая, облецы и мене, обнаженного от всякаго благодворения, теплою Духа Святаго Твоего, и даждь ми с любовию пети Тебе: Аллилуиа.

Икос 3

Имеяй богатство милосердия, мытари и грешники, и неверныя призвал еси, Иисусе; не презри и мене ныне, подобнаго им, но яко многоценное миро, прими песнь сию: Иисусе, сило непобедимая; Иисусе, милосте безконечная. Иисусе, красото пресветлая; Иисусе, любви неизреченная. Иисусе, Сыне Бога Живаго; Иисусе, помилуй мя грешнаго. Иисусе, услыши мя, в беззаконных зачатого; Иисусе, очисти мя, во гресех рожденного.

Иисусе, научи мя непотребнаго; Иисусе, освети мя темнаго. Иисусе, очисти мя сквернаго; Иисусе, возведи мя блуднаго. Иисусе, Сыне Божий, помилуй мя.

Кондак 4

Бүрю внутрь имейя помышлений сумнительных, Петр утопаше, узрев же во плоти Тя суща, Иисусе, и по водам ходяща, позна Тя Бога истиннаго, и руку спасения получив, рече: Аллилуиа.

Икос 4

Слыша слепый мимоходяща Тя, Господи, путем, вопияше: Иисусе, Сыне Давидов, помилуй мя! И, призвав, отверзл еси очи его. Просвети убо милостию Твоею очи мысленныя сердца и мене, вопиюща Ти и глаголюща: Иисусе, вышних Создателю; Иисусе, нижних Икупителю. Иисусе, преисподних потребителю; Иисусе, всея твари украсителю. Иисусе, души моея утешителю; Иисусе, ума моего просветителю. Иисусе, сердца моего веселие; Иисусе, тела моего здравие. Иисусе, Спасе мой, спаси мя; Иисусе, свете мой, просвети мя. Иисусе, муки всякия из-

бáви мя; Иисúсе, спасí мя недостóйнаго. Иисúсе, Сыне Божий, помíлуй мя.

Кондак 5

Боготóчною Крóвию я́коже искупíл еси нас дрéвле от закóнныя кля́твы, Иисúсе, сѣце изми нас от сѣти, ё́юже зми́й за́пят ны страстьми́ плотскими́, и блúдным наваждѣнием, и злым уны́нием, вопи́ющия Ти: Аллилу́иа.

Икос 5

Видевше óтроцы еврейстии во óбразе чело́вечестем Созда́вшаго руко́ю чело́века, и Влады́ку разуме́вше Егó, потща́шася вѣтвѣми уго́дити Емú, осáнна вопи́юще. Мы же песнь прино́сим Ти, глаго́люще: Иисúсе, Бо́же и́стинный; Иисúсе, Сыне Дави́дов. Иисúсе, Царю́ пресла́вный; Иисúсе, Агнче непо́рочный. Иисúсе, Па́стырю предивный; Иисúсе, храните́лю во мла́дости моёй. Иисúсе, кормите́лю во ю́ности моей; Иисúсе, похва́ло в ста́рости моёй. Иисúсе, наде́ждо в сме́рти моёй; Иисúсе, животé по сме́рти моёй. Иисúсе, утешéние моё на судé Твоём; Иисúсе, желáние моё, не посрамí мене́ тогда́. Иисúсе, Сыне Бо́жий, помíлуй мя.

Кондак 6

Проповѣдникъ богонѡсныхъ вѣщаніе и глаголы исполняя, Иисусе, на земли явлься и с человеки Невместимый пожил еси, и болѣзни наша подъял еси, отнюдуже ранами Твоими мы исцелѣвше, пѣти навькохом: Аллилуиа.

Икос 6

Возсия вселенней просвѣщеніе истины Твоея, и отгнася лесь бесѡвская: идоли бо, Спасе наш, не терпяще Твоея крѣпости, падѡша. Мы же, спасеніе получивше, вопіемъ Ти: Иисусе, истинно, лесь отгоняющая; Иисусе, свѣте, превъшшій всехъ свѣтлостей. Иисусе, Царю, премогаѣй всехъ крѣпости; Иисусе, Бѡже, пребываѣй въ мѣлости. Иисусе, Хлѣбе живѡтный, насыти мя алчущаго; Иисусе, истѡчнице разума, напоѣй мя жаждущаго. Иисусе, одеждо веселія, одѣй мя тленнаго; Иисусе, покрове радости, покрѣй мя недостѡйнаго. Иисусе, подателю просящимъ, даждь ми плачъ за грѣхи моя; Иисусе, обрѣтеніе ищущимъ, обрящи дѹшу мою. Иисусе, отвѣрзитель толкѹщимъ, отвѣрзи сѣрдце мое окаянное; Иисусе, Искупителю грѣшныхъ, очисти беззаконія моя. Иисусе, Сыне Бѡжій, помилуй мя.

Кондак 7

Хотя сокровенную тайну от века открыти, яко овча на заклѣние ведѣн был еси, Иисусе, и яко агнецъ прямо стригущаго его безгласен, и яко Богъ из мѣртвыхъ воскресл еси, и со славою на небеса вознеслся еси, и нас со-воздвигл еси, зовущихъ: Аллилуиа.

Икос 7

Дивную показá тварь, являйся Творецъ намъ: без семени от Дѣвы воплотися из гроба, печати не рушивъ, воскресе, и ко апостоломъ, двѣремъ затвореннымъ, с плотию вниде. Тѣмъ же чудящися, воспоймъ: Иисусе, Слове необы-мѣнный; Иисусе, Слове несоглядáемый. Иисусе, сѣло непостижимая; Иисусе, мудросте недомыслимая. Иисусе, Божество неопи-санное; Иисусе, господство неисчетное. Иисусе, царство непобѣдимое; Иисусе, вла-дычество безконечное. Иисусе, крепосте вы-сочайшая; Иисусе, власте вѣчная. Иисусе, Творче мой, ущѣдри мя; Иисусе, Спасе мой, спаси мя. Иисусе, Сыне Божий, помилуй мя.

Кондак 8

Странно Бóга вочеловѣчшася видяще, устранимся суетнаго мѣра и умъ на Божѣст-

венная возложим. Сего бо ради Бог на земли сниде, да нас на небеса возведет, вопиющих Ему: Аллилуиа.

Икос 8

Весь бе в нижних, и вышних никакоже отступил Неисчетный, егда волею нас ради пострадал, и смертию Своею нашу смерть умертвил, и воскресением живот дарова поющим: Иисусе, сладосте сердечная; Иисусе, крепосте телесная. Иисусе, светлосте душевная; Иисусе, быстрото умная. Иисусе, радости советная; Иисусе, надеждо известная. Иисусе, памяти предвечная; Иисусе, похвало высокая. Иисусе, славо моя превознесенная; Иисусе, желание мое, не отрини мене. Иисусе, Пастырю мой, взыщи мене; Иисусе, Спасе мой, спаси мене. Иисусе, Сыне Божий, помилуй мя.

Кондак 9

Все естество ангельское безпрестани славит пресвятое имя Твое, Иисусе, на небеси, Свят, Свят, Свят, вопиюще; мы же грешнии на земли бранными устнами вопием: Аллилуиа.

Икос 9

Ветія многовещанныя якоже рыбы безгласныя вѣдим о Тебѣ, Иисусе, Спасе наш: недоумѣютъ бо глаголати, како Богъ непреложный и человекъ совершенный пребываеши? Мы же таинству дивящеся, вопиѣмъ вѣрно: Иисусе, Боже предвѣчный; Иисусе, Царю царствующихъ. Иисусе, Владыко владѣющихъ; Иисусе, Судие живыхъ и мѣртвыхъ. Иисусе, надеждо ненадежныхъ; Иисусе, утѣшеніе плачущихъ. Иисусе, славо нищихъ; Иисусе, не осуди мя по делѣмъ моимъ. Иисусе, очисти мя по милости Твоей; Иисусе, отженіи отъ мене уныніе. Иисусе, просвети моя мысли сердечныя: Иисусе, даждь ми память смертную. Иисусе, Сыне Божій, помилуй мя.

Кондак 10

Спаси хотя миръ, Восточе востокомъ, къ тѣмному западу — естеству нашему пришедъ, смирился еси до смерти; тѣмже превознесѣся имя Твое паче всякаго имени, и отъ всехъ колѣнъ небесныхъ и земныхъ слышиши: Аллилуѳа.

Икос 10

Царю Превѣчный, Утѣшителю, Христѣ истинный, очисти ны отъ всякаго скверны, яко

же очисти́л еси́ де́сять прокаже́нных, и исцели́ ны, я́коже исцели́л еси́ сребролюб́ивую ду́шу Закхе́а мытаря́, да вопие́м Ти, во уми́лении зову́ще: Иису́се, сокро́вище нетле́нное; Иису́се, бога́тство неисто́щное, Иису́се, пи́ще кре́пкая; Иису́се, пи́тиё неисчерпа́емое. Иису́се, ни́щих одея́ние; Иису́се, вдов заступле́ние. Иису́се, си́рых защи́тнице; Иису́се, тружда́ющихся по́моще. Иису́се, стра́нных наста́внице; Иису́се, пла́вающих ко́рмчий. Иису́се, бу́рных оти́шие; Иису́се Бо́же, воздви́гни мя па́дшаго. Иису́се, Сы́не Бо́жий, поми́луй мя.

Кондак 11

Пе́ние всеумиле́нное приношу́ Ти недосто́йный, вопию́ Ти я́ко ханане́а: Иису́се, поми́луй мя; не дочь бо, но плоть има́м, страстьми́ лю́те беся́щуюся и я́ростию пали́мую, и исцелё́ние даждь вопию́щу Ти: Аллилу́иа.

Икос 11

Светопода́тельна свети́льника сущи́м во тме́ неразу́мня, прё́жде гоня́й Тя Па́вел, богоразу́мнаго гла́са си́лу внуши́ и душе́вную быстроту́ уясни́; си́це и мене́ те́мныя зени́-

цы душевныя просвети, зовуща: Иисусе, Царю мой прекрѣпкий; Иисусе, Боже мой пресильный. Иисусе, Господи мой пребезсмертный; Иисусе, Создателю мой преславный. Иисусе, Наставниче мой предобрый; Иисусе, Пастырю мой прещедрый. Иисусе, Владыко мой премилостивый; Иисусе, Спасе мой милосердый. Иисусе, просвети моя чувства, потемненная страстьми; Иисусе исцели мое тело, острупленное грехми. Иисусе, очисти мой ум от помыслов суетных; Иисусе, сохрани сердце мое от похотей лукавых. Иисусе, Сыне Божий, помилуй мя.

Кондак 12

Благодать подаждь ми, всех долгов решителю, Иисусе, и приими мя кающуюся, якоже приял еси Петра, отвергшагося Тебе, и призови мя унывающего, якоже древле Павла, гоняща Тя, и услыши мя, вопиюща Ти: Аллилуиа.

Икос 12

Поюще Твое вочеловечение, восхваляем Тя вси, и веруем со Фомою, яко Господь и Бог еси, седяй со Отцем и хотяй судити живым и мертвым. Тогда убо сподоби мя деснаго сто-

янія, вопіющаго: Иисусе, Царю предвѣчный, помилуй мя; Иисусе, цвѣте благовонный, облагоухай мя. Иисусе, теплото любимая, огрей мя; Иисусе, храме предвѣчный, покрый мя. Иисусе, одеждо свѣтлая, украси мя; Иисусе, бисере честный, осияй мя. Иисусе, каменю драгій, просвети мя; Иисусе, солнце правды, освети мя. Иисусе, свѣте святыи, облистай мя; Иисусе, болѣзни душевныя и телесныя избави мя. Иисусе, из руки сопротивныя изми мя; Иисусе, огня негасимаго и прочих вѣчных мук свободи мя. Иисусе, Сыне Божий, помилуй мя.

Кондак 13

О, пресладкий и всещедрый Иисусе! Приими ныне малое молѣние сіе наше, якоже приял еси вдовицы две лепте, и сохрани достояние Твое от враг видимых и невидимых, от нашествія иноплемѣнник, от недуга и глада, от всякия скорби и смертоносныя раны, и грядущія изми муки всех, вопіющих Ти: Аллилуіа.

*Этот кондак читается трижды, затем 1-й икос: Ангелов Творче... и 1-й кондак: Возбранный Во-
евода...*

Молитва

Владыко Господи Иисусе Христэ Бже мой, Иже неизреченнаго ради Твоего человеколюбия на конец веков во плоть оболкийся от Приснодевы Марии, славлю о мне Твое спасительное промысление, раб Твой, Владыко; песнословлю Тя, яко Тебе ради Отца познах; благословлю Тя, Егоже ради и Дух Святыи в мир прииде; поклоняюся Твоей по плоти Пречистой Матери, таковой страшней тайне послужившей; восхваляю Твоя Ангельская ликостояния, яко воспеватели и служители Твоего величества; ублажаю Предтечу Иоанна, Тебе крестившаго, Господи; почитаю и провозвестившая Тя пророки, прославляю апостолы Твоя святые; торжествую же и мученики, священники же Твоя славлю; поклоняюся преподобным Твоим, и вся Твоя праведники пестунствую. Такого и толкаго многого и неизреченнаго лика Божественнаго в молитву привожду Тебе, всещедрому Богу, раб Твой, и сего ради прошу моим согрешением прощения, еже даруй ми всех Твоих ради святых, изряднее же святых Твоих щедрот, яко благословен еси во веки, аминь.



АКАФИСТ ПРЕСВЯТОЙ БОГОРОДИЦЕ

Кондак 1

Взбрáнной Воево́де победíteльная, ꙗко избáвльшесѧ от злыхъ, благодарственная воспи́сѹемъ Ти рабѣ Твоѣ, Богородице, но ꙗко имѹщая держа́ву непобедѣмую, от всякихъ насъ бедъ свободѣ, да зове́мъ Ти: ра́дуйся, Невѣсто Невѣстная.

Икос 1

Ангелъ предста́тель съ небесе́ по́слан бысть рещи́ Богородице: ра́дуйся, и со безплóтнымъ гла́сомъ воплоща́ема Тя зря, Го́споди, ужаса́шесѧ и стоя́ше, зовѣй к Ней таковы́я: Ра́дуйся, Ею́же ра́дость возсия́ет: ра́дуйся, Ею́же кля́тва исче́знет. Ра́дуйся, па́дшаго Ада́ма воззва́ние; ра́дуйся, слезъ Евиныхъ избавле́ние. Ра́дуйся, высотó неудобовосходи́мая челове́ческими по́мысли; ра́дуйся, глубино́ неудобозри́мая и а́нгельскими́ очима́. Ра́дуйся, ꙗко

еси Царёво седалище; радуйся, яко носиши Носящаго вся. Радуйся, Звездó, являющая Сólнце; радуйся, утробо Божественнаго воплощёния. Радуйся, Еюже обновляется тварь; радуйся, Еюже покланяемся Творцú. Радуйся, Невéсто Неневéстная.

Кондак 2

Видящи Святáя Себé в чистотé, глаголет Гавриилу дерзостно: преслáвное твоегó глáса неудобоприятельно душí Моéй является: безсéменнаго бо зачатíя рождество кáко глаголеши, зовый: Аллилúа.

Икос 2

Разум недоразумевáемый разумéти Дéва ищущи, возопí к служащему: из боку чисту, Сыну кáко есть родитися мóщно, рцы Ми? К Нéйже он речé со страхом, обáче зовый сйце: Радуйся, совéта неизречénнаго Таиннице; радуйся, молчáния просящих véро. Радуйся, чудес Христóвых начало; радуйся, велéний Егó главíзно. Радуйся, лéстнице небéсная, Еюже сниде Бог; радуйся, мóсте, преводяй сýщих от земли на нéбо. Радуйся, Ангелов многословúщее чúдо; радуйся, бесóв многоплачéвное поражéние. Радуйся, Свет

неизреченно родившая; радуйся, еже како, ни единого же научившая. Радуйся, премудрых превосходящая разум; радуйся, верных озаряющая смысли. Радуйся, Невесто Неневестная.

Кондак 3

Сила Вышняго осені тогда к зачатию Браконеискусную, и благоплодная Той ложесна, яко село показá сладкое, всем хотящим жати спасение, всегда пѣти сѣце: Аллилуиа.

Икос 3

Имуще Богоприятную Дѣва утробу, востече ко Елисавети: младенец же оная абие познав Сея целованіе, радовашеся, и играемыми яко пѣснями вопіяше к Богородице: Радуйся, отрасли неувядаемыя розго; радуйся, Плода безсмертнаго стяжаніе. Радуйся, Дѣлателя дѣлающая Человеколюбца; радуйся, Садителя жизни нашея рождающая. Радуйся, ниво, растящая гобзованіе щедрот; радуйся, трапѣзо, носящая обилие очищения. Радуйся, яко рай пѣщный процветаети; радуйся, яко пристанище душам готовиши. Радуйся, приятное молитвы кадило; радуйся, всего міра очищение. Радуйся, Божіе к смертным

благоволеніе; радуйся, смѣртныхъ къ Бѣгу дерзновѣніе. Радуйся, Невѣсто Невѣстная.

Кондак 4

Бѣрю внутрь имѣя помышлѣній сумнѣтельныхъ, целомудренный Іосифъ смятѣся, къ Тебѣ зря небрачней, и бракоокрадованную помышляя, Непорѣчная; увѣдевъ же Твое зачатіе отъ Дѣха Свѣта, речѣ: Аллилуіа.

Икос 4

Слышаша пастырие Ангеловъ поющихъ плотское Христово пришествіе, и текше яко къ Пастырю видятъ Сего яко агнца непорѣчна, во чреве Маріине упасшася, Юже поюще реша: Радуйся, Агнца и Пастыря Мати; радуйся, двѣре словесныхъ овецъ. Радуйся, невидимыхъ враговъ мученіе; радуйся, райскихъ дверей отверженіе. Радуйся, яко небесная срадуются земнымъ; радуйся, яко земная сликовствуютъ небеснымъ. Радуйся, апостоловъ немолчная уста; радуйся, страстотерпцевъ непобѣдимая дерзосте. Радуйся, твердое вѣры утвержденіе; радуйся, свѣтлое благодати познаніе. Радуйся, Еюже обнажися адъ; радуйся, Еюже облекомся славою. Радуйся, Невѣсто Невѣстная.

Кондак 5

Боготѣчную звездѹ узрѣвше волсвѣи, тоя послѣдоваша зарѣи, и яко свѣтѣльник держаше ю, тою испытѣху крѣпкаго Царя, и достѣгше Непостижимаго, возрадовашася, Емѹ вопиюще: Аллилуѣа.

Икос 5

Видѣша ѡтроцы халдѣѣстии на руку Девѣчу Создавшего руками человеки, и Владыку разумевающе Его, аще и рабий прѣят зрак, потщашася дарми послужити Емѹ, и возопити Благословѣнной: Радуйся, Звѣзды незаходѣмая Мати; радуйся, зарѣ тайнственнаго дне. Радуйся, прѣлести пещь угасѣвшая; радуйся, Троицы тайнники просвѣщающая. Радуйся, мучителя безчеловѣчнаго изметѣющая от начальства; радуйся, Господа Човеколюбца показѣвшая Христа. Радуйся, варварскаго избавляющая служѣния; радуйся, тѣмѣния изымѣющая дел. Радуйся, огня поклонѣние угасѣвшая; радуйся, пламене страстей изменяющая. Радуйся, вѣрных наставнице целомудрия; радуйся, всех родов весѣлие. Радуйся, Невѣсто Невѣстная.

Кондак 6

Проповѣдницы богонóснии, бѣвше волсвѣ, возвратѣшася в Вавилóн, скончавше Твое прорóчество, и проповѣдавшие Тя Христа́ всем, оставиша Ирода́ яко́ буеслóвна, не ве́дуща пѣти: Аллилу́иа.

Икос 6

Воссия́вый во Егѣ́пте просвещѣ́ние исти́ны, отгна́л еси́ лжи́ тьму: ѣдоли́ бо егó, Спа́се, не терпя́ще Твоея́ крѣ́пости, падо́ша, сих же изба́вльшиися вопия́ху к Богоро́дице: Ра́дуйся, исправле́ние челове́ков; ра́дуйся, низпаде́ние бесóв. Ра́дуйся, прѣлести́ держа́ву попра́вшая; ра́дуйся, ѣдо́льскую лесть обли́чившая. Ра́дуйся, мо́ре, пото́пившее фараóна́ мы́сленнаго; ра́дуйся, ка́меню, напо́ивший жа́ждущия́ жи́зни. Ра́дуйся, о́гненный сто́лпе, наставля́яй сущ́ия во тьме; ра́дуйся, покрóве ми́ру, шѣ́рший о́блака. Ра́дуйся, пи́ще, ма́нны приѣ́мнице; ра́дуйся, сла́дости святы́я служѣ́тельнице. Ра́дуйся, землѣ́ обетова́ния; ра́дуйся, из нея́же течѣ́т мед и млеко́. Ра́дуйся, Невѣ́сто Нене́вѣстная.

Кондак 7

Хотѣшу Симео́ну от ны́нешняго вѣ́ка преста́виться прелѣ́стнаго, вда́лся еси́ я́ко младе́нец то́му, но позна́лся еси́ е́му и Бог соверше́нный. Те́мже удиви́ся Твое́й неизрече́нной премудро́сти, зовы́й: Аллилу́иа.

Икос 7

Но́вую показа́ тварь, я́влься Зижди́тель нам от Него́ бывшим, из безсе́менных прозя́б утробы, и сохра́нив Ю, я́коже бе, нетле́нну, да чу́до ви́дяще, воспоём Ю, вопи́юще: Ра́дуйся, цвѣ́те нетле́ния; ра́дуйся, вѣ́нче воздерж́ания. Ра́дуйся, воскресе́ния о́браз облиста́ющая; ра́дуйся, а́нгельское жити́е явля́ющая. Ра́дуйся, дре́во светлоплодо́витое, от него́же пита́ются ве́рнии; ра́дуйся, дре́во благосенноли́ственное, ѿмже покрыва́ются мно́зи. Ра́дуйся, во чре́ве нося́щая Изба́вителя пленѣ́нным; ра́дуйся, ро́ждшая Наста́вника заблуд́шим. Ра́дуйся, Судии́ пра́веднаго умоле́ние; ра́дуйся, мно́гих согреше́ний прощѣ́ние. Ра́дуйся, оде́ждо на́гих дерзнове́ния; ра́дуйся, любы́, вся́кое желáние побежда́ющая. Ра́дуйся, Невѣ́сто Невѣ́стная.

Кондак 8

Странное рождество видевше, устранимся
мира, ум на небеса преложше: сего бо ради
высокий Бог на земли явися смиренный че-
ловек, хотяй привлещи к высотѣ Тому вопи-
ющія: Аллилуиа.

Икос 8

Весь бе в нижних и вышних никакоже
отступи неописанное Слово: снисхождение
бо Божественное, не прехождение же мест-
ное бысть, и рождество от Девы Богоприят-
ная, слышашія сія: Радуйся, Бога невмес-
тимаго вместительнице; радуйся, честнаго та-
инства двѣри. Радуйся, неверных сумни-
тельное слышание; радуйся, верных извест-
ная похвало. Радуйся, колеснице пресвятая
Сущаго на Херувимех; радуйся, селение
преславное Сущаго на Серафимех. Радуйся,
противная в тожде собравшая; радуйся,
дѣвство и рождество сочетавшая. Радуйся,
Еюже разрешися преступление; радуйся,
Еюже отверзется рай. Радуйся, ключу Цар-
ствия Христова; радуйся, надеждо благ веч-
ных. Радуйся, Невѣсто Невѣстная.

Кондак 9

Всякое естество ангельское удивися великому Твоего вочеловечения делу; неприступнаго бо яко Бога, зряще всем приступнаго Человека, нам убо спребывающа, слышаща же от всех: Аллилуиа.

Икос 9

Ветія многовещанныя, яко рыбы безгласныя видим о Тебѣ, Богородице, недоумеваютъ бо глаголати, еже како и Дѣва пребываеши, и родити возмогла еси. Мы же, таинству дивящеся, вѣрно вопиѣмъ: Радуйся, премудрости Божия пріятелище, радуйся, промыслѣнія Его сокровище. Радуйся, любомудрая немудрая являющая; радуйся, хитрословѣсныя безсловѣсныя обличающая. Радуйся, яко обучающа лютии взыскателе; радуйся, яко увядоша баснотворцы. Радуйся, афинѣйская плетѣнія растерзающая; радуйся, рыбарскія мрежи исполняющая. Радуйся, из глубины неведения извличающая; радуйся, многи в разумѣ просвѣщающая. Радуйся, кораблю хотящихъ спастися; радуйся, пристанище житѣйскихъ плаваній. Радуйся, Невѣсто Невѣстная.

Кондак 10

Спасти́ хотя́ мир, Иже всех Украси́тель, к сему́ самообетова́н прииде, и Па́стырь сый, яко Бог, нас ра́ди яви́ся по нам челове́к: подо́бным бо подо́бное призва́в, яко Бог слы́шит: Аллилу́иа.

Икос 10

Стена́ еси́ де́вам, Богоро́дице Де́во, и всем к Тебе́ прибега́ющим: ибо́ небесе́ и земли́ Творе́ц устрои́ Тя, Пречи́стая, вселься во утробе́ Твое́й, и вся приглаша́ти Тебе́ научи́: Ра́дуйся, сто́лпе де́вства; ра́дуйся, дверь спасе́ния. Ра́дуйся, нача́льнице мы́сленнаго назда́ния; ра́дуйся, пода́тельница Божество́нныя бла́гости. Ра́дуйся, Ты бо обнові́ла еси́ зача́тыя студи́ю; ра́дуйся, Ты бо наказа́ла еси́ окра́денныя умо́м. Ра́дуйся, тли́теля смы́слов упражня́ющая; ра́дуйся, Се́ятеля́ чистоты́ ро́ждшая. Ра́дуйся, черто́же безсе́меннаго уневе́щения; ра́дуйся, ве́рных Го́сподеви сочета́вшая. Ра́дуйся, до́брая младопита́тельница де́вам; ра́дуйся, невес-токра́сительнице душъ святы́х. Ра́дуйся, Не-ве́сто Неве́стная.

Кондак 11

Пѣние всякое побеждается, прострѣтися тщѣщееся ко мно́жеству мно́гих щедро́т Твои́х: равночи́сленныя бо пескѧ пѣсни ѡще прино́сим Ти, Царю́ Святы́й, ничто́же соверша́ем досто́йно, ѡже дал еси́ нам, Тебѣ вопи́ющим: Аллилу́иа.

Икос 11

Светопріѣмную свещу́, сущим во тьме ѡвльшуюся, зрим Святу́ю Дѣву, невещѣственный бо вжига́ющи огонь, наставляет к ра́зуму Божѣственному вся, зарю́ ум просвещѧ́ющая, звѧ́нием же почита́емая, сими: Ра́дуйся, луче́ умнаго Со́лнца; ра́дуйся, свети́ло незаходи́мага Свѣта. Ра́дуйся, мо́лние, ду́ши просвещѧ́ющая; ра́дуйся, ѡко гром враги́ устраша́ющая. Ра́дуйся, ѡко многосвѣтлое возсия́вѧеши просвещѣ́ние; ра́дуйся, ѡко многотеку́щую источѧеши реку́. Ра́дуйся, купѣли живопису́ющая о́браз; ра́дуйся, грехо́вную отъѣмлющая сквѣрну. Ра́дуйся, ба́не, омы́вѧющая со́весть; ра́дуйся, ча́ше, че́рплющая ра́дость. Ра́дуйся, обонѧ́ние Христо́ва благоухѧ́ния; ра́дуйся, животѣ та́йнаго весѣ́лія. Ра́дуйся, Невѣсто Неневѣстная.

Кондак 12

Благода́ть да́ти восхотѣв, долго́в дре́вних, всех долго́в Рѣши́тель челове́ком, прииде Со-бо́ю ко отше́дшим Того́ благода́ти, и раздра́в рукописа́ние, слы́шит от всех си́це: Аллилу́иа.

Икос 12

Пою́ще Твое́ Рожде́ство, хва́лим Тя вси, я́ко одушевле́нный храм, Богоро́дице: во Тво-ей бо всели́вся утробе содержа́й вся руко́ю Господь, освяти́, просла́ви и научи́ вопи́ти Те-бе́ всех: Ра́дуйся, селѣние Бо́га и Сло́ва; ра́дуйся, свята́я святы́х бо́льшая. Ра́дуйся, ковче́же, позлаще́нный Ду́хом; ра́дуйся, сокрови́ще животá неистощи́мое. Ра́дуйся, чест-ный вѣнче люде́й благочесті́вых; ра́дуйся, честна́я похвало́ иереев благоговѣ́йных. Ра́дуйся, Це́ркве непоколеби́мый сто́лпе; ра́дуйся, Ца́рствія неруши́мая стено́. Ра́дуйся, Ею́же воздвигу́тся побѣды; ра́дуйся, Ею́же низпада́ют вразі́. Ра́дуйся, те́ла моего́ врачевáние; ра́дуйся, душі́ моея́ спасѣ́ние. Ра́дуйся, Невѣсто Неневѣстная.

Кондак 13

О, Всепѣтая Ма́ти, ро́ждшая всех святы́х Святѣ́йшее Сло́во! Ны́нешнее приѣмши при-

ношение, от всякия избáви напáсти всех, и б́удущия изм́и м́уки, о Теб́е вопи́ющих: Аллилу́иа.

Этот кондак читается трижды, затем 1-й икос: Ангел предстатель... и 1-й кондак: Взбранной Воеводе...

МОЛИТВЫ

О, Пресвятáя Госпож́е Влады́чице Богорóдице, вы́йши ес́и всех Ангел и Архáнгел, и всея́ твáри честн́ейши, помóщнице ес́и обидимых, ненад́еющихся над́еяние, убóгих застúпнице, печáльных утеш́ение, áлчущих кормительнице, наѓих одея́ние, больн́ых исцел́ение, гр́ешных спас́ение, христиáн всех помóжение и заступл́ение. О, Всем́лостивая Госпож́е, Д́ево Богорóдице Влады́чице, м́лостию Тво́ею спас́и и помýлуй свят́ейшия патриáрхи правослáвныя, преосвящ́енныя митропол́иты, архиеп́ископы и еп́ископы и весь свящ́еннический и й́ноческий чин, и вся правослáвныя христиáны р́изою Тво́ею честнóю защит́и; и умоли́, Госпож́е, из Теб́е без с́емене воплот́ившагoся Христá Бóга нáшего, да препоя́шет нас с́илою Сво́ею свýше, на невидимыя и в́идимыя враѓи нáша. О, Всем́лостивая Госпож́е Влады́чице Богорóдице!

Воздвѣгни нас из глубины греховныя и избави нас от глада, губительства, от труса и потопа, от огня и меча, от нахождения иноплемѣнных и междоусобныя брани, и от напрасныя смѣрти, и от нападенія вражия, и от тлетворныхъ ветр, и от смертоносныя язвы, и от всякаго зла. Подѣждь, Господжѣ, мир и здравіе рабѣмъ Твоимъ, всемъ православнымъ христианѣмъ, и просвети имъ умъ, и очи сердечнии, еже ко спасенію; и сподоби ны, грѣшныя рабы Твоя, Царствія Сына Твоего, Христа Бога нашего; яко держава Его благословѣна и препрославлена, со Безначальнымъ Его Отцѣмъ, и с Пресвятымъ, и Благимъ, и Животворящимъ Его Духомъ, нынѣ и присно, и во веки вековъ. Аминь.

О, Пресвятая Дѣво Мати Господа, Царице Небесѣ и земли! Вонми многоболѣзненному воздыханію души нашея, призри с высоты святыя Твоея на насъ, с вѣрою и любовію покланяющихся пречистому образу Твоему. Се бо грехми погружаеми и скорбьми обуреваемии, взирая на Твой образъ, яко живей Ти сущей с нами, приносимъ смиренныя моленія наша. Не имамы бо ни иныя помощи, ни иного предстательства, ни утешенія, токмо Тебѣ, о, Мати всехъ скорбящихъ и обремененныхъ.

Помози́ нам немощны́м, утоли́ скорбь на́шу, наста́ви на путь пра́вый нас, заблужда́ющих, уврачу́й и спаси́ безнаде́жных, да́руй нам про́чее вре́мя животá на́шего в ми́ре и тиши́не проводи́ти, пода́ждь христиа́нскую кончи́ну, и на стра́шнем суде́ Сы́на Твоего́ яви́ся нам милосе́рдая Засту́пница, да всегда́ поём, велича́ем и сла́вим Тя, я́ко благо́ую Засту́пницу рода христиа́нскаго, со все́ми угоди́вшими Бо́гу. Ами́нь.



АКАФИСТ СВЯТИТЕЛЮ НИКОЛАЮ

Кондак 1

Возбранный Чудотворче и изрядный угодниче Христов, миру всему источаяй многоценное милости миро, и неисчерпаемое чудес море, восхваляю тя любовию, Святителю Николае: ты же яко имеяй дерзновение ко Господу, от всяких мя бед свободи, да зову ти: Радуйся, Николае, великий Чудотворче.

Икос 1

Ангела образом, земнаго суща естеством яви тебе вся твари Создатель; благоплодную бо доброту души твоея провидев, преблаженне Николае, научи всех вопити тебе сие: Радуйся, от утробы матерния очищенный; радуйся, даже до конца освященный. Радуйся, рождением своим родителей удививый; радуйся, силу душевную абие по рождестве

явѣвый. Рáдуйся, сáде земли обетовáния; рá-
дуйся, цвѣте Божѣственнаго сáждѣния. Рá-
дуйся, лозó добродѣтельная виногрáда Хри-
стóва; рáдуйся, дрéво чудотóчное рáя Иисú-
сова. Рáдуйся, крѣне рáйскаго прозябѣния;
рáдуйся, мѣро Христóва благоухáния. Рáдуй-
ся, я́ко тобóю отгóнится рыдáние; рáдуйся,
я́ко тобóю принóсится рáдование. Рáдуйся,
Никóлае, велѣ́кий Чудотвóрче.

Кондак 2

Вѣдяще твоѣх мир излѣ́яние, Богомúдре,
просвѣщáемся душáми и телесý, дѣвнаго тя
миротóчца живонóсна, Никóлае, разумѣюще:
чудесý бо я́ко водáми, благодáтию Бóжиею
изливáющимися, напáяеши вѣ́рно вопиýщих
к Бóгу: Аллилу́иа.

Икос 2

Рáзум неурáзумный вразумлѣя о Святѣй
Трóице, был есѣ в Никѣи со святýми отцý
побóрник исповѣдания правослáвныя вѣры:
рáвна бо Отцý Сы́на исповѣдал есѣ, сопри-
носýщна и сопрестóльна, Ариа же безúмна-
го обличѣл есѣ. Сего́ рáди вѣ́рнии научѣша-
ся воспевáти тебѣ: Рáдуйся, велѣ́кий благо-
чѣстия стóлпе; рáдуйся, вѣ́рных прибѣжища

граде. Рáдуйся, твёрдое правосла́вия укрепле́ние; рáдуйся, честное Пресвяты́я Тро́ицы носило и похвалёние. Рáдуйся, Отцу́, равночестна Сы́на пропове́давый; рáдуйся, Ариа возбесившагося от Собора́ святых отгна́вый. Рáдуйся, о́тче, отцевъ сла́вная красото́; рáдуйся, всех богому́дрых премудрая добро́то. Рáдуйся, о́гненная словеса́ испуща́яй; рáдуйся, до́бре ста́до своё наставля́яй. Рáдуйся, я́ко тобою́ ве́ра утвержда́ется; рáдуйся, я́ко тобою́ е́ресь низлага́ется. Рáдуйся, Нико́лае, вели́кий Чудотво́рче.

Кондак 3

Си́лою, да́нною ти свѣше, слезу́ всяку отъя́л еси́ от лица́ лю́те стра́ждущих, богонóсе о́тче Нико́лае: а́лчущимъ бо яви́лся еси́ корми́тель, в пучи́не морсте́й су́щимъ изря́дный прави́тель, недугую́щимъ исцелё́ние, и всемъ всякъ помо́щникъ показáлся еси́, вопию́щимъ Бо́гу: Аллилу́иа.

Икос 3

Име́яше войсти́нну, о́тче Нико́лае, с небе́се песнь тебѣ́ воспева́ема бы́ти, а не от земл́и: ка́ко бо кто от челове́к возмо́жет твое́я святы́ни вели́чия пропове́дати; но мы, любó-

вию твоёю побеждаёми, вопиём ти сѣце: Рáдуйся, образе áгнцев и пáстырей; рáдуйся, святоё очисти́лище нра́вов. Рáдуйся, добродётелей вели́ких вмести́лище; рáдуйся, святы́ни чѣстое и честнóе жили́ще. Рáдуйся, свети́льниче всесвѣтлый и вселюбѣмый; рáдуйся, свѣте златозáрный и непорóчный. Рáдуйся, достóйный Ангелов собесѣдниче; рáдуйся, дóбрый челове́ков наставля́ниче. Рáдуйся, пра́вило вѣры благочести́выя; рáдуйся, образе крóтости духо́вныя. Рáдуйся, я́ко тобо́ю от страсте́й телѣсных избавля́емся; рáдуйся, я́ко тобо́ю сла́достей духо́вных исполня́емся. Рáдуйся, Никóлае, вели́кий Чудотво́рче.

Кондак 4

Бúря недоумѣния смущáет ми ум, кáко достóйно есть пѣти чудеса́ тво́я, блаже́нне Никóлае; никто́же бо мо́жет я исчести́, áще бы и мно́ги язы́ки имѣл, и глаго́лати восхотѣл; но мы дѣ́вно Бо́гу в тебѣ прославля́ющемуся дерза́ем воспева́ти: Аллилу́иа.

Икос 4

Слы́шаша, богому́дре Никóлае, б́лжнии и да́льнии вели́чие чудес тво́их, я́ко по во́здуху лёгкими благодáтными крила́ми навѣкл

есї сущих в бѣдахъ предварѣти, скорѣ отъ тѣхъ избавляя всѣхъ, вопіющихъ къ тебѣ таковая: Радуйся, избавленіе отъ печали; радуйся, подающее благодати. Радуйся, нечаемыхъ золъ прогонителю; радуйся, желаемыхъ благихъ насадителю. Радуйся, скорый утѣшителю въ бѣдѣ сущихъ; радуйся, страшный наказателю обидящихъ. Радуйся, чудесъ пучино, Богомъ излиянная; радуйся, закона Христова скрижали Богомъ писанныя. Радуйся, крепкое падающихъ возведеніе; радуйся, право стоящихъ утвержденіе. Радуйся, яко тобою всякая лѣсть обнажается; радуйся, яко тобою всякая истина сбывается. Радуйся, Николае, великий Чудотворче.

Кондак 5

Боготѣчная звезда явился еси, наставляя по морю плавающихъ люте, имже смерть предстоитъ вскорѣ иногда, аще не бы ты предсталъ еси призывающимъ тя въ поможь, Чудотворче святый Николае; уже бо нестыдно бесомъ летающимъ, и погрузити корабль хотѣвшимъ запретивъ, отгналъ еси ихъ, верныя же научилъ еси спасающему тобою Богу взывати: Аллилуиа.

Икос 5

Видеша отроковицы, на брак скверный нищеты ради уготованныя, великое твоё к нищим милосердие, преблаженне отче Николаете, егда старцу родителю их нощию узельцы три злата таяся подал еси, самого со дщерьми избавляя от падения греховнаго. Того ради слышиши от всех сие: Радуйся, милости превеликия сокровище; радуйся, промысления о людех приятелище. Радуйся, пище и отрадо к тебе прибегающих; радуйся, хлебе неснедаемый алчущих. Радуйся, богатство бедне живущим на земли Богом данное; радуйся, воздвижение скорое убогих. Радуйся, быстрое нищих услышание; радуйся, скорбящих приятное попечение. Радуйся, трех дев непорочный невестителю; радуйся, чистоты усердный хранителю. Радуйся, ненадежных надеяние; радуйся, всего мира наслаждение. Радуйся, Николаете, великий Чудотворче.

Кондак 6

Проповедует мир весь тебе, преблаженне Николаете, скорого в бедах заступника: яко многажды во едином часе, по земли путешествующим и по морю плавающим, предва-

рѣя, посѡбствуеши, кѹпно всехъ отъ злыхъ сохрѣняѣя, вопиѹщихъ къ Бѡгу: Аллилуѣа.

Икосъ 6

Воссиялъ еси свѣтъ живѡтныи, избавлѣние носѣя воевѡдамъ, неправедную смерть приѣти имѹщимъ, тебѣ, добрый пѣстырю Никѡлае, призываѹщимъ, егда вскорѣ являся во снѣ царѣви, устрашилъ еси его, сихъ же неврежденныхъ отпустить повелѣлъ еси. Сего ради съ нами кѹпно и мы благодарственно вопиѣмъ ти: Радуйся, усердно призываѹщимъ тя помогаѣѣи; радуйся, отъ неправеднаго убиѣния избавляѣѣи. Радуйся, отъ лѣстнаго сохрѣняѣѣи клеветы; радуйся, неправедныя разрушаѣѣи совѣты. Радуйся, растерзѣѣи лжу яко паучину; радуйся, возношаѣѣи славно истину. Радуйся, непѡвѣнныхъ отъ узъ разрешѣние; радуйся, и мертвецѣвъ оживлѣние. Радуйся, проявителю правды; радуйся, помрачителю неправды. Радуйся, яко тобою непѡвѣннии избавлени отъ меча; радуйся, яко тобою насладишася свѣта. Радуйся, Никѡлае, великий Чудотворче.

Кондакъ 7

Хотя богохѹльное еретическое отгнати злосмрадие, миро воистинну благовѡнное, таин-

ственное явился еси, Никóлае; люди мирéйския упáсл еси, и весь мир своим благодáтным мíром испóлнил еси. И от нас úбо богoméрзкое грехóвное злосмра́дие отже́ни, да благоприя́тно Бо́гу вопи́ем: Аллилу́иа.

Икос 7

Но́ваго тя Но́я, наставля́ника ковче́га спаси́тельнаго разуме́ем, óтче святы́й Никóлае, бу́рю всех лю́тых разгоня́ющаго направлénием своим, тишинú же божéственную принося́щаго вопи́ющим таковы́я: Ра́дуйся, обурева́емых т́хое пристáнище; ра́дуйся, утопа́ющих извѣстное хран́ище. Ра́дуйся, пла́вающих посреде́ пучи́н до́брый ко́рмчий; ра́дуйся, трево́лнения морска́я уставля́ющий. Ра́дуйся, превожде́ние сýщих в в́ихрех; ра́дуйся, согрѣя́ние сýщих во мра́зех. Ра́дуйся, сия́ние, ско́рбный мрак разгоня́ющее; ра́дуйся, свети́ло, вся концы́ земли просвещáющее. Ра́дуйся, от бездны́ грехóвныя челове́ки избавля́яй; ра́дуйся, в бездну́ адскую́ сатану́ вверга́яй. Ра́дуйся, я́ко тобою́ дерзнове́нно бездну́ милосе́рдия Бо́жия призывáем; ра́дуйся, я́ко тобою́ от пото́па гнѣва изба́вьшеся, мир с Бо́гом обрета́ем. Ра́дуйся, Никóлае, вели́кий Чудотво́рче.

Кондак 8

Странное чѹдо является притекающим к тебе, блаженне Николает, священная твоя церковь: в ней бо и малое моление приносяще, велиих недугов приемлем исцеление, аще токмо по Бозе упование на тя возложим, верно вопиюще: Аллилуиа.

Икос 8

Весь еси всем воистинну помощник, богоносе Николает, и собрал еси вкупе вся прибегающия к тебе, яко свободитель, питатель и врач скорый всем земным, на похвалу всех подвизая, вопити к тебе сие: Радуйся, всяких исцелений источнике; радуйся, люте страждущим помощнике. Радуйся, заре, сияющая в нощи греховной блуждающим; радуйся, росе неботочная в знои трудов сущим. Радуйся, подавая требующим благостроение; радуйся, уготовляя просящим изобилие. Радуйся, многаяжды прошение предваряя; радуйся, старым сединам силу обновляя. Радуйся, многих заблуждений от пути истинного обличителю; радуйся, таин Божиих верный служителю. Радуйся, яко тобою зависть попираем; радуйся, яко тобою бла-

гонравное житіе исправляем. Рáдуйся, Никóлае, вели́кий Чудотворче.

Кондак 9

Вся́кія утоли́ болéзни, вели́кий наш за-
ступниче Никóлае: растворя́я благодáтная
врачевáния, услажда́ющая ду́ши на́ша, сердца́
же веселя́щая всех усérдно к по́мощи тво-
ей притека́ющих, Бо́гу же вопию́щих: Алли-
лу́иа.

Икос 9

Ветія суемудренныя нечестівых вѣдим то-
бою посрамленныя, богомудре́ отче Никóлае:
Ариа́ бо ху́льника, разделя́юща Божество́, и
Савѣллиа, смеша́юща Святу́ю Тро́ицу, пре-
прѣл, нас же во правосла́вии укрепил еси́.
Сего́ ра́ди вопи́ем ти́ си́це: Рáдуйся, щите́, за-
щища́яй благоче́стие; рáдуйся, мечу́, посеца́-
яй злочече́стие. Рáдуйся, учите́лю Божествен-
ных велений; рáдуйся, губите́лю богопротів-
ных учений. Рáдуйся, ле́стнице, Бо́гом
утвержде́нная, е́юже восходи́м к небеси́; ра́-
дуйся, покрóве, Бо́гом зда́нный, ѣмже покрыва́-
ются мно́зи. Рáдуйся, немудрых умудри́вый
твоими́ словесы́; рáдуйся, лени́вых подви́гну-
вый твоими́ нра́вы. Рáдуйся, свѣтлосте́ запо-

ведей Бóжих неугасíмая; рáдуйся, лучé оправдáний Госпóдных пресвётлая. Рáдуйся, я́ко учéнием твоим сокрушáются еретíческие главы; рáдуйся, я́ко тобóю вёрнии сподоблáются слáвы. Рáдуйся, Никóлае, вели́кий Чудотвóрче.

Кондак 10

Спасти́ хотя́ дýшу, плоть твою́ дýхови покорíл есí войстинну, óтче наш Никóлае: молчáньми бо прёжде и борéньми с помы́с-лы, дея́нию богомы́слие приложíл есí, богомы́слием же рáзум совершён стяжа́л есí, им же дерзновéнно с Бóгом и Ангелы бесéдовал есí, всегда́ вопи́ющи: Аллилу́иа.

Икос 10

Стена́ есí похваля́ющим, преблаже́нне, чудеса́ тво́я, и всем к заступлénию тво́ему при-бегáющим; тёмже и нас, в добродéтели убо́гих, от нищеты́, напа́сти, недúгов и нужд раз-ли́чных свобожда́й, вопи́ющих ти с любóвию такова́я: Рáдуйся, от убо́жества вéчнаго изымáяй; рáдуйся, богáтство нетлénное подава́яй. Рáдуйся, бра́шно неги́блющее а́лчу-щим правды; рáдуйся, пити́е неисчерпа́емое жа́ждущим жи́зни. Рáдуйся, от мятéжа и бра́-

ни соблюда́яй; ра́дуйся, от уз и пленёния сво-
божда́яй. Ра́дуйся, пресла́вный в бе́дах за-
сту́пниче; ра́дуйся, превели́кий в напа́stech за-
щи́тниче. Ра́дуйся, мно́гих от поги́бели исхи́-
тывый; ра́дуйся, безчи́сленных невреждённо
сохрани́вый. Ра́дуйся, я́ко тобо́ю лю́тыя сме́р-
ти грёшнии избега́ют; ра́дуйся, я́ко тобо́ю
жизнь вёчную ка́ющися получа́ют. Ра́дуй-
ся, Нико́лае, вели́кий Чудотво́рче.

Кондак 11

Пёние Пресвяте́й Трои́це па́че инѣх при-
нёсл еси́, пребла́женне Нико́лае, умо́м, сло́-
вом и де́лом: мно́гим бо испытáнием право-
ве́рная повелёния уясни́л еси́, ве́рою, наде́ж-
дою и любóвию наставля́я нас в Трои́це Еди́-
ному Бо́гу воспева́ти: Аллилу́иа.

Икос 11

Светозáрную лучу́ во мра́це жити́я сущим
неугаси́мую, ви́дим тя, Бо́гом изб́ранне о́тче
Нико́лае: с невещёственными бо а́нгельски-
ми свёты бесе́дуеши о несозда́нном Трои́че-
ском Свёте, ве́рных же ду́ши просвеща́еши,
вопи́ющих ти такова́я: Ра́дуйся, озаре́ние
Трисо́лнечнаго свёта; ра́дуйся, денни́це неза-
ходи́мага со́лнца. Ра́дуйся, свещё, божёствен-

ным пламенем возжженная; радуйся, яко угасил еси бесовский пламень нечестия. Радуйся, светлое правовѣрія проповѣданіе; радуйся, доброзрачное свѣта Евѣнгельскаго сияніе. Радуйся, молніе, ереси пожигающая; радуйся, грѣме, устрашающій соблазняющій. Радуйся, истиннаго научителю разума; радуйся, таинственнаго изъяснителю ума. Радуйся, яко тобою попрося поклоненіе твоѣри; радуйся, яко тобою научихомся поклонятися Творцу в Троице. Радуйся, Николае, великій Чудотворче.

Кондак 12

Благодать данную ти от Бога сведущи, радующеся твою память празднуем по долгу, преславный отче Николае, и к чудному заступленію твоему вседушно притекаем; преславных же твоихъ деяній, яко песка морскаго и множества звѣзднаго исцелѣніе не могуще, недоумѣніемъ объяти бывше, вопіемъ к Богу: Аллилуіа.

Икос 12

Поюще твоѣ чудеса, восхваляемъ тя, всехвальне Николае: в тебѣ бо Богъ в Троице прославляемый дивно прославился. Но аще и по-

премнóгу састáвленныя от душі псалмы и пёсни принóсим ти, Чудотвóрче святый, ничтóже творим равнó даровáнию чудёс твоих, имже удивляющесе, вопиём к тебё таковáя: Рáдуйся, Царя царствующиx и Гóспода госпóдствующиx служителю; рáдуйся, служителей Егó небёсных сожителю. Рáдуйся, людем вёрным поможёние; рáдуйся, рóда христиáнского возвышёние. Рáдуйся, побёды тезоимёнитый; рáдуйся, венценóсче нарóчитый. Рáдуйся, всех добродётелей зерцáло; рáдуйся, всех притекающих к тебё крёпкое забрáло. Рáдуйся, по Бóзе и Богорóдице, все нáше уповáние; рáдуйся, телёс нáших здравие и душ спасёние. Рáдуйся, яко тобóю от вёчныя смёрти свобождаёмся; рáдуйся, яко тобóю безконёчныя жízни сподобляёмся. Рáдуйся, Никóлае, великий Чудотвóрче.

Кондак 13

О, пресвятый и пречудный óтче Никóлае, утешёние всех скорбящих, нынёшнее нáше приими приношёние, и от геённы избáвись нам Гóспода умоли, богоприятным Твоим ходáтайством, да с тобóю воспевáем: Аллилу́иа.

Этот кондак читается трижды, затем 1-й икос: Ангела образом... и 1-й кондак: Возбранный Чудотворче...

Молитва

О, всесвятый Никóлае, уго́днице преизря́д-
ный Госпо́день, тёплый наш заступниче, и
везде в скорбех скорый помощниче! Помози́
мне грешному и унылому в настоящем сем
житии, умоли́ Го́спода Бо́га дарова́ти ми ос-
тавление всех моих грехо́в, е́лико согреших
от юности моея, во всем житии моём, де́лом,
сло́вом, помышле́нием и все́ми моими чу́вст-
вы; и во исхо́де ду́ши моея помози́ ми ока-
янному, умоли́ Го́спода Бо́га, всея тва́ри Со-
де́теля, изба́вити мя возду́шных мыта́рств и
ве́чнаго муче́ния: да всегда́ прославляю́ От-
ца́ и Сы́на и Свята́го Ду́ха, и твоё ми́лостив-
ное предста́тельство, ны́не и при́сно и во ве́-
ки веко́в. Ами́нь.

Тропарь, глас 4-й

Прави́ло ве́ры и о́браз крото́сти, воздержá-
ния учи́теля яви́ тя ста́ду твоёму́ я́же веще́й
и́стина; сего́ ра́ди стяжа́л еси́ смире́нием вы-
со́кая, нището́ю бога́тая, о́тче священнона-

чальниче Никóлае, моли́ Христа́ Бо́га спас-
тис́я душáм нáшим.

Кондак, глас 3-й

В Мíрех, свя́те, священноде́йствитель по-
каза́лся еси́: Христо́во бо, преподо́бне, Евáн-
гелие испо́лнив, положи́л ду́шу твою́ о лю́-
дех твои́х, и спасл еси́ непови́нныя от сме́р-
ти; сего́ ра́ди освяти́лся еси́, я́ко вели́кий та-
и́нник Бо́жия благода́ти.



ПОСЛЕДОВАНИЕ КО СВЯТОМУ ПРИЧАЩЕНИЮ

Молѣтвами святѣхъ отѣцъ на́шихъ, Го́споди
Иисѹсе Христѣ́ Бо́же нашъ, помѣлуй насъ.
Амѣнь.

Царю Небесный... Трисвятое. Пресвятая
Троице... Отче наш... Господи, помилуй (12).
Приидите, поклонимся... (*трижды*).

Псалом Давиду, 22

Госпо́дь пасѣтъ мя, и ничто́же мя лишѣтъ. На
мѣсте зла́чне, та́мо вселѣ́ мя, на водѣ́ поко́й-
не воспита́ мя. Ду́шу мою́ обрати́, наста́ви мя
на стезѣ́ правды, ѣмене́ ра́ди Своего́. Аще́ бо
и пойду́ посреде́ сѣни́ смѣртныя, не убою́ся
зла, ꙗ́ко Ты со мно́ю еси́, жезлъ Твойъ и па́ли-
ца Твоя́, та мя утѣши́ста. Угото́валъ еси́ прѣ-
до мно́ю трапѣзу́ сопроти́в стужа́ющимъ мне,
ума́стил еси́ елѣомъ главу́ мою́, и ча́ша Твоя́
упоява́ющи мя, ꙗ́ко держа́вна. И ми́лость
Твоя́ поженѣтъ мя́ вся́ дни́ живота́ моего́, и

ёже вселѣти ми ся в дом Господень, в долготу дний.

Псалом Давиду, единыя от суббот, 23

Господня земля, и исполнѣние ея, вселѣнная и вси живущи на ней. Той на морях основал ю есть, и на реках уготовал ю есть. Кто взыдет на гору Господню? Или кто станет на месте святем Его? Неповинен руками и чист сердцем, иже не прият всеу душу свою, и не клѣтся лѣстию искреннему своему. Сей примет благословѣние от Господа, и милостыню от Бога, Спаса своего. Сей род ищущих Господа, ищущих лице Бога Иаковля. Возмите врата князи ваша, и возмѣтесь врата вечная, и внидет Царь славы. Кто есть сей Царь славы? Господь крепок и силен, Господь силен в брани. Возмите врата князи ваша, и возмѣтесь врата вечная, и внидет Царь славы. Кто есть сей Царь славы? Господь сил, Той есть Царь славы.

Аллилуиа, 115

Вѣровах, темже возглаголах, аз же смирихся зело. Аз же рех во изступлении моем: всяк человек ложь. Что воздам Господеву о всех, яже воздаде ми? Чашу спасения прииму и

імя Господне призову, молитвы моя Господеви воздам пред всіми людьми Его. Честна пред Господем смерть преподобных Его. О, Господи, аз раб Твой, аз раб Твой и сын рабыни Твоея; растерзал еси узы моя. Тебе пожру жертву хвалы, и во имя Господне призову. Молитвы моя Господеви воздам пред всіми людьми Его, во дворах дому Господня, посреде тебе, Иерусалиме.

Слава, и ныне: Аллилуиа (*трижды*). *И три поклона.*

Тропари, глас 8-й

Беззаконія моя презри, Господи, от Девы рождѣйся, и сердце мое очисти, храм то творя пречистому Твоему Тѣлу и Крови, ниже отрини мене от Твоего лица, без числа имей велию милость.

Слава: Во причастіе святѣнь Твоихъ како дерзну [внѣду], недостойный? Аще бо дерзну к Тебѣ приступити с достойными, хитонъ мя обличаетъ, яко несть вечерній, и осужденіе исходатайствую многогрѣшной души моеѣ. Очисти, Господи, скверну души моея, и спаси мя, яко Человеколюбецъ.

И ныне: Многая множества моихъ, Богородице, прегрѣшеній, к Тебѣ прибегохъ, Чистая,

спасёния трéбуя: посети́ немощствующую мою́ дúшу, и моли́ Сы́на Твоего́ и Бо́га на́шего, да́ти ми оставлénие, я́же содéях лю́тых, Еди́на благословénная.

не надо
[Во святую же Четырдесятницу:

Егда́ сла́внии ученицы́ на умовéнии вéчери просвещáхуся, тогда́ Иúда злочестíвый сребролю́бием недúговав омрачáшеся, и беззакóнным судия́м Тебé прáведнаго Судию́ предаёт. Виждь, имéний рачítелю, сих ра́ди удавлénие употребívша: бежи́ несýтыя душí, Учítелю таковáя дерзнúвшия. Иже о́ всех благíй Гóсподи, сла́ва Тебé.]

Псалом 50: Помилуй мя, Боже... (стр. 7).

Канон, глас 2-й

Песнь 1

Грядíte, лю́дие, пойм песнь Христú Бо́гу, раздélyшему мо́ре, и наста́вльшему лю́ди, я́же изведé из рабóты егíпетския, я́ко прослáвился.

Припев: Сёрдце чíсто сози́жди во мне, Бо́же, и дух прав обнови́ во утробе моéй.

Хлеб животá вéчнующаго да бúдет ми Тéло Твое́ Святóе, благоутрóбне Гóсподи, и Честна́я Кровь, и недúг многообразных исцелénие.

Припев: Не отвѣржи мене́ от лица́ Твоего́,
и Ду́ха Твоего Свята́го не отыми́ от мене́.

Оскверне́н де́лы безме́стными ока́янный,
Твоего́ Пречи́стаго Те́ла и Божѣ́ственныхъ
Кро́ве недосто́ин есмь, Христѣ́, причаще́ния,
его́же мя сподо́би.

Припев: Пресвята́я Богоро́дице, спаси́ нас.

Богороди́чен: Земле́ благая́, благослове́н-
ная Богоневѣ́сто, класъ прозя́бшая неора́нный
и спаси́тельный ми́ру, сподо́би мя сей яду́-
ща спасты́ся.

Песнь 3

На ка́мени мя ве́ры утверди́в, разшири́л еси́ уста́
моя́ на враги́ моя́. Возвесели́ бо ся духъ мой, внегда́
пе́ти: несть святъ, я́коже Богъ нашъ, и несть пра́веденъ
па́че Тебе́, Го́споди.

Сле́зные ми пода́ждь, Христѣ́, ка́пли,
скве́рну се́рдца моего́ очища́ющия: я́ко да
благóю со́вестію очище́н, ве́рою прихо́жду и
стра́хом, Влады́ко, ко причаще́нию Божѣ́ст-
венныхъ даро́в Твои́хъ.

Во оставле́ние да бу́дет ми прегреше́ний
Пречи́стое Те́ло Твое́, и Божѣ́ственная Кро́вь,
Ду́ха же Свята́го общѣ́ние, и в жизнь ве́ч-
ную, Человеколю́бче, и страсте́й и скорбе́й
отчужде́ние.

Богородицен: Хлѣба живѳтнаго Трапѣза Пресвятая, свѳше мѳлости рѳди сшѣдшаго, и мѳрови нѳвый живѳт даѳщаго, и менѣ ныне спѳдѳби недѳстѳйнаго, со стрѳхом вкуси-ти сего, и жѳву бѳти.

Песнь 4

Пришѣл еси от Дѣвы, не ходѳтай, ни Ангел, но Сам, Гѳсподи, воплѳщся, и спасл еси всего мя человѣка. Тем зовѳ Ти: слава силѣ Твоеѳ, Гѳсподи.

Восхотѣл еси, нас рѳди воплѳщся, Многомѳлостиве, заклѳн бѳти яко овча, грех рѳди человѣческих: тѣмже молю Тя, и моя очѳсти согрѣшѣния.

Исцѣли душі моея язвы, Гѳсподи, и всего освятѳ: и спѳдѳби, Владыко, яко да причашѳся тайныя Твоея Божѣственныя вѣчери, окаянный.

Богородицен: Умѳлостиви и мне Сѳщаго от утрѳбы Твоея, Владычице, и соблюди мя несквѣрна раба Твоего и непорѳчна, яко да приѣм умнаго бѳсера, освящѳся.

Песнь 5

Свѣта подѳтелю и веков Творче, Гѳсподи, во свѣте Твоѳх повелѣний настѳви нас; рѳзве бо Тебѣ иного бѳга не знаѣм.

Якоже предрéкл еси́, Христé, да б́удет у́бо худóму раб́у Твоем́у, и во мнe преб́уди, я́коже обещáлся еси́: се бо Тéло Твое́ ям Божé-ственное, и пи́ю Кровь Твою́.

Слóве Бóжий и Бóже, уго́ль Тéла Твоегó да б́удет мнe помрачénному в просвещéние, и очищéние осквернénной душ́и моéй Кровь Твоя́.

Богородичен: Марíе, Мáти Бóжия, благоухáния честнóе селéние, Тво́ими молíтвами сосúд мя избрáнный содéлай, я́ко да освящéний причащ́уся Сýна Твоегó.

Песнь 6

В бéздне грехóвней валя́ясь, неизслéдную милосéрдия Твоегó призывáю бéздну: от тли, Бóже, мя возведи́.

Ум, дýшу и сéрдце освятí, Спáсе, и тéло моé, и сподóби неосуждénно, Влады́ко, к стра́шным Тáйнам приступíти.

Да б́ых устрани́лся от страстéй, и Твоея́ благодáти имéл бы приложéние, животá же утверждéние, причащéнием Святых, Христé, Тáин Тво́их.

Богородичен: Бóжие, Бóже, Слóво Святóе, всегó мя освятí, ны́не приходя́щего к Бо-

жѣственнымъ Твоимъ Тѣйнамъ, Святѣя Матере Твоея мольбамаи.

Кондакъ, гласъ 2-й

Хлебъ, Христѣ, взѣти не прѣзри мя, Тѣло Твое, и Божественную Твою ныне Кровь, пречистыхъ, Владыко, и страшныхъ Твоихъ Тѣин причастится окайннаго, да не будетъ ми в судъ, да будетъ же ми в живѣтъ вѣчный и безсмертный.

Песнь 7

Тѣлу златому премудрыя дѣти не послуживша, и в пламень сами поидоша, и боги ихъ обругаша, среди пламене возопиша, и ороси я Ангелъ: услышася уже устъ вашихъ молитва.

Источникъ благихъ, причащенье, Христѣ, безсмертныхъ Твоихъ ныне Тѣинствъ да будетъ ми светъ, и живѣтъ, и безстрастие, и к преспеянью же и умноженію добродѣтели Божественнейшия ходатайственно, еди́не Бла́же, ꙗко да сла́влю Тя.

Да избавлюся отъ страстей, и враговъ, и нуды, и всякія скорби, трепетомъ и любовью со благоговѣніемъ, Человеколюбче, приступая ныне къ Твоимъ безсмертнымъ и Божественнымъ Тѣйнамъ, и пѣти Тебѣ сподоби: благословен еси, Господи, Бо́же отецъ нашихъ.

Богородицен: Спáса Христá рóждшая пáче умá, Богоблагодáтная, молю Тя ны́не, раб Твой, Чíстую нечíстый: хотя́щаго мя ны́не к пречíстым Та́йнам присту́пити, очíсти всегó от сквѣрны плóти и дýха.

Песнь 8

В пещь óгненную ко отроко́м евре́йским снизше́дшаго, и пла́мень в рóсу прелóжшаго Бо́га, по́йте де́ла́ я́ко Го́спода, и превозно́сите во вся ве́ки.

Небе́сных, и стра́шных, и святы́х Твои́х, Христé, ны́не Та́ин, и Божѣственныя Твоея́ и та́йныя ве́чери о́бщника бы́ти и менé сподо́би отча́яннаго, Бо́же Спа́се мой.

Под Твое́ прибе́г благоутро́бие, Бла́же, со страхом зову́ Ти: во мне пребу́ди, Спа́се, и аз, я́коже рекл еси́, в Тебе́; се бо дерза́я на мило́сть Твою́, ям Téло Твое́, и пию́ Кро́вь Твою́.

Припев: Пресвята́я Тро́ице, Бо́же наш, сла́ва Тебе́.

Трои́чен: Трепéшу, прие́мля огонь, да не опалю́ся я́ко воск и я́ко трава́; о́ле стра́шнаго та́инства! о́ле благоутро́бия Бо́жия! Ка́ко Божѣственнаго Téла и Кро́ве брэ́ние причаща́юся, и нетле́нен сотворя́юся?

Песнь 9

Безначальна Родителя Сын, Бог и Господь, воплощёсь от Девы нам явися, омрачённая просветити, обрати расточённая: тем всепетую Богородицу величаем.

Христос есть, вкусите и видите: Господь нас ради, по нам бо древле бывый, единою Себе принёс, яко приношение Отцу Своему, присно закаляется, освящаяй причащающийся.

Душею и телом да освящуся, Владыко, да просвещуся, да спасуся, да буду дом Твой причащением священных Таин, живущаго Тя имёя в себё со Отцем и Духом, Благодетлю Многомилостиве.

Якоже огонь да будет ми, и яко свет, Тело Твоё и Кровь, Спасе мой, пречестная, опалая греховное вещество, сжигая же страстей терние, и всего мя просвещая, поклоняться Божеству Твоему.

Богородицен: Бог воплотися от чистых кровей Твоих; темже всякий род поёт Тя, Владычице, умная же множества славят, яко Тобою яве узреша всеми Владычествующаго, осуществовавшагося человечеством.

Достойно есть... Трисвятое. Пресвятая Троице... Отче наш... *Тропарь дня, или пра-*

здника. Если неделя, тропарь воскресный по гласу. Если же нет, настоящие тропари, глас 6-й:

Помилуй нас, Господи, помилуй нас: всякаго бо отвѣта недоумѣюще, сию Ти молитву, яко Владыце, грѣшнии приносим: помилуй нас.

Слава: Господи, помилуй нас, на Тя бо уповахом; не прогнѣвайся на ны зело, ниже помяни беззаконий наших, но призри и ныне яко благоутробен, и избави ны от враг наших. Ты бо еси Бог наш, и мы людие Твой, вси дела рукъ Твоею, и имя Твое призываем.

И ныне: Милосердія двѣри отвѣрзи нам, благословенная Богородице, надѣющіися на Тя да не погѣбнем, но да избавимся Тобою от бед: Ты бо еси спасеніе рода христіанскаго.

Господи, помилуй (40). И поклоны, сколько хочешь.

И стихи:

Хотя ясти, челове́че, Тѣло Влады́чне,
Стра́хом приступи́, да не опали́шися:


огнь бо есть.

Божественную же пия́ Кровь ко

общенію,

Пёрвее прими́рися ты опеча́лившим.
Та́же дерза́я, та́инственна́е бра́шно яждь.

Пре́жде прича́стия стра́шныя же́ртвы,
Животворя́щаго Те́ла Влады́чня,
Сим помоли́ся о́бразом со трéпетом:

 **Молитва Васи́лия Вели́кого, 1-я**

Влады́ко Го́споди Иису́се Христе́, Бо́же наш, исто́чнице жи́зни и безсме́ртнаго, всея́ тва́ри ви́димыя и неви́димыя Соде́телю, безнача́льнаго Отца́ соприсносу́щный Сы́не и собезнача́льный, премно́гия ра́ди бла́гости в послéдняя дни в плоть оболкíйся, и распный́йся, и погребы́йся за ны неблагода́рныя и злона́вныя, и Твое́ю кро́вию обновíвый рас-тлéвшее грехо́м естество́ на́ше, Сам, Безсме́ртный Царю́, приими́ и моё грéшнаго покая́ние, и приклони́ у́хо Твое́ мне, и услы́ши глаго́лы моя́. Согрешихъ бо, Го́споди, согрешихъ на не́бо и пред Тобо́ю, и несмь досто́ин воззрéти на высоту́ сла́вы Твоея́: прогне́вахъ бо Твою́ бла́гость, Твоя́ за́поведи преступи́въ, и не послу́шав Твои́х повелéний. Но Ты, Го́споди, незло́бив сый, долготерпели́въ же и многомíлостив, не пре́дал еси́ мя погíбнути со беззакóнными моими́, моего́ всячески ожи́дая обра́щения. Ты бо рекл еси́, Человеко-

любче, пророком Твоим: яко хотѣнием не хо-
щѹ смѣрти грѣшника, но ѣже обратѣтися и
живу быти еմу. Не хощеши бо, Владыко, со-
здання Твоею руку погубити, ниже благово-
лиши о погѣбели челоуѣчестей, но хощеши
всем спастѣся, и в разум ѣстины приити.
Тѣмже и аз, аще и недостѣин есмь небесѣ и
земли, и сея привременная жѣзни, всего се-
бѣ повинув греху, и сластѣм поработив, и
Твой осквернив ѡбраз; но творѣние и создѣ-
ние Твое быв, не отчаяваю своего спасѣния
окаянный, на Твое же безмѣрное благоутро-
бие дерзая, прихожду. Приими убо и менѣ,
Человеколюбче Господи, якоже блудницу,
яко разбойника, яко мытаря и яко блуднаго,
и возми мое тяжкое бремя грехѡв, грех взѣм-
лай міра, и немощи челоуѣческия исцѣляяй,
труждающияся и обременѣнные к Себѣ при-
зываяй и упокоеваяй, не пришѣдый призва-
ти праведныя, но грѣшныя на покаяние.
И очисти мя от всякия скверны плѡти и ду-
ха, и научи мя совершати святѣню во стра-
се Твоем: яко да чѣстым свѣдѣнием совѣсти
моея, святѣнь Твоих часть приѣмля, соеди-
нюся святому Тѣлу Твоему и Крови, и имѣю
Тебѣ во мне живуща и пребывающа, со От-
цем, и Святым Твоим Духом. Ей, Господи
Иисусе Христѣ, Бѡже мой, и да не в суд ми

бѹдет прича́стие пречи́стых и животворя́щих Та́ин Тво́их, ниже́ да не́мощен бѹду душе́ю же и те́лом, от е́же недосто́йне тем причаща́тися, но даждь ми, да́же до конече́наго моего́ издыха́ния, неосу́ждено, восприима́ти часть святы́нь Тво́их, в Ду́ха Свята́го обще́ние, в напу́тие живота́ ве́чнаго, и во благоприя́тен отве́т на стра́шнем суди́щи Твоём: я́ко да и аз со все́ми избра́нными Тво́ими общник бѹду нетле́нных Тво́их благ, я́же угото́вал еси́ лю́бящим Тя, Го́споди, в нѣхже препросла́влен еси́ во ве́ки. Ами́нь.

Молитва святого Иоанна Златоустого, 2-я

Го́споди Бо́же мой, вем, я́ко несмы́ досто́ин, ниже́ дово́лен, да под кровъ вни́деши хра́ма души́ моея́, зане́же весь пуст и па́лся есть, и не й́маши во мне ме́ста досто́йна е́же главу́ подклоні́ти; но я́коже с высоты́ нас ра́ди смири́л еси́ Себе́, смири́ся и ны́не смире́нию моему́; и я́коже восприя́л еси́ в верте́пе и в я́слех безсловес́ных возле́щї, си́це восприимі́ и в я́слех безсловес́ныя моея́ души́, и во оскверне́нное моё те́ло вни́ти. И я́коже не неудосто́ил еси́ вни́ти, и свечеря́ти со грѣшники в до́мѣ Сїмона прока́женнаго, та́ко изво́ли вни́ти и в дом смире́нныя моея́ души́, прока́женныя и грѣшныя; и я́коже не отри́нул еси́ подобную

мне блудницу и грѣшную, пришѣдшую и прикоснѹвшуюся Тебѣ, сѣце умилосердися и о мне грѣшнем, приходящем и прикасающем Ти ся; и якоже не возгнушался еси скверных ея уст и нечѣстных, целѹющих Тя, ниже моих возгнушайся скверных оных уст и нечѣстных, ниже мерзких моих и нечѣстных устен, и сквернаго и нечѣстейшаго моего языка. Но да будет ми уголь пресвятаго Твоего Тѣла, и честныя Твоея Крове, во освящѣние и просвещѣние и здравіе смиренней моеѣ души и тѣлу, во облегчѣние тяжестей многих моих согрѣшеній, в соблюденіе от всякаго диавольскаго дѣйства, во отгнаніе и возбранѣние злаго моего и лукаваго обычая, во умерщвлѣние страстей, в снабденіе заповѣдей Твоих, в приложѣние Божественныя Твоея благодати, и Твоего Царствія присвоѣние. Не бо яко презираяй прихождѹ к Тебѣ, Христѣ Бѣже, но яко дерзая на неизреченную Твою благодать, и да не на мнозе удаляяйся общенія Твоего, от мысленнаго волка звероуловлен бѹду. Тѣмже молюся Тебѣ: яко един сый Свят, Владыко, освяти мою душу и тѣло, ум и сердце, чревеса и утробы и всего мя обновѣ, и вкоренѣ страх Твой во удесѣх моих, и освящѣние Твое неотъемлемо от менѣ сотвори; и бѹди ми помощник и заступник, окормляя в мѣре живѣот мой,

сподобляя мя и одесную Тебѣ предстоянія со святыми Твоими, молитвами и молениями Пречистыя Твоея Матере, невещественных Твоихъ служителей и пречистыхъ сил, и всехъ святыхъ, от вѣка Тебѣ благоугодившихъ. Аминь.

Молитва Симеона Метафраста, 3-я

Едине чистый и нетленный Господи, за неизреченную милость человеколюбія наше все восприимый смешение, от чистыхъ и девственныхъ кровей паче естества Родившия Тя, Духа Божественнаго нашею, и благоволениемъ Отца присносущнаго, Христѣ Иисусе, премудросте Божия, и міре, и сіло; Твоимъ восприятиемъ животворящая и спасительная страдания восприимый, крестъ, гвоздя, копие, смерть, умертвѣ моя душетленные страсти телесныя. Погребениемъ Твоимъ адава пленивый царствия, погреби моя благими помыслы лукавая совѣтованія, и лукавствия дѹхи разори. Тридневнымъ Твоимъ и живоноснымъ воскресениемъ падшаго праотца возставивый, возстави мя грехомъ поползшагося, образы мне покаянія предлагая. Преславнымъ Твоимъ вознесениемъ плотское обоживый восприятие, и сіе деснымъ Отца седениемъ почтѣй, сподоби мя причастиемъ святыхъ Твоихъ Таин десную часть спасаемыхъ получитьи. Снѣ-

тием Утѣшителя Твоего Духа сосуды чѣстны священныя Твоя ученики содѣлавый, пріятельще и менѣ покажи Того прішѣствія. Хотяй паки пріити судити вселенней правдою, благоволи и мне усрести Тя на облацех, Судию и Создателя моего, со всеми святыми Твоими: да безконечно славословлю и воспеваю Тя, со безначальным Твоим Отцем, и Пресвятым и Благим и Животворящим Твоим Духом, ныне и присно, и во веки веков. Аминь.

✓

Молитва святого Иоанна Дамаскина, 4-я

Владыко Господи Иисусе Христе, Боже наш, единае имейя власть человеком оставляти грехи, яко благ и Человеколюбец презри моя вся в ведении и не в ведении прегрешения, и сподоби мя неосужденно причаститися Божественных, и преславных, и пречистых, и животворящих Твоих Таин, не в тяжесть, ни в муку, ни в приложение грехов, но во очищение, и освящение, и обручение будущаго живота и царствия, в стѣну и помощь, и в возражение сопротивных, во истребление многих моих согрешений. Ты бо еси Бог милости, и щедрот, и человеколюбия, и Тебе славу возсылаем, со Отцем, и Святым Духом, ныне и присно, и во веки веков. Аминь.

Молитва святого Василия Великого, 5-я

Вем, Гóсподи, я́ко недостóйне причаща́юся пречíстаго Твоегó Тéла и честнýя Твоея́ Крóве, и повíнен есмь, и суд себé ям и пию́, не рассужда́я Тéла и Крóве Тебé Христá и Бóга моего́, но на щедрóты Твоя́ дерзая́ прихождú к Тебé рéкшему: ядýй Мою́ плоть, и пия́й Мою́ кровь, во Мне пребывáет, и Аз в нем. Умилосéрдися úбо, Гóсподи, и не обли́чй мя грéшнаго, но сотвори́ со мно́ю по мýлости Твое́й; и да бúдут ми святáя сия́ во исцелéние, и очищéние, и просвещéние, и сохранéние, и спасéние, и во освящéние ду́шй и тéла; во отгнáние всякаго мечтáния, и лука́ваго де́яния, и де́йства диáвольскаго, мы́сленне во удесéх мо́их де́йствуемаго, в дерзновéние и любóвь, я́же к Тебé; во исправлéние жити́я и утверждéние, в возвращéние добродéтели и совершénства; во исполнéние за́поведей, в Дúха Свята́го общéние, в напýтие животá вéчнаго, во отвёт благоприятен на стра́шнем суди́щи Твоём: не в суд или́ во осуждéние.

Молитва святого Симеона Нового Богослова, 6-я

От сквёрных устén, от мёрзкаго сёрдца, от нечíстаго язы́ка, от ду́шй осквернёны, при-

имѣи моленіе, Христѣ мой, и не презри моихъ ни словесъ, ниже образовъ, ниже безстыдія. Дажь ми дерзновенно глаголати, яже хочу, Христѣ мой, паче же и научи мя, что ми подобаетъ творити и глаголати. Согрешихъ паче блудницы, яже увѣде, где обитаеши, міро купивши, прииде дерзостне помазати Твой нозѣ, Бога моего, Владыки и Христа моего. Якоже оному не отринул еси пришедшую от сердца, ниже мене возгнушайся, Слово: Твой же ми подаждь нозѣ, и держати и целовати, и струями слезными, яко многоцѣннымъ міромъ, сѣя дерзостно помазати. Омый мя слезами моими, очисти мя ими, Слово. Остави и прегрѣшенія моя, и прощѣніе ми подаждь. Вѣси золъ множество, вѣси и струпы моя, и язвы зриши моя, но и вѣру вѣси, и произволеніе зриши, и воздыханіе слышиши. Не тайтся Тебѣ, Боже мой, Творче мой, Избавителю мой, ниже капля слезная, ниже капли часть некая. Несодѣланное мое видесте очи Твой, в книзе же Твоей и еще несодѣянная написана Тебѣ суть. Видь смиреніе мое, видь труд мой елико, и грехи вся остави ми, Боже всяческихъ: да чистымъ сердцемъ, притрѣпетною мыслію, и душею сокрушенною, нескверныхъ Твоихъ причащуся и пресвятыѣ Таинъ, имиже оживляется и обожается всякъ ядый же и пи-

яй чѣстымъ сѣрдцемъ; Ты бо рекл еси, Владыко мой: всякъ ядый Мою Плоть, и пий Мойю Кровь, во Мнѣ убо сей пребываетъ, в немъ же и Аз есмь. Истинно слово всяко Владыки и Бога моего: божественныхъ бо причащаяйся и боготворящихъ благодатей, не убо есмь единъ, но съ Тобою, Христѣ мой, Свѣтомъ трисолнечнымъ, просвѣщающимъ миръ. Да убо не единъ пребуду кромѣ Тебѣ Живодавца, дыханія моего, живота моего, радованія моего, спасенія мѣру. Сего ради къ Тебѣ приступихъ, якоже зриши, со слезами, и душею сокрушенною, избавленія моихъ прегрешеній прошу пріяти ми, и Твоихъ живодательныхъ и непорочныхъ Таинствъ причаститися неосужденно, да пребудеши, якоже рекл еси, со мною треокайнымъ: да не кромѣ обретъ мя Твоея благодати, прелестникъ восхититъ мя лъстивне, и прельстивъ отведетъ боготворящихъ Твоихъ словесъ. Сего ради къ Тебѣ припадаю, и тепле вопію Ти: якоже блуднаго пріялъ еси, и блудницу прішедшую, тако пріими мя блуднаго и сквернаго, Щедре. Душею сокрушенною, нынѣ бо къ Тебѣ приходя, вемъ, Спасе, яко иный, якоже азъ, не прегрѣши Тебѣ, ниже содея деянія, яже азъ содеяхъ. Но сие паки вемъ, яко не величество прегрешеній, ни грѣховъ множество превосходитъ Бога моего многое

долготерпѣние и человеколюбіе крайнее; но мѣлостію сострастія тѣпле кающіися, и чѣстиши, и свѣтлиши, и свѣта твориши причастиники, общники Божества Твоего соделоваяй незавѣстно, и странное и Ангелом, и человѣческим мыслем, бесѣдуеши им многжды, якоже другом Твоим истинным. Сія дерзостна творят мя, сія вперяют мя, Христѣ мой. И дерзая Твоим богатым к нам благодѣянием, радуясь вкупѣ и трепѣща, огнѣви причащаюся травѣ сый, и странно чѣдо, орошаемь неопально, якоже ўбо купина дрѣвле неопальне горящи. Ныне благодарною мыслию, благодарным же сѣрдцем, благодарными удесы моими, души и тѣла моего, поклоняюся и величаю, и славословлю Тя, Божѣ мой, яко благословѣнна суща, ныне же и во вѣки.



Молитва святого Иоанна Златоустого, 7-я

Божѣ, ослаби, остави, прости ми согрѣшенія моя, елика Ти согрѣших, аще словом, аще дѣлом, аще помышлѣнием, волею или неволею, разумом или неразуміем, вся ми прости яко благ и Человеколюбец, и молитвами Пречѣстныя Твоея Матере, умных Твоих служителей и святых сил, и всех святых, от вѣка Тебѣ благоугодивших, неосужденно бла-

говолѣи прїяти ми святѡе и пречїстѡе Твоѡ Тѣло и честнѡю Кровь, во исцелѣніе душї же и тѣла, и во очищѣніе лукавыхъ моихъ помышлѣній. Яко Твоѡе есть царство и сїла и слава, со Отцѣмъ и Святѣмъ Дѣухомъ, ныне и прїсно, и во вѣки вѣковъ. Аминь.

Его же, 8-я

Несмь доволѣн, Владыко Господи, да внїдеши подъ кровъ душї моея: но понѣже хощеши Ты, яко Человеколюбецъ, жїти во мнѣ, дерзая приступаю; повелеваяеши, да отвѣрзу двѣри, яже Ты еди́н созда́л еси́, и внїдеши со человеколюбіемъ якоже еси́, внїдеши и просвѣщаеши помрачѣнный мой помысл. Вѣрую, яко сїе сотвориши: не бо блудницу, со слезами пришедшую къ Тебѣ, отгна́л еси́; ниже́ мытаря́ отвѣргл еси́ пока́явшася; ниже́ разбойника, позна́вша Царство Твоѡе, отгна́л еси́; ниже́ гонїтеля пока́явшася оста́вил еси́, е́же бе; но от пока́янія Тебѣ пришедшія вся, въ лице Твоѣхъ другѡвъ вчинїл еси́, Еди́н сый благословѣнный всегда́, ныне и въ безконѣчныя вѣки. Аминь.

Его же, 9-я

Господи Иисусе Христѣ, Бѡже мой, ослаби, оста́ви, очїсти и прости́ ми грѣшному, и

непотрѣбному, и недостойному рабѹ Твоемѹ прегрѣшенія, и согрѣшенія, и грехопадѣнія моя, елика Ти от юности моея, да́же до настоящаго дне и часа́ согрѣшихъ: а́ще в ра́зумѣ и в неразу́мїи, а́ще в словесѣхъ или́ дѣлѣхъ, или́ помышлѣніихъ и мы́слѣхъ, и начинаніихъ, и всехъ моихъ чу́вствахъ. И моли́твами безсе́менно ро́ждшія Тя, Пречі́стыя и Присноде́вы Маріи, Ма́тере Твоея́, еди́ныя непосты́дныя надѣ́жды и предста́тельства и спасѣ́нія моего́, сподо́би мя неосужде́нно причасті́тися пречі́стыхъ, безсме́ртныхъ, животворя́щихъ и стра́шныхъ Твои́хъ Та́инствъ, во оставле́ніе грехо́въ и в жизнь вѣ́чную: во освяще́ніе, и просвѣще́ніе, крѣ́пость, исцеле́ніе, и здра́віе душі́ же и те́ла, и в потребле́ніе и всесовершенство погубле́ніе лука́выхъ моихъ помысло́в, и помышлѣ́ній, и предпри́ятій, и но́щныхъ мечт́аний, те́мныхъ и лука́выхъ духо́в; я́ко Твое́ есть ца́рство, и си́ла, и сла́ва, и честь, и покло́неніе, со Отцемъ и Святы́мъ Твоимъ Ду́хом, ны́не и прі́сно, и во ве́ки веко́в. Ами́нь.

Молитва св. Иоанна Дамаскина, 10-я

Пред двѣ́рьми хра́ма Твоего́ предстою́, и лю́тыхъ помышлѣ́ній не отступáю; но Ты, Хри́стѣ Бо́же, мытаря́ оправди́вый, и ханане́ю по-

миловавый, и разбойнику рая двѣри отвѣр-
зый, отвѣрзи ми утробы человеколюбія Тво-
его, и прими мя приходяща и прикасающа-
ся Тебѣ, яко блудницу, и кровоточивую: ова
убо края ризы Твоея коснувшись, удобъ ис-
целѣние пріят, ова же пречистей Твоѣ нозе
удержавши, разрешѣние грехов понесѣ. Аз
же, окайный, все Твое Тѣло дерзая воспри-
яти, да не опалѣн буду; но прими мя, яко
же оныя, и просвети моя душевныя чувства,
попалая моя греховныя вины, молитвами без-
семенно Родивша Тя, и небесных сил; яко
благословѣн еси во вѣки вѣков. Аминь.

Молитва святого Иоанна Златоустого

Вѣрую, Господи, и исповѣдую, яко Ты еси
войстинну Христос, Сын Бога живаго, при-
шедый в мир грешныя спасти, от нихже пер-
вый есмь аз. Еще вѣрую, яко сие есть самое
пречистое Тѣло Твое, и сия есть самая чест-
ная Кровь Твоя. Молюся убо Тебѣ: помилуй
мя, и прости ми прегрешѣния моя, вольная
и невольная, яже словом, яже делом, яже ве-
дением и невѣдением, и сподоби мя неосуж-
денно причаститися пречистых Твоих Та-
инств, во оставленіе грехов, и в жизнь вѣч-
ную. Аминь.

Приходя же причаститься, произноси мысленно эти стихи Метафраста:

Сё приступаю к Божественному
Причащению.
Содетелю, да не опалиши мя
приобщением:
Огнь бо еси, недостойныя поpalяяй.
Но убо очисти мя от всякия скверны.

✓ **Затем:**

Вечери Твоея тайныя днесь, Сыне Божий,
причастника мя приими; не бо врагом Твоим
тайну повем, ни лобзания Ти дам, яко
Иуда, но яко разбойник исповедаю Тя: помяни
меня, Господи, во Царствии Твоем.

И стихи:

Боготворящую Кровь ужаснися,
человече, зря:
Огнь бо есть, недостойныя поpalяяй.
Божественное Тело и обожает мя
и питает:
Обожает дух, ум же питает странно.

Потом тропари:

Усладил мя еси любовью, Христэ, и изменил
меня еси Божественным Твоим рачением;

но попали огнём невещественным грехи моя, и насытитися ёже в Тебё наслаждёния сподоби: да ликую возвеличаю, Блáже, два прише́ствия Твоя́.

Во свѣтлостех Святыхъ Твоихъ како вни́ду, недостойный? Аще бо дерзну́ совнѣти в черто́г, оде́жда мя обличаетъ, я́ко несть бра́чна, и связан извѣржен бу́ду от Ангелов. Очи́сти, Го́споди, сквѣрну ду́шѣ моея́, и спаси́ мя, я́ко Чело́веколюбецъ.

Также молитву:

Влады́ко Чело́веколю́бче, Го́споди Иису́се Христе́ Бо́же мой, да не в суд ми бу́дут Свята́я сия́, за ёже недостойну ми бы́ти: но во очище́ние и освяще́ние ду́шѣ же и те́ла, и во обруче́ние бу́дущия жи́зни и ца́рствия. Мне же, ёже прилепля́тися Бо́гу, блага́го есть, полага́ти во Го́споде упова́ние спасе́ния моего́.

И еще: Вѣчерѣ Твоея́ тайныя...

Примечание. Желáющий причаститься долженъ достойно пригото́виться к этому Святому Таинству. Приготовле́ние это (в церковной практи́ке оно называется гове́нием) продо́лжается несколько дней и касается как телесной, так и духовной жизни чело́века. Телу предписывается воздержáние, т.е. телесная чистота и ограниче́ние в пище́ (пост). В дни поста́ исключáется пища́ животного происхо́ждения —

мясо, молоко, яйца и, при строгом посте, рыба. Хлеб, овощи, фрукты употребляются в умеренном количестве. Ум не должен рассеиваться по мелочам житейским и развлекаться.

В дни говения надлежит посещать богослужение в храме, если позволяют обстоятельства, и более прилежно выполнять домашнее молитвенное правило: кто читает обычно не все утренние и вечерние молитвы, пусть читает все полностью, кто не читает каноны, пусть в эти дни читает хотя бы по одному канону. Накануне причащения надо быть на вечернем богослужении и прочитать дома, кроме обычных молитв на сон грядущим, канон покаянный, канон Богородице и Ангелу хранителю. Каноны читают или один за другим полностью, или соединяя таким образом: читается ирмос первой песни покаянного канона («Яко по суху...») и тропари, затем тропари первой песни канона Богородице («Многими содержимь...»), опуская ирмос «Воду прошед...», и тропари канона Ангелу хранителю, тоже без ирмоса «Поим Господеву...» Также читают и следующие песни. Тропари перед каноном Богородице и Ангелу хранителю, а также стихиры после канона Богородице в таком случае опускаются.

Читается также канон ко причащению и, кто пожелает, — акафист Иисусу Сладчайшему. После полуночи уже не едят и не пьют, ибо принято приступать к Таинству Причащения натощак. Утром прочитываются утренние молитвы и все последование ко Святому Причащению, кроме канона, прочитанного накануне.

Перед причащением необходима исповедь — вечером ли, или утром, перед Литургией.



БЛАГОДАРСТВЕННЫЕ МОЛИТВЫ ПО СВЯТОМ ПРИЧАЩЕНИИ

Сла́ва Тебе́, Бо́же. Слава Тебе, Боже. Сла-
ва Тебе, Боже.

Благодарственная молитва, 1-я

Благодарю́ Тя, Го́споди Бо́же мой, я́ко не
отри́нул мя еси́ грѣшнаго, но о́бщника мя бы́-
ти святы́нь Твои́х сподо́бил еси́. Благодарю́
Тя, я́ко мене́ недосто́йнаго причасти́тися пре-
чи́стых Твои́х и небѣсных Даро́в сподо́бил
еси́. Но Влады́ко Человеколю́бче, нас ра́ди
умѣрый же и воскресый, и дарова́вый нам
стра́шная сия́ и животворя́щая Та́инства, во
благодѣ́яние и освяще́ние душ и теле́с на́ших,
даждь бы́ти сим и мне во исцеле́ние душі́ же
и теле́а, во отгна́ние всякаго сопроти́внаго, в
просвеще́ние о́чию се́рдца моего́, в мир ду-
ше́вных мои́х сил, в ве́ру непосты́дну, в лю-
бо́вь нелицеме́рну, во исполне́ние премудо́ро-
сти, в соблюде́ние за́поведей Твои́х, в при-

ложёние Божественныя Твоея благодати, и Твоего Царствия присвоение: да во святѣни Твоей тѣми сохраняемъ, Твою благодать поминаю всегда, и не ктому́ себѣ живу́, но Тебѣ нашему Владыце и благодѣтелю; и тако сего житія изшедъ о надежди животá вѣчнаго, в присносу́щный достѣгну покой, идеже прѣзднующихъ гласъ непрестанный, и безконечная сладость, зрящихъ Твоего лица добрѣту неизреченную. Ты бо еси́ истинное желаніе, и неизреченное веселіе любящихъ Тя, Христѣ́ Боже наш, и Тя поётъ вся тварь во вѣки. Аминь.

Молитва 2-я, святого Василия Великого

Владыко Христѣ́ Боже, Царю́ вековъ и Содѣтелю всехъ, благодарю́ Тя о всехъ, яже ми еси́ подалъ благѣхъ, и о причащеніи пречистыхъ и животворящихъ Твоихъ Таинствъ. Молю́ убо Тя, Блаже и Человеколюбче: сохрани́ мя подъ кровомъ Твоимъ, и въ сѣни крилу́ Твоею; и даруй ми чистою совѣстію, да́же до послѣдняго моего́ издыханія, досто́йно причащати́ся святѣнь Твоихъ, во оставленіе грехѣвъ и въ жизнь вѣчную. Ты бо еси́ хлебъ живѣотный, источникъ святѣни, Подательъ благѣхъ, и Тебѣ славу возсыла́емъ, со Отцѣмъ и Святы́мъ Духомъ, ны́не и прѣсно, и во вѣки вековъ. Аминь.

Молитва 3-я, Симеона Метафраста

Да́вый пи́щу мне плоть Твою́ во́лею, огонь
сый и опаля́яй недосто́йныя, да не опали́ши
мене́, Содéтелю мой; па́че же пройди́ во у́ды
моя, во вся соста́вы, во утробу, в се́рдце. По-
пали́ те́рние всех мо́их прегреше́ний. Ду́шу
очи́сти, освяти́ помышле́ния. Составы утвер-
ди́ с костью́ вку́пе. Чувств просвети́ просту́ю
пяте́рицу. Все́го мя спригвозди́ стра́ху Твое-
му́. При́сно покрый, соблюди́ же, и сохрани́
меня от вся́каго де́ла и сло́ва душе́тле́ннаго.
Очи́сти, и омы́й, и украси́ мя, удобри́, вра-
зуми́, и просвети́ мя. Покажи́ мя Твое́ селе́-
ние еди́наго Ду́ха, и не ктому́ селе́ние гре-
ха́. Да я́ко Твое́го до́му, вхо́дом причаще́ния,
я́ко огня́ мене́ бежитъ всяк злоде́й, вся́ка
страсть. Моли́твенники Тебе́ приношу́ вся
святы́я, чинонача́лия же безплóтных, Пред-
те́чу Твое́го, премудры́я апо́столы, к сим же
Твою́ нескве́рную чи́стую Ма́терь, ихже
мольбы́, Благоутро́бне, приими́, Христé мой,
и сы́ном све́та соде́лай Твое́го служи́теля. Ты
бо еси́ освяще́ние и еди́ный на́ших, Бла́же,
душ и све́тлость; и Тебе́ лепоподо́бно, я́ко Бо́-
гу и Влады́це, сла́ву вси возсыла́ем на всяк
день.

Молитва 4-я

Тѣло Твое святое, Господи Иисусе Христѣ Бѣже наш, да бѣдет ми в живѣтъ вѣчный, и Кровь Твоя честная во оставленіе грѣховъ: бѣди же ми благодареніе сие в радость, здравіе и веселіе; в страшное же и второе пришествіе Твое сподоби мя грѣшнаго стати одесную славы Твоея, молитвами Пречистой Твоея Матере, и всех святыхъ.

Молитва 5-я, ко Пресвятой Богородице

Пресвятая Владычице Богородице, свѣте помраченныя моея души, надеждо, покрове, прибежище, утешеніе, радованіе мое, благодарю Тя яко сподобила мя еси, недостойнаго, причастника быти пречистаго Тѣла и честныя Крове Сына Твоего. Но рождающая истинный Свет, просвети моя умныя очи сердца; Яже источник безсмертія рождающая, оживотвори мя умерщвленнаго грѣхомъ; Яже милостиваго Бога любоблагоутробная Мати, помилуй мя, и даждь ми умиленіе, и сокрушеніе в сердцѣ моемъ, и смиреніе в мыслех моихъ, и воззваніе в плененіихъ помышлений моихъ; и сподоби мя, до послѣдняго издыханія, неосужденно приимати пречистыхъ Таин освященіе, во исцеленіе души же и тѣла.

И подаждь ми слёзы покаяния и исповѣданія, во ёже пѣти и славити Тя во вся дни животá моего, яко благословѣнна и препрославленна еси во вѣки. Аминь.

Ныне отпускаеши раба Твоего, Владыко, по глаголу Твоему с миром: яко видеста очи мои спасение Твое, ёже еси уготовал пред лицем всех людей, свет во откровение языков и славу людей Твоих Израиля.

Трисвятое. Пресвятая Троице... Отче наш...

Тропарь святому Иоанну Златоустому, глас 8-й

Уст твоих, якоже свѣтлость огня, возсиявши благодать, вселенную просвети; не сребролюбия мiрови сокровища сниска, высоту нам смиренномудрия показá, но твоими словесы наказуя, óтче Иоáнне Златоусте, моли Слóва Христá Бóга спастися душáм нáшим.

Кондак, глас 6-й

Слава: От небес приял еси Божественную благодать, и твоими устнами вся учиши поклоняться в Троице Единому Бóгу, Иоáнне Златоусте всеблаженне, преподобне, достойно хвалим тя: еси бо наставник, яко божественная являя.

И ныне: Предстательство христиа́н непосты́дное, ходата́йство ко Творцу́ непреложное, не прѣзри грѣшных моле́ний гла́сы, но предвари́, я́ко Благая, на по́мощь нас, ве́рно зову́щих Ти: ускори́ на моли́тву, и потщи́ся на умоле́ние, предстательству́ющи при́сно, Богоро́дице, чту́щих Тя.

Если совершалась литургия святого Василия Великого, читай:

Тропарь Василию Великому, глас 1-й:

Во всю зѣмлю изы́де веща́ние твоѐ, я́ко приѣмшую сло́во твоѐ, ѿмже боголе́пно научи́л еси́, естество́ су́щих уясни́л еси́, челове́ческия обы́чаи украси́л еси́, ца́рское свяще́ние, о́тче преподо́бне, моли́ Христа́ Бо́га, спасти́ся душа́м на́шим.

Кондак, глас 4-й

Слава: Яви́лся еси́ основа́ние непоколеби́мое це́ркве, пода́я всем некра́домое господа́ство челове́ком, запечатле́я твоими́ велѣ́ньми, небоявле́нне Васи́лие преподо́бне.

И ныне: Предстательство христиан...

Если совершалась литургия Преждеосвященных Даров, читай:

**Тропарь святому Григорию Двоеслову,
глас 4-й:**

Иже от Бѣга свѣше Божественную благодать восприѣм, славне Григоріе, и Того сілою укрепляемъ, евангельски шествовати изволил еси, отонудуже у Христа возмездіе трудовъ приѣл еси, всеблаженне: Егѣже моли, да спасетъ души наша.

Кондак, глас 3-й

Слава: Подобоначальникъ показался еси Начальника пастыремъ Христа, иноковъ чреды, отче Григоріе, ко оградѣ небесней наставляя, и оттуду научил еси стадо Христово заповѣдемъ Его: ныне же съ ними радуешься, и ликуеши въ небесныхъ крѣвехъ.

И ныне: Предстательство христиан...

Господи, помилуй (12). Слава, и ныне. Честнейшую Херувим...

После причащения да пребываетъ каждый въ чистотѣ, воздержаніи и немногословіи, чтобы достойно сохранить въ себѣ Христа принятого.



ВО СВЯТУЮ И ВЕЛИКУЮ НЕДЕЛЮ ПАСХИ

Стихира в начале утрени, глас 6-й

Воскресѣніе Твое, Христѣ Спа́се, Ангели
пою́т на небесе́х, и нас на землі́ сподо́би
чи́стым се́рдцем Тебе сла́вити.

Тропарь, глас 5-й

Христосъ воскресе из мёртвых, смёртию
смерть попра́в, и су́щим во гробѣхъ живо́т
дарова́в.

Канон, глас 1-й

Песнь 1

Воскресения день, просветимся лю́дие. Пасха, Гос-
подня Пасха: от смерти бо к жизни, и от земли к не-
беси, Христос Бог нас преведе́, победную поющыя.

Припев: Христос воскрес из мертвых.

Очистим чувства, и ўзрим неприступным
светом воскресения, Христа блистающася, и

радуйтесь рекуща, ясно да услышим, победную поюще.

Небеса убо достойно да веселятся, земля же да радуется, да празднует же мир, видимый же весь и невидимый, Христос бо вос-та́, веселие вечное.

Богородичны*

Припев: Слава: И ныне: или Пресвятая Богородице, спаси нас.

Слава: Умерщвления предел сломила еси, вечную жизнь рождшая Христа, из гроба возсиявшего днесь, Дево Всенепорочная, и мир просветившего.

И ныне: Воскресшаго видевши Сына Твоего и Бога, радуйся со Апостолы Богоблагодатная чистая, и еже радуйся первее, яко всех радости вина восприяла еси, Богомати Всенепорочная.

Песнь 3

Приидите, пиво прием новое, не от камене неплодна чудодеемое, но нетления источник из гроба одождивша Христа, в Немже утверждаемся.

* Поемья со второго дня Пасхи и до отдания.

Ныне вся исполнишася света, небо же и земля и преисподняя: да празднует убо вся тварь востание Христово, в немже утверждается.

Вчера спогребохся Тебе, Христѣ, совостаю днесь воскресшу Тебе, сраспинахся Тебе вчера: Сам мя прослави, Спáсе, во Царствии Твоем.

Слава: На нетленную жизнь прихожду днесь, благодатию Рождшагося из Тебе, Чистая, и всем концем свет облиставшаго.

И ныне: Бога, Егоже родила еси плотию, из мертвых, якоже рече, воставша видевши, Чистая, ликуй, и Сего яко Бога, Пречистая, возвеличай.

Ипакои, глас 4-й

Предварившья утро яже о Марии, и обретшья камень отвален от гроба, слышаху от Ангела: во свете присносущнем Сущаго с мертвыми что ищите яко человека; видите гробныя пелены, тецѣте, и миру проповедите, яко востá Господь, умертвивый смерть, яко есть Сын Бога, спасающаго род человеческий.

Песнь 4

На божественней стражи Богоглаголивый Аввакум да станет с нами, и покажет светоносна Ангела, ясно глаголюща: днесь спасение миру, яко воскресе Христос, яко всесилен.

Мужеский убо пол, яко развёрзый девственную утробу, явился Христос, яко человек же, агнец наречется, непорочен же, яко неvkýсен сквёрны, наша Пасха, и яко Бог истинен, совершен речется.

Яко единолетний агнец, благословенный нам венец Христос, волею за всех заклан бысть: Пасха чистительная, и паки из гроба красное, правды нам возсия Солнце.

Богоотец убо Давид пред сённым ковчегом скакаше играя, людие же Божии святии, образóв сбытиё зряще, веселимся Божественне, яко воскресе Христос, яко всесилен.

Слава: Создавый Адама, Твоего праотца, Чистая, зиждется от Тебе, и смертное жилище разори Своею смертию днесь, и озари вся Божественными блистаньми воскресения.

И ныне: Егоже родила еси Христа, прекрасно из мертвых возсиявша, Чистая, зрящи, добрая и непорочная в женах и красная, днесь во спасение всех, со Апостолы радующися Того прославляй.

Песнь 5

Утренюем ўтреннюю глубоку, и вместо мира песнь принесем Владыце, и Христа ўзрим правды Солнце, всем жизнь возсияюща.

Безмерное Твое благоутробие адовыми ўзами содержи́мии зряще, к свету идя́ху, Христе, веселыми ногами, Пасху хва́ляще вечную.

Присту́пим, священоснии, исходящу Христу из гроба яко жениху, и спразднуим любопразднственными чинми Пасху Божию спасительную.

Слава: Просвещается Божественными лучами и живоносными воскресения Сына Твоего, Богомати Пречистая, и радости исполняется благочестивых собрание.

И ныне: Не разверзл еси врата девства в воплощении, гроба не разруши́л еси печатей Царю создания, отню́дуже воскресшаго Тя зрящи, Мати радовашеся.

Песнь 6

Снизшел еси в преисподняя земли, и сокруши́л еси верей вечныя, содержащыя связанные, Христе, и тридневен, яко от кита Иона, воскресл еси от гроба.

Сохранив цѣла знаменія, Христе, воскресл еси от гроба, ключи Девы невре́дивый в рож-

дестве Твоем, и отверзл еси нам райския двери.

Спáсе мой, живое же и нежѣртвенное за-
колѣние, яко Бог Сам Себе волею привед От-
цу, совоскресѣи еси всерѣднаго Адама, вос-
крес от гроба.

Слава: Возведѣся древле держѣмое смер-
тию и тлением, воплотившимся от Твоего
пречистаго чрева, к нетленней и присносущ-
ней жизни, Богородице Дево.

И ныне: Снѣде в преисподняя земли, в ло-
жеснá Твоя, Чистая, сшeдый и вселивыйся,
и воплотивыйся паче ума, и воздвѣже с Со-
бою Адама, воскрес от гроба.

Кондак, глас 8-й

Аще и во гроб снишел еси, Безсмертне,
но áдову разрушил еси силу, и воскресл еси,
яко Победитель, Христе Боже, женáм миро-
носицам вещáвый: радуйтесь! и Твоим апо-
столом мир дáруй, падшим подай воскрe-
сение.

Икос

Еже прежде солнца Солнце зашедшее ино-
гда во гробе, предвариша ко утру, ѣщущыя
яко дне мироносицы девы, и другá ко друзѣй

вопιάху: о другіни, приидіте, воня́ми помажем Тело живоносное и погребѣнное, плоть Воскресившаго падшаго Адама, лежащую во гробе. Идем, потщѣмся якоже волсвѣ, и поклонѣмся, и принесем мира, яко дáры, не в пеленáх, но в плащанице обвитому, и плачим, и возопіѣм: о Владыко, востани! падшым подаѣй воскресение.

Воскресение Христово вѣдевше... (*Трижды, см. стр. 173*)

Воскрес Иисус от гроба, якоже проречѣ, даде́ нам живот вечный и велию милость. (*Трижды*)

Песнь 7

Отроки от пѣщи избавивый, быв человек, страждет яко смертен, и страстию смертное, в нетления облачит благолепие, един благословѣн отцев Бог, и препрославлен.

Жены с миры Богомудрыя в след Тебе течаху: Егоже яко мѣртва со слезами искаху, поклонишася рáдующыся живому Богу, и Пасху тайную Твоим, Христе, учеником благовестіша.

Смерти празднуем умерщвление, адово разрушение, ино́го житія вечнаго нача́ло, и

играюще поем виновнаго, единаго благословеннаго отцев Бога, и препрославленнаго.

Яко воистину священная и всепразднственная, сия спасительная нощь, и светозърная, светонóснаго дне востания сýщи провозвестница, в нейже безлетный Свет из гроба, плóтски всем возсия.

Слава: Умертвив Сын Твой смерть, Всенепорочная, днесь, всем смертным пребывающий живот во веки веков дарова, един благословенный отцев Бог и препрославленный.

И ныне: Всем царствуяй созданием, быв человек, вселися в Твою, Богоблагодатная, утробу, и распятие претерпев и смерть, воскресе Боголепно, совозставив нас, яко всемоу силен.

Песнь 8

Сей нареченный и святой день, един суббóт царь и господь, праздников праздник и торжество есть торжеств, в о́нже благословим Христа во веки.

Приидите новаго винограда рождения, Божественнаго веселия, в нарочитом дне воскресения, Царствия Христова приобщимся, поюще Его яко Бога во веки.

Возведи́ о́крест очи твои, Сионе, и виждь, се бо приидо́ша к тебе яко Богосветлая све-

тила, от запада, и севера, и моря, и востока чада твоя, в тебе благословящая Христа во веки.

Троицен: Пресвятая Троице, Боже наш, слава Тебе.

Отче Вседержителю, и Слове, и Душе, тремъ соединяемое во ипостасех естество, Пресущественне и Пребожественне, в Тя крестихомся, и Тя благословим во вся веки.

Слава: Прииде Тобою в мир Господь, Дево Богородице, и чрево адово расторг, смертным нам воскресение дарова. Темже благословим Его во веки.

И ныне: Всю низложив смерти державу Сын Твой, Дево, Своим воскресением, яко Бог крепкий совознесе нас и обожі. Темже воспевает Его во веки.

Песнь 9

Припев: Величит душа моя воскресшаго тридневно от гроба, Христа жизнедавца.

Светися, светися, новый Иерусалиме: слава бо Господня на тебе возсия, ликуй ныне и веселися, Сионе: Ты же Чистая красуйся, Богородице, о востании рождества Твоего.

Припев: Христос новая Пасха, жертва живая, Агнец Божий, вземляй грехи мира.

О, Божественнаго! о, любезнаго! о, сладчайшаго Твоего гласа! С нами бо неложно обещался еси быти, до скончания века, Христе: Егоже вернии, утверждение надежды имуще, радуемся.

Припев: Ангел вопияше Благодатней: Чистая Дево, радуйся! и паки рекү: радуйся! Твой Сын воскресе тридневен от гроба, и мёртвыя воздвигнувый: людіе, веселитесь!

О, Пасха велия, и священнейшая Христе! о, мудросте, и Слове Божий, и сіло! Подавай нам їстее Тебе причащатися, в невечёрнем дни царствия Твоего.

Слава: Согласно, Дево, Тебе блажим вернии: радуйся, дворе Господня, радуйся, граде одушевленный: радуйся, Еяже ради нам ныне возсия свет из Тебе Рожденнаго из мертвых воскресения.

И ныне: Веселися и радуйся Божественная дворе Света: зашедый бо Иисус во гроб возсия, просияв солнца светлее, и верныя вся озарив, Богорадованная Владычице.

Ексапостиларий самогласен

Плотию уснув яко мертв, Царю и Господи, тридневен воскресл еси, Адама воздвиг

от тли и упразднив смерть: Пасха нетления, мира спасение. (*Трижды*)

Стихиры Пасхи, глас 5-й

Стих: Да воскреснет Бог, и расточатся вразі Его.

Пасха священная нам днесь показася: Пасха нѡва, святая, Пасха таинственная, Пасха всечестная, Пасха Христос Избавитель: Пасха непорочная, Пасха великая, Пасха верных, Пасха двери райския нам отверзающая: Пасха всех освящающая верных.

Стих: Яко исчезает дым, да исчезнут.

Приидите от видения, жены благовестницы, и Сиону рцыте: приими от нас радости благовещения воскресения Христова: красуйся, ликуй и радуйся, Иерусалиме, Царя Христа узрев из гроба, яко жениха происходяща.

Стих: Тако да погибнут грешницы от лица Божия, а праведницы да возвеселятся.

Мироносицы жены, утру глубокую представшая гробу Жизнодавца, обретоша Ангела на камени сядяща, и той, провещав им, сїце глаголаше: что ищите Живаго с мертвыми? что плачете Нетленного во тли? шедша проповедите учеником Его.

Стих: Сей день, егоже сотвори́ Господь, возрадуемся и возвеселимся в онь.

Пасха красная, Пасха, Господня Пасха! Пасха всечестна́я нам возсия́! Пасха! радостию друг друга объ́имем! О, Пасха! избавление ско́рби, ибо из гроба днесь яко от чертога возсияв Христос, жены радости исполни, глаголя: проповедите Апостолом.

Слава Отцу и Сыну и Святому Духу, и ныне и присно и во веки веков. Аминь.

Воскресения день, и просвети́мся торжеством, и друг друга объ́имем, рцем: братие! и ненавидящим нас простим вся воскресением и тако возопи́м: Христос воскресе из мертвых, смертию смерть поправ и сущым во гробех живот даровав.



ЧАСЫ СВЯТОЙ ПАСХИ*

Аще иерей: Благословен Бог наш...

Мирский же глаголет: Молитвами святых отец наших, Господи Иисусе Христе, Боже наш, помилуй нас. Аминь.

Христос воскресе из мёртвых, смёртию смерть поправ, и сущим во гробѣх живёт даровав. (Трижды)

Таже глаголем (трижды)

Воскресение Христово видевше, поклонимся Святому Господу Иисусу, единому безгрешному, Кресту Твоему покланяемся, Христѣ, и святое воскресение Твое поем и славим: Ты бо еси Бог наш, разве Тебе иного не знаем, имя Твое именуем. Приидите, вси вернии, поклонимся святому Христову воскре-

* Это последование бывает во всю Светлую седмицу вместо повечерия и полунощницы, а также вместе утренних и вечерних молитв.

сению: се бо прииде Крестом радость всему миру; всегда благословяще Господа, поём воскресение Его, распятие бо претерпёв, смертью смерть разруши.

Ипако́й (единожды)

Предварившья утро яже о Марии, и обретшья камень отвален от гроба, слышаху от Ангела: во свете присносу́щем Сущаго с мертвыми что ищите яко человека? видите грóбныя пелены́, тецы́те, и миру проповедите, яко воста́ Господь, умертвивый смерть, яко есть Сын Бога, спасающаго род человеческий.

Кондак (единожды)

Аще и во гроб снизшел еси, Безсмертне, но а́дову разруши́л еси силу, и воскресл еси, яко Победитель, Христе Боже, жена́м мирноносицам веща́вый: радуйтесь! и Твоим апостолом мир да́руяй, падшим пода́й воскресение.

И сей тропарь (единожды)

Во гробе плóтски, во аде же с душою, яко Бог, в раи же с разбойником, и на престоле был еси, Христе, со Отцем и Духом, вся исполняяй, неописанный.

Слава: Яко живонóсец, яко рая краснейший, воистину и чертога всякаго царскаго показáся светлейший, Христе, гроб Твой, источник нашего воскресения.

И ныне: Вѣшняго освященное Божественное селение, радуйся: Тобою бо дадѣся радость, Богородице, зовѹщим: благословенна Ты в женах еси, Всенепорочная Владычице.

Господи, помилуй (40). Слава, и ныне. Честнейшую Херувим... Именем Господним благослови, отче.

Иерей: Молитвами святых отец наших...

И глаголем трижды тропарь

Христос воскресе... Слава, и ныне. Господи, помилуй (*трижды*). Благослови. *И отпуст от иерея. Мирский же глаголет:*

Господи Иисусе Христе, Сыне Божий, молитв ради Пречíстыя Твоея Мáтере, преподобных и богоносных отѣц наших и всех святых помилуй нас. Аминь.



ПРАВИЛО ОТ ОСКВЕРНЕНИЯ

Внегда случится кому искушиться во сне по действию диаволю, встав от одра, творит поклоны, глаголя:

Боже, милостив буди мне грешному.

Таже начало обычное по: Отче наш... Господи, помилуй (12). Слава, и ныне. Приидите, поклонимся... (трижды). Помилуй мя, Боже...

И тропари сия, глас 7-й

Пастырю добрый, душу Твою положивый о нас, сведый сокровенная, содеянная мною, Едине Блаже, упаси мя разумом заблуждшаго, и исхити мя от волка, Агнче Божий, и помилуй мя.

Отягчен сном уныния, помрачаюся прелестью греховною: но даруй ми утро покаяния, просвещая очи мысленная, Христе Боже, просвещение души моя, и спаси мя.

Мглою греховною и сластями житейскими сплетаем ум окаянные души моя, страсти различныя раждает, и в помысл умиления не приходит. Но ущедрь, Спасе, смирение мое, и даждь ми помысл умиления, да и аз спасаем прежде конца воззову благоутробию Твоему: Господи Христе Спасе мой, отчаяннаго спаси мя и недостойнаго.

Яко впадый в разбойники, и уязвен, тако и аз впадох во многия грехи, и уязвена ми есть душа. К кому прибегну повинный аз: токмо к Тебе, милосердому душ Врачу: излей на мя, Боже, великую Твою милость.

Слава: Яко блудный сын приидох и аз, Щедре: приими мя, Отче, возвращающаяся, яко единого от наемник Твоих, Боже, и помилуй мя.

И ныне: *Богородичен*

Избави, Богородице, от обдержавших нас грехов: яко иного упования вернии не имамы, разве Тебе, и от Тебе рождагося Господа.

Таже: Господи, помилуй (40). И поклонов 50, с молитвой: Боже, милостив ми буди, и прости мя блуднаго за имя Твое Святое.

Затем молитва 1-я, святого Василия Великого

Паки запят бых окаянный умом и лукавым обычаем, работая греху. Паки князь тьмы и страстных сладостей родитель, пленена мя сотвори, и якоже раба смиренного, того хотением, и желанием плотским работати принуждает мя. И что сотворю, Господи мой, и Избавителю, и Заступниче, уповающим на Тя, аще не к Тебе паки возвращуся и постеню, и милости испрошу о содеянных мною; но боюся и трепещу, да не како всегда исповедаяся, и отступить злых обещаваясь, и на кийждо час согрешая: и не воздав молитвы моея Тебе Богу моему, долготерпение Твое воздвигну к негодованию. И кто стерпит гнева Твоего, Господи; ведый убо множество щедрот Твоих, и пучину человеколюбия Твоего, паки возверзаю себе на милость Твою, и взываю Ти: еже согреших, прости. Помилуй мя падшаго, даждь ми руку помощи, в тине сластей погруженному. Не остави, Господи, создание Твое растлится беззаконными моими и грехи моими: но обычным Твоим милосердием и благодатию принуждаем, избави от кала и скверны телесныя и страстных помышлений, оскверняющих всегда душу мою окаянную: се бо, Господи, якоже зриши, несть

в ней места чиста, но вся проказися, и все тело объят язва. Сам убо, Человеколюбче, врачу душ и телес и милости источниче, очисти ту слез моих течением, сих изливая на мя обильно: излей на мя человеколюбие Твое, и даждь ми исцеление и очищение, и исцели сокрушение мое, и не отврати лица Твоего от мене, да не якоже вещь, пояст мя отчаяния огонь: но якоже рекл еси, неложный Боже, яко велия радость бывает на небеси о едином грешнице кающемся, сие сотвори и на мне грешнем, и не затвори ушию благоутробия Твоего, в молитве покаяния моего; но отверзи их, и яко кадило исправи ту пред Тобою: веси бо немощь естества Создателю, и удобь поползновение юности, и тяжесть тела, и презираеши грехи, и покаяние приемлещи призывающих Тя истиною. Яко благословися и прославися пречестное и велико-лепое имя Твое, Отца и Сына и Святаго Духа, ныне и присно и во веки веков. Аминь.

Молитва 2-я, тогожде святого

Многомилостиве, нетленне, нескверне, безгрешне Господи, очисти мя, непотребнаго раба Твоего, от всякия скверны плотскія и душевныя, и от невнимания и уныния моего прибывшую ми нечистоту, со иными все-

ми беззаконии моими, и яви мя нескверна, Владыко, за благодать Христа Твоего, и освяти мя нашествием Пресвятаго Твоего Духа: яко да возбнув от мглы нечистых привидений диавольских, и всякия скверны, сподоблюся чистою совестию отверсти скверная моя и нечистая уста, и воспевати всесвятое имя Твое, Отца и Сына и Святаго Духа, и тако причастится неповинно и неосужденно Пречистых, Пресвятых и Животворящих Таинств Единороднаго Твоего Сына, Господа Бога и Спаса нашего Иисуса Христа, с Нимже благословен еси еси, и с Пресвятым и Благим и Животворящим Тврим Духом, ныне и присно, и вовеки веков. Аминь.

Молитва 3-я

Пречисте, нескверне, благоутробне Господи, Иже восприятием Твоего человечества наше естество от тли изменивый и соединением лучшаго все освятивый, Иже в Тя единого истинного Бога несумненно верующим благодать Твою изобильно подавая, и в немощи плоти, великовыйна посрамляя и ветхаго запинателя; Ты Благодетелю Господи и мене страстнаго и любогрешнаго во сне мечтанием оскверншася, очисти от всякия сквер-

ны плоти и духа и не вмени мне сие в грех, или завистию доброненавистца и безличнаго демона сонномечтанием осквернихся, или небрежением и невоздержанием вредных, или обычаем лукавым и привзятий мучительством. Укрепи же мя прочее на безстыдство его и неистовство всесильною Твоею благодатию, и выше того различных коварств соблюди, целомудрия моего светильник неугасимый даже до конца сохраняяй; да сквернаго убо всякаго скоктаний сладострастия и всякия мрачныя нощных мечтаний мглы Твоею помощию изменяем, о светозарном же зрении желаемых, и паче меда и сота услаждающих судёб Твоих день и ночь поучаяйся в чистой совести, Животворящих и Безсмертных Твоих Таинств причаститися сподоблюся молитвами нетленно рождшия Тя Пречистыя Владычицы нашае Богородицы и Приснодевы Марии, и всех святых, аминь.

Таже: Честнейшую Херувим... Слава, и ныне. Господи, помилуй (*трижды*). Господи, благослови. *И отпуст:*

Господи Иисусе Христе, Боже наш, молитв ради Пречистыя Твоя Матере и всех святых, спаси мя грешнаго.

Молитва от осквернения

Господи Боже наш, Едине Благий и Человеколюбче, Едине Святый и на святых почиваяй, Иже верховному Твоему апостолу Петру явивый видением, ничтоже скверно, или нечисто мнети, от Тебе сотворенных на пищу и в наслаждение человеком, и сосудом Твоим избранным, апостолом Павлом вся чиста чистым заповедавый: Ты Сам Владыко Пресвятый призыванием страшнаго и пречистаго Твоего имени, и знаменiem Честнаго и Животворящаго Креста, благослови и очисти мя, раба Твоего (*имя*), осквернившася от всякаго неприязненнаго духа, от всякаго мечтания и гада ядовитаго, от всякаго беззакония и от всякия лести, от всякаго потвора и от всякия суеты, и от всякаго недуга, и всякия язи, и от всякаго противнаго злодейства диаволя. И ныне недостойнаго мене раба Твоего сподоби по Твоему милосердию послужити пречистым Твоим Тайнам. И прежде очисти ми душу и тело от всякия скверны, и остави всякое прегрешение, вольное и невольное, еже согреших во вся дни живота моего, делом, словом и помышлением, во дни и в нощи, и до нынешняго часа. И даждь ми, Господи, служение сие страшное небес-

ных Чинов, и причастие пречистых Твоих Таин, не в суд, ни во осуждение, но в прощение грехов, и в Духа Святаго пришествие, и живот присносущныя радости, егоже уготовал еси истинным Твоим служебником. Сохрани мя, Владыко Всесильне, от всякаго греха и злобы, соблюди нескверна и непорочна от всякия проказы противнаго диавола: и даждь ми, Господи, служити Тебе в преподобии и правде до последняго дне и часа и скончания моего: Ты бо еси благословляяй и освящаяй всяческая, Христе Боже наш, и Тебе славу возсылаем со Безначальным Твоим Отцем и со Пресвятым и Благим и Животворящим Твоим Духом, ныне и присно и во веки веков. Аминь.



ТРОПАРИ, БОГОРОДИЧНЫ И КОНДАКИ ВОСКРЕСНЫЕ ВОСЬМИ ГЛАСОВ

Первого гласа

Тропарь: Ка́мени запеча́тану от иудей и во́ином стрегу́щим Пречистое Тело Твое, воскре́сл еси тридне́вен, Спасе, да́руя ми́рови жизнь. Сего ради силы небесныя вопи́яху Ти, Жизнода́вче: сла́ва воскресе́нию Твоему, Христе, сла́ва Царстви́ю Твоему; сла́ва смотре́нию Твоему, Еди́не Человеколю́бче.

Богородичен: Гаври́илу веща́вшу Тебе, Де́во, радуйся, со гласом воплоща́шеся всех Влады́ка в Тебе, святе́м киво́те, яко́же рече́ праведный Давид; явилася еси ши́ршая небес, поно́сивши Зижди́теля Твоего. Сла́ва Всельше́муся в Тя; сла́ва Проше́дшему из Тебе; сла́ва Свобо́дившему нас ро́ждеством Твоим.

Кондак: Воскресл еси яко Бог из гроба во славе, и мир совоскресил еси; и естество человеческое яко Бога воспеваает Тя, и смерть исчезе, Адам же ликует, Владыко: Ева ныне от уз избавляема радуется, зовущи: Ты еси, Иже всем подай, Христе, воскресение.

Богородицен-догматик: Всемирную славу, от человек прозябшую и Владыку рождшую, небесную дверь, воспойм Марию Деву, безплотных песнь и верных удобрение; Сия бо явися небо и храм Божества; Сия, преграждение вражды разрушивши, мир введе и Царствие отворзе. Сию убо имуще веры утверждение, поборника имамы из Нея рождагося Господа. Дерзайте убо, дерзайте, людие Божии: ибо Той победит враги, яко всемогущ.

Второго гласа

Тропарь: Егда снизшел еси к смерти, Животе бессмертный, тогда ад умертвил еси блистанием Божества. Егда же и умершие от преисподних воскресил еси, вся силы небесныя взываху: Жизнодавче Христе Боже наш, слава Тебе.

Богородицен: Вся паче смысла, вся преславная Твоя, Богородице, таинства: чисто-

те запечатанной и девству храниму, Мати позна́лася еси нелóжна, Бога рóждши Истиннаго, Того моли спаст́ся душáм нашим.

Кондак: Воскрéсл еси от гроба, всесильне Спасе, и ад, видев чудо, ужасéся, и мёртвии востáша; тварь же в́дящи сра́дуется Тебе, и Адам свесел́тся, и мир, Спасе мой, воспевае́т Тя присно.

Богородичен-догматик: Прéйде сень законная, благодати пришедши: якоже бо купина́ не сгара́ше опаля́ема, тако Дева роди́ла еси, и Дева пребыла́ еси. Вместо столпа́ огненнаго праведное возсия́ Солнце; вместо Моисéа Христос, спасение душ наших.

Третьего гласа

Тропарь: Да веселя́тся небесная, да радуются земная, яко сотвори́ державу мышцею Своею Господь: попрá смертью смерть, первенец мертвых бысть; из чрева адова избáви нас и подаде́ м́рови вéлию милость.

Богородичен: Тя, ходáтайствовавшую спасение рода нашего, воспеваем, Богородице Дево: плотию бо от Тебе восприя́тоу Сын Твой и Бог наш, крестом воспри́им страсть, избави нас от тли, яко Человеколю́бец.

Кондак: Воскресл еси днесь из гроба, Щёдре, и нас возвел еси от врат смертных; днесь Адам ликует, и радуется Ева, вкупе же и пророцы с патриархи воспевают непрестанно Божественную державу власти Твоея.

Богородичен-догматик: Како не дивимся Богомужному рождеству Твоему, Пречестная; искушения бо мужескаго не приёвши, Всенепорочная, родила еси без отца Сына плотию, прежде век от Отца рожденного без матере, никакоже претерпевшаго изменения, или смешения, или разделения, но обою существу свойство цело сохраншаго. Темже, Мати Дево Владычице, Того моли спастися душам православно Богородицу исповедающих Тя.

Четвертого гласа

Тропарь: Светлую воскресения проповедь от Ангела увéдевша Господни ученицы и прáдеднее осуждение отвéргша, апостолом хвáлящаяся глаголаху: испровéржеся смерть, воскресе Христос Бог, дáруяй мiрови вéлию милость.

Богородичен: Еже от века утаённое и Ангелом несвёдомое таинство Тобою, Богородице, сущим на земли явiся Бог, в неслiтнем

соединении воплощаемъ и крест волею нас ради восприимъ, имже воскресив первозданнаго, спасё от смерти души наша.

Кондак: Спас и Избавитель мой из гроба, яко Бог, воскресѣ от уз земнородныя, и врата адова сокрушѣ, и яко Владыко воскресе триднёвен.

Богородичен-догматик: Иже Тебе ради Богоотец пророк Давид пѣсенно о Тебе провозгласи величія Тебе сотворшему: предстѣ Царица одеснѹю Тебе. Тя бо Матерь, ходѣтаицу живота показѣ без отца из Тебе вочеловѣчитися благоволивый Бог, да Свой паки обновѣтъ образ, истлевший страстьми, и заблуждшее горохищное обрѣтъ овча, на рамо восприимъ, ко Отцу принесетъ, и Своему хотению, с небесными совокупѣтъ силами, и спасетъ, Богородице, мир, Христос имѣяй вѣлию и богатую милость.

Пятого гласа

Тропарь: Собезначальное Слово Отцу и Духови, от Девы рождшееся на спасение наше, воспойм вѣрнии и поклонимся: яко благоволи плотию взѣти на крестъ, и смерть претерпѣти, и воскресити умершия славным воскресением Своимъ.

Богородицен: Радуйся, двéре Господня непроходимая; радуйся, стенó и покрóве притекающих к Тебе; радуйся, необуреваемое пристáнище и неискусобра́чная, рождшая плóтию Творца Твоего и Бога. Моля́щи не оскудева́й о воспевающих и покланяющихся рождеству Твоему.

Кондак: Ко аду, Спасе мой, сошёл еси, и врата сокруши́вый яко Всесилен, умерших яко Создатель совоскреси́л еси, и смерти жа́ло сокруши́л еси, и Адам от клятвы избавлен бысть, Человеколюбче. Тёмже вси зовем: спаси нас, Господи.

Богородицен-догматик: В Чермнём мори неискусобра́чная Невесты образ написáся иногда: тамо Моисей разделитель воды, zde же Гаври́ил служитель чудесé. Тогда глубинú шéствова немóкренно Израиль, ныне же Христа роди́ безсéменно Дева. Море по проше́ствии Израилеве пребыть непроходно: Непорочная по рождестве Емману́илеве пребыть нетленна. Сый и прежде сый, явлéйся яко человек, Боже, помилуй нас.

Шестого гласа

Тропарь: Ангельския силы на гробе Твоем, и стрегу́щи омертвёша, и стояше Ма́рия во гробе, и́щущи Пречистаго Тела Тво-

его. Пленил еси ад, не искусився от него; срѣтил еси Деву, дáруяй живот. Воскресый из мертвых, Господи, слава Тебе.

Богородичен: Благословѣнную нарекий Твою Матерь, пришел еси на страсть вольным хотением, возсияв на кресте, взыскати хотя Адама, глаголя Ангелом: сра́дуйтеся Мне, яко обрѣтеся погибшая дра́хма. Вся мудре устройый, Боже наш, слава Тебе.

Кондак: Живонаначально длáнию умѣршия от мрачных удóлий Жизнодавец воскресив, всех Христос Бог, воскресение подаде чело-веческому роду: есть бо всех Спаситель, Воскресение и Живот, и Бог всех.

Богородичен-догматик: Кто Тебе не ублажит, Пресвятая Дево? Кто ли не воспоет Твоего пречистаго рождества? Безлетно бо от Отца возсиявый Сын Единородный, Тойже от Тебе Чистыя прóйде, неизречѣнно воплощся, естеством Бог сый и естеством быв человек нас ради, не во двою лицу разделяемый, но во двою естеству неслитно познаваемый. Того моли, Чистая, Всеблаженная, помиловатися душáм нашим.

Седьмого гласа

Тропарь: Разрушил еси Крестом Твоим смерть, отвѣрзл еси разбойнику рай, миро-

носицам плач преложил еси и апостолом проповѣдати повелел еси, яко воскресл еси, Христе Боже, даруяй мірови велию милость.

Богородичен: Яко нашего воскресения сокровище, на Тя надеющияся, Всепетая, от рова и глубины прегрешений возведи: Ты бо повинныя греху спасла еси, рождающая Спасение наше; Яже прежде рождества Дева, и в рождестве Дева, и по рождестве паки пребываеши Дева.

Кондак: Не ктому держава смертная возможет держати человеки: Христос бо сниде сокрушая и разоряя силы ея. Связують бывает ад, пророцы согласно радуются, предста, глаголюще, Спас сущим в вере: изыдите, вернии, в воскресение.

Богородичен-догматик: Мати убо позналася еси паче естества, Богородице, пребыла же еси Дева паче слова и разума; и чудесе рождества Твоего сказать язык не может. Преславному бо сущу зачатию, Чистая, непостижен есть образ рождения: идеже бо хочет Бог, побеждается естества чин. Темже Тя вси Матерь Божию ведуще, молим Ти ся прилежно, моли спастися душам нашим.

Восьмого гласа

Тропарь: С высоты снизшел еси, Благоутрѣбне, погребение приѣл еси триднѣвное, да нас свободиши страстей, Животѣ и воскресение наше, Господи, слава Тебе.

Богородичен: Иже нас ради рождѣйся от Девы и распятие претерпев, Благій, испровѣргий смертью смерть и воскресение явлѣй яко Бог, не прѣзри, яже создал еси рукою Твоею; яви человеколюбие Твое, Милостиве, приими рождшую Тя Богородицу, молящуюся за ны, и спаси, Спасе наш, люди отчаянные.

Кондак: Воскрес из гроба, умершия воздвигл еси и Адама воскресил еси, и Ева ликует во Твоем воскресении, и мирстїи концы торжествуют ѣже из мертвых востанием Твоим, Многомилостиве.

Богородичен-догматик: Царь Небесный за человеколюбие на земли явися и с человеки поживѣ: от Девы бо чистыя плоть приѣмый и из Нея прошедый с восприятием, един есть Сын, сугуб естеством, но не ипостасию. Темже совершенна Того Бога и совершенна человека воистинну проповѣдающе, исповедуем Христа Бога нашего: Егоже моли, Мати безвестная, помилуватися душам нашим.



ТРОПАРИ И КОНДАКИ ДНЕВНЫЕ НА ВСЮ СЕДМИЦУ

В понедельник
Небесным Чинам Бесплотным

Тропарь, гл. 4: Небесных воинств Архистратізи, молим вас присно мы недостойнии, да вашими молитвами оградите нас кровом крил невещественная ваша славы, сохраняюще нас припадающих прилежно и вопиющих: от бед избавите нас, яко чиноначальницы вышних сил.

Кондак, гл. 2: Архистратізи Божии, служителие Божественныя славы, Ангелов начальницы и человеков наставницы, полезное нам просите и велию милость, яко безплотных Архистратізи.

Во вторник
Крестителю и Предтече Иоанну

Тропарь, гл. 2: Память праведнаго с похвалами, тебе же довлѣетъ свидетельство Гос-

подне, Предтече: показал бо ся еси воистинну и пророков честнейший, яко и в струях крестити сподобился еси Проповѣданнаго. Темже за истину пострадав радуясь, благовестил еси и сущим во аде Бога являшагося плотию, взѣмлющаго грех мира и подающаго нам велию мѣлость.

Кондак, гл. 2: Пророче Божий и Предтече благодати, главѹ твою, яко шипокъ священнейший от земли обрѣтше, исцеления всегда приемлем: ибо паки, якоже прежде, в мире проповѣдуеши покаяние.

**В среду и пятницу
Кресту**

Тропарь, гл. 1: Спаси, Господи, люди Твоя и благослови достояние Твое, победы православнымъ христианомъ на сопротивныя даруя, и Твое сохраняя Крестомъ Твоимъ жительство.

Кондак, гл. 4: Вознесѣйся на крест волею, тезоименитому Твоему новому жителству щедроты Твоя даруй, Христе Боже; возвесели насъ силою Твоею, победы дай намъ на супостаты, пособие имущимъ Твое, оружие мира, непобѣдимую победу.

В четверг
Апостолам и святителю Николаю

Тропари

Гл. 3: Апостоли святии, молите милостиваго Бога, да прегрешений оставление подаст душам нашим.

Гл. 4: Правило веры и образ кротости, воздержания учителя яви тя стаду твоему яже вещей истина; сего ради стяжал еси смирением высокая, нищетою богатая. Отче священноначальниче Никóлае, моли Христа Бога спастися душам нашим.

Кондаки

Гл. 2: Твердые и боговещанные проповедатели, верх апостолов Твоих, Господи, приял еси в наслаждение благих Твоих и покой: болезни бо оних и смерть приял еси паче всякаго всеплодия, Едине сведый сердечная.

Гл. 3: В Мíрех, святе, священнодействи́тель показался еси: Христово бо, преподобне, Евангелие исполнив, положи́л еси душу твою о людех твоих и спасл еси неповинныя от смерти. Сего ради освятился еси, яко великий тайнник Божия благодати.

В субботу
Всем святым и за умерших

Тропари

Гл. 2: Апостоли, мученицы и пророцы, святителие, преподобнии и праведнии, дóбре подви́г совершившии и веру соблю́дшии, дерзновение иму́ще ко Спасу, о нас Того, яко блага, моли́те спастися, мо́лимся, ду́шам нашим.

Гл. 2: Помяни, Господи, яко благ, рабы Твоя, и елика в житий согрешѣша, прости́: никто́же бо безгрѣшен, токмо Ты, могѣи и преста́вленным дати покой.

Кондаки

Гл. 8: Яко начатки естества Насади́телю твари, вселенная прино́сит Ти, Господи, богоносныя мученики; тех молитвами в мире глубóце Церковь Твою, жительство Твое Богородицею соблюди́, Многомѣлостиве.

Гл. 8: Со святыми упокой, Христе, души раб Твоих, иде́же несть болезнь, ни печаль, ни воздыхание, но жизнь безконечная.



ТРОПАРИ И КОНДАКИ НА ПРАЗДНИКИ

1 (14) сентября. Новолетие

Тропарь, гл. 2: Всея твари Содѣтелю, временá и лѣта во Своей власти положивый, благослови венец лета благости Твоея, Господи, сохраняя в мире люди и град Твой молитвами Богородицы, и спаси ны.

Кондак, гл. 2: В вышних живый, Христе Царю, всех видимых и невидимых Творче и Зиждителю, Иже дни и нощи, временá и лѣта сотворивый, благослови ныне венец лета; соблюди и сохрани в мире град и люди Твоя, Многомилостиве.

8 (21) сентября

Рождество Пресвятой Богородицы

Тропарь, гл. 4: Рождество Твое, Богородице Дево, радость возвестí всей вселенней: из Тебе бо возсия Солнце правды Христос Бог наш, и разрушив клятву, даде благосло-

вание, и упразднѣв смерть, даровѣ нам живот вечный.

Кондак, гл. 4: Иоакѣм и Анна поношения безчѣдства, и Адам и Ева от тли смертныя свободистася, Пречистая, во святем рождестве Твоем. То празднуют и людѣе Твои, винѣ прегрешений избѣвльшеся, внегда звѣти Ти: неплѣды раждает Богородицу и питательницу жизни нашея.

Величание: Величаем Тя, Пресвятая Дево, и чтим святых Твоих родителей, и всеславное славим рождество Твое.

9 (22) сентября

Святителя Феодосия Черниговского

Тропарь, гл. 4: Преудобрѣн во архиереех, святителю Феодосіе, был еси светило своему стаду, таже преставился еси в вечныя обители. Умоли у престола Царя Славы избавитися нам от находящих на ны зол и спастися душѣм нашим, святе, молитвами твоими.

Кондак, гл. 4: Пастырей начальнику Христу трудился еси, святителю Феодосіе, на пажити духовней словесныя твоя овцы питая, и целебен дар от Христа Спаса приял еси, во еже немощи душевныя и телесныя целѣити всех с верою к целебным твоим

мощём приходящих. Темже и ныне, святе, моли́ся всем, имя твое призывающим, от наветов вражиих спастися и помиловатися душам нашим.

11 (24) сентября

Преподобного Силуана Афонского

Тропарь, гл. 2: Серафимския любвѣ ко Господу пламенный ревнѣтелю и Иеремїи, о народе плачущему, усердный подражателю, всеблаженне отче Силуане, ты, зову Матере Господа сил внемляй, змяя греховнаго мужемудренно изрыгнул еси и в гору Афонскую от суеты мира удалился еси, идѣже в трудѣх и молитвах со слезами благодать Святаго Духа обильно стяжѣ. Еюже сердца наша воспламени и с тобою умильно взывати укрепи: Господи мой, Жизнь моя и Радосте Святая, спаси мир и нас от всяких лютых.

Кондак, гл. 2: Смирennemудрия исповѣднице предивный и человеколюбия Духом Святым согреваемая доброто, Богу возлюбленне Силуане, о подвизе твоём Церковь Россійская радуется, иноцы же горы Афонския и вси христианстии людие, веселящеся, сыновнею любовию к Богу устремляются. Егоже моли о нас, равноангельне боговедче, во

еже спастися нам, в горѣнии любви тебе подражающим.

14 (27) сентября
Воздвижение Честного и Животворящего Креста

Тропарь, гл. 1: Спаси, Господи, люди Твоя и благослови достояние Твое, победы православным христианом на сопротивных даруя, и Твое сохраняя Крестом Твоим жительство.

Кондак, гл. 4: Вознесыйся на крест волею, тезоименитому Твоему новому жительству щедроты Твоя даруй, Христе Боже; возвеси нас силою Твоею, победы дай нам на супостаты, пособие имущим Твое, оружие мира, непобедимую победу.

Величание: Величаем Тя, Живодавче Христе, и чтим Крест Твой святой, имже нас спасл еси от работы вражия.

17 (30) сентября
мучениц Веры, Надежды, Любви
и матери их Софии

Тропарь, гл. 4: Торжествует Церковь первородных, и свеселится приемля мать о чадех веселящуюся, яже яко мудрости тезоименитая, тройственным богословским добродетелем равночисленные породила. Тыя с му-

дрыми девами зрит уневѣстившіяся жениху Богу Слову. С нею и мы духóвне в памяти их свеселѣмся, глагóлюще: Троицы поборницы, Веро, Любвѣ и Надеждо, в вере, любви и надежде утверждайте нас.

Кондак, гл. 1: Софії честнѣя священнейшія ветви, Вера и Надежда и Любовь, показавшеся, мудрость обуиша ёллинскую благодатию, и пострадавшие, и победоно́сицы явившеся, венцѣм нетленным от всех Владыки Христа увязóшася.

21 сентября (4 октября)

Святителя Димитрія Ростовскаго

Тропарь, гл. 8: Православія ревнителю и раскола искоренителю, российский целебниче и новый к Богу молитвенниче, списаньми твоими бѹих уцеломудрил еси, цевнѣце духовная, Димѣтріе блажѣнне, моли Христа Бога спастися душамъ нашимъ.

Кондак, гл. 8: Звезду российскую от Кіева возсіявшую и чрез Новград сѣверскій в Ростов достигшую, всю же страну сию ученьми и чудесы озарившую, ублажим златословеснаго учителя Димѣтрія. Той бо всемъ вся написа яже к наставленію, да всехъ приобрящетъ, якоже Павелъ Христу, и спасетъ правоверіемъ души наша.

25 сентября (8 октября)

Преподобного Сергия Радонежского, чудотворца

Тропарь, гл. 4: Иже добродетелей подвижник, яко истинный воин Христа Бога, на страсти вельми подвизался еси в жизни временней, в пениих, бдениих же и пощениих образ быв твоим учеником: темже и вселйся в тя Пресвятыи Дух, Егоже действием светло украшен еси. Но яко имея дерзновение ко Святей Троице, поминай стадо, еже собрал еси мудре, и не забуди якоже обещался еси, посещая чад твоих, Сергие, преподобне отче наш.

Кондак, гл. 8: Христовою любовью уязвився, преподобне, и Тому невозвратным желанием последовав, всякое наслаждение плотское возненавидел еси, и яко солнце отечеству твоему возсиял еси; тем и Христос даром чудес обогати тя. Поминай нас, чтущих пресветлую память твою, да зовем ти: радуйся, Сергие богомудре.

26 сентября (9 октября)

**Преставление Апостола и Евангелиста
Иоанна Богослова**

Тропарь, гл. 2: Апостоле Христу Богу возлюбленне, ускори избавити люди безответныя: приемлет тя припадающа, Иже падша

на перси приёмый, Егоже моли, Богослове, илежащую мглу языков разгнати, прося нам мира и велия милости.

Кондак, гл. 2: Величия твоя, девственнице, кто повесть? Точиши бо чудеса, и изливаеши исцеления, и молишися о душах наших, яко Богослов и друг Христов.

Величание: Величаем тя, апостоле Христов и евангелисте Иоанне Богослове, и чтим болезни и труды твоя, имиже трудился еси во благовестии Христове.

**Святителя Тихона,
Патриарха Московского и всея Руси**

Тропарь, гл. 1: Апостольских преданий ревнителя и Христовы Церкви пастыря доброго, душу свою за овцы положившаго, жребием Божиим избраннаго Всероссийскаго патриарха Тихона восхвалим и к нему с верою и упованием возопийм: предстательством святительским ко Господу Церковь Русскую в тишине соблюди, расточенная чада ея во едино стадо собери, отступившия от правыя веры к покаянию обрати, страну нашу от междоусобныя брани сохрани и мир Божий людем испроси.

Кондак, гл. 2: Тихостию нрава украшен, кротость и милосердие кающимся являя, во

исповедании православныя веры и любви ко Господу тверд и непреклонен пребыл еси, святителю Христов Тихоне, молися о нас, да не разлучимся от любви Божия яже о Христе Иисусе, Господе нашем.

1 (14) октября
Покров Пресвятой Богородицы

Тропарь, гл. 4: Днесь благовернии людие свѣтло празднуем, осеняеми Твоим, Богоматри, пришествием, и к Твоему взираючи пречистому образу, умильно глаголем: покрый нас честным Твоим покровом и избави нас от всякаго зла, молящи Сына Твоего, Христа Бога нашего, спасти души наша.

Кондак, гл. 3: Дева днесь предстоит в церкви и с лики святых невидимо за ны молится Богу; ангели со архиереи покланяются, апостоли же со пророки ликовствуют: нас бо ради молит Богородица Превечнаго Бога.

Величание: Величаем Тя, Пресвятая Дева, и чтим Покров Твой честный, Тя бо виде святыи Андрей на воздусе, за ны Христу молящуюся.

5 (18) октября

**Святителей Московских: Петра, Алексия,
Ионы, Филиппа и Ермогена**

Тропарь, гл. 4: Первопрестольницы Рос-
сийстии, истиннии хранителие апостольских
преданий, столпи непоколебимии, правосла-
вия наставницы, Пётре, Алексіе, Ионо,
Филиппе и Ермогёне, Владыку всех моли́те
мир вселенней дарова́ти и душа́м нашим ве-
лию милость.

Кондак, гл. 3: Во святителях благочестно
пожи́сте, и люди к богоразумию наста́viste,
и до́бре Богу угоді́сте, сего ради от Него не-
тлением и чудесы́ просла́vистеся, яко уче-
ницы́ Божия благодати.

7 (20) октября

**иконы Божией Матери «Умиление»
Псково-Печерской**

Тропарь, гл. 4: Днесь свѣтло красуется
обитель сия, яко зарю́ солнечную восприѣм-
ши, Владычице, чудотворную Твою икону, к
нейже мы ныне притекающе и моля́щеся Те-
бе, взываем сі́це: О пречудная Владычице
Богородице! Моли́ся из Тебе воплощенному
Христу Богу нашему, да избавит обитель сию
и вся грады и страны́ христіанскія невреди-

мы от всех навет вражиих, и спасет дѹши наша, яко Милосерд.

Величание: Величаем Тя, Пресвятая Дево, Мати Христа Бога нашего, и чтим чудотворный образ Твой, имже спасла еси нас от руки вражия.

10 (23) октября
Преподобного Амвросия Оптинского,
чудотворца

Тропарь, гл. 5: Яко к целебному источнику притекаем к тебе, Амврѳсие, отче наш, ты бо на путь спасения нас верно наставляеши, молитвами от бед и напѳстей охраняеши, в телесных и душевных скѳрбех утешаеши, паче же смирению, терпению и любви научаеши, моли Человеколюбца Христа и Заступницу усердную спастися дѹшѳм нашим.

Кондак, гл. 2: Завет Пастыреначѳльника исполнив, старчества благодать наследовал еси, болѳзную сердцем о всех с верою притекающих к тебе. Темже и мы, чада твоя, с любовью вопием ти: отче святѳй Амврѳсие, моли Христа Бога спастися дѹшѳм нашим.

13 (26) октября

Иверской иконы Пресвятой Богородицы

*(празднование также 12 февраля и во вторник
Светлой седмицы)*

Тропарь, гл. 1: От святыя иконы Твоея, о Владычице Богородице, исцеления и цельбы подаются обильно с верою и любовию приходящим к ней, тако и мою немощ посети, и душу мою помилуй, Благая, и тело исцели благодатию Твоею, Пречистая.

Кондак, гл. 8: Аще и в море ввержена бысть святая икона Твоя, Богородице, от вдовицы, не могущия спасти сию от врагов, но явилася есть хранительница Афона и вратарница обители Иверския, враги устрашающая и в православней Россійстей стране чтущия Тя от всех бед и напастей избавляющая.

Величание: Величаем Тя, Пресвятая Дево, Богоизбранная Отроковице, и чтим образ Твой святы́й, имже то́чиши исцеления всем с верою притекающим.

(Это величание поем и во все праздники в честь икон Божией Матери.)

18 (31) октября

Апостола и Евангелиста Луки

Тропарь, гл. 5: Апóстольских деяний сказателя и Евангелия Христова светла списа-

теля, Луку препётаго, не испісанна суца Христове Церкви, песньми священными святаго апостола похва́лим, яко врача суца чело́веческия немощи, естества недуги и язи душ исцеляюща и молящася непрестанно за ду́ши наша.

Кондак, гл. 6: Истиннаго благочестия проповедника и таин неизреченных риторa, звезду церковную, Луку божественнаго восхва́лим: Слово бо его избра́, с Павлом мудрым, язы́ков учителя, Един ве́дый сердечная.

22 октября (4 ноября)

Казанской иконы Пресвятой Богородицы

(празднование также 8-июля)

Тропарь, гл. 4: Заступнице усердная, Мати Господа Вышняго, за всех мо́лиши Сына Твоего, Христа Бога нашего, и всем твори́ши спастися, в державный Твой покров прибегающим. Всех нас заступи, о Госпоже Царице и Владычице, иже в напáстех и в скорбех и в болезнях, обремененных грехи многими, предстоящих и молящихся Тебе умиленною душо́ю и сокрушенным сердцем пред пречистым Твоим образом со слезами, и невозвратно надежду имущих на Тя избавления всех зол, всем полезная да́руй и вся

спаси, Богородице Дево: Ты бо еси Божественный покров рабом Твоим.

Кондак, гл. 8: Притецём, людіе, к тихому сему и доброму пристанищу, скорой Помощнице, готовому и теплomu спасению, покрову Девы; ускорім на молитву и потщимся на покаяние: источает бо нам неоскудная милости Пречистая Богородица, предваряет на помощь и избавляет от великих бед и зол благодравныя и богобоящияся рабы Своя.

24 октября (6 ноября)
Иконы Пресвятой Богородицы
«Всех скорбящих Радость»

Стихира, гл. 2: Всех скорбящих радости и обидимых заступнице, и алчущих питательнице, странных утешение, обуреваемых пристанище, больных посещение, немощных покрове и заступнице, жёзле старости, Мати Бога Вышняго Ты еси, Пречистая: потщися, молимся, спастися рабом Твоим.

Кондак, гл. 4: Не ймамы иныя помощи, не имамы иныя надежды разве Тебе, Владычице. Ты нам помози: на Тебе надеемся и Тобою хвалимся, Твои бо есмы раби, да не постыдимся.

26 октября (8 ноября)

Великомученика Димитрия Солунского

Тропарь, гл. 3: Велика обрѣте в бедѣх ты поборника вселенная, страсотѣрпче, язѣки побеждающа, якоже убо Лѣеву низложил еси гордыню, и на подвиг дерзновенна сотворив Нестора, тако, святе Димѣтріе, Христу Богу молися даровати нам велию милость.

Кондак, гл. 2: Кровеѣй твоих струя́ми, Димитрие, Церковь Бог обагри́, да́вый тебе крепость непобедимую и соблюдая град твой невре́дим: того бо еси утверждение.

28 октября (10 ноября)

Мученицы Параскевы Пятницы

Тропарь, гл. 4: Премудрая и всехвальная Христова мученица Параске́ва мужескую крепость приѣмши, женскую же немощь отвергши, диавола победи и мучителя посрамѣ, вопиющи и глаголющи: приидѣте, тело мое мечѣм ссецѣ́те, и огнем сожгите, аз бо раду́ющийся иду ко Христу, Жениху моему. То́я молитвами, Христе Боже, спаси ду́ши наша.

Кондак, гл. 3: Всесвятое и непорочное мучение прине́сши, яко ве́но пречестно́е, Безсмертному Жениху Христу, анге́льское ликостоя́ние возвесели́ла еси и победила еси де-

монския козни: сего ради тя честно вероу чтим, мученице Параскѣво многострадальная.

1 (14) ноября

**Бессребреников и чудотворцев
Космы и Дамиана Асийских**

Тропарь, гл. 5: Святии безсрѣбреницы и чудотворцы Космо и Дамиане, посетите немощи наша: ту́не при́йте, ту́не дади́те нам.

Кондак, гл. 2: Благодать приимше исцелений, простира́ете здравие сущим в нѹждах, врачеве чудотворцы преславнии, но вашим посещением ратников дерзости низложите, мир исцеляюще чудесы́.

8 (21) ноября

**Собор Архистратига Михаила
и прочих Безплотных сил**

Тропарь, гл. 4: Небесных воинств Архистратѣзи, молим вас присно мы недостойнии, да вашими молитвами оградите нас кровом крил невещѣственныхъ вашей славы, сохраняюще ны, припадающия прилежно и вопиющия: от бед избавите ны, яко чиноначальницы вышних сил.

Кондак, гл. 2: Архистратѣзи Божии, служителие Божественныя славы, Ангелов на-

чальницы и человеков наставницы, полезное нам просите и велию милость, яко безплотных Архистратізи.

Величание: Величаем вас, Архангели и Ангели и вся воинства, Херувими и Серафими, славящие Господа.

13 (26) ноября
Святителя Иоанна Златоуста

Тропарь, гл. 8: Уст твоих, якоже светлость огня возсіявши, благодать вселенную просвети: не сребролюбия мірови сокровища сниска, высоту нам смиренномудрия показа. Но твоими словесы наказуя, отче Иоанне Златоусте, моли Слова Христа Бога спастися душам нашим.

Кондак, гл. 6: От небес приял еси Божественную благодать и твоими устнами вся учиши покланяться в Троице единому Богу, Иоанне Златоусте, всеблаженне преподобне, достойно хвалим тя: еси бо наставник, яко Божественная являя.

15 (28) ноября
Преподобного Паисия Величковского

Тропарь, гл. 2: Странен быв на земли, небеснаго отечества достигл еси, преподобне отче Пайсие, добротолубия подвижниче; вер-

ных научил еси ум к Богу возводитьи и сердцем к Нему взывати: Господи Иисусе Христе, Сыне Божий, помилуй мя грешнаго.

Кондак, гл. 8: Избранный иноческаго жития ревнителью, яко пчела многотрудная писаньми отеческими души наша снабдил еси, коегѡждо наставляя на путь спасения, сего ради зовем ти: радуйся, Пайсие премудре, старчества духовнаго в стране нашей возродителю.

**Мучеников и исповедников
Гурия, Самона и Авива**

Тропарь, гл. 5: Чудеса святых Твоих мученик стѣну необоротиму нам даровавый, Христе Боже, тех молитвами советы языков разори, Церковь Святую укрепи, яко един благи и Человеколюбец.

Кондак, гл. 2: С высоты, мѹдрии, благодать приемше, сущим во искушениях предстоите, всехвальнии. Темже отроковицу, святити, от смерти горькия избависте: вы бо во истинну есте Едѣсу слава и миру радость.

**16 (29) ноября
Апостола и Евангелиста Матфея**

Тропарь, гл. 3: Усердно от мѣтницы ко звавшему Владыце Христу, явльшуся на зем-

ли человеком за благодать, Тому последовав, апостол избранный явился еси и благовестник Евангелия вселенней велегласен. Сего ради чтим честную память твою, Матфее боглаголиве: моли милостиваго Бога, да грехов оставление подаст душам нашим.

Кондак, гл. 4: Мытарства иго отверг, правды игу припряглся еси и явился еси купец всеизряднейший, богатство принес, юже с высоты премудрость. Отонудуже проповедал еси истины слово, и унылых воздвигл еси души, написав час судный.

21 ноября (4 декабря)

Введение во храм Пресвятой Богородицы

Тропарь, гл. 4: Днесь благоволения Божия предображение и человеков спасения проповедание: в храме Божии ясно Дева является и Христа всем предвозвещает, Той и мы велегласно возопийм: радуйся, смотрения Зиждителява исполнение.

Кондак, гл. 4: Пречистый храм Спасов, многоценный чертог и Дева, священное сокровище славы Божия днесь вводится в дом Господень, благодать совводящи, яже в Дусе Божественном, Юже воспевают Ангели Божии: Сия есть селение небесное.

Величание: Величаем Тя, Пресвятая Дево, Богоизбранная Отроковице, и чтем еже в храм Господень вхождение Твое.

23 ноября (6 декабря)

Благоверного князя Александра Невского
(перенесение мощей — 30 августа)

Тропарь, гл. 4: Яко благочестиваго кóрене пречестная óтрасль был еси, блаженне Алéксáндре, яви бо тя Христос яко некое Божественное сокровище Россiйстей земли, новаго чудотворца, преславна и богоприятна. И днесь сошедшеся в память твою верою и любовию, во псалмѣх и пениих радующе славим Господа, давшего тебе благодать исцелений. Егоже моли спасти град сей, и стране нашей богоугодней быти, и сыновом Россiйским спастися.

Кондак, гл. 8: Яко звезду ты пресветлу почитаем, от востока возсиявшую и на запад пришедшую всю бо страну сию чудесы и добротой обогащаеши и просвещаеши верою чтущия память твою, Александре блаженне. Сего ради днесь празднуем твое успение, людие твои сущии; моли спасти Отечество твое, и вся притекающия к раце мощей твоих и верно вопиющия ти: радуйся, граду нашему утверждение.

24 ноября (7 декабря)
Великомученицы Екатерины

Тропарь, гл. 4: Добродѣтелями яко лучами солнечными просветила еси неверныя мудрецы, и якоже пресветлая луна ходящим в нощи неверия тьму отгна́ла еси, и царицу уверила еси, вкупе же и мучителя обличила еси, богозв́анная невесто, блаженная Ека́тери́но. Желанием востекла́ еси в небесный черто́г к прекрасному Жениху Христу, и от Него царским венцем венчалася еси. Ему́же со Ангелы предстоящи, за ны́ моли́ся, творя́щая пречестну́ю память твою́.

Кондак, гл. 2: Лик честный божественне, мучениколю́бцы, воздвигните ныне, почита́юще всемудрую Екатерину: сия бо в трі́зницѣ Христа проповѣ́да и змяя попрá, рѣ́торов рáзумы укротивши.

27 ноября (10 декабря)
Празднование Знаменія
Пресвятой Богородицы в Новгороде

Тропарь, гл. 4: Яко необоримую стѣну и источник чудес стяжавше Тя рабѣ Твои, Богородице Пречистая, сопротивныя ополченія низлагаем. Темже молим Тя: мир граду Твоему́ дáруй и душáм нашим велию милость.

Кондак, гл. 4: Честнаго образа Твоего знамение празднующе людие Твои, Богородительнице, имже дивную победу на сопротивныя граду Твоему даровала еси. Темже Тебе верою взываем: радуйся, Дево, христиан похвало.

30 ноября (13 декабря)

Апостола Андрея Первозванного

Тропарь, гл. 4: Яко апостолов первозванный и верховнаго сущий брат, Владыце всех, Андрее, молися мир вселенней даровати и душам нашим велию милость.

Кондак, гл. 2: Мужества тезоименитаго богоглагольника и Церкви возследователя верховнаго, Петро́ва сродника восхва́лим, зане́ якоже дре́вле сему и ныне нам воззва́: приидите, обрето́хом Желаемаго.

4 (17) декабря

Великомученицы Варвары

Тропарь, гл. 8: Варвару святую почтим: вражия бо сети сокруши́ и яко птица избавися от них, помощию и оружием креста, всечестная.

Кондак, гл. 4: В Троице благочестно пева́емому послéдовавши Богу, страстотёрпице, идольския притупила еси чти́лища, посре-

де же подвига страдальчествующи, Варваро, мучителей прещения не устрашилася еси, мужемудренная, велегласно поющи присно: Троицу чту, едино Божество.

6 (19) декабря

Святителя Николая Мирликийского, чудотворца

Тропарь, гл. 4: Правило веры и образ кротости, воздержания учителя яви тя стаду твоему яже вещей истина: сего ради стяжал еси смирением высокая, нищетою богатая, отче священноначальниче Никóлае, моли Христа Бога спастися душам нашим.

Кондак, гл. 3: В Мíрех, святе, священнодействитель показался еси: Христово бо, преподобне, Евангелие исполнив, положил еси душу твою о людех твоих и спасл еси неповинныя от смерти: сего ради освятился еси, яко великий тайнник Божия благодати.

9 (22) декабря

Иконы Божией Матери «Нечаянная Радость»

Тропарь, гл. 4: Днесь вернии людие духовно торжествуем, прославляюще Заступницу усердную рода христианскаго и притекающе к пречистому Ея образу, взываем сие: о премилостивая Владычице Богородице, подаждь нам нечаянную радость, обремененным грехи

и скорбѣмъ многими, и избави нас от всякаго зла, молящи Сына Твоего, Христа Бога нашего, спасти души наша.

Кондак, гл. 6: Не ѣмамы инѣя помощи, не имамы инѣя надежды, разве Тебе, Владычице: Ты нам помози, на Тебе надеемся и Тобою хвалимся, Твои бо есмь рабѣ, да не постыдимся.

10 (23) декабря

Святителя Иоасафа Белгородского

Тропарь, гл. 3: Святителю Христу Богу возлюбленне, правило веры и образ милосердія людем был еси, бдением же, постом и молитвою яко свѣтильник пресветлый просіял еси, и прославлен от Бога явился еси: телом убо в нетлении почивая, духом же Престолу Божию предстоя, чудеса преславная источаеши. Моли Христа Бога, да утвердит отечество наше в православии и благочестии и спасет души наша.

Кондак, гл. 8: Многообразныя подвиги житія твоего кто исповѣсть? многообразныя милости Божія тобою явленныя кто исчислит? Дерзновение же твое у Пречистыя Богородицы и всещедрого Бога дѣбре ведуще, во умиленіи сердечнем зовем ти: не

лишій и нас твоея помощи и заступления,
святителю Христов и чудотворче Иоаса́фе.

20 декабря (2 января)
Праведного Иоанна Кронштадтского

Тропарь, гл. 1: Православныя веры побóрниче, земли Российския печальниче, пастырем правило и óбразе верным, покаяния и жизни во Христе проповедниче, Божественных Таин благоговейный служíteлю и дерзновенный о людех молитвенниче, отче праведный Иоанне, целителю и предивный чудотворче, граду Кронштадту похвалó и Церкви нашея украшение, моли всеблагаго Бога умирить мир и спасти дýши наша.

Кондак, гл. 4: Днесь пастырь кронштадтский предстоит престолу Божию и усердно молит о верных Христа Пастыреначáльника, обетование давшего: «Созíжду Церковь Мою и врата áдова не одолеют ей».

22 декабря (4 января)
Великомученицы Анастасии Узорешительницы

Тропарь, гл. 4: Победоноснаго Воскресения истинноименíтая наречена еси, мученице Христова, победы на враги поставила еси мук терпением Христа ради, Жениха твоего,

Егоже возлюбила еси. Того моли спасти
души наша.

Кондак, гл. 2: Во искушениях и скорбех
сущии, к твоему храму притекающе, прием-
лют честная дарования от живущия в тебе
Божественныя благодати, Анастасие, ты бо
присно миру точиши исцеления.

25 декабря (7 января)

**Рождество Господа Бога и Спаса нашего
Иисуса Христа**

Тропарь, гл. 4: Рождество Твое, Христе
Боже наш, возсия миру свет разума: в нем
бо звездам служащии звездою учахуся Тебе
кланяться, Солнцу правды, и Тебе ведети с
высоты Востока: Господи, слава Тебе.

Кондак, гл. 5: Дева днесь Пресуществен-
наго раждает и земля вертеп Непрístupно-
му приносит, Ангели с пастырьми сла-
вословят, волсви же со звездою путеше-
ствуют; нас бо ради родися Отроча младо, пре-
вечный Бог.

Величание: Величаем Тя, Живодавче Хри-
сте, нас ради ныне плотию рождаемого от
безвестныя и пречистыя Девы Марии.

1 (14) января

Обрезание Господа нашего Иисуса Христа

Тропарь, гл. 1: На престоле огнезрѣчем в вышних седѣй со Отцем Безначальным и Божественным Твоим Духом, благоволил еси родитися на земли от Отроковицы неискусомужныя, Твоя Матере, Иисусе: сего ради и обрезан был еси, яко человек осмоднѣвный. Слава всеблагодарному Твоему совету, слава смотрению Твоему, слава снисхождению Твоему, едине Человеколюбче.

Кондак, гл. 3: Всех Господь обрѣзание терпит и человеческая прегрешения, яко Благ, обрѣзует: дает спасение днесь миру; радуется же в вышних и Создателев иерарх, и светоносный божественный тайник Христов Василий.

Величание: Величаем Тя, Живодавче Христе, и почитаем пречистыя плоти Твоя законное обрѣзание.

Святителя Василия Великого

Тропарь, гл. 1: Во всю землю изыде вещание твое, яко приѣмшую слово твое, имже боголепно научил еси, естество сущих уяснил еси, человеческия обычаи украсил еси,

царское священие, отче преподобне: моли Христа Бога спастися душам нашим.

Кондак, гл. 4: Явился еси основание непоколебимое Църкве, подаѣ всем некрадомое господство человеком, запечатлея твоими веленьми, небоявленне Васілие преподобне.

2 (15) января

Преподобного Серафима Саровского

(празднование также 19 июля)

Тропарь, гл. 4: От юности Христа возлюбил еси, блаженне, и Тому Единому работати пламенне вожделѣв, непрестанною молитвою и трудом в пустыни подвизался еси, умилѣнным же сердцем любовь Христову стяжав, избранник возлюблен Божия Матере явился еси. Сего ради вопием ти: спасай нас молитвами твоими, Серафиме, преподобне отче наш.

Кондак, гл. 2: Мира красоту и яже в нем тлѣнная оставив, преподобне, в Саровскую обитель вселился еси, и тамо ангельски пожѣв, многим путь был еси ко спасению. Сего ради и Христос тебе, отче Серафиме, прослави и даром исцелений и чудес обогати. Темже вопием ти: радуйся, Серафиме, преподобне отче наш.

6 (19) января
Святое Богоявление.

Крещение Господа Бога и Спаса Нашего
Иисуса Христа

Тропарь, гл. 1: Во Иорда́не креща́ющуюся Тебе, Господи, Трои́ческое явися поклоне́ние: Родите́лев бо гла́с свидѣ́тельствоваше Тебе, возлю́бленнаго Тя Сына имену́я, и Ду́х в ви́де голу́бине извѣ́ствоваше словесе́ утве́рждѣ́ние. Явле́йся Христе́ Бо́же и мир просвеще́й, слава Тебе.

Кондак, гл. 4: Явился еси́ днесь вселенней, и свет Твой, Господи, зна́менася на нас, в разуме поющих Тя: прише́л еси́ и явился еси́, Свет непреступный.

Величание: Величаем Тя, Живодавче Христе, нас ради ныне плотию крестившагося от Иоанна в водах Иорданских.

Тропари на водоосвящении, гл. 8:

Глас Господень на водах вопи́ет, глаго́ля: прииді́те, приимі́те вси Ду́ха премудрости, Ду́ха разума, Ду́ха страха́ Бо́жия, явля́шагося Христа.

Днесь вод освящается естество, и разделяется Иордан, и своих вод возвращает струй, Владыку зря крещаему.

Яко человек на реку пришел еси, Христе Царю, и рабское крещение прияти тщишися, Блаже, от Предтечеву руку, грех ради наших, Чловеколюбче.

Слава, и ныне: Ко гласу вопиющаго в пустыни, уготуйте путь Господень, пришел еси, Господи, зрак рабий приим, крещения прося, не ведый греха. Видеша Тя воды и убо яшася, трепетен бысть Предтеча, и возопи глаголя: како просветит светильник Света, како руку положит раб на Владыку? Освяти мене и воды, Спасе, вземляй мира грех.

10 (23) января
Святителя Феофана Затворника

Тропарь, гл. 8: Православия наставниче, благочестия учителю и чистоты, Вышенский подвижниче, святителю Феофане богомудре, писаньми твоими Слово Божие изъяснил еси и всем верным путь ко спасению указал еси. Моли Христа Бога спастися душам нашим.

Кондак, гл. 4: Богоявлению тезоименный, святителю Феофане, учении твоими многия люди просветил еси, со Ангелы ныне предстоя престолу Святыя Троицы, моли непрестанно о всех нас.

12 (25) января
Мученицы Татьяны

Тропарь, гл. 4: Агница Твоя, Иисусе, Тати́ана зовет вѣлиим гласом: Тебе, Женише мой, люблю, и Тебе ѣщущи страдальчеству и сраспинаюся, и спогребаяюся крещению Твоему, и стражду Тебе ради, яко да царствую в Тебе, и умираю за Тя, да и живу с Тобою; но яко жертву непорочную приими мя, с любовью пожёршуюся Тебе. То́я молитва-ми, яко милостив, спаси души наша.

Кондак, гл. 4: Свѣтло во страдании твоём возсияла еси, страстотѣрице, от кровей твоих преиспещрена, и яко красная голубица к небесѣм возлетела еси, Тати́ано: темже моли присно за чтущия тя.

24 января (6 февраля)
Блаженной Ксении Петербургской,
Христа ради юродивой

Тропарь, гл. 7: Нищету Христову возлюбивши, безсмертныя трапѣзы ныне наслаждаеши, безумием мнимым безумие мира обличивши, смирением крестным силу Божию восприяла еси. Сего ради дар чудодѣйственная помощи стяжавшая, Ксѣние блаженная, моли Христа Бога избавитися нам от всякаго зла покаянием.

Кондак, гл. 3: Днесь свѣтло ликует град святаго Петра, яко множество скорбящих обретают утешение, на твоя молитвы надеющеся, Ксение всеблаженная, ты бо еси граду сему похвалá и утверждение.

Переходящий праздник.

Первое воскресенье после 25 января (7 февраля). Собор новомучеников и исповедников Российских

Тропарь, гл. 4: Днесь радостно ликует Церковь Русская, яко мати прославляющи новомученицы и исповедницы своя: святители и иереи, царственные страстотерпцы, благоверныя князи и княгини, преподобныя мужи́ и же́ны, и вся православныя христианы, во дни гонения безбожнаго жизнь свою за веру во Христа положившия и кровью́ Истину соблю́дшия. Тех предстательством, долготерпеливе Господи, страну нашу в Православии сохрани до скончания века.

Кондак, гл. 3: Днесь новомученицы Россійстии в рíзах белых предсто́ят Агнцу Божию и со Ангелы песнь победную воспевают Богу: благословение, и слава, и премудрость, и хвала, и честь, и сила, и крепость нашему Богу во веки веков. Аминь.

Величание: Величаем вас, святии новомученицы и исповедницы Россійстии, и чтим честная страдания ваша, яже за Христа претерпели есте.

30 января (12 февраля)

**Трех святителей: Василия Великого,
Григория Богослова и Иоанна Златоуста**

Тропарь, гл. 4: Яко апостолов единоправнии и вселенная учителие, Владыку всех моли́те мир вселенней дарова́ти и душа́м нашим велию милость.

Кондак, гл. 2: Священныя и боговещанныя проповедники, верх учителей, Господи, прия́л еси в наслаждение благих Твоих и упокоение: труды бо о́нех и смерть прия́л еси паче всякаго всепло́дия, единае прославля́я святы́я Твоя.

2 (15) февраля

Сретение Господа нашего Иисуса Христа

Тропарь, гл. 1: Радуйся, благодатная Богородице Дево, из Тебе бо возсия́ Солнце правды, Христос Бог наш, просвеща́яй сущия во тьме. Веселися и ты, старче праведный, приемый во объ́ятия Свободителя душ наших, да́рующаго нам воскресение.

Кондак, гл. 1: Утробу Девѣчу освятивый рождеством Твоим и рѹце Симеоне благословѣвый, якоже подобаше, предварив, и ныне спасл еси нас, Христѣ Боже, но умирѣ во бранѣх жительство и укрепи люди, ихже возлюбил еси, Едине Человеколюбче.

Величание: Величаем Тя, Живодавче Христѣ, и чтим Пречистую Матѣрь Твою, Еюже по закону ныне принѣслся еси в храм Господень.

12 (25) февраля

**Свт. Алексія, митрополита Московскаго,
чудотворца**

(празднование также 20 мая и 5 октября)

Тропарь, гл. 8: Яко апостолом сопрестольна, и врачѣ предѣбна, и служителя благопріятна, к раце твоей честнѣй притекающе, святителю Алексіе, богомудре чудотворче, сошедшееся любовію в память твою, свѣтло празднуем, в пѣснях и пѣніих радуешься и Христа славяще, таковую благодать тебе даровавшаго исцелений и граду твоему великое утверждение.

Кондак, гл. 8: Божественнаго и пречестнаго святителя Христова, новаго чудотворца Алексія, верно вси поюще людие любовію да ублажим, яко пастыря великаго, служи-

теля же и учителя премудра земли Российстей. Днесь в память его притекше, радостно возопиём песнь богоносному: яко имея дерзновение к Богу, многообразных нас избави обстояний, да зовем ти: радуйся, утверждение граду нашему.

2 (15) марта

Иконы Божией Матери «Державная»

Тропарь, гл. 4: Ангелов лица благоговейно Тебе служат, и вся небесныя силы немолчными гласы Тя ублажают, Богородице Дево; усердно молим Тя, Владычице, да пребудет Божественная благодать на честней иконе Твоей Державней, и светозарный луч славы чудес Твоих да нисходит от нея на всех с верою Тебе молящихся и вопиющих Богу: аллилуиа.

25 марта (7 апреля)

Благовещение Пресвятой Богородицы

Тропарь, гл. 4: Днесь спасения нашего главїзна, и еже от века таинства явление: Сын Божий Сын Девы бывает, и Гавриил благодать благовествует. Темже и мы с ним Богородице возопиим: радуйся, Благодатная, Господь с Тобою.

Кондак, гл. 8: Взбрáнной Воеводе победительная, яко избавльшеся от злых, благодарственная воспису́ем Ти раби́ Твои, Богородице; но яко имущая державу непобедимую, от всяких нас бед свободи́, да зовем Ти: радуйся, Невесто Неневестная.

Величание: Архангельский глас вопи́ем Ти, Чистая: радуйся, Благодатная, Господь с Тобою.

23 апреля (6 мая)

Великомученика Георгия Победоносца

Тропарь, гл. 4: Яко пленных свободитель и нищих защититель, немощствующих врач, православных поборниче, Победоно́сче великомучениче Гео́ргие, моли Христа Бога спастися душáм нашим.

Кондак, гл. 4: Возделан от Бога, показался еси благочестия делатель честнейший, добродетелей рукоя́ти собрав себе; сеяв бо в слезах, веселием жне́ши, страда́льчествовав же кровию, Христа приял еси и молитвами, святе, твоими всем подаеши прегрешений прощение.

25 апреля (8 мая)
Апостола и евангелиста Марка

Тропарь, гл. 3: У верховнаго Петра научився, апостол Христов был еси и яко солнце странамъ возсиял еси, Александриомъ удобрение быв, блаженне. Тобою Египет от прелести свободися, евангельскимъ твоимъ учениемъ просвещъ вся, яко свет, столпъ церковный. Сего ради твою память чтуще, светло празднуемъ, Мάρко богогласе: моли тобою благовестимаго Бога, да согрешений оставление подаст душамъ нашимъ.

Кондак, гл. 2: С высоты приимъ благодать Духа, риторская плетения разрушил еси, апостоле, и языки вся уловив, Марко всеславне, твоему Владыце привел еси, Божественное проповедавъ Евангеліе.

30 апреля (13 мая)
Святителя Игнатия Брянчанинова

Тропарь, гл. 8: Православия поборниче, покаяния и молитвы делателю и учителю изрядный, архиереевъ богодухновенное украшение, монашествующихъ славо и похвало, писании твоими вся ны уцеломудрил еси. Цевнице духовная, Игнатіе богомудре, моли Слово Христа Бога, Егоже носил еси в

сердце твоём, даровати нам прежде конца покаяние.

Кондак, гл. 8: Аще и совершал еси стезю жития земнаго, святителю Игнатие, обаче непрестанно зрел еси законы бытия вечнаго, сему поучая ученики словесы многими, имже последовати и нам, святче, помолися.

9 (22) мая
Перенесение мощей
свт. Николая Чудотворца

Тропарь, гл. 5: Приспé день светлаго торжества, град Бáрский радуется, и с ним вселенная вся ликовствуёт пёснями и пёньми духовными: днесь бо священное торжество, в пренесение честных и многоцелёбных мощей святителя и чудотворца Николáя, якоже солнце незаходимое возсия светозарными лучами, разгоняя тьму искушений же и бед от вопиющих верно: спасай нас, яко предстатель наш, великий Никóлае.

Кондак, гл. 3: Взыде, яко звезда от востока до запада твоё мо́щи, святителю Никóлае, море же осветится шествием твоим, и град Барский приемлет тобою благодать: нас бо дёля явился еси чудотворец изящный, предивный и милостивый.

11 (24) мая

**Равноапостольных Мефодия и Кирилла,
учителей Словенских**

Тропарь, гл. 4: Яко апостолом единоправ-
нии и словѣнскихъ странъ учителие, Кирилле
и Мефодіе богомудрии, Владыку всехъ моли-
те, вся языки словенския утвердити в пра-
вославии и единомыслии, умирѣти миръ и спа-
сти дѹши наша.

Кондак, гл. 3: Священную двоицу просве-
тителей нашихъ почтимъ, Божественныхъ писа-
ній преложениемъ источникъ богопознания
намъ источившихъ, изъ негоже даже до днесь не-
оскудно почѣрпающе, ублажаемъ васъ, Кирил-
ле и Мефодіе, престолу Вышняго предстоя-
щихъ и тѣпле молящихся о душѣхъ нашихъ.

Величание: Величаемъ васъ, святѣи равно-
апостольнии Мефодіе и Кирилле, вся сло-
венския страны учѣньми своими про-
светѣвшія и ко Христу приведшія.

19 мая (1 июня)

Благоверного князя Дмитрія Донского

Тропарь, гл. 3: Велика обретѣ в бѣдѣхъ ты
поборника земля Русская, языки побеждаю-
ща. Якоже на Доне Мамаеву низложилъ еси
гордыню, на подвигъ сей приявъ благословение
преподобнаго Сергія, тако, княже Дмитріе,

Христу Богу молися даровати нам велию милость.

Кондак, гл. 2: Подвиги твоими, святе Димитрие, страну нашу Бог сохрани, давый тебе силу непобедимую. И ныне, предстателю крепкий, соблюдай молитвами святыми град твой Москву невредим от всех навет вражиих.

21 мая (3 июня)

Сретение чудотворной иконы

Пресвятой Богородицы Владимирской

*(празднование этой иконе также 23 июня
и 26 августа)*

Тропарь, гл. 4: Днесь светло красуется славнейший град Москва, яко зарю солнечную восприёмши, Владычице, чудотворную Твою икону, к нейже ныне мы притекающе и молящеся Тебе, взываем сїце: о пречудная Владычице Богородице, молися из Тебе воплощенному Христу Богу нашему, да избавит град сей и вся грады и страны христіанскія невредимы от всех навет вражиих и спасет дѹши наша, яко Милосерд.

Кондак, гл. 8: Взбранной Воеводе победительная, яко избавльшеся от злых пришествіем Твоего честнаго образа, Владычице Богородице, светло сотворяем празднество

срѣтения Твоего и обычно зовем Ти: радуйся, Невесто Невестная.

Равноапостольных царей Константина и Елены

Тропарь, гл. 8: Креста Твоего образ на небеси видеви, и якоже Павел звание не от человек прием, в царѣх апостол Твой, Господи, царствующий град в руцѣ Твоей положи: егоже спасай всегда в мире молитвами Богородицы, Едине Человеколюбче.

Кондак, гл. 3: Константин днесь с материю Еленою Крест являют, всечестное древо, всех убо иудеев посрамление суще, оружие же на противныя верных царей: нас бо ради явился знамение велие и во бранѣх грозное.

Величание: Величаем вас, святии благовернии и равноапостольнии цари Констанции и Елено, и чтим святую память вашу, вы бо святым Крестом всю вселенную просветили есте.

23 мая (5 июня)

Преподобной Евфросинии Полоцкой

Тропарь, гл. 4: Подражаючи дванадесатолѣтна дванадесатолѣтну Христу, учившему во святилищи Божію слову, последовала еси, Евфросиніе: славу временную и земна-

го обручника оставльши, и вся мирская презрѣвши, краснѣйшему паче всех Христу себе уневѣстила еси: крест взѣмши, путем ангельскаго житія шествующи, и многия к нему наставляющи, во благоухании мира в небесный чертог востекла еси; идѣже моли, Егоже возлюбила еси, о чтущих благочестно память твою.

Кондак, гл. 8: Избрáнней Богом от сáмаго рождения и призвáнней на служение Ему, в чине ангельством Господеви послужившей свято и преподобно пожившей, и ныне с небесными силами Господа восхваляющей, о нас же грешных пред Господом ходáтайствующей, с радостию и любовью воззовем: радуйся, Евфросиние, невесто Христова всечестнáя.

24 июня (7 июля)

**Рождество пророка, Предтечи и Крестителя
Господня Иоанна**

Тропарь, гл. 4: Прорóче и Предтéче пришествія Христова, достойно восхвалíти тя недоумеем мы, любовию чтущии тя: неплодство бо рождшия и óтчее безгласіе разреши́ся славным и честным твоим рождеством, и воплощение Сына Божія мірови проповедуется.

Кондак, гл. 3: Прежде неплоды днесь Христова Предтечу раждает, и той есть исполнение всякаго пророчества: Егоже бо прорocy проповѣдаша, на Сего во Иордане руку положив, явися Божия Слова пророк, проповедник, вкупе и Предтеча.

Величание: Величаем тя, Предтече Спасов Иоанне, и чтим еже от неплодове преславное рождество твое.

26 июня (9 июля)

Явление Тихвинской иконы Божией Матери

Тропарь, гл. 4: Днесь, яко солнце пресветлое, возсия нам на воздусе всечестная икона Твоя, Владычице, лучами милости мир просвещающи, юже великая Россия, яко некий дар Божественный, свыше благоговейне восприѣмши, прославляет Тя, Богомати, всех Владычицу, и от Тебе рождагося Христа Бога нашего величает радостно. Емуже молися, о Госпоже Царице Богородице, да сохранит вся грады и страны христианския невредимы от всех навет вражиих и спасет верою поклоняющихся Его Божественному и Твоему Пречистому образу, Дево неискусобная.

Кондак, гл. 8: Притецем, людие, к Деве Богородице Царице, благодаряще Христа Бо-

га, и к Той чудотворней иконе умильно взирающе припадём и возопиём Ей: о Владычице Марие! Присетивши страну сию Твоего честнаго образа явлением чудесно, спасай в мире и благовремении вся христиане, наследники показующи небесныя жизни, Тебе бо верно зовем: радуйся, Дево, мира спасение.

28 июня (11 июля)

Преподобных Сергия и Германа Валаамских

Тропарь, гл. 4: Евангелія Христова истиннии послушницы явистеся, преподобнии, мир и вся яже в нем, яко не сущая, преобидеши любве ради Христовы, и в морской остров вселистеся, и трудолюбно в нем противу козней невидимых врагов подвижастеся, постом, бдением же и всенощным стоянием плоти своя духу мудре повинули есте. сего ради от Вседержительныя десницы достойныя венцы прияли есте. И ныне Пресвятей Троице предстояще, молитесь, всеблаженнии отцы Сергие и Германе, сохранитися в мире отечеству нашему и спастися душам нашим.

Кондак, гл. 4: От мирскаго жития изшедше, отвержением же мира Христу последоваште, и достигосте великаго Невы езера, и в нем на острове Валааме всельшеся, равно-

ангельное житіе пожили есте: отонѹдуже веселящєся прєшли есте к небесным чертогом. И ныне со Ангелы Владычню престолу предстоюще, поминайте нас чад своих, яже собрали есте, богомудрии, да радостно от души вопіем: радуйтеся, Сєргіе и Гєрмане, отцы прєблажєннии.

29 июня (12 июля)

**Святых Первоверховных Апостолов
Петра и Павла**

Тропарь, гл. 4: Апостолов первопрестольницы и вселєнныя учїтелие, Владыку всех молите мир вселенней даровати и душам нашим вєлюю милость.

Кондак, гл. 2: Твердыя и боговещанныя проповєдатели, верх апостолов Твоих, Господи, приял еси в наслаждение благих Твоих и покой: болезни бо ѡнех и смерть приял еси паче всякаго всеплодия, едине свєдый сердечная.

Величание: Величаем вас, апостоли Христовы Пєтре и Пáвле, весь мир ученьми своими просветившія и вся концы ко Христу приведшія.

**Царственных мучеников
Царя-мученика Николая II и иже с ним
убиенных**

Тропарь, гл. 5: Царства земнаго лишение, узы и страдания многоразличная кротко претерпел еси, свидѣтельствовав о Христе даже до смерти от богоборцев, страсотѣрпче великий Боговенчаный царю Никѡлае, сего ради мученическим венцемъ на небесѣх венча тя с царицею и чады и слуги твоими Христос Бог, Егоже моли помиловати страну Россійскую и спасти дѹши наша.

11 (24) июля

Равноапостольной княгини Россійской Ольги

Тропарь, гл. 1: Крилами богоразумия вперивши твой ум, возлетела еси превыше видимыя твари, взыскавши Бога и Творца всяческих, и Того обрѣтши, пакирождѣние крещением прияла еси, древа животнаго наслаждающися, нетленна во веки пребываеши, Ольго присно-славная.

Кондак, гл. 4: Воспоём днесь благодетеля всех Бога, прославльшаго в России Ольгу богومудрую, да молитвами ея подаст душам нашим грехов оставление.

Величание: Величаем тя, святая благоверная княгиня Россійская Ольго, и чтим свя-

тую память твою, ты бо мо́лиши о нас Христа, Бога нашего.

15 (28) июля

Равноапостольного князя Владимира,

Тропарь, гл. 4: Уподобился еси купцу, ищущему добраго бисера, славнодержавный Владимире, на высоте стола седя́ мáтере градóв, богоспасаемаго Киева, испытуя же и посылая к Царскому граду увéдети православную веру, обрел еси безценный бисер, Христа, избравшаго тя, яко втораго Павла, и оттрясшаго слепоту во святéй купели душевную, вкупе и телесную. Темже празднуем твое успение, людие твои суще: моли спастися державы твоея Россiйския начальником и множеству владóмых.

Кондак, гл. 8: Подóбствовал великому апостолу Павлу, в седи́нах, всеславне Владимире, вся, яко младенческая мудрováния яже о́идолех тщания, оставль, яко муж совершенный украси́лся еси божественнаго крещения багряницею. И ныне Спасу Христу в веселии предстоя, моли спастися державы Россiйския начальником и множеству владомых.

Величание: Величаем тя, святы́й равноапостольный княже Владимире, и чтим святую память твою, идо́лы попра́вшаго и всю Рос-

сийскую землю святым крещением просветившаго.

20 июля (2 августа)
Пророка Божия Илии

Тропарь, гл. 4: Во плоти Ангел, пророков основание, вторый предтеча пришествия Христова, Илиа славный, свыше пославый Елисееви благодать недуги отгоняти и прокаженные очищати, темже и почитающим его точит исцеления.

Кондак, гл. 2: Пророче и провидче великих дел Бога нашего, Илие великоимените, вещанием твоим уставивый водоточныя облаки, моли о нас Единого Человеколюбца.

Величание: Величаем тя, святыи пророче Божий Илие, и почитаем еже на колеснице огненной преславное восхождение твое.

22 июля (4 августа)
Равноапостольной Марии Магдалины

Тропарь, гл. 1: Христу нас ради от Девы рождшемуся честная Магдалино Марие последовала еси, Того оправдания и законы хранящи: темже днесь всесвятую твою память празднующе, грехов разрешение молитвами твоими приемлем.

Кондак, гл. 3: Предстоящи, преславная, у Креста Спасова со иными многими, и Матери Господни состраждущи, и слезы точащи, сие в похвалу приноша́ше глаголющи: что сие есть странное чудо? Содержа́й всю тварь пострада́ти изво́ли: слава державе Твоей.

**23 июля (5 августа)
Почаевской иконы
Божией Матери**

Тропарь, гл. 5: Пред святою Твоею иконою, Владычице, моля́щиеся исцелений сподобля́ются, веры истинныя познание приемлют и ага-ря́нская нашествия отражают. Тем же и нам, к Тебе припа́дающим, грехов оставление испроси́, по́мыслы благочестия сердца́ наша просвети́, и к Сыну Твоему молитву вознеси о спасении душ наших.

Кондак, гл. 1: Источник исцелений и веры православныя утверждение Почаевская Твоя икона, Богородице, яв́ися, тем же и нас, к ней притекающих, от бед и искушений свободи, лавру Твою невредиму сохрани, Православие во окрест стоящих странах утверди и грехи разреши моли́твенник Твоих: ели́ка бо хо́щеши, мо́жеши.

24 июля (6 августа)

Мучеников благоверных князей Бориса и Глеба

Тропарь, гл. 2: Правдивая страсотёрпца и истинная Евангелія Христова послúшателя, целомудренный Ромáне с незлóбивым Давíдом, не сопротив стáста врагу сýщу брату, убивающему телеса ваша, душáм же коснутися не могу́щу. Да плачется убо злый властолюбец, вы же радующеся с лики ангельскими, предстояще Святей Троице, мо́литесь о державе сродников ваших богоугодней быти и сыновомъ Россiйским спастися.

Кондак, гл. 3: Возсия днесь преславная память ваша, благороднии страсотерпцы Христовы Романе и Давиде, созывающи нас к похвалению Христа Бога нашего. Тем притека́юще к ра́це мощей ваших исцеления дар приемлем молитвами вашими, святии: вы бо Божественнии врачи́ве естé.

27 июля (9 августа)

Великомученика и целителя Пантелеимона

Тропарь, гл. 3: Страсотёрпче святы́й и целебниче Пантеле́ймоне, моли милостиваго Бога, да прегрешений оставление подаст душáм нашим.

Кондак, гл. 5: Подражатель сый Милостиваго и исцелений благодать от Него прием, страстотерпче и мучениче Христа Бога, молитвами твоими душевныя наша недуги исцели, отгоня присно борца соблазны от вопиющих верно: спаси ны, Господи.

6 (19) августа
Преображение Господа нашего
Иисуса Христа

Тропарь, гл. 7: Преобразился еси на горé, Христе Боже, показавый ученикомъ Твоимъ славу Твою, якоже можаху, да возсияет и нам грешнымъ свет Твой присносущный молитвами Богородицы, Светодавче, слава Тебе.

Кондак, гл. 7: На горé преобразился еси, и якоже вмещáху ученицы Твои славу Твою, Христе Боже, видеша, да егда Тя úзрят распина́ема, страдание убо уразумеют вольное, мýрови же проповедят, яко Ты еси воистинну Отчее сияние.

Величание: Величаем Тя, Живодавче Христе, и почитаем пречистыя плоти Твоея преславное преображение.

8 (21) августа

Преподобных Зосимы и Савватия
Соловецких чудотворцев

Тропарь, гл. 8: Яко светильницы явистеся всесвѣтлии во отцѣ окиана моря, преподобнии отцы Зосимо и Савватіе, вы бо Крест Христов на рамо взѣмше, усердно Тому послѣдовасте, и чистотою Богови приближившеся, отонѹдуже силами чудес обогатистеся. Темже и мы любезно притекаем к ракам честныхъ мощей ваших и умильно глаголем: о преподобнии, молитѣ Христа Бога спастися душамъ нашимъ.

Кондак, гл. 2: Христовою любовію уязвившеся, преподобнии, и Того Крест на рамо вземше понесли есте, божественне вооружившеся на невидимыя враги, и непрестанныя молитвы, яко копіе в рукахъ, имѹще, победили есте бесовская ополчения; благодать Господню приемше целити недуги душ и телес притекающихъ к ракамъ честныхъ мощей вашихъ, чудесъ лучи испускаете всюду. Тем зовемъ вамъ: радуйтесь, преподобнии отцы Зосимо и Савватіе, монаховъ удобрение.

15 (28) августа**Успение Пресвятой Богородицы**

Тропарь, гл. 1: В рождестве девство сохранила еси, во успении мира не оставила еси, Богородице: преставилася еси к животу, Мати сущи Живота, и молитвами Твоими избавляеши от смерти дýши наша.

Кондак, гл. 2: В молитвах неусыпающую Богородицу и в предстательствах непреложное упование, гроб и умерщвление не удержаста: якоже бо Живота Мать к животу престаи во утробу Вселивыйся принодévственную.

Величание: Величаем Тя, Пренепорочная Мати Христа Бога нашего, и всеславное сла́вим успéние Твое.

16 (29) августа**Нерукотворенного образа Господа нашего
Иисуса Христа**

Тропарь, гл. 2: Пречистому образу Твоему поклоняемся, Благíй, просяще прощения прегрешений наших, Христе Боже: волею бо благоволил еси плотию взыти на крест, да избавиши, яже создáл еси, от работы вражия. Тем благодарственно вопием Ти: радости исполнил еси вся, Спасе наш, пришедый спасти мир.

Кондак, гл. 2: Неизречённого и Божественного Твоего к человеку смотра, Не-описанное Слово Отчее, и образ неписанный и богописанный победителен вѣдуще неложного Твоего воплощения почитаем, того лобызающе.

Величание: Величаем Тя, Живодавче Христе, и почитаем вси пречистаго лика Твоего преславное изображение.

29 августа (11 сентября)

Усекновение главы

**пророка, Предтечи и Крестителя Господня
Иоанна**

Тропарь, гл. 2: Память праведнаго с похва-лами, тебе же довлеет свидетельство Господне, Предтече: показал бо ся еси воистинну и пророков честнейший, яко и в струях крестити сподобился еси Проповѣданнаго. Темже за истину пострадав радуясь, благовестил еси и сущим во аде Бога являшагося плотию, взѣмлющаго грех мира и подающаго нам велию милость.

Кондак, гл. 5: Предтечево славное усекновение смотрёние бысть некое Божественное, да и сущим во аде Спáсово проповѣсть пришествие. Да рыдает убо Иродіа, безза-

конное убийство испросивши: не закон бо Божий, ни живый век возлюбй, но притворный, привременный.

Величание: Величаем тя, Крестителю Спасов Иоанне, и почитаем вси честныя твоея главы усекновение.

30 августа (12 сентября)

**Перенесение мощей благоверного князя
Александра Невского**

Тропарь, гл. 4: Познай свою братию, российский Иосифе, не в Египте, но на небеси царствующий, благоверный княже Александре, и приими моления их, умножая жита людем плодоносием земли твоея, грады владычества твоего ограждая молением и наследником твоим благоверным на сопротивныя споборствуя.

Кондак, гл. 4: Якоже сродницы твои Борис и Глеб явйшася тебе с небесё в помощь, подвижающемуся на Вёлгера свейскаго и воев его: тако и ты ныне, блаженне Александре, прииди в помощь твоим сродником и побори борющия ны.



БОГОРОДИЧНОЕ ПРАВИЛО

*Ежедневно читается 150 раз:** Богородице Дево, радуйся, Благодатная Марие, Господь с Тобою; благословена Ты в женах и благословен плод чрева Твоего, яко Спаса родила еси душ наших.

После каждого десятка читается по одному разу: Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Милосердия двери отверзи нам, благословенная Богородице, надеющиеся на Тя да не погибнем, но да избавимся Тобою от бед: Ты бо еси спасение рода христианскаго.

* Если по непривычке трудно будет одолевать ежедневно 150 раз, следует читать поначалу 50 раз.

Первый десяток. Вспоминаем Рождество Пресвятой Богородицы. Молимся о матерях, отцах и детях.*

О Пресвятая Владычице Богородице, спаси и сохрани рабов Твоих (имена родителей и сродников), а умерших со святыми упокой в вечной славе Твоей.

Второй десяток. Вспоминаем Введение во храм Пресвятой Девы Богородицы. Молимся о заблудших и отпавших от Церкви.

О Пресвятая Владычице Богородице, спаси и сохрани и соедини (или присоедини) к святой Православной Церкви заблудших и отпавших рабов Твоих (имена).

Третий десяток. Вспоминаем Благовещение Пресвятой Богородицы. Молимся об утолении скорбей и утешении скорбящих.

* Ниже приводится схема, в которую вкладывал свои молитвы Приснодеве Марии владыка Серафим (Звездинский). Исполняя Богородичное правило, он молился за весь мир и охватывал этим правилом всю жизнь Царицы Небесной. После каждого десятка читаются дополнительные молитвы, например те, которые указаны далее.

О Пресвятая Владычице Богородице, утoli наши скорби и пошли утешение скорбящим и болящим рабам Твоим (имена).

Четвертый десяток. Вспоминаем встречу Пресвятой Богородицы с праведной Елизаветою. Молимся о соединении разлученных, у кого близкие или дети в разлуке или пропали без вести.

О Пресвятая Владычице Богородице, соедини в разлуке находящихся рабов Твоих (имена).

Пятый десяток. Вспоминаем Рождество Христово, молимся о возрождении душ, о новой жизни во Христе.

О Пресвятая Владычице Богородице, даруй мне, во Христа крестившемуся, во Христа облекшися.

Шестой десяток. Вспоминаем Сретение Господне, и прореченное св. Симеоном слово: «И Тебе Самой оружие пройдет душу». Молимся, чтобы Матерь Божия встретила душу в час кончины и сподобила при последнем издыхании причаститься Святых Таин и провела бы душу через страшные мытарства.

О Пресвятая Владычице Богородице, сподоби меня при последнем издыхании причаститься Святых Таин Христовых и Сама проведи душу чрез страшные мытарства.

Седьмой десяток. Вспоминаем бегство в Египет Божией Матери с Богомладенцем, молимся, чтобы Царица Небесная помогла бы избежать искушений в этой жизни и избавила бы от напастей.

О Пресвятая Владычице Богородице, не введи меня во искушение в сей жизни и избави меня от всяких напастей.

Восьмой десяток. Вспоминаем исчезновение двенадцатилетнего отрока Иисуса в Иерусалиме и скорбь Божией Матери по поводу этого. Молимся, испрашивая у Богоматери постоянную Иисусову молитву.

О Пресвятая Владычице Богородице, Пречистая Дево Марие, даруй мне непрестанную молитву Иисусову.

Девятый десяток. Вспоминаем чудо в Кане Галилейской, когда Господь претворил воду в вино по слову Божией Матери: «Вина нет у них». Просим у Божией Матери помощи в делах и избавления от нужды.

О Пресвятая Владычице Богородице, помоги мне во всех делах моих и избави меня от всяких нужд и печали.

Десятый десяток. Вспоминаем стояние Божией Матери у Креста Господня, когда скорбь, как оружие, пронзила Ее душу. Молимся Божией Матери о подкреплении душевных сил и об отгнании уныния.

О Пресвятая Владычице Богородице, Преподобная Дево Марие, укрепи мои силы душевные и отжени от меня уныние.

Одиннадцатый десяток. Вспоминаем Воскресение Христово и молитвенно просим Божию Матерь воскресить душу и подать новую бодрость к подвигу.

О Пресвятая Владычице Богородице, воскреси душу мою и даруй мне постоянную готовность к подвигу.

Двенадцатый десяток. Вспоминаем Вознесение Христово, при котором присутствовала Матерь Божия. Молимся и просим Царицу Небесную вознести душу от земных суетных забав и направить на стремление к горнему.

О Пресвятая Владычице Богородице, избави меня от помышлений суетных и даруй

мне ум и сердце, стремящееся ко спасению души.

Тринадцатый десяток. Вспоминаем сионскую горницу и сошествие Святаго Духа на апостолов и Божию Матерь и молимся: «Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене».

О Пресвятая Владычице Богородице, ниспосли и укрепи благодать Святаго Духа в сердце моем.

Четырнадцатый десяток. Вспоминаем Успение Пресвятыя Богородицы и просим мирной и безмятежной кончины.

О Пресвятая Владычице Богородице, даруй мне мирную и безмятежную кончину.

Пятнадцатый десяток. Вспоминаем славу Божией Матери, которой увенчивается Она от Господа после преселения Ее от земли на небо, и молим Царицу Небесную не оставлять верных, сущих на земле, но защищать их от всякаго зла, покрывая их честным Своим омофором.

О Пресвятая Владычице Богородице, сохрани меня от всякаго зла и покрый меня честным Твоим омофором.



**МОЛИТВЫ БОЖИЕЙ МАТЕРИ
И СВЯТЫМ,
имеющим благодать исцелять болезни
и помогать в различных нуждах**

**Пресвятой Богородице в честь Ее иконы
«Казанская»**

*(Потеря зрения и болезни глаз,
благословение на создание семьи)*

О Пресвятая Госпоже Владычице Богородице! Со страхом, верою и любовью припадающе пред честною и чудотворною иконою Твоею, молим Тя: не отврати лица Твоего от прибегающих к Тебе, умоли, милосердая Мати, Сына Твоего и Бога нашего, Господа Иисуса Христа, да сохранит мирну страну нашу, Церковь же Свою святую непоколебиму да соблюдет и от неверия, ересей и раскола да избавит. Не имамы бо инья помощи, не имамы инья надежды, разве Тебе, Пречистая Дево: Ты еси всесильная христиан Помощница и Заступница; избави же и всех, с

верю Тебе молящихся, от падений греховных, от навета злых человек, от всяких искушений, скорбей, болезней, бед и от внезапной смерти; даруй нам дух сокрушения, смирение сердца, чистоту помышлений, исправление греховныя жизни и оставление прегрешений, да вси, благодарне воспевающе величия и милости Твоя, являемая над нами зде на земли, сподобимся и Небеснаго Царствия и тамо со всеми святыми прославим пречестное и великолепое имя Отца и Сына и Святаго Духа во веки веков. Аминь.

**Пресвятой Богородице
в честь Ее образа «Неопалимая Купина»
(От пожара)**

О Пресвятая и Преблагословенная Мати Сладчайшего Господа Иисуса Христа! Припадаем и покланяемся Тебе пред святою и пречестною иконою Твоею, еуже дивная и преславная чудеса содеваеши, от огненного запаления и молниеноснаго грома жилища наша спасаеши, недужныя исцеляеши и всяко благое прошение наше во благо исполняеши. Смиренно молим Тя, всесильная рода нашего Заступнице: сподоби ны немощныя и грешныя Твоего матернего заступления и попечения. Спаси и сохрани, Владычи-

це, под кровом милости Твоея Церковь Святую, град сей, всю страну нашу православную и вся ны припадающия к тебе с верою и любовию и со умиленными слезами твоего заступления просящия. Ей, Госпоже Всемилостивая! Умилосердися на нас, обуреваемых грехи многими и не имеющих дерзновения ко Христу Господу просити Его о помиловании и прощении: Тебе убо предлагаем к Нему на умоление, Матерь Его сущую. Простри к Нему, о Всеблагая, богоприимнии руце Твои, и предстательствуй за нас пред Его благодатию, просящи нам прощения прегрешений наших, благочестного мирного жития, благия христианския кончины, и доброго ответа на страшнем суде Его. В час же грозного посещения Божия, аще огнем возгорятся домы наши, аще ли молниеносным громом устрашаеми будем, яви нам милостивное Твое заступление и державное вспоможение: да спасаеми всесильными Твоими ко Господу молитвами, временного наказания Божия zde избегнем, вечное же блаженство райское тамо унаследуем, и со всеми святыми воспоем пречестное и великолепое имя покланяемая Троицы, Отца и Сына и Святого Духа, и Твое велие к нам милосердие во веки веков. Аминь.

Пресвятой Богородице в честь Ее образа**«Всех скорбящих Радость»**

(Инфекционные заболевания: туберкулез, грипп и др.)

О Пресвятая Владычице Богородице, преблагословенная Мати Христа Бога, Спасителя нашего, всех скорбящих Радосте, больных посещение, немощных покрове и заступнице, вдовиц и сирых покровительнице, матерей печальных всенадежная утешительнице, младенцев немощных крепосте и всем беспомощным всегда готовая помощь и верное прибежище! Тебе, о Всемилостивая, дадеся от Всевышняго благодать во еже всех заступати и избавляти от скорби и болезней, зане Сама лютяя скорби и болезни претерпела еси, взираючи на вольное страдание Сына Твоего возлюбленного и Того на кресте распинаема зрящи, егда оружие Симеоном предреченное сердце Твое пройде. Темже убо, о Мати чадолубивая, вонми гласу мольбы нашего, утеши нас в скорби сухих, яко верная радости Ходатаица: предстоящи Престолу Пресвятыя Троицы, одесную Сына Твоего, Христа Бога нашего, можеши, аще восхощеши, вся нам полезная испросити. Сего ради с верою сердечною и любовью от души припадаем к Тебе яко Царице и Вла-

дычице, и псаломски вопіти Тебе дерзаем: слыши, дщи, и виждь, и приклони ухо Твое, услыши моление наше и избави нас от обстоящих бед и скорбей: Ты бо прошения всех верных, яко скорбящих Радость, исполняеши и душам их мир и утешение подаеши. Се зриши беду нашу и скорбь: яви нам милость Твою, послѣ утешение уязвленному печалию сердцу нашему, покажи и удиви на нас грешных богатство милосердия Твоего, подаждь нам слезы покаяния ко очищению грехов наших и утолению гнева Божия, да с чистым сердцем, совестию благою и надеждою несумнѣнною прибегаем ко Твоему ходатайству и заступленію: приими, всемилостивая наша Владычице Богородице, усердное моление наше Тебе приносимое, и не отрини нас, недостойных, от Твоего благосердия, но подаждь нам избавление от скорби и болезни, защити нас от всякаго навета вражия и клеветы человеческия, буди нам помощница неотступная во все дни жизни нашей, яко да под Твоим матерним покровом всегда пребудем цели и сохранѣни Твоим заступлением и молитвами к Сыну Твоему и Богу Спасителю нашему, Емуже подобает всякая слава, честь и поклонение, со Безначальным Его

Отцем и Святым Духом, ныне и присно и во веки веков. Аминь.

Пресвятой Богородице
в честь Ее образа «Нечаянная Радость»
(Потеря слуха и болезни ушей,
против блудной страсти)

О Пресвятая Дево, всеблагáго Сына Мати всеблагáя, града и святаго храма сего покрóве, всех сущих во гресех и скорбех, бедáх же и болезнях верная Предстательнице и Заступнице! Приими молебное пение сие от нас недостойных раб Твоих Тебе возносимое; и якоже древле грешника, на всяк день многáжды пред честною иконою Твоею молившагося, не презрела еси, но нечаянную радость покаяния тому даровала еси, и усердным к Сыну Твоему ходáтайством Сего ко прощению грешника преклонила еси, тако и ныне не прéзри моления нас, недостойных раб Твоих, но умоли Сына Твоего и Бога нашего, да и всем нам, с верою и умилением пред цельбоносным образом Твоим поклоняющимся, по коегождо потребе нечаянную радость дарует; да вси на небеси и на земли ведут Тя, яко твердую и непостыдную Предстательницу рода христианскаго, и сие вéдуще, славят Тя и Тобою Сына Твоего, со безначальным

Его Отцем и единосущным Его Духом, ныне и присно и во веки веков. Аминь.

**Пресвятой Богородице
в честь Ее образа «Скоропослушница»**
(Ожоги, неизлечимые болезни)

Преблагословенная Владычице, Приснодево Богородице, Бога Слова паче всякаго слова на спасение наше рождшая и благодать Его преизобильно паче всех приявшая, море являющаяся Божественных дарований и чудес приснотекущая река, изливающая благодать всем, с верою к Тебе прибегающим! Чудотворному Твоему образу припадающе, молимся Тебе, всещедрей Матери человеколюбиваго Владыки: удиви на нас пребогатая милости Твоя и прошения наша, приносимая Тебе, Скоропослушнице, ускори исполнити все, еже на пользу во утешение и спасение коемуждо устрояющи. Посети, Преблагая, рабы Твоя благодатию Твоею, подаждь недугующим цельбу и совершенное здравие, обуреваемым тишину, плененным свободу и различными образы страждущих утеши, избави, всемилостивая Госпоже, всяк град и страну от глада, язвы, труса, потопа, огня, меча и иныя казни временныя и вечныя матерним Твоим дерзновением отвращающи

гнев Божий; и душевнаго разслабления, обуре-
вания страстей и грехопадений свободы ра-
бы Твоя, яко да непреткновенно во всяком
благочестии поживше в сем веце, и в буду-
щем вечных благ сподобимся благодатию и
человеколюбием Сына Твоего и Бога, Ему-
же подобает всякая слава, честь и поклоне-
ние со безначальным Его Отцем и Пресвя-
тым Духом, ныне и присно и во веки веков.
Аминь.

Пресвятой Богородице
в честь Ее образа «Тихвинского»
(О здравии младенцев и сохранении их
от опасности)

Благодарим Тя, о Преблагая и Пречистая,
Преблагословенная Дево, Владычице, Мати
Христа Бога нашего, о всех благодеяниях
Твоих, яже показала еси роду человеческо-
му, о нихже ниже самый ангельский язык к
похвалению доволен будет, якоже и ныне
удивила еси неизреченную Свою милость на
нас, недостойных рабех Твоих, преестествен-
ным самопришествием пречистыя Твоея ико-
ны, еюже всю просветила еси Российскую
страну. Темже и мы, грешнии, со страхом и
радостью покланяющися, вопием Ти: о Пре-
святая Дево, Царице и Богородице, спаси и

помилуй Святейшего Патриарха Московскаго и всея Руси, архиереи же и вся люди, и подаждь стране победы на вся враги, и сохрани вся грады и страны христианския, и сей святой храм от всякаго навета вражия избави, и всем вся на пользу даруй, ныне пришедшим с верою и молящимся рабом Твоим, и покланяющимся Пресвятому образу Твоему, яко благословенна еси с рождшимся от Тебе Сыном и Богом, ныне и присно и во веки веков. Аминь.

**Пресвятой Богородице
в честь Ее образа
«Всецарица»
(Раковые заболевания)**

О всеблагая, досточудная Богородице Пантанасса, Всецарице! Несмь достоин да внидеши под кров мой! Но яко милостиваго Бога любоблагоутробная Мати, рцы слово, да исцелится душа моя и укрепится немощствующее тело мое. Имаши бо державу непобедимую и не изнеможет у Тебе всяк глагол, о Всецарице! Ты за мя упроси, Ты за мя умоли. Да прославляю преславное имя Твое всегда, ныне и в безконечныя веки. Аминь.

**Пресвятой Богородице
в честь Ее образа «Троеручица»**

(Увечье и боль рук)

О Пресвятая Госпоже Владычице Богородице, велие чудо святому Иоанну Дамаскину явившая, яко веру истинную — надежду несумненную показавшему! Услыши нас грешных, пред чудотворною Твоею иконою усердно молящихся и просящих Твоея помощи: не отрини моления сего многих ради прегрешений наших, но, яко Мати милосердия и щедрот, избави нас от болезней, скорбей и печалей, прости содеянные нами грехи, исполни радости и веселия всех, чтущих святую икону Твою, да радостно воспоем и любовь прославим имя Твое, яко Ты еси от всех родов избранная и благословенная во веки веков. Аминь.

**Пресвятой Богородице
в честь Ее образа «Козельщанского»**

(Телесные повреждения, травмы)

Богородице Дево, Пренепорочная Мати Христа Бога нашего, Заступнице всего рода христианского! Чудотворней иконе Твоей благоговеюне предстояще, молим Тя: услыши нас молящихся Тебе; прими благодарения наша недостойная о всех неизреченных Тво-

их к нам благодеяний, в месте сем и во многих весех и градах земли Российския явленных и являемых. Ты бо еси больных исцеление, скорбящих утешение, заблудших исправление и вразумление. Буди всем нам покров и утешение, пристанище от всяких зол, бед и обстояний, от глада, труса, потопа, огня, меча, нашествия иноплеменников, смертоносная язвы и от злых человек озлобления. Вознеси молитвы наша, яко кадило благовонное, ко престолу Всевышняго, дарующаго нам здравие, долгоденствие и в трудах благочестивых поспешение, да Твоим окормлением управляеми и покровом Твоим осеняеми, прославим Отца, Сына и Святаго Духа и Твое матернее о нас заступление, всегда, ныне и присно и во веки веков. Аминь.

**Пресвятой Богородице
в честь Ее образа «Феодоровского»**
(О помощи в родах)

К кому воззову, Владычице, к кому прибегну в печали моей? к кому принесу слезы и воздыхания моя, аще не к Тебе, Царице Небеси и земли? кто исторгнет мя от тины грехов и беззаконий, аще не Ты, о Мати Живота, Заступнице и Прибежище рода человеческого? Услыши стенание мое, утѣши

мя и помилуй в горести моей, защити в бедѣх и напастях, избави от озлоблений и скорбей, и всяких недугов и болезней, от враг видимых и невидимых, умирѣ вражду стужающих мне, да избавлен буду от клеветы и злобы человеческия; такожде от своея ми плоти гнусных обычаев свободи мя. Укрый мя под сению милости Твоея, да обрѣщу покой и радость и от грехов очищение. Твоему матернему заступлению себе вручаю; буди мне Мати и надежда, покров, и помощь, и заступление, радость и утешение и скорая во всем помощница. О чудная Владычице! Всяк притекаяй к Тебе без Твоея всесильныя помощи не отходит; сего ради и аз недостойный к Тебе прибегаю, да избавлен буду от внезапныя и лютыя смерти, скрежета зубнаго и вѣчнаго мучения. Небесное же Царствие получить сподоблюся и Тебе во умиленіи сердца реку: радуйся, Мати Божія, Предстательнице и Заступнице наша усердная, во веки веков. Аминь.

Пресвятой Богородице
в честь Ея образа «Взыскание погибших»
(Во всякой беде)

Заступнице усердная, благоутробная Господа Мати, к Тебе прибегаю аз окаянный и

паче всех человек грешнейший; вонми гла-
су моления моего и вопль мой и стенание ус-
лыши. Яко беззакония моя превзыдоша гла-
ву мою, и аз, якоже корабль в пучине, по-
гружаюсь в море грехов моих. Но Ты, все-
благая и милосердая Владычице, не презри
мене отчаянного и во гресех погибающего;
помилуй мя кающегося во злых делах моих,
и обрати на путь правый заблудшую, окаян-
ную душу мою. На Тебе, Владычице моя Бо-
городице, возлагаю все упование мое. Ты,
Мати Божия, сохрани и соблюди мя под кро-
вом Твоим, ныне и присно и во веки веков.
Аминь.

**Пресвятой Богородице в честь Ее образа
«Умягчение Злых Сердец» («Семистрельная»)**
(Об умирении вражды между людьми)

Тропарь: Умягчи наша злая сердца, Бого-
родице, и напасти ненавидящих нас угаси, и
всякую тесноту души нашей разреши. На
Твой святой образ взираючи, Твоим страда-
нием и милосердием о нас умиляемся и ра-
ны Твои лобызаем, стрел же наших, Тя тер-
зающих, ужасаемся. Не даждь нам, Мати
благосердная, в жестокосердии нашем и от
жестокосердия ближних погибнути, Ты бо
еси воистинну злых сердец умягчение.

Пресвятой Богородице
в честь Ее образа «Целительница»
(В любой болезни)

Приими, о всеблагословенная и всемогущая Госпоже Владычице, Богородице Дево, сия молитвы, со слезами Тебе ныне приносимыя от нас, недостойных раб Твоих, ко Твоему цельбоносному образу пение возсылающих со умилением, яко Тебе Самой зде сущей и внемлющей молению нашему. По коемуждо бо прошению исполнение твориши, скорби облегчаеши, немощным здравие даруеши, разслабленные и недужныя исцеляеши, от бесных бесы прогоняеши, обидимыя от обид избавляеши, прокаженные очищаеши и малыя дети милуеши; еще же, Госпоже Владычице Богородице, и от уз и темниц свобождаеши и всякия многоразличныя страсти врачуеши: вся бо суть возможна ходатайством Твоим к Сыну Твоему, Христу Богу нашему. О всепетая Мати, Пресвятая Богородице! Не престай моляся о нас недостойных рабах Твоих, славящих Тя и почитающих Тя и поклоняющихся со умилением пречистому образу Твоему, и надежду имущих невозвратну, и веру несумненну к Тебе, Приснодеве пре-

сла́вней и непоро́чней, ныне и присно и во веки веков. Аминь.

**Великомученику
и целителю Пантелеймону**
(В любых болезнях)

О святы́й великомучениче и целителю Пантелеймоне, Бога Милостиваго подражателю! При́зри благосердием и услыши нас грешных, пред святою твоею иконою усердне молящихся, испроси нам у Господа Бога, Емуже со Ангелы предстоиши на небесѣ, оставление грехов и прегрешений наших: исцели болезни душевныя и телесныя рабов Божиих ныне поминáемых, zde предстоящих и всех христиан православных, ко твоему заступлению притекающих; се бо, грех наших ра́ди, лю́те одержими есмь многими недуги и не ймамы помощи и утешения; к тебе же прибегаем, яко даде́ся ти благодать молитися за ны и целѣти всяк недѹг и всяку болезнь; да́руй убо всем нам святыми молитвами твоими здравие и благомо́щие души и тела, преспе́яние веры и благочестия и вся к житию временному и ко спасению потребная, яко да сподобившеся тобою великих и богатых милостей, прославим тя и По́дателя всех благ, дивнаго во святых Бога нашего,

Отца и Сына и Святаго Духа, во веки веков.
Аминь.

Святителю Спиридону Тримифунтскому
*(В любых болезнях, также в бедности,
вдовстве, сиротстве)*

О великий и пречудный святителю Христов и чудотворче Спиридоне, Керкирская похвало, всея вселенныя светильниче пресветлый, тёплый к Богу молитвенниче и всем к тебе прибегающим и с верою молящимся скоропредстательный заступниче! Ты веру Православную на Никейстем Соборе посреде отцев преславно изъяснил еси, ты единство Святыя Троицы чудесною силою показал еси и еретиков до конца посрамил еси. Услыши нас грешных, святителю Христов, молящихся тебе, и сильным твоим предстательством у Господа избави нас от всякаго злаго обстояния: от глада, потопа, огня и смертоносныя язвы. Ты бо во временней жизни своей от всех сих бедствий избавлял еси людей твоих: от нашествия агарян и от глада страну твою сохранил еси, царя от неисцельнаго недуга избавил и многия грешники к покаянию привел еси, за святость же жития твоего Ангелы, невидимо в церкви поющия и сослужащия тебе, имел еси. Сице убо прослави те-

бе, вернаго Своего раба, Владыка Христос, яко вся тайная человеческая деяния дарова тебе разумети и обличати неправедно живущия. Многим, в скудости и недостаточестве живущим, ты усердно помогал еси, людей убогих изобильно во время глада напитал еси, и иная многая знамения силою в тебе живущаго Духа Божия сотворил еси. Сїце и нас не оста́ви, святителю Христов, поминай нас, чад своих, у престола Вседержителя и умоли́ Господа, да подаст многих наших грехов прощение, безбедное и мирное житие да дарует нам, кончины же живота непосты́дныя и мирныя и блаженства вечнаго в будущемъ веце сподобит нас, да вѣну возсылаем славу и благодарение Отцу и Сыну и Святому Духу, ныне и присно и во веки веков. Аминь.

Бессребреникам и чудотворцам

Косме и Дамиану

(В любыхъ болезняхъ)

К вам, святїи безсребреницы и чудотворцы Космó и Дамиáне, яко к скорымъ помощникомъ и теплымъ молитвенникомъ о спасенїи нашемъ мы, недостойнии, преклонше колена прибегаемъ и припадающе усердно вопїемъ: не презрите моленїя насъ грешныхъ, немощныхъ,

во многая беззакония впадших и по вся дни и часы согрешающих. Умолите Господа, да пробавит нам, недостойным рабом Своим, великия и богатыя Своя милости: избавите нас от всякия скорби и болезни, вы бо прияли есте от Бога и Спаса нашего Иисуса Христа неоскүдную благодать исцелений, ради твердыя веры, безмѣднаго врачевания и мученическаго кончины вашей. Ей, угодницы Божии, не преста́йте моля́щися за ны, с верою к вам притекающія: аще бо по множеству грехов наших и несмы достойни милосердія вашего, обаче вы, вернии подражатели человеколюбия Божія суще, сотворите молитвами вашими, да плоды достойны покаянія принесем и в вечный покой достигнем, хва́ляще и благословяще дивнаго во святых Своих Господа и Бога и Спаса нашего Иисуса Христа, и Пречистую Матерь Его, и ваше теплое заступление всегда, ныне и присно и во веки веков. Аминь.

Архистратигу Михаилу
(В любых болезнях)

О грозный воеводо небесных сил, представителю всех у престола Владыки Христа, хранителю твердый всем человеком и мудрый оружнике, крепкий воеводо Небеснаго Царя!

Помилуй мя грешнаго, требующаго твоего заступления, сохрани мя от всех видимых и невидимых враг, паче же подкрепи от ужаса смертнаго и от смущения диавольскаго, и сподоби мя непостыдно предстати Создателю нашему в час страшнаго и праведнаго суда Его.

О всесвятѣй великий Михайле Архистратѣже! Не прѣзри мене грешнаго, молящагося тебе о помощи и заступлении твоём в вещи сем и в будущем, но сподоби мя тамо купно с тобою славить Отца и Сына и Святаго Духа во веки веков. Аминь.

**Священномученику Власию,
епископу Севастийскому**
(*Ангина и другие болезни горла*)

Преблаженне и приснопамятне священномучениче Власіе, дивный страдальче и предстателю наш теплый, по отшествии твоём в жизнь вечную призывающим твое святое имя пособствовать и во всяких прошениях услышанным быти обеща́вый! Се ныне к тебе угоднику Божию, яко ко истинному ходатаю спасения, притекаем и смиренно мо́лимся: предстани нам в помощь, узами грехов связанным, подвѣгнися на всемо́щныя твоя к Богу молитвы и помолѣся о нас грешных: ты бо

недостойнии призывати на заступление дерзаем, и желаем от всех грехов наших тобою освобождение получить. О святче Божий Властие! В сокрушении и смирении сердца нашего пред тобою припадаем и молимся: осияй нас, омраченных наветы вражиими, светом благодати свыше, да в нем ходяще, не преткнем о камень ног наших. Тя, яко сосуд в часть избранный и исполненный благодати Божия, молим: сподоби нас, грешных, от исполнения твоего желаемое прияти и исцели наша душевныя и телесныя язвы, грехом же нашим прощение и душевному и телесному нашему здравію спасение полезное у Господа испроси, да всегда прославляем Отца и Сына и Святаго Духа и твое милостивное предстательство о душах и телесех наших, ныне и присно и во веки веков. Аминь.

**Священномученику Антипе,
епископу Пергамскому
(Зубная боль)**

О преславный священномучениче Антипо и скорый помощниче христианом в болезнех! Верую от всея души и помышления, яко дадеся тебе от Господа дар болящия врачевати и разслабленныя укрепляти, сего ради к тебе, яко благодатному врачу болезней, аз

немощный прибегаю и, твой досточтимый образ со благоговением лобызая, молюся: твоим предстательством у Царя Небесного испроси мне болящему исцеление от удручающих мя зубных болезней; аще бо и недостойн есмь тебе, благоднейшаго отца и приснаго заступника моего, но ты, быв подражатель человеколюбия Божия, сотвори мя достойна твоего заступления чрез мое обращение от злых дел ко благому житию: уврачуй обильно дарованною тебе благодатию язвы и струпы души и тела моего, даруй ми здравие и спасение и во всем благое поспешение, да тако, тихое и безмолвное житие пожив во всяком благочестии и чистоте, сподоблюся со всеми святыми славить Всесвятое имя Отца и Сына и Святаго Духа, ныне и присно и во веки веков. Аминь.

Святителю
Димитрию Ростовскому
*(Астма и прочие «грудные»
болезни)*

О всеблаженне святителю Димитрие, великий угодниче Христов, Златоусте Российский! Услыши нас грешных, молящихся тебе, и принеси молитву нашу к милостивому и Человеколюбцу Богу, Емуже ты ныне в ра-

дости святых и с лики Ангел предстоиши. Умоли Его благоутробие, да не осудит нас по беззакониям нашим, но да сотворит с нами по милости Своей; испроси нам у Христа Бога нашего мирное и безмятежное житие, здравие душевное и телесное, земли благоплодие и во всем всякое изобилие и благоденствие, и да не во зло обратим благая, даруемая нам от щедрого Бога, но во славу Его и в прославление твоего заступления. Даруй нам богоугодно прейти поприще временныя жизни: избави нас от воздушных мытарств и настави на путь, ведущий в селения праведных, идеже празднующих глас непрестанный, зрящий Божия лица неизреченную доброту; Церковь Святую от ересей и расколов сохрани, верных укрепи, заблуждающих обрати и всем даруй вся яже ко спасению и славе Божией подобающая; отечество твое сохрани от врагов ненаветно. И подаждь нам всем твое архипастырское святое благословение, да оным осеняеми, избавимся от козней лукаваго, избегнем всякия беды и напасти. Услыши моление наше, отче Димитрие, и моли непрестанно о нас Всесильного Бога, славимаго и покланяемаго в Трех Ипостасех, Емуже подобает всякая слава, честь и держава во веки веков. Аминь.

Преподобному Феодору Студиту

(Болезни «чревные»: желудок, печень и т.п.)

Тропарь, гл. 8: Православия наставниче, благочестия учителю и чистоты, вселенная светильниче, монашествующих богодухновенное удобрение, Феодоре премудре, ученьми твоими вся просветил еси, цевнице духовная. Моли Христа Бога спастися душам нашим.

Кондак: Постническое и равноангельское житие твое страдальческими уяснил еси подвиги, и Ангелом совсельник, богоблаженне, явился еси, Феодоре; с ними Христу Богу моляся не престаи о всех нас.

Великомученику Артемию

(Грыжа)

Тропарь: Истинною бо Христовою верою утверждайся, страстотерпче, мучителя злочестива, царя, победил еси со идольским того возношением. Тем от Царя Великаго, вечно царствующаго, пресветлым венцем победным одарен бысть. Вся исцеляяй болящия и призывающия тя, Артемие великий, моли Христа Бога спасти души наша.

Кондак: Благочестиваго и венценоснаго мученика, на враги победы взявшаго одоле-

ние, сошедшеся, достойно песньми восхва-
лим Артёмия, превеликаго в мученицех, чу-
дес же дателя пребогатаго: мо́лится бо Гос-
поду о всех нас.

Святителю Иоасафу Белгородскому
(Болезни сердца)

О угодниче Божий святителю Иоаса́фе! Из
глубины сердца взываем к тебе: огради нас
от соблазна, ересей и расколов, научи го́рняя
му́дрствовать, рассеянный ум наш просвети
и на путь истины направи, охладевшее серд-
це согрей любовью ко ближнему и ревнос-
тию ко исполнению велений Божиих, грехом
и нерадением ослабленную волю нашу ожи-
вотвори благодатию Духа Всесвятаго. Да тво-
ему пастырскому гласу последующе, сохра-
ним в чистоте и правде души наша, и тако
Богу помогающе, Небеснаго Царствия до-
стигнем, идеже купно с тобою воспрославим
пречестное и великолепое имя Отца и Сына
и Духа Святаго во веки веков. Аминь.

Праведному Симеону Верхотурскому
(Болезни ног)

О святы́й и праведный Симео́не, чистою
душёю твоею в небесных об́ителях в ли́це
святых водворя́йся, на землі же телом тво-

им нетленно почиваяй! По данней ти благодати от Господа молитися о нас милостиво призи на нас многогрешных, аще и недостойне, обаче с верою и упованием ко святым и цельбоносным мощем твоим притекающих, и испроси нам от Бога прощение согрешений наших, в няже впадаем множицею во вся дни жития нашего. И якоже прежде овым убо от очныя зельныя болезни ни мало зрети могущим исцеление очес, овым же близ смерти бывшим от лютых недугов врачевание, и иным иная многая преславная благодеяния даровал еси: сйце избави и нас от недугов душевных и телесных и от всякия скорби и печали и вся блага к настоящему житию нашему и к вечному спасению благопотребная нам от Господа испроси, да тако твоим предстательством и молитвами стяжавше вся нам полезная, аще и недостойнии, благодарне восхваляюще тя, прославим Бога, дивнаго во святых Своих, Отца и Сына и Святаго Духа, ныне и присно и во веки веков. Аминь.

Преподобному Иоанну Рыльскому
(Немота и дефекты речи)

Тропарь: Покаяния основание, прописание умиления, образ утешения, духовнаго совер-

шения, равноангельное житие твое бысть, преподобне: в молитвах убо и пощениих и в слезах пребывый, отче Иоанне, моли Христа Бога о душах наших.

Кондак: Ангельскому житию поревновав, преподобне, вся земная оставив, ко Христу притекл еси и Того заповедьми ограждаяся, явился еси столп непоколебим от вражиих нападений. Тем зовем ти: радуйся, отче Иоанне, светило пресветлое.

Преподобному Серафиму Саровскому
(*Радикулит и вообще боли в пояснице*)

О пречудный отче Серафиме, великий Саровский чудотворче, всем прибегающим к тебе скоропослушный помощниче! Во дни земнаго жития твоего никтоже от тебе тощ и неутешен отыде, но всем в сладость бысть видение лика твоего и благоуветливый глас словес твоих. К сим же и дар исцелений, дар прозрения, дар немощных душ врачевания обилен в тебе явися. Егда же призва тя Бог от земных трудов к небесному упокоению, николиже любовь твоя престá от нас, и невозможно есть исчислити чудеса твоя, умножившаяся яко звёзды небесныя; се бо по всем концём земли нашае людем Божиим являешия и даруеши им исцеления. Темже и

мы вопием ти: о претихий и кроткий угóднице Божий, дерзновénный к Нему моли́твенниче, нико́лже призывающия тя отрeváяй! Вознеси о нас благомо́щную твою молитву ко Господу сил, да да́рует нам вся благопотре́бная в жизни сей и вся к душевному спасению полезная, да оградíт нас от падений греховных и истинному покаянию да на́учит нас, во еже безпреткновénно вни́ти нам в вечное Небесное Царство, идеже ты ныне в незаходи́мей сияеши славе, и тамо воспева́ти со всеми святыми Живона́чальную Троицу во веки веков. Аминь.

Преподобному Иакову Железноборовскому
(Паралич)

Преподобне и богоносне отче наш Иа́кове! Приими ныне нас, тебе усердно молящихся и припадающих ко всечестно́му и многоцелебному твоему гробу, идеже святое и многотрудное покоится тело; духом же на небесех предстоя Святей Троице, со ангелы и преподобных отец лики моли́ся о нас, чадах твоих, отче. Да избавимся от всяких скорбей, болезней, бед и обстояний и благочестно проживем в настоящем житии, ходяще в заповедех и оправданиях Господних безпорочно, и да явимся последователи святому и равно-

ангельскому житию твоему. Ей, преподобне отче, молим тя: испроси же нам и всем, с верою к тебе притекающим, грехов прощение, телесем здравие, исправление жития и вечное спасение, яко да твоим предстательством спасеннии, славу возсылати сподобимся в Троице славимому Богу, Отцу и Сыну и Святому Духу, ныне и присно и во веки веков. Аминь.

**Преподобному Никите Столпнику,
Переяславскому чудотворцу**
(О том же)

Тропарь: Христову мученику тезоименит был еси, преподобне, многи подвиги и труды претерпел еси Христа ради, Егоже ради вериги носил еси, блаженне: Того ныне о нас моли, Никито преподобне, душевныя наша и телесныя страсти уврачевати, иже верою и любовию почитающих присно память твою.

Праведному Артемию Веркольскому
(Кожные болезни, язвы)

Святой угодниче Божий, Артёмие праведный, присный хранителю святыя веры Православныя и всего севернаго края Российския страны близкий защитниче! Призри милостивно на усердную молитву нас грешных

и твоим благомошным предстательством испроси нам у Господа прощение согрешений наших, преспеяние в вере и благочестии и ограждение от козней диавольских. Моли Господа, да хранит во здравии православных христиан, да подаст и всем людем, стране нашей мир, тишину и нелицемерное послушание, да сподобит всех нас получитьи, по христианстей кончине, Небесное Царствие, идеже вси праведнии купно с тобою присно славят Отца и Сына и Святаго Духа. Аминь.

**Бессребреникам и мученикам
Киру и Иоанну
(Нарывы, струпья)**

Тропарь: Святии славнии Кíре и Иоáнне, безсребреницы, мученицы и чудотворцы! Милосердием своим, яко стеною неодолимою, нас оградите от всех бед и от врагов видимых и невидимых сохраните непрестанною вашею молитвою ко Господу.

Кондак: От божественныя благодати дар чудес приемши, святии, чудодействуете непрестанно, вся наша страсти рукодейством секуще невидимым, Кире богомудре со Иоанном славным: вы бо божественнии врачеве есте.

**Преподобному
Ипатию Руфианскому**

*(Отеки тела и органов, в том числе
водянка)*

Прославляется Бог в совете правых, ибо возсиял пред людьми свет добродетелей святого Ипáтия, прибегая к которому из глубины сердец взываем: инок совершенный был ты, Ипатий преподобный, многими трудами к вратам небесным очищавший себе путь; в необитаемую кинóвию Руфина прийдя с учениками, ты очистил ее и в прежнее благолепие привел. Там власяницы делая, в подвигах великих ты пребыл. Дарование получил ты от Господа, Ипатий достохвальный, различные недуги исцелять, а более всего водянку. Призри же на страждущих тяжкою болезнью этой, святой Ипатий, и умилостави твоею благоприятною молитвою Господа, и предстань немощным, невидимою чудодейственною силою Божиею исцеляя их по великой милости Господней, и пусть, почувствовав облегчение в теле и бодрость в духе, отвергнут они нерадение и ревностно пойдут по лестнице добродетелей, простираясь на преуспеяние в богоугодных делах и славя Отца и Сына и Святого Духа, ныне и присно и во веки веков. Аминь.

Мученику Иоанну Воину
(*Болезни крови*)

О великий Христов мучениче Иоанне, правоверных поборниче, врагов прогонителю и обидимых заступниче! Услыши нас, в бедах и скорбех молящихся тебе, яко дана тебе бысть благодать от Бога печальныя утешати, немощным помогати, неповинныя от напрасныя смерти избавляти и за всех зле страждущих молѣтися. Буди убо и нам поборник крепок на вся видимыя и невидимыя враги наша, яко да твоею помощию и поборством по нас посрамятся вси являющии нам злая. Умоли Господа нашего, да сподобит ны грешныя и недостойныя рабы Своя получитьи от Него неизреченная благая, яже уготова любящим Его, в Троице Святей славимаго Бога, всегда, ныне и присно и во веки веков. Аминь.

Преподобному Давиду Гареджийскому
(*Женское недомогание*)

О всесветле богохвальне авва Давиде, святче Божий! Ты силою благаго Законоположителя явился еси нам, кознями лукаваго связанным и обуреваемым, яко наставник в покаянии и помощник в молитве. Того ради дано тебе много даров благодати и чудо-

творения, разрешения грехов наших и прегрешений оставление, болезней исцеление и диавольских наветов отгнание. Темже твоею отеческою милостию в богоцарственном разумении, многотрудными молитвами и мольбами твоими, наипаче же непрестанным твоим заступлением о нас да возставит Господь Бог ны, во грех впадшия, силою Своею непобедимою на всякаго видимаго и невидимаго врага, дабы благодаряще совершая святую память твою, желанием возжелали мы поклоняться Превечному Богу в Троице Единому, Отцу и Сыну и Святому Духу, ныне и присно и во веки веков. Аминь.

Преподобному Иринарху Ростовскому
(Бессонница)

О преподобне отче Иринáрше! Се мы молим тя усердно: буди ходатай наш присный, испроси нам от Христа Бога мир, тишину, благоденствие, здравие и спасение и от всех врагов видимых и невидимых ограждение, покрый же нас ходатайством твоим от нахождения всяких бед и скорбей, паче же от искушений врага темнаго, да вси мы с тобою прославляем Всесвятое имя Отца и Сына и Святаго Духа, ныне и присно и во веки веков. Аминь.

Святому первоверховному
апостолу Петру

(Горячка, лихорадка, жар)

О святы́й Пётре, великий апостоле, самовидче и сотаинниче Божий, всемо́щною десницею Учителя твоего из вод волну́ющихся при́ятый и от конечнаго потопления свободи́вшийся! Не забуди и нас убогих, в тине греховней погрязших и волнами житейскаго моря обуреваемых: подаждь нам твою руку крепкую, помози нам и удержи нас от потопления во страстях, похотех, лжах и клеветах. Сотвори и ты с нами милость, тебе от Господа явлённую, да не в сомнении и малове́рии изгибнем. Научи нас, учителю наш, проливати слезы покаяния, да плачем горько о дея́ниях наших в веце сем. И аще твоя слезы, в покая́ние изли́яныя, милостию своею покры́ Господь и Учитель твой, испроси и нам, со дерзновением апостольским, прощения во гресе ежечаснаго. Да тихое и безмолвное житие поживем в веце сем до часа, в онъ же има́ть призвати нас века Господь, наш Судия́ нелицеприятный. Ты же, о всехвальны́й апостоле, не отвержи вопля нашего и стена́ния к тебе, но заступи нас пред Христом твоим Учителем, да непрестанно славим Его ми-

лосердие к нам, со Отцем и Святым Духом, во веки веков. Аминь.

Праведной
Иулиании Ольшанской
*(Так называемые душевные болезни,
в том числе сумасшествие)*

О святая праведная дево Иули́ание, княжнó Ольшанская, помощнице всем, жаж-
дущим спасения и исцеления от болезней
душ и телес! О святая а́гнице Божия, яко
имеяй дар мнози болезни целити и от коз-
ней врагов огра- ждати, исцели убо наша
страсти душевныя и облегчи тяжкия болез-
ни телесныя, отраду в скорбех даруй и изба-
ви нас от всяких бед и напастей. Призри на
вся предстоящия честным твоим мощем и
просящия твоя помощи сердцем сокрушен-
ным и духом смиренным, да принесем во
всем житии нашем плоды духовныя: любовь,
благодать, милосердие, веру, кротость, воздер-
жание, да сподобимся жизни вечныя и да лю-
бовию твоею ограждаеми, поем прославльше-
му тя Господу Иисусу Христу. Емуже подо-
бает всякая слава и честь со Безначальным
Его Отцем, и с Пресвятым и Животворящим
Его Духом, ныне и присно и во веки веков.
Аминь.

Великомученице Екатерине
(О хороших женихах)

О святая Екатерино, дево и мученице, истинная Христова невесто! Молим тя, яко особливую благодать, еюже предвари тя Жених твой, сладчайший Иисус, приемшую: якоже посрамивши прельщения мучителя мудростию твоею, пятьдесят витий победила еси, и напоивши их небесным учением к свету истинныя веры наставила еси: тако испроси и нам оную Божию мудрость, да и мы, вся козни адскаго мучителя расторгше, мира же и плоти соблазны презревше, достойни явимся Божественныя славы, и к расширению святыя нашея Православныя веры сосуди достойни соделаемся, и с тобою в небесней скинии Господа и Владыку нашего Иисуса Христа со Отцем и Святым Духом восхвалим и прославим во все веки веков. Аминь.

Архангелу Рафаилу
(Чтобы найти невесту)

О святой Архангеле Рафаиле! Всеусердно молю тя, буди мне путеводитель в жизни моей, сохрани от всех видимых и невидимых враг, исцели душевныя и телесныя болезни моя, управи жизнь мою к покаянию во гре-

сех и ко творению добрых дел. О святой великий Рафаиле Архангеле! Услыши мене грешного молящегося тебе, и сподоби в здешней и в будущей жизни благодарити и славить общего Создателя нашего в безконечные веки веков. Аминь.

Апостолу Симону Зилоту

(Покровителю благочестивых семейств)

Святой славный и всехвальный апостоле Христов Симоне, сподобивыйся прияти в дом твой в Кане Галилейстей Господа нашего Иисуса Христа и Его Пречистую Матерь, Владычицу нашу Богородицу, и очевидцем быти преславного чудесе Христова, на браце твоём явленного, претворения воды в вино! Молим тя с верою и любовию: умоли Христа Господа претворить души наша из грехолюбивых в боголюбивыя; сохрани и соблюди нас молитвами твоими от искушений диавольских и падений греховных и испроси нам свыше помощь во время уныния и безпомощия нашего, да не преткнемся о камень соблазна, но неуклонно шествуем спасительным путем заповедей Христовых, дондеже достигнем обителей райских, идеже ты ныне водворяешься и веселишися. Ей, апостоле Спасов! Не посрами нас, крепче на тя упо-

вающих, но буди нам помощник и покровитель во всем житии нашем и помози нам благочестно и богоугодно житие сие временное скончати, благую и мирную христианскую кончину получитьи и добраго ответа сподобитися на страшнем суде Христове, да избежавше мытарств воздушных и власти лютаго миродержца, унаследуем Царство Небесное и прославим великолепое имя Отца и Сына и Святаго Духа во веки веков. Аминь.

Мученикам Адриану и Наталии

(О любви и согласии между супругами)

О священная дво́ице, святии мученицы Христовы Адриа́не и Ната́лие, блаженнии супрузи и доблии страдальцы! Услышите нас, молящихся вам со слезами, и низпослите на ны вся благопотребная душам и телесем нашим, и молитве Христа Бога, да помилует нас и сотворит с нами по милости Своей, да не погибнем во гресех наших. Ей, святии мученицы! Приимите глас моления нашего и избавите ны молитвами вашими от глада, губительства, труса, потопа, огня, града, меча, нашествия иноплемеников и междоусобных брани, от внезапных смерти и от всех бед, печалей и болезней, да присно вашими молитвами и предстательством укрепляеми,

прославим Господа Иисуса Христа, Ему же подобает всякая слава, честь и поклонение со Безначальным Его Отцем и Пресвятым Духом во веки веков. Аминь.

Апостолу и евангелисту Иоанну Богослову
(*О том же*)

О великий и всехвальный апостоле и евангелисте Ио́анне Богосло́ве, наперснике Христов, теплый наш заступниче и скорый в скорбех помощниче! Умоли Господа Бога даровати нам оставление всех прегрешений наших, е́лико согрешихом от юности нашея во всем житии нашем, делом, словом, помышлением и всеми нашими чувствами. Во исходе же душ наших помози нам, грешным, избавитися воздушных мытарств и вечного мучения, да твоим милостивным предстательством прославляем Отца и Сына и Святаго Духа, ныне и присно и во веки веков. Аминь.

Мученикам
и исповедникам Гурию, Самону и Авиву
(*В случае неверности мужа*)

О преславнии мученицы Гúрие, Самóне и Авíве! К вам, яко скорым помощником и теплым молитвенником, мы немощнии и недостойнии прибегаем, усердно моляще: не пре-

зрите ны, во многая беззакония впадшия и по вся дни и часы согрешающия; наставите на путь правый заблудшия, исцелите страждущия и скорбящия; соблюдайте ны в непорочном и целомудренном житии; и якоже древле, тако и ныне покровители супружеств пребудите, в любви и единомыслии сия утверждающе, и от всех злых и бедственных обстояний избавляюще. Защитите, о многомогущии исповедницы, вся православныя христианы от напастей, злых человек и козней демонских; оградите я от нечаянныя смерти, умоляюще Всеблагаго Господа, да великия и богатыя милости нам, смиренным рабом Своим, пробавит. Несмы бо достойни нечистыми устами призывати великолепое имя Создателя нашего, аще не вы, святии мученицы, за ны ходатаи будете; сего ради к вам прибегаем и предстательства вашего пред Господом о нас просим. Такожде избавите нас от глада, потопа, огня, меча, нашествия иноплеменных, междоусобных брани, смертоносных язвы и всякаго душепагубнаго обстояния. Ей, страстотерпцы Христовы, устройте нам молитвами вашими вся благая и полезная, да благочестно житие временное прошедше и кончину непостыдну стяжавше, удостоимся теплым заступлением вашим со

всеми святыми одесную правосуднаго Бога Судии стати, и Того непрестанно славить со Отцем и Святым Духом во веки. Аминь.

Сорока Севастийским мученикам

*(О возвращении мужа с войны
или из дальней отлучки)*

Тропарь, гл. 3: Страстотерпцы Христовы четыредесяте, во граде Севастийстем мужественно пострадавшии, чрез огонь и воду прошедшии, в покой вечный вшедшии, моли́теся о нас ко Господу, да жизнь мирну сохранит и души наша спасет, яко Человеколюбец.

Кондак, гл. 6: Все воинство мира оставляше, на небесех Владыце прилепистеся, страстотерпцы Господни четы́редесять, чрез огонь бо и воду прошедше, блаженнии, достойно восприя́те славу с небес и венцев множество.

Преподобному Иоанну Кущнику

(В тоске по родине и близким)

Тропарь, гл. 4: Боже отец наших, творяй присно с нами по Твоей кротости, не отстави милость Твою от нас, но молитвами их в мире управи живот наш.

Кондак, гл. 2: Возлюбив, премудре, нищету неокрадому, родителей твоих богатство

возненавидел еси и, Евангелие в руках твоих держа, последовал еси Христу Богу, Иоанне, моляся непрестанно о всех нас.

Преподобной Афанасии игуменьи
(*О благополучии второго брака*)

Тропарь: В тебе, мати, известно спасется еже по образу: приимши бо крест, последовала Христу и деющи учила еси презирати убо плоть, преходит бо; прилежати же о души, вещи безсмертней. Темже и со Ангелы сорадуется, преподобная Афанасия, дух твой.

Кондак: За любовь Господню, преподобная, покоя желание возненавидела еси, пощением дух твой просветивши: крепко бо звери победила еси; но молитвами твоими противных шатание разори.

Преподобному Александру Свирскому
(*При желаннии иметь дитя мужского пола*)

О священная главо, ангеле земный и человеке небесный, преподобне и богоносне отче наш Александре, изрядный угодниче Пресвятыя и Единосущныя Троицы, многия милости живущим во святей обители твоей и всем, с верою и любовью притекающим к тебе, являй. Испроси нам вся к житию сему временному благопотребная, паче же к веч-

ному спасению нашему нужная. Пособствуй предстательством твоим, угодниче Божий, правителем страны наша Россия. И да в мире глубоко пребудет святая православная Церковь Христова. Буди всем нам, чудотворче святой, во всякой скорби и обстоянии скорый помощник. Наипаче же в час кончины наша явися нам, заступник благосердый, да не предани будем на мытарствах воздушных власти злобнаго миродержца, но да сподобимся непреткновеннаго восхода в Царствие Небесное. Ей, отче, молитвенник наш присный! Не посрами упования нашего, не презри смиренных молений наших, но присно о нас пред престолом Живоначальных Троицы предстательствуй, да сподобимся вкупе с тобою и со всеми святыми, аще и недостойни есмы, в селениях райских славить величие, благодать и милость Единого в Троице Бога, Отца и Сына и Святаго Духа, во веки веков. Аминь.

**Пророку Захарии и праведной Елисавете,
родителям св. Иоанна Предтечи**
(*О том же*)

О святити угодницы Божии, пророче Захарие и праведная Елисавето! Подвигом добрым подвизавшися на земли, восприяли ес-

те на небесех венец правды, егоже уготовал есть Господь всем любящим Его. Темже взирающе на святей ваш образ, радуемся о преславнем скончании жительства вашего и чтим святую память вашу. Вы же, предстоя престолу Божию, примите моления наша и ко Всемилостивому Богу принесите, о еже простити нам всякое прегрешение и помощи нам стати противу кознем диавольским, да избавльшеся от скорбей, болезней, бед и напастей и всякаго зла, благочестно и праведно поживем в нынешнем вѣцѣ и сподобимся предстательством вашим, аще и недостойни есмы, видети благая на земли живых, славяще Единого во святых Своих славимаго Бога, Отца и Сына и Святаго Духа, ныне и во веки веков. Аминь.

**Святым и праведным
Богоотцам Иоакиму и Анне**
(При бесплодии)

О приснославнии Христовы праведницы, святѣи богоотцы Иоакиме и Анно, предстоящи небесному престолу Великаго Царя и велие дерзновение к Нему имущи, яко от преблагословенныя Дщере вашея, Пречистыя Богородицы и Приснодевы Марии, воплотитися изволившему!

К вам, яко многомошным предстателем и усердным о нас молитвенником, прибегаем мы, грешнии и недостойнии. Молите благодать Его, яко да отвратит от нас гнев Свой, по делом нашим праведно на ны движимый, и да безчисленная прегрешения наша презрев, обратит нас на путь покаяния, и на стези заповедей своих да утвердит нас. Также молитвами вашими в мире жизнь нашу сохраните и во всех благих благое поспешение испросите, вся к животу и благочестию потребная нам от Бога дарующе, от всяких напастей и бед и внезапных смерти предстательством вашим нас избавляюще, и от всех враг видимых и невидимых защищающе, яко да тихое и безмолвное житие поживем во всяком благочестии и чистоте, и такое в мире временное сие житие прешедше, в вечный достигнем покой, идеже вашим святым умолением да сподобимся Небеснаго Царствия Христа Бога нашего, Емуже, со Отцем и Пресвятым Духом, подобает всякая слава, честь и поклонение во веки веков. Аминь.

Преподобному Евфимию Великому
(*О том же*)

Тропарь, гл. 4: Веселися пустыня нераждающая, благодушствуй неболящая: яко ум-

ножи тебе чада муж желаний духовных, благочестием насадив, воздержанием воспитав, в добродетелей совершенство: того молитвами, Христе Боже, умири живот наш.

Кондак, гл. 8: В честнем рождестве твоём радость тварь обрете, и в Божественней памяти твоей, преподобне, благодушие прият многих твоих чудес: от нихже подаждь богато в души наша и очисти грехов скверны, яко да поем: аллилуиа.

Праведному Симеону Богоприимцу

(О здравии младенцев и сохранении их от опасности, о находящихся в заключении или в плену)

О великий угодниче Божий Богоприимче Симеоне! Предстоя Престолу великаго Царя и Бога нашего Иисуса Христа, велие дерзновение имаши к Нему, во объятиих твоих нашего ради спасения носиться изволившему. К тебе убо, яко многомощному представлю и крепкому о нас молитвеннику, прибегаем мы, грешнии и недостойнии. Моли благость Его, яко да отвратит от нас гнев Свой, праведно по делом нашим на ны движимый, и презрев безчисленная прегрешения наша, обратит нас на путь покаяния и на стезе заповедей Своих утвердит нас. Огради мо-

литвами твоими в мире живот наш и во всем благом благое поспешение испроси́, вся яже к животу и благочестию потребная нам даруя. Якоже древле Великий Новоград явлением чудотворных иконы твояе от губительства смертнаго избавил еси, тако и ныне нас и вся грады и веси страны нашае от всяких напастей и бед и напрасныя смерти представством твоим избави, и от всех враг видимых и невидимых покровом твоим защити́. Яко да тихое и безмолвное житие поживем во всяком благочестии и чистоте и, тако в мире временное сие житие прешедше, в вечный достигнем покой, идеже сподобимся Небеснаго Царствия Христа Бога нашего. Ему же всякая слава подобает, со Отцем и Пресвятым Его Духом, ныне и присно и во веки веков. Аминь.

Мученику Гавриилу Белостокскому
(*О том же*)

Младенческаго незлѣбиа хранителю и мученическаго мужества носителю, Гаврииле блаженне, страны нашае адаманте драгоценный и иудейскаго нечестия обличителю! К тебе мы грешнии молитвенно прибегаем, и о гресѣх своих сокрушающеся, малодушия же своего стыдящеся, любовьию зовем ти: наших

скверн не возгнушайся, чистоты сый сокровище; нашего малодушия не омерзѣй, долготерпения учителю; но паче сих, немощи наша от небес видя, тех исцеления нам твоею подаждь молитвою, и твоея Христу верности подражатели нас быти научи. Аще же терпеливо крест искушений и злостраданий понести не возможем, обаче и тогда милостивыя твоея помощи не лиши нас, угодниче Божий, но свободу и ослабу нам у Господа испроси: таже и молящияся о чадах своих матери услыши, здравію и спасенію младенцем от Господа податися умоляяй: несть таковаго жестокаго сердца, еже слышанием о муках твоих, святыи младенче, не умили́тся. И аще кромѣ сего умили́ннаго воздыханія никоегоже благаго деянія принести возмо́жем, но и таковыи умили́нным помыслом наша умы и сердца, блаженне, просветив, на исправление житія нашего благодатию Божіею нас настави: вложи в нас о спасеніи души и о славе Божіей ревность неустанную и о часе смертнем память неусыпную храни помози нам, наипаче же в смертнем успеніи нашем терзанія демонская и помыслы отчаянія от душ наших предстательством твоим отжені, и сия упованіем Божественнаго прощенія испроси, во еже и тогда и ны-

не славить нам милосердие Отца и Сына и Святаго Духа и твое крепкое заступление во веки веков. Аминь.

**Святому
первоверховному апостолу Павлу**
*(О том же, также при болях
в голове)*

О святыи верховный апостоле Павле, сосуде избранный Христов, небесных таин сказателю, всех языков учителю, церковная труба, пресловущий ветие, многия беды за имя Христово претерпевый, море измеривый и землю обшедый и нас от лести идольския обративый! Тя молю и к тебе вопию: не гнушайся мене сквернаго, возстави падшаго греховною леностию, якоже в Листрех хромага от чрева матерня возставил еси; и якоже Евтиха мертва бывша оживил еси, воскреси и мене от мертвых дел; и якоже молитвою твоею основание темницы некогда потрясл еси и узники разрешил еси, сице исторгни мя творити волю Божию. Вся бо можеш данною ти властью от Христа Бога, Емуже подобает всякая слава, честь и поклонение со Безначальным Его Отцем, и со Пресвятым и Благим и Животворящим Его Духом, ныне и присно и во веки веков. Аминь.

Мученице Параскеве Пятнице

*(В болезнях младенцев, о покровительстве
семейному очагу, в супружеском бесплодии,
разных житейских нуждах)*

О святая и преблаженная мученице Христова Параскёво, красото девическая, мучеников похвало, чистоты образе, великодушных зерцало, премудрых удивление, веры христианския хранительнице, идольския лъсти обличительнице, Евангелия Божественнаго поборнице, заповедей Господних ревнительнице, сподобльшаяся приити ко пристанищу вечнаго покоя и в чертозе Жениха твоего Христа Бога светло веселящаяся, сугубым венцем девства и мученичества украшенная! Молим тя, святая мученице, буди о нас печальница ко Христу Богу, Егоже преблаженнейшим зрением присно веселится. Моли Всемилостиваго, Егоже словом очи слепым отверзе, да избавит нас от болезни очес наших, телесных вкупе и душевных; разжени твоими святыми молитвами темный мрак, прибывший от грехов наших, испроси у Отца Света свет благодати душевным и телесным очесем нашим; просвети нас, омраченных грехми, светом Божия благодати, да твоих ради святых молитв дастся безочесным сладкое зрение. О великая угодница Божия!

О мужественнейшая дево! О крепкая мученице святая Параскево! Святыми твоими молитвами буди нам грешным помощница, ходатайствуй и молися о окаянных и зело нерадивых грешнецах, ускори на помощь нам, ибо зело немощни есмы. Моли Господа, чистая девице, моли Милосердаго, святая мученице, моли Жениха твоего, непорочная Христова невеста, да твоими молитвами пособствовавши, мрака же греховнаго избывше, во свете истинныя веры и деяний Божественных, внидем во свет вечный дне не вечерняго, во град веселия приснаго, в немже ты ныне светло блистаеши славою и веселием безконечным, славословящи и воспевающи со всеми небесными силами Трисвятое Единое Божество, Отца и Сына и Святаго Духа, ныне и присно и во веки веков. Аминь.

Святым семи отрокам во Ефесе
(При нарушении сна у младенцев)

О пречуднии святии седмочисленнии отроцы, Ефеса града похвало и всея вселенныя упование! Воззрите с высоты небесныя славы на нас, любовию память вашу чтущих, наипаче же на младенцы христианския, вашему заступлению от родителей своих препо-

рученныя: низведите на ня благословение Христа Бога, рекшаго: оставите детей приходить ко Мне: болящия убо в них исцелите, скорбящия утешите; сердца их в чистоте соблюдайте, кротостию исполните я, и в земли сердец их зерно исповедания Божия насадите и укрепите, во еже от силы в силу им возрастати; и всех нас, святей иконе вашей предстоящих, мощи же ваша с верою лобызающих и тепле вам молящихся, сподобите Царствие Небесное улучшить и немолчными гласы радования тамо прославляти великолепое имя Пресвятыя Троицы, Отца и Сына и Святаго Духа, во веки веков. Аминь.

Великомученику Никите

(При колдовском воздействии на детей и об исцелении от «родимца»)

О великий страстотерпче Христов и чудотворче, великомучениче Никито! Припадающе ко святому и чудотворному образу твоему, подвиги же и чудеса твоя и многое сострадание твое к людям прославляюще, молим тя прилежно: яви нам смиренным и грешным святое и многомощное твое заступление. Се бо, грех ради наших, не имамы свободы чад Божиих, еже о потребах наших Господа и Владыку нашего дерзновенно про-

сити: но тебе моли́твенника к Немѹ благо-
приятнаго предлагаем и о твоём предста́тель-
стве взываем: испроси́ нам у Го́спода благо-
потрѣбныя да́ры душам и телесѣм нашим:
веру правую, спасения надежду несумнѣн-
ную, любовь же ко всем нелицемерную, во
искушѣніих мужество, в злостраданиих тер-
пение, в молитвах постоянство, душ и телѣс
здравие, земли плодоносие, воздуха благорас-
творѣние, житейских потреб довольство, мир-
ное и благочѣстное на землі житіе, христи-
анскую житія кончину и добрый ответ на
страшнем суде Христове. И всем лю́дем пра-
вославным яви твое святое заступление: бо-
лящия исцели, скорбящия утѣши, бедствующим помози́. Ей, угодниче Бо́жий и мучени-
че долготерпели́вый! Не забуди́ святую оби-
тель твою и вся живущия в ней и подвижаю-
щияся ѱнокини же и мирскія, но поспеши
им во смирении и терпении носіти иго Хри-
стово и от всяких бед и искушений мѣлос-
тивне избави. Всех убо нас приведи в тихое
пристанище спасения и наследники сподоби́
быти пресветлаго Царствия Христова святы-
ми твоими молитвами: да сла́вим и поем ве-
лікия щедроты Отца и Сына и Святаго Ду-
ха, в Троице славимаго и покланяемаго Бо-

га, и твое святое заступлѣние во веки веков.
Аминь.

Преподобным Ксенофонту и Марии
(*О потерявшихся детях*)

О святии Ксенофонте и Марие со чадами вашими Аркадием и Иоанном! Се мы недостойнии и грешнии к вам усердно прибегаем и с упованием крепким молимся: милостивно услышите ныне глас наш молебный и потщитесь на помощь нашу, и ныне любовь вашу к нам явите благодатным действием богоприятных молитв ваших, низпошлите и нам великую и богатую милость Господню, да воспоем и прославим дивнаго во святых Своих Бога, Отца и Сына и Святаго Духа, ныне и присно и во веки веков.

Великомученику Евстафию Плакиде
(*О том же*)

Тропарь, гл. 4: Мученик Твой, Господи, Евстафие во страдании своем венец прият нетленный от Тебе, Бога нашего; имеяй бо крепость Твою, мучителей низложи, сокруши и демонов немощныя дерзости. Того молитвами спаси души наша.

Кондак, гл. 2: Страсти Христовы яве подражав, и Сего испив усердно чашу, общник

Евстафие, славы сонаследник был еси, от Самаго всех Бога приемля с высоты Божественное оставление.

Преподобному Сергию Радонежскому
(О просвещении ума детей, помощи в учебе)

О священная главо, преподобне и богоносне отче наш Сѣргие, молитвою твоею и верою и любовью, яже к Богу, и чистотою сердца, еще на земли во обитель Пресвятыя Троицы душу твою устроивый, и ангельскаго общения и Пресвятыя Богородицы посещения сподобивыйся, и дар чудодейственныя благодати приѣмый, по отшествии же твоём от земных наипаче к Богу приближивыйся и небесныя силы приобщивыйся, но от нас духом любви твоея не отступивый, и честныя твоя мощи, яко сосуд благодати полный и преизливающийся, нам оставивый! Велие имея дерзновение ко Всемилоствому Владыце, моли спасти рабы Его, сущей в тебе благодати Его верующия и к тебе с любовью притекающия. Испроси нам от великодаровитаго Бога нашего всякий дар, всем и коемуждо благопотребен: веры непорочны соблюдение, градов наших утверждение, мира умирение, от глада и пагубы избавление, от нашествия иноплемennых сохранение, скорбящим уте-

шение, недугующим исцеление, падшим воз-
ставление, заблуждающим на путь истины и
спасения возвращение, подвижающимся ук-
репление, благоделающим в дѣлах благих
преспѣяние и благословение, младенцем вос-
питание, юным наставление, неведущим вра-
зумление, сиротам и вдовицам заступление,
отходящим от сего временнаго житія к веч-
ному благое уготовление и напутствие, от-
шедшим блаженное упокоение, и вся ны спо-
спешествующими твоими молитвами сподо-
би в день страшнаго суда шѹия части изба-
витися, десныя же страны общники быти и
блаженный онѣй глас Владыки Христа услы-
шати: «Приидите, благословеннии Отца Мо-
его, наследуйте уготованное вам Царствие от
сложения мира». Аминь.

Святителю Николаю Чудотворцу

(В заботе об удачном замужестве дочерей)

О всесвятѣй Николѣе, угодниче преизряд-
ный Господень, теплый наш заступниче и
езде в скорбех скорый помощниче! Помози
ми, грешному и унылому, в настоящем жи-
тии, умоли Господа Бога даровати ми остав-
ление всех моих грехов, елико согреших от
юности моя, во всем житии моем, делом,
словом, помышлением и всеми моими чувст-

вы; и во исходе души моея помози ми, окаянному, умоли Господа Бога, всея твари Содетеля, избавити мя воздушных мытарств и вечного мучения: да всегда прославляю Отца и Сына и Святаго Духа и твое милостивное предстательство, ныне и присно и во веки веков. Аминь.

Святителю Митрофану Воронежскому
(*В заботе о жизненном устройстве детей*)

Святителю отче Митрофане, нетлением честных мощей твоих и многими благодеяньми, чудесно содеянными и содеваемыми тобою с верою к тебе притекающим, уверившемуся, яко имаши велию благодать у Господа Бога нашего, всемирно припадаем вси и молимся тебе: моли о нас Христа Бога нашего, да ниспослет всем, чтущим святую память твою и усердно к тебе прибегающим, богатыя милости Своя: да утвердит во святей Своей православной Церкви живой дух правыя веры и благочестия, дух ведения и любве, дух мира и радости о Духе Святе, да вси члены ея, чисты от мирских искушений и плотских похотей и злаго действия злых духов, духом и истиною покланяются Ему и усердно пекутся о соблюдении заповедей Его ко спасению душ своих. Пастырем ея да даст

святую ревность попечения о спасении людей, им вверенных, да неверующих просветят, неведущих наставят, сомневающихся вразумят и удостоверят, отпадших от православныя Церкви обратят в святые недра ея, верующих соблюдут в вере, грешных подвигнут к покаянию, кающихся утешат и укрепят в исправлении жизни, раскаявшихся и исправившихся утвердят в святости жизни: и тако всех введут указанным от него путем в уготованное вечное Царство святых Его. Ей, святителю Божий, да устроиши молитвами твоими вся благая душам и телесем нашим: да и мы прославим в душах и телесех наших Господа и Бога нашего Иисуса Христа, Емуже со Отцем и Святым Духом слава и держава во веки веков. Аминь.

**Праведному Иосифу,
Обручнику Пресвятой Девы Марии**
(От воров, убийц, грабителей)

О святой праведный Иосифе! Ты еще на земли сый, велие имел еси дерзновение к Сыну Божию, Иже благоизволи именовать тя отца Своего, яко обручника Своея Матере, и послушати тя: веруем, яко ныне с лики праведных во обителях небесных водворяясь, услышан будеши во всяком твоём прошении

к Богу и Спасителю нашему. Темже, ко твоему покрову и заступлению прибегающе, смиренно молим тя: якоже сам от бури сумнительных помышлений избавлен был еси, сице избави и нас, волнами смущений и страстей обуреваемых; якоже ограждал еси Всенепорочную Деву от клеветы человеческия, огради и нас такожде от всякия клеветы напрасныя; якоже хранил еси от всякаго вреда и озлобления Воплотившагося Господа, сице сохраняй твоим заступлением Церковь Его Православную и всех нас от всякаго озлобления и вреда. Веси, святче Божий, яко и Сын Божий во днех плоти Своея в телесных потребах нужду имеяше, и ты послужил еси им; того ради молим тя, и нашим временным нуждам благопоспешй твоим ходатайством, подавая нам вся благая, в житии сем потребная. Изрядне же просим тя, исходатайствуй нам оставление грехов прияти от нареченнаго ти Сына, Единороднаго же Сына Божия, Господа нашего Иисуса Христа, и достойны быти наследия Царства Небеснаго нас предстательством твоим сотвори, да и мы, в горних селениях с тобою водворяющиеся, прославим Единого Триипостаснаго Бога, Отца и Сына и Святаго Духа, ныне и присно и во веки веков. Аминь.

Великомученику Мине Египетскому
(*О том же*)

О страсотерпче святыи мучениче Мѣно! Взирающе на икону твою и поминающе цельбы, тобою подаваемы всем с верою и благоговѣиномъ к тебе притекающимъ, припадаемъ ти, и приклонше колена сердецъ нашихъ от всея души нашея молимъ тя, буди намъ ходатай предъ Господомъ и Спасомъ нашимъ Иисусомъ Христомъ о немощехъ нашихъ, сопутствуй и утѣшай насъ во время скорбей нашихъ, даруя намъ память о грѣсахъ нашихъ, помогай въ напастехъ и тревоженіяхъ міра сего, и во всехъ бедахъ въ сей юдоли плачевней насъ постигающихъ. Аминь.

Преподобнымъ Зосиме и Савватию Соловецкимъ
(*При угрозе потопления*)

О преподобнии отцы, велиции заступницы и скоріи услышателие молитвъ, угодницы Божіи и чудотворцы Зосімо и Савватіе! Не забудите, якоже обещаестеся, посещати чада ваша. Аще бо и отыдосте от насъ теломъ, но духомъ присно съ нами пребываете. Молимъ убо вы, о преподобнии, избавите ны отъ огня и меча, отъ нашествія иноплеменниковъ и междоусобныя брани, отъ тлетворныхъ ветровъ и отъ

напрасныя смерти, и от всех прилог бесовских, находящихся на ны. Услышите нас грешных и приимите молитву сию и моление наше, яко кадило благовонное, яко жертву богоугодну, и души наша, злыми делы и советы и помыслы умерщвленныя, оживите, и якоже умершую отроковицу возставите, якоже неисцельныя раны многих исцелите, от духов нечистых зле мучимых избавите: тако и нас, содержимых во узах вражиих, изымите и от сетей диавола избавите, из глубины прегрешений изведите, и милостивым вашим посещением и ходатайством от врагов видимых и невидимых оградите ны благодатию и силою Всесвятыя Троицы, всегда, ныне и присно и во веки веков. Аминь.

Пророку Божию Илии

*(От засухи, грозы, града, о сохранении
от голода)*

О святой пророче Божий Илиё, моли о нас Человеколюбца Бога, да подаст нам дух покаяния и сокрушения о гресех наших и все-сильною Своею благодатию да поможет нам пути нечестия оставить, преспевати же во всяком деле блазе, и в борьбе со страстями и похотьми нашими да укрепит нас; да всадит в сердца наша дух смирения и кротости,

дух братолюбия и незлобия, дух терпения и целомудрия, дух ревности ко славе Божией и о спасении своем и ближних доброе попечение. Отврати от нас предстательством твоим праведный гнев Божий, да тако в мире и благочестии поживше в сем веце, сподобимся причастия вечных благ во Царствии Господа и Спаса нашего Иисуса Христа, Ему же подобает честь и поклонение, со Безначальным Его Отцем и Пресвятым Духом во веки веков. Аминь.

**Блаженному Прокопию Христа ради
юродивому, Устюжскому чудотворцу**
(При морозе)

О великий угодниче Божий и чудотворче, святой блаженный Прокóпие! Тебе молимся и тебе просим: молися о нас ко Всемиловитому Богу и Спасу нашему Иисусу Христу, да проявит милость свою к нам недостойным и дарует нам вся к животу и благочестию потребная: веры и любви преспеяние, благочестия умножение, мира утверждение, земли плодоносие, воздухов благорастворение и во всем благом поспешение. Вся грады и веси Российския предстательством твоим соблюди невредимы от всякаго зла. Всем же православным христианом, ты молитвенно при-

зывающим, комуждо по нуждам его потребная даруй: болящим исцеление, скорбящим утешение, бедствующим поможение, унывающим ободрение, нищим снабдение, сирым призрение. Нам же всем дух покаяния и страха Божия испроси, да благочестно временное сие житие скончавше, сподобимся благую христианскую кончину получитьи и Царствие Небесное со избранными Божиими наследовати. Ей, праведниче Божий! Не посрами упования нашего, еже на тя смиренно возлагаем, но буди нам помощник и заступник в жизни, при смерти и по смерти нашей; да твоим предстательством спасение улучивше, купно с тобою прославим Отца и Сына и Святаго Духа и твое крепкое о нас заступление во веки веков. Аминь.

Преподобному Алексию человеку Божию
(*От укусов ядовитых змей и насекомых*)

О великий Христов угодниче, святыи человек Божий Алексие, душею на небеси Престолу Господню предстояи, на земли же данною тебе свыше благодатию различная совершай чудеса! Призри милостивно на предстоящая святей иконе твоей людие, умиленно молящиеся и просящая от тебе помощи и заступления. Простри молитвенно ко Господу

Богу честный руце твои и испроси нам от Него оставление согрешений наших вольных и невольных, в недужех страждущим исцеление, напастуемым заступление, скорбящим утешение, бедствующим скорую помощь, всем же чтущим тя мирную и христианскую живота кончину и добрый ответ на страшнем суде Христове. Ей, угодниче Божий, не посрами упования нашего, еже на тя по Бозе и Богородице возлагаем, но буди нам помощник и покровитель во спасение, да твоими молитвами получивше благодать и милость от Господа, прославим человеколюбие Отца и Сына и Святаго Духа, в Троице славимаго и покланяемаго Бога, и твое святое заступление, ныне и присно и во веки веков. Аминь.

Мученице Фомаиде Египетской
(От насилия)

О всехвальная мученице Фомаído! За чистоту супружества даже до крове подвизавшись и целомудрия ради душу свою положивши, достойна пред Господем обрелася еси, во еже в лице преподобных дев почтенней тебе быти. Услыши нас, молящихся тебе, и якоже древле боримии от плоти целительницу тя имеяху, по дарованней тебе от Бога благодати, сие и ныне прибегающим

ко предстательству твоему подаждь отраду и освобождение от плотския брани, и целомудренное житие и незазорное в супружестве и девстве пребывание твоими благоприятными молитвами всем исходатайствовать потщися, яко да телеса наша храм живущаго в нас Святаго Духа будут. О преизбранная в женах и верная рабо Христова! Помози нам, да не погибнем со страстьми и похотьми нашими, но да управимся умом нашим и укрепимся сердцем нашим во всяком благочестии и чистоте, славяще твою помощь и предстательство, благодать же и милость Триединого Бога, Отца и Сына и Святаго Духа, во веки веков. Аминь.

Великомученице Варваре
(Чтобы не умереть без исповеди
и святого причастия)

Святая славная и всехвальная великомученице Христова Варваро! Собрании днесь в храме твоем Божественнем людие и раце мощей твоих покланяющиеся и с любовью целующии, страдания же твоя мученическая и в них Самого страстоположника Христа, давшего тебе, не точию еже в Него веровати, но и еже по Нем страдати, похвалами ублажающе, молим тя, известная желания на-

шего ходатаице: моли с нами и о нас умоляемаго от Твоего благоутробия Бога, да милостивно услышит нас, просящих Его благостыню, и не оставит от нас вся ко спасению и житию нуждная прошения, и дарует христианскую кончину животу нашему: безболезненну, непостыдну, мирну, Божественных Таин причастну, и всем на всяком месте, во всякой скорби и обстоянии, требующим Его человеколюбия и помощи, великую Свою подаст милость, да благодатию Божиею и твоим теплым предстательством, душею и телом всегда здравии пребывающе, славим дивнаго во святых Своих Бога Израилева, не удаляющаго помощи Своея от нас всегда, ныне и присно и во веки веков. Аминь.

Великомученику Георгию Победоносцу
(*О сохранении воинов*)

Святый славный и всехвальный великомучениче Христов Георгіе! Собрании во храме твоём и пред иконою твоею святою покланяющіися людіе, молим тя, известный желанія нашего ходатаю: моли с нами и о нас умоляемаго от Своего благоутробія Бога, да милостивно услышит нас, просящих Его благостыню, и не оставит вся наша ко спасенію и житію нуждная прошенія. И паки припа-

дающе молим тя, святыи победоносче, да укрепи данную тебе благодатию во бранех православное воинство, разруши силы возстающих врагов, да постыдятся и посрамятся, и дерзость их да сокрушится, и да увéдят, яко мы имамы Божественную помощь; и всем в скорби и обстоянии сущим многомогущное яви свое заступление. Умоли Господа Бога, всея твари Создателя, избавити нас от вечнаго мучения, да всегда прославляем Отца и Сына и Святаго Духа и твое исповедуем предстательство, ныне и присно и во веки веков. Аминь.

Благоверному князю Александру Невскому

*(Во время бедствия и нашествия врагов,
иноплеменников и иноверных,
о сохранении воинов)*

Скорый помощниче всех, усердно к тебе прибегающих, и теплый наш пред Господем предстателю, святыи благоверный великий княже Алексáндре! Призри милостивно на ны недостойныя, многими беззаконии непотребны себе сотворшия, к раце мощей твоих (*или* ко святей иконе твоей) ныне притекающия и из глубины сердца к тебе взывающия. Ты в житии твоём ревнитель и защитник Православныя веры был еси, и нас в ней теплыми твоими к Богу молитвами непоко-

лебимы утверди. Ты великое возложенное на
тя служение тщательно проходил еси, и нас
твоею помощию пребывати коегѡждо, в
нѣмже призванъ есть, настави. Ты, победив
полки супостатов, от пределов Россійских
отгнал еси, и на нас ополчающихся всех ви-
димых и невидимых врагов низложи. Ты, ос-
тавив тленный венец царства земнаго, избрал
еси безмолвное житие, и ныне праведно вен-
цем нетленным увенчанный на небесех цар-
ствуеши, исходатайствуй и нам, смиренно
молим тя, житие тихое и безмятежное, и к
вечному Царствию шествие неуклонное тво-
им предстательством устрой нам. Предстоя
же со всеми святыми престолу Божию, мо-
лися о всех православных христианах, да со-
хранит их Господь Бог Своею благодатию в
мире, здравии, долгоденствии и всяком бла-
гополучии в должайшая лета, да присно сла-
вим и благословим Бога, в Троице Святей
славимаго, Отца и Сына и Святаго Духа, ны-
не и присно и во веки веков. Аминь.

Великомученику Димитрию Солунскому
(*О том же*)

Святой и славный великомучениче Хри-
стов Димитрие, скорый помощниче и теплый
заступниче с верою притекающих к тебе!

Предстоя со дерзновением Небесному Царю, испроси у него прощение согрешений наших, и еже избавитися нам от всегубительных язвы, труса, потопа, огня, меча и вечных казни. Моли благодать Его, еже ущедрити град сей, обитель сию и всякую страну христианскую. Исходатайствуй у Царя царствующих на враги победу и одоление благочестивому воинству нашему, всей же державе нашей мир, тишину, твердость в вере и преспеяние во благочестии; нам же, чтущим честную память твою, испроси благодатное укрепление на дела благая, да благоугодное Владыце нашему Христу Богу zde творяще, сподобимся молитвами твоими наследовати Царствие Небесное для вечнаго прославления Его со Отцем и Святым Духом. Аминь.

Великомученице Анастасии Узорешительнице

(Об освобождении плененных)

О многострадальная и премудрая великомученице Христова Анастасіе! Ты душею на небесі у престола Господня предстоиши, на земли же, данную тебе благодатию, различная совершаеши исцеления: призри убо мѣлостивно на предстоящихъ люди и молящихся пред мощами твоими, просящихъ твоея помощи: прости ко Господу святѣя молитвы твоѣ о

нас и испроси нам оставление согрешений наших, недужным исцеление, скорбящим и бѣдствующим скорую помощь; умоли Господа, да подаст всем нам христианскую кончину и добрый ответ на страшнем суде Своем, да сподобимся и мы кѹпно с тобою славити Отца и Сына и Святаго Духа во веки веков. Аминь.

Мученику Вонифатию
(Пьянство)

О многострадальный и всехвальный мучениче Вонифатіе! Ко твоему заступлению ныне прибегаем, молений нас, поющих тебе, не отвержи, но милостиво услыши нас. Видь братію и сестры наша, тяжким недугом пианства одержимыя и того ради от матере своей, Церкви Христовой, и вечнаго спасения отпадающія. О святыи мучениче Вонифатіе, коснися сердец их данною ти от Бога благодатию, скоро возстави от падений греховных и ко спасительному воздержанию приведи их. Умоли Господа Бога, Егоже ради страдал еси, да простив нам согрешения наша, не отвратит милости Своея от сынов Своих, но да укрепит в нас трезвѣние и целомудріе, да поможет Своею десницею трезвящимся спасительный обет свой до конца сохранить, во дни и нощи о Нем бодрству-

юще, и о Нем добрый ответ на Страшном Судилище дати. Приими, угодниче Божий, молитвы матерей, о чадах своих слезы проливающих; жен честных, о мужех своих рыдающих; чад сирых и убогих, от пианиц оставленных; всех нас, к иконе твоей припадающих, да приидет сей вопль наш молитвами твоими ко престолу Всевышняго, даровати всем по молитвам их здравие и спасение душ и телес, наипаче же Царство Небесное. Покрый и соблюди нас от лукаваго ловления и всех козней вражиих, в страшный час исхода нашего помози прейти непреткновенно воздушныя мытарства, молитвами твоими избави вечнаго осуждения. Умоли же Господа даровати нам к отечеству нашему любовь нелицемерную и непоколебимую, пред врагами Церкви Святыя, видимыми и невидимыми, силу непобедимую, да покрывает нас милость Божия в нескончаемая веки веков. Аминь.

Святителю Иоанну Милостивому
(*В бедности, вдовстве, сиротстве*)

Святителю Божий Иоанне, милостивый защитниче сирых и сущих в напастех! К тебе прибегаем и тебе молимся, яко скорому покровителю всех ищущих от Бога утешения в бедах и скорбех. Не престай моляся ко Гос-

поду о всех с верою притекающих к тебе! Ты преисполнен сый Христовы любви и благодати, явился еси яко чудный чертог добродетели милосердия и стяжал себе имя «милостивый». Ты был еси яко река, непрестанно текущая щедрыми милостями и всех жаждущих обильно напаяющая. Веруем, яко по преселении от земли на небо усугубися в тебе дар благодати сея и яко соделался еси неисчерпаемый сосуд всякия благодѣйствы. Сотвори убо своим ходатайством и заступлением пред Богом всякия утехи, да вси прибегающие к тебе обретают мир и безмятежие: даруй им утешение в печалех временных и пособие в нуждах житейских, вселив в них надежду вечнаго упокоения в Царствии Небесном. В житии своем на земли ты был пристанище всем сущим во всякой беде и нужде, обидимым и недугующим; ни един от притекавших к тебе и просивших у тебе милости лишен бысть твоя благодѣйствы. Тожде и ныне, царствуя со Христом на небеси, яви всем поклоняющимся пред честною твоею иконою и молящимся о помощи и заступлении. Не точию сам ты творил милость безпомощным, но и сердца других воздвигал к утешению немощных и к призрению убогих. Подвигни убо и ныне сердца верных к заступлению сирых,

утешению скорбящих и успокоению немощных. Да не оскудевают в них дары милости, паче же да вселится в них и в дому сем, призревающем страждущих, мир и радость о Дусе Святе, во славу Господа и Спаса нашего Иисуса Христа во веки веков. Аминь.

Мученику Трифону

*(От вредных насекомых и при колдовском
воздействии)*

О святой мучениче Христов Трифоне, скорый помощниче всем к тебе прибегающим и молящимся пред святым твоим образом скоропослушный предстателю! Услыши ныне и на всякий час моления нас, почитающих святую память твою, и предстательствуй о нас пред Господем на всяком месте, ты бо, угодниче Христов, святой мучениче и чудотворче Трифоне, в великих чудесах возсиявый, прежде исхода твоего от жития сего тленнаго молился еси за ны ко Господу и испросил еси у Него дар сей: аще кто в коей-либо нужде, беде, печали и болезни душевной или телесной призывати начнет святое имя твое, той избавлен будет от всякаго прилога злаго, и якоже ты некогда дочь цареву, во граде Риме от диавола мучиму, исцелил еси, сице и нас от лютых его козней сохрани во вся дни

жития нашего, наипаче же в день последняго нашего издыхания предстательствуй о нас, буди нам тогда помощник и скорый прогонитель лукавых духов и к Царствию Небесному предводитель, идеже ты ныне предстоиши с лики святых у Престола Божия, моли Господа, да сподобит и нас причастники быти присносущнаго веселия и радости, да с тобою купно удостоимся славить Отца и Сына и Святаго Утешителя Духа во веки веков. Аминь.

Святителю Василию Рязанскому

(При оклеветании)

Первее в Муроме святительством почтен был еси, из негоже неправедно изгоняемь, на мантию, яко на легкий корабль, возшел еси, на нейже паче естества, яко безплотен, по водам шествие творя, промышлением Вышняго и заступлением Богоматере управляемь, богоспасаемаго града Рязани достигл еси и в нем, архиерейства престол восприим, богоданную паству рязанскую добре упасл еси, святителю отче наш Васи́лие, моли Христа Бога спастися душам нашим.

Святителю Иоанну Златоусту

(В отчаянии)

О святителю великий Ио́анне Златоу́сте! Ты многая и различная дарования от Госпо-

да приял еси, и яко раб благий и верный, вся данныя тебе таланты добре умножил еси, сего ради воистинну вселенский учитель был еси, яко всяк возраст и всяко звание от тебе получается. Се бо отроком послушания образ явился еси, юным — целомудрия светило, мужем — трудолюбия наставник, старым — незлобия учитель, иноком — воздержания правило, молящимся — вождь от Бога вдохновенный, мудрости ищущим — ума просветитель, витиям доброглаголивым — слова живаго источник неисчерпаемый, благотворящим — милосердия звезда, начальствующим — правления мудраго образ, правды ревнителем — дерзновения вдохновитель, правды ради гонимым — терпения наставник: всем вся был еси, да всяко некия спасеши. Над всеми же сими стяжал еси любовь, яже есть союз совершенства, и тою, яко силою Божественною, вся дарования в души твоей во едино совокупил еси, и туюжде любовь разделенная примиряющую, в толковании словес апостольских всем верным проповедал еси. Мы же грешнии, по единому кийждо свое дарование имуще, единения духа в союз мира не имамы, но бываем тщеславни, друг друга раздражающе; друг другу завидяще: сего ради дарования наша раз-

деленная, не в мир и спасение, но во вражду и осуждение нам преложи́шася. Темже к тебе, святителю Божий, припадаем, раздором обуреваемы, и в сокрушении сердца просим: молитвами твоими отжені от сердец наших всяку гордость и зависть, нас разделяющія да во мнозех удох едино тело церковное невозбранно пребудем, да по словесі твоему молитвенному возлюбим друг друга и единомыслием испове́мы Отца и Сына и Святаго Духа, Троицу Единосущную и Нераздельную, ныне и присно и во веки веков. Аминь.

Апостолу и Евангелисту Луке
(На насаждение огорода)

Тропарь: Апостольских деяний сказателя и Евангелия Христова светла списателя, Луку препетаго, славна суща Христове Церкви, песньми священными святаго апостола похвалим, яко врача суща, человеческия немощи, естества недуги и язи душ исцеляюща, и молящася непрестанно за души наша.

Кондак: Истиннаго благочестия проповедника и таин неизреченных рѣтора, звезду церковную, Луку божественнаго восхва́лим: Слово бо его избра, с Павлом мудрым, языков учителя, Един ведый сердечныя.

Святителю Тихону Амафунтскому*(При посеве)*

О трисолнечная Троицы угодниче! О неистощимый источниче чудес! О небесная доброты подобниче, святче Божий, преблагий избранниче Спасов, великий архиерею, преблаженне святителю Христов Тихоне, подсолнечную озаряй и удивляяй чудесы твоими! Всегда предстоя Святей Троице и моление принося о всем мире, вся призывающая имя твое святое от всякаго недуга душевнаго и телеснаго исцели, испроси отпущение грехов их. Греховные мысли потреби, и всякую напасть и нашествие неприязненное диавола далече сотвори от молящихся тебе, и возстави ны от сна греховнаго, устрой ны, входящая и во святой храм твой, здравы душами и телесы, и добрыми делы славящая имя Пресвятыя Троицы, Отца и Сына и Святаго Духа, и твое молитвенное предстательство всегда, ныне и присно и во веки веков. Аминь.

Святому Исидору Ростовскому,**Христа ради юродивому, чудотворцу***(О хорошем урожае)*

О великий угодниче Божий, святой праведный Исидоре! Помози мне грешному, все-

гда страстию греховной побеждаемому: ты бо еси предстатель и заступник, и скорый помощник в скорбех моих, и усердный ходатай спасения моего. Ты верою правою и трудом твоим вечныя славы и Царствия Небеснаго сподобился еси, и ныне у Престола Владыки всем, Царя Христа, Бога нашего предстоиши. Темже и молю тя, страстотерпче праведный: помяни мя окаяннаго, в тине греховной валяющагося: уже бо не могу возвести очи моя к горнему Сиону, зане связан есмь сетями диавольскими и попеченьми житейскими. Избави мя молитвами твоими от всех злых наветов вражиих и от всякаго греха, да прииму исцеление от язв греховных, от вселютейшаго змия наложенных мне. Все житие мое окаянный аз во сластех мира сего изнурих, и не имам помощника, и не вем к кому прибегнути, да подаст ми руку помощи. Сего ради к тебе прибегаю и сие молюся: о святой праведный Исидоре! Подаждь ми помощь в день Страшнаго Суда: егда приидет Сын Человеческий судити всех, тогда умоли Того страшнаго и нелицемернаго Судию, да не осудит мя по беззакониим моим, но да поставит одесную Себе по велицей милости Своей. Помолися Владыце Христу Богу, да и в нынешнем веце милостив будет нам,

грешным и недостойным рабом Своим, и да утвердит мысль нашу, еже отвратитися нам от всякаго зла и соблюдати спасительная Его заповеди, и прочее время жития нашего преити в покаянии и соблюдении Божиих заповедей, да достигше небесных обителей, непрестанно славим Единого Триипостаснаго Бога, Отца и Сына и Святаго Духа, ныне и присно и во веки веков. Аминь.

Священномученику Харалампию

(О плодородии земли и изобилии плодов земных)

О священная и многострадальная главо, пастырю добрый словесных овец Христовых, священномучениче Христов Харала́мпие, Магнисийская похвало и славо вселенная, всемирный светильниче и великий наш заступниче и помощниче в скорбех, бедах и всяких нуждах! Услыши нас грешных, к тебе прибегающих, молящих ти ся, и избави нас от всякаго злаго обстояния. Ты бо приял еси от Господа благодать и силу велику, за многия и нуждныя страдания твоя и терпение, еже всюду и во всем нам помогати, и наипаче идеже память твоя почитаема будет бдением, пением и усердным молением. Сицевая благодать дадеся ти, священномучениче Христов, от являшагося ти Господа, Ца-

ря Славы, по твоему испрошению. Егда на мѣчное тя усечение осудѣша, услышал еси превожделенный и сладчайший оный глас, глаголющий тебе: прииди, Харалампие, друже Мой, многия мѹки имене ради Моего терпѣвый, и проси у Мене еже хочещи, и Аз дам ти. Ты же, великий светильниче, рекл еси Христу Господу устѣ своими: Господи мой, велико убо мне есть от Тебе, Света не-вечернаго, дарование сие. Аще угодно есть величеству Твоему, молю Тя, благоволи даровати ми сиецевѹю милость Свою: да идеже положены будут мощи моя и почитаема будет память страдания моего, не будет на месте том ни глада, ни мора или тлетворнаго воздѹха, погубляющаго плоды, но да будет паче на месте оном мир, здравие телесѣм и душѣм спасение, изобилие пшеницы, вина и елеа и умножение скотов, яже на потребу человека. Ты же паки, угодниче Христов Харалампие многострадальниче, глас Господень услышал сей, вещающий тебе: буди по прошению твоему, преславный Мой воине. И абие, по глаголании сем Господнем, прѣдал еси душу свою без мечаго посечения, и пойде во след Христа Господа со славою мно-гою, Ангелом убо сретающим и провождающим ю до престола Господня с радостию ве-

ликою. И тако приял еси венец славы от Божественныя руки Его с лики святых, вечно славящих пресвятое имя Господа. И тамо, во славе небесней пребывая, призри, угодниче Божий, и на нас грешных, молящихся тебе, и вспомяни нас пред Господем, еже даровати нам на потребу велия Его милости в безконечныя веки. Аминь.

Благоверному князю Даниилу Московскому
(Об обретении своего жилища)

Церкве Христовы похвалѣ высокая, града Москвы стено́ неоторимая, державы Россійския Божественное утверждение, преподобне кнѣже Данииле! К раце мощей твоих притекающе, усердно молим тя: призри на нас, память твою воспевающих, пролей теплое твое ходатайство ко Спасу всех, яко да утвердит миром страну нашу, грады и веси ея и обитель сию добре да сохранит, благочестие и любовь в людех твоих насаждая, злобу же, междоусобие и нравов развращение искореняя; всем же нам вся благая ко временному животу и вечному спасению даруй молитвами твоими, яко да прославляем дивнаго во святых Своих Христа, Бога нашего, во веки веков. Аминь.

Великомученику Феодору Тирону

(Об отыскании украденного или потерянного)

Тропарь, гл. 2: Велия веры исправления, во источнице пламене, яко на воде упокоения, святыи мученик Феодор радовашеся: огнем бо всесожжегся, яко хлеб сладкий Троице принесеся: того молитвами, Христе Боже, спаси души наша.

Кондак, гл. 8: Веру Христову, яко щит внутри приим, в сердце твоём, противныя силы попрал еси, многострадаельче: и венцем небесным венчался еси вечно, Феодоре, яко непобедимый.

Блаженной Ксении Петербургской

(В судебных тяжбах, семейных трудностях)

О святая блаженная Ксэние! Услыши нас, молящихся тебе и призывающих в помощь скорое предстательство твое. Поминай нас у престола Вседержителя и не престай моляся о нас ко Христу Богу. Не презри моления нашего и не остави нас, к тебе прибегающих, но руководи нас к небесному отечеству дарованною тебе от Бога силою: укрепи нашу немощь, огради нас от грехопадений, возгрей в нас святую любовь ко Господу и ревность о спасении нашем подаждь

нам, и направи стопы наша к деланию заповедей Христовых. Темже смиренно просим тя, блаженная Ксение, испроси нам молитвами твоими прощение грехов, исправление жития нашего, от болезней и всяких недугов исцеление, от наветов и козней диавольских избавление, паче же спасение душам нашим подаждь и небесных благ восприятия сподоби благодатию и человеколюбием Пресвятыя Троицы, Отца и Сына и Святаго Духа, во веки веков. Аминь.

Праведному Евдокиму Каппадокиянину
(В сложных жизненных ситуациях)

Тропарь, гл. 4: От земли Воззвавый ты к небесным селениям, соблюдает и по смерти невредимо тело твое, святе Евдокиме: ты бо в целомудрии и чистом жительстве, блаженне, жительствовавал еси не осквернив плоти: темже со дерзновением молю Христа Бога спастися нам.

Кондак, гл. 2: Вышних желая, с вышними совокупляясь и колесницу огненную, божественными восхожденными добродетелей, совершил еси душу, преблаженне Евдокиме: на земли пожив яко безплотен, Зиждителю всех благоугодил еси.

**Священномученику
Киприану и мученице Иустине**

*(Об охранении людей и животных от лукавых
духов, от волшебников, колдунов и т.д.)*

О святии священномучениче Киприане и мученице Иустино! Внемлите смиренному молению нашему. Аще бо временное житие ваше мученически за Христа скончали есте, но духом от нас не отступаете есте, присно по заповедем Господним шествовати нас научающе и крест свой терпеливо нести нам пособствующе. Се дерзновение ко Христу Богу и Пречистой Его Матери стяжали есте. Темже и ныне будите молитвенницы и ходатаи о нас недостойных. Будите нам заступницы крепции, да заступлением вашим сохраняеми невредимы от бесов, волхвов и от человек злых пребудем, славяще Святую Троицу, Отца и Сына и Святаго Духа, ныне и присно и во веки веков. Аминь.

Праведному Иоанну Кронштадтскому

(О помощи в учебе, исцелении в любых недугах)

О великий угодниче Христов, святой праведный отче Иоанне Кронштадтский, пастырю дивный, скорый помощниче и милостивый предстателю! Вознося славословие Три-единному Богу, ты молитвенно взывал: Имя Те-

бе — Любовь: не отвергни меня, заблуждающегося. Имя Тебе — Сила: укрепи меня, изнемогающего и падающего. Имя Тебе — Свет: просвети душу мою, омраченную житейскими страстями. Имя Тебе — Мир: умири мятущуюся душу мою. Имя Тебе — Милость: не переставай миловать меня. Ныне благодарная твоему предстательству всероссийская паства молится тебе: христоименитый и праведный угодниче Божий! Любвию твоею озари нас, грешных и немощных, сподоби нас принести достойные плоды покаяния и неосужденно причащаться Святых Христовых Таин. Силою твоею веру в нас укрепи, в молитве поддержи, недуги и болезни исцели, от напастей, врагов видимых и невидимых избави. Светом лика твоего служителей и предстоятелей алтаря Христова на святыя подвиги пастырского делания подвигни, старость поддержи, святыни храмов и святыя обители озари! Умири, чудотворче и провидче преизряднейший, народы страны нашея, благодатию и даром Святаго Духа избави от междоусобных брани; расточенныя собери, прельщенные обрати и совокупи Святей, Соборней и Апостольстей Церкви. Милостию твоею супружества в мире и единомыслии соблюди, монашествующим в делах

благих преспеяние и благословение даруй, малодушныя утеша, страждущих от духов нечистых свободи, в нуждах и обстояниях сущих помилуй и всех нас на путь спасения настави. Во Христе живый, отче наш Иоанне, приведи нас к Невечернему Свету жизни вечныя, да сподобимся с тобою вечнаго блаженства, хваляще и превозносяще Бога во веки веков. Аминь.

**Всем святым
и Бесплотным Небесным Силам**

Боже святыи и во святых почиваяи, трисвятым гласом на небеси от ангел воспеваемый, на земли от человек во святых Своих хвалимый: давый Святым Твоим Духом комуждо благодать по мере дарования Христова и тою поставивый Церкви Твоей святей овы апостолы, овы пророки, овы же благовестники, овы пастыри и учителя, ихже словом проповеди, Тебе Самому действующему вся во всех, мнози совершишася святии в коемждо роде и роде, различными добродетельми благоугодившии Тебе, и к Тебе, нам образ добрых подвигов своих оставивше, в радости прешедшии, готови, в немже сами искушени быша, и нам напаствуемым помогати. Сих святых всех воспоминаая и их бо-

гоугодное похваляя житие, Тебе Самаго, в них действовавшаго, восхваляю, и онех благотворения Твоя дарования быти веруя, прилежно молю Тя, Святе святых, даждь ми грешному последовати их учению, житию, любви, вере, долготерпению и их молитвенною помощию, паче же Твоею вседействующею благодатию, небесныя с ними сподобитися славы, хваляще пресвятое имя Твое, Отца и Сына и Святаго Духа, во веки. Аминь.

Молитва по призывании святых

Боже Святый и во святых почивающий! Воспомяная святых Твоих и их богоугодное похваляя житие, Тебе Самаго в них действовавшаго, прилежно молю Тя: даждь мне, грешному, последовати их учению, привету, вере, долготерпению, любви, и их молитвенным пособием, паче же Твоею вседействующей благодатию, небесныя с ними сподобитися славы и хвалити пресвятое имя Твое, Отца и Сына и Святаго Духа, во веки. Аминь.



МОЛИТВЫ О ДЕТЯХ И СЕМЕЙНОМ БЛАГОПОЛУЧИИ

Ежедневные молитвы о чадах

Господи Иисусе Христе, буди милость Твоя на детях моих (*имена*), сохрани их под кровом Твоим, покрый от всякаго лукаваго похотения, отжени от них всякаго врага и супостата, отверзи им уши и очи сердечныя, даруй умиление и смирение сердцам их.

Господи, все мы создание Твое, пожалей детей моих (*имена*), и обрати их на покаяние.

Спаси, Господи, и помилуй детей моих (*имена*) и просвети им ум светом разума Евангелия Твоего и настави их на стезю заповедей Твоих и научи их, Спасе, творити волю Твою, яко Ты еси Бог наш.

Воздыхание матери о своих детях

Боже! Создателю всех тварей, прилагая милость к милости, Ты соделал меня достой-

ной быть матерью семейства; благодать Твоя даровала мне детей, и я дерзаю сказать: они Твои дети! Потому что Ты даровал им бытие, оживотворил их душой бессмертной, возродил их крещением для жизни, сообразной с Твоей волей, усыновил их и принял в недра Церкви Своей, Господи! Сохрани их в благодатном состоянии до конца жизни; сподоби их быть причастниками таинств Твоего завета; освящай Твоей истиной; да святится в них и через них святое имя Твое! Ниспосли мне твою благодатную помощь в их воспитании для славы имени Твоего и пользы ближнего! Подаждь мне для сей цели способы, терпение и силы! Научи меня насадить в их сердце корень истинной мудрости — страх Твой! Озари их светом управляющей вселенную Твоей Премудрости! Да возлюбят Тебя всей душой и помышлением своим; да прилепятся к Тебе всем сердцем и во всю жизнь свою да трепещут слов Твоих! Даруй мне разум убедить их, что истинная жизнь состоит в соблюдении заповедей твоих; что труд, укрепляемый благочестием, доставляет в сей жизни безмятежное довольствие и в вечности — неизреченное блаженство. Открой им разумение Твоего Закона! Да до конца дней своих действуют в чувстве вседеприсутствия

Твоего! Насади в их сердце ужас и отвращение от всякого беззакония; да будут непорочными в путях твоих; да памятуют всегда, что Ты, Всеблагий Боже, ревнитель закона и правды Твоей! Соблюди их в целомудрии и благоговении к имени Твоему! Да не порочат Церкви Твоей своим поведением, но да живут по ее предписаниям! Одушеви их охотою к полезному учению и содейлай способными на всякое доброе дело! Да приобретут истинное понятие о тех предметах, коих сведения необходимы в их состоянии; да просветятся познаниями благодетельными для человечества. Господи! Умудри меня напечатлеть неизгладимыми чертами в уме и сердце детей моих опасение содружеств с незнающими страха Твоего, внушить им всемерное удаление от всякого союза с беззаконными. Да не внимают они гнилым беседам; да не слушают людей легкомысленных; да не совертят их с пути Твоего дурные примеры; да не соблазняются они тем, что иногда путь беззаконных благоуспешен в сем мире!

Отче небесный! Даруй мне благодать всемерно беречься подавать детям моим соблазн моими поступками, но, постоянно имея в виду их поведение, отвлекать их от заблуждений, исправлять их погрешности, обуздывать

упорство и строптивость их, воздерживать от стремления к суете и легкомыслию; да не увлекаются они безумными помыслами, да не ходят вслед сердца своего, да не возгордятся в помышлении своем, да не забудут Тебя и закона Твоего. Да не погубит беззаконие ума и здоровья их, да не расслабят грехи душевных и телесных сил их. Судья Праведный, наказывающий детей за грехи родителей до третьего и четвертого рода, отврати такую кару от детей моих, не наказывай их за грехи мои; но окропи их росой благодати Твоей, да преуспевают в добродетели и святости, да возрастают в благоволении Твоем и в любви людей благочестивых.

Отче щедрот и всякого милосердия! По чувству родительскому я желала бы детям своим всякого обилия благ земных, желала бы им благословения от росы небесной и от тука земного, но да будет с ними святая воля Твоя! Устрой судьбу их по Твоему благоволению, не лиши их в жизни насущного хлеба, ниспосылай им все необходимое во времени для приобретения блаженной вечности, будь милостив к ним, когда согрешат перед Тобою, не вменяй им грехов юности и неведения их, приведи в сокрушение их сердца, когда будут противиться руководству благодати Твоей; ка-

рай их и милуй, направляя на путь благоудный Тебе, но не отвергай их от лица Твоего! Принимай с благоволением молитвы их, даруй им успех во всяком добром деле; не отврати лица Твоего от них во дни скорби их, да не постигнут их искушения выше сил их. Осеняй их Твоей милостью, да ходит Ангел Твой с ними и сохранит их от всякого несчастья и злого пути, Всеблагий Боже! Соделай меня матерью, веселящейся о детях своих, да будут они отрадой моей в дни жизни моей и опорой мне в старости моей. Удостой меня, с упованием на Твое милосердие, предстать с ними на Страшном суде Твоем и с недостойным дерзновением сказать: Вот я и дети мои, которых Ты дал мне, Господи! Да совокупно с ними прославляя неизреченную благость и вечную любовь Твою, превозношу пресвятое имя Твое, Отче, Сыне и Душе Святый, во веки веков. Аминь.*

Молитвы к Божией Матери

О Пресвятая Владычице Дево Богородице, спаси и сохрани под кровом Твоим моих чад (*имена*), всех отроков, отроковиц и младен-

* Молитву эту раздавали верующим в Казанской Амвросиевской женской пустыни при с. Шамордино.

цев, крещеных и безымянных и во чреве матери носимых. Укрой их ризою Твоего материнства, соблюди их в страхе Божием и в послушании родителям, умоли Господа моего и Сына Твоего, да дарует им полезное ко спасению их. Вручаю их Материнскому смотрению Твоему, яко Ты еси Божественный Покров рабам Твоим.

Мать Божия, введи меня во образ Твоего небеснаго материнства. Уврачуй душевные и телесные раны чад моих (*имена*), моими грехами нанесенные. Вручаю дитя мое всецело Господу моему Иисусу Христу и Твоему, Пречистая, небесному покровительству. Аминь.*

Молитва к Ангелу хранителю

Святый Ангеле хранителю моих чад (*имена*), покрый их твоим покровом от стрел демона, от глаз обольстителя и сохрани их сердце в ангельской чистоте. Аминь.

Молитва о детях, преп. Амвросия Оптинского

Господи, Ты Един вся веши, все можешь и всем хочешь спастись и в разум Истины

* Из женского монастыря в Шуе, Ивановской области.

прийти. Вразуми детей моих (*имена*) познанием истины Твоея и воли Твоея Святыя и укрепи их ходити по заповедям Твоим и меня, грешную, помилуй.

Молитва перед началом обучения дитяти

Господи Боже и Создателю наш, образом Своим нас, людей, украсивший, избранных Твоих научивший закону Твоему, так что внимающие ему дивятся, детям тайны премудрости открывший, Соломону и всем ищущим ее даровавший — открой сердца, умы и уста рабов Твоих сих (*имена*), чтобы уразуметь силу закона Твоего и успешно познать преподаваемое им полезное учение для славы пресвятого имени Твоего, для пользы и устроения Святой Твоей Церкви и разумения благой и совершенной воли Твоей. Избавь их от всяких козней вражеских, сохрани их в вере Христовой и чистоте во все время жизни их, да будут крепки разумом и исполнением заповедей Твоих. И так наученные прославят пресвятое имя Твое и будут наследниками Царствия Твоего, ибо Ты, Бог, крепок милостию и благ крепостию, и Тебе подобает всякая слава, честь и поклонение Отцу и Сыну и Святому Духу, всегда, ныне и присно и во веки веков. Аминь.

Молитва перед учением

Преблагий Господи, низпосли нам благодать Духа Твоего Святаго, дарствующаго и укрепляющаго душевныя наши силы, дабы, внимающе преподаваемому нам учению, возросли мы Тебе, нашему Создателю, во славу, родителем же нашим на утешение, Церкви и отечеству на пользу.

Молитва после учения

Благодарим Тебе, Создателю, яко сподобил еси нас благодати Твоея, во еже внимати учению. Благослови наших начальников, родителей и учителей, ведущих нас к познанию блага, и подаждь нам силу и крепость к продолжению учения сего.

Божией Матери, ради икон Ее**«Млекопитательница»**

Тропарь, глас 3-й

Без семени от Божественнаго Духа, волею же Отчею зачала еси Сына Божия, от Отца без матери прежде век суща, нас же ради из Тебе без отца бывша, плотию родила еси и Младенца млеко питала еси, темже не престай молити избавитися от бед душам нашим.

Кондак, глас 5-й

Душ наших чувства очистиши, узрим на иконе таинство преславное, Творца вселенных и Господа вышних сил, во объятиях держима и от сосцу Твоею яко Младенца питаема, и, со страхом и радостью покланяющеся Тебе и рождшемуся от Тебе Спасу нашему, воззовем: Радуйся, Владычице, жизни нашей Питательница.

Молитва

Приими, Госпоже Богородительнице, слезныя моления рабов Твоих, к Тебе притекающих. Зрим Тя на святей иконе, на руках носящую и млеко питающую Сына Твоего и Бога нашего, Господа Иисуса Христа. Аще и безболезненно родила еси Его, а паче матерние скорби веси и немощи сынов и дочерей человеческих зриши. Темже тепле припадающе к цельбоносному образу Твоему и умиленно сей лобызающе, молим Тя, Всемиловитая Владычице: нас, грешных, осужденных в болезнях родити и в печалех питати чада наша, милостивно пощади и сострадательно заступи, младенцы же наша, такожде и родившия их, от тяжкаго недуга и горькия скорби избави. Даруй им здравие и благомо-

щие, да и питаемые от силы в силу возрастати будут, и питающие их исполнятся радостью и утешением, яко да и ныне представльством Твоим из уст младенец и ссущих Господь совершит хвалу Свою. О, Мати Сына Божия! Умилосердися на матери сынов человеческих и на немощныя люди Твоя: постигающия нас болезни скоро исцели, належащия на нас скорби и печали утоли, и не презри слез и воздыханий рабов Твоих. Услыши нас в день скорби пред иконою Твоею припадающих и в день радости избавления приими благодарное хваление сердец наших. Вознеси мольбы наша ко престолу Сына Твоего и Бога нашего, да милостив будет ко грехом и немощем нашим и пробавит милость Свою ведущим имя Его, яко да и мы, и чада наша, прославим Тя, милосердную Заступницу и верную надежду рода нашего, во веки веков. Аминь.

Молитва супругов, детей не имущих

Услышь нас, Милосердный и Всемогущий Боже, да молением нашим ниспослана будет благодать Твоя. Будь милостив, Господи, к молитве нашей, вспомяни закон Твой об умножении рода человеческого и будь милостивым Покровителем, да Твоею помощью со-

хранится Тобою же установленное. Ты властною силою Твоею из ничего все сотворил и положил начало всего в мире существующего; сотворил и человека по образу Своему и высокою тайною освятил союз супружества в предуказание тайны единения Христа с Церковью.* Призри, Милосердный, на рабов Твоих сих, союзом супружеским соединенных и умоляющих о Твоей помощи, да будет на них милость Твоя, да будут плодовиты и да увидят они сыны сынов своих даже до третьего и четвертого рода и до желаемой старости доживут и войдут в Царство Небесное через Господа нашего Иисуса Христа, Которому всякая слава, честь и поклонение подобает со Святым Духом во веки. Аминь.

**Молитвенное воздыхание жены
во время беременности**

О, Преславная Матерь Божия, помилуй меня, рабу Твою, прииди ко мне на помощь во время моих болезней и опасностей, с которыми рожают чад все бедные дочери Евы. Вспомни, о, Благословенная в женах, с какою радостью и любовью Ты шла поспешно в горную страну посетить сродницу Твою Елиса-

* Еф. 5, 16-33.

вету во время ее беременности, и какое чудесное действие произвело благодатное посещение Твое и в матери, и в младенце.* И по неисчерпаемому благосердию Твоему даруй и мне, униженнейшей рабе Твоей, разрешиться от бремени благополучно; даруй мне сию благодать, чтобы дитя, покоящееся теперь под моим сердцем, пришедши в чувство, с радостным взыгранием, подобно святому младенцу Иоанну, поклонялось Божественному Господу Спасителю, Который из любви к нам, грешным, не возгнушался и Сам стать младенцем. Неизглаголанная радость, которою преисполнилось девственное Твое сердце при воззрении на новорожденного Твоего Сына и Господа, да усладит скорбь, предстоящую мне среди болезней рождения. Жизнь мира, мой Спаситель, рожденный Тобою, да спасет меня от смерти, пресекающей жизнь многих матерей в час разрешения, и да причтет плод чрева моего к числу избранных Божиих. Услышь, Пресвятая Царица Небесная, смиренную мольбу мою и призри на меня, бедную грешницу, оком Твоея благодати; не постыди моего упования на Твое великое милосердие и осени меня. Помощница христиан,

* Лк. 1, 41-45.

Исцелительница болезней, да сподоблюсь и я испытать на себе, что Ты, Матерь милосердия, и да прославлю всегда Твою благодать, не отвергшую никогда молитвы бедных и избавляющую всех призывающих Тебя во время скорби и болезни. Аминь.



МОЛИТВЫ О БОЛЯЩИХ

Тропарь, глас 4-й

Скорый в заступлении един сый, Христе, скорое свыше покажи посещение страждущему рабу Твоему (*имя*), и избави от недуг и горьких болезней; и воздвигни во еже пети Тя и славити непрестанно, молитвами Богородицы, Едине Человеколюбче.

Кондак, глас 2-й

На одре болезни лежащаго и смертною раною уязвленнаго, якоже иногда воздвигл еси, Спасе, Петрову тещу и разслабленнаго на одре носимаго; сие и ныне, Милосерде, страждущаго посети и исцели: Ты бо един еси недуги и болезни рода нашего понесый и вся могый, яко Многомилостив.

Молитва

Владыко, Вседержителю, Святый Царю, наказуяй и не умерщвляяй, утверждаяй низ-

падающия и возводяй низверженныя, телесныя человеков скорби исправляяй, молимся Тебе, Боже наш, раба Твоего (*имя*) немощствующа посети милостию Твоею, прости ему всякое согрешение вольное и невольное. Ей, Господи, врачебную Твою силу с небесе низпосли, прикоснися телеси, угаси огнѣвицу, укроти страсть и всякую немощь таящуюся, буди врач раба Твоего (*имя*), воздвигни его от одра болезненнаго и от ложа озлобления цѣла и всесовершенна, даруй его Церкви Твоей благоугождающа и творяща волю Твою. Твое бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Молитва об исцелении больного

О, Премилосердный Боже, Отче, Сыне и Святый Душе, в нераздельней Троице поклоняемый и славимый, призри благоутробно на раба Твоего (*имя*), болезнию одержимаго; отпусти ему вся согрешения его; подай ему исцеление от болезни; возврати ему здравие и силы телесныя; подай ему долгоденственное и благоденственное житие, мирные Твои и премирные блага, чтобы он вместе с нами

приносил благодарные мольбы Тебе, Всеще-
дрому Богу и Создателю моему.

Пресвятая Богородица, всесильным заступ-
лением Твоим помоги мне умолить Сына Тво-
его, Бога моего, об исцелении раба Божия
(имя).

Все святые и Ангелы Господни, молитесь Бо-
га о больном рабе Его (имя). Аминь.

Молитва в болезни

Господи Боже, Владыко жизни моей, Ты по
благости Своей сказал: не хочу смерти греш-
ника, но чтоб он обратился и жив был. Я
знаю, что эта болезнь, которою я страдаю,
есть наказание Твое за мои грехи и беззако-
ния; знаю, что по делам моим я заслужил
тягчайшее наказание, но, Человеколюбче, по-
ступай со мною не по злобе моей, а по без-
предельному милосердию Твоему. Не поже-
лай смерти моей, но дай мне силы, чтобы я
терпеливо сносил болезнь, как заслуженное
мною испытание, и по исцелении от нее об-
ратился всем сердцем, всею душою и всеми
моими чувствами к Тебе, Господу Богу, Со-
здателю моему, и жив был для исполнения
святых Твоих заповедей, для спокойствия мо-
их родных и для моего благополучия. Аминь.

Молитва болящей

Господи, видишь ты мою болезнь. Ты знаешь, как я грешна и немощна: помоги мне терпеть и благодарить Твою Благодать. Господи, сотвори, чтобы болезнь эта была в очищение многих моих грехов. Владыко Господи, я в руках Твоих, помилуй меня по воле Твоей и, если мне полезно, исцели меня вскоре. Достойное по делам моим приемлю; помяни мя, Господи, во Царствии Твоем! Слава Богу за все!

Молитва об исцелении

Владыко Вседержителю, Врачу душ и телес наших, смиряяй и возносяяй, наказуяй и паки исцеляяй! Раба Твоего (имя) немощствующа посети милостию Твоею, простри мышцу Твою, исполнену исцеления и врачбы, и исцели его, возстави от одра и немощи. Запрети духу немощи, остави от него всяку язву, всяку болезнь, всяку огневицу и трясавицу, и еже есть в нем согрешение или беззаконие, ослаби, остави, прости Твоего ради человеколюбия. Ей, Господи, пощади создание Твое во Христе Иисусе, Господе нашем, с Нимже благословен еси, и со Пресвятым, и Благим, и Животворящим Твоим Духом, ныне и присно и во веки веков. Аминь.

Молитва во время повальной болезни

Господи Боже наш! Услышь с высоты свя-
таго Твоего Престола нас, грешных и недо-
стойных рабов Твоих, благодать Твою грехами
своими прогневавших и милосердие Твое уда-
ливших, и не взыскивай с рабов Твоих, но
отврати страшный гнев Твой, справедливо
нас постигший, прекрати пагубное наказа-
ние, удали страшный меч Твой, невидимо и
безвременно нас поражающий, и пощади не-
счастных и слабых рабов Твоих, и не обрекай
на смерть души наши, в покаянии прибега-
ющих с истомленным сердцем и со слезами
к Тебе, Богу Милосердому, мольбам (нашим)
внимающему и перемену подающему. Ибо
Тебе (одному только) принадлежит милость
и спасение, Боже наш, и Тебе славословие
приносим, Отцу и Сыну и Святому Духу, ны-
не и присно и во веки веков. Аминь.

Молитва от недуга, скорби*

✓ Спаси, Господи, и помилуй раба Твоего
(имя) словами Божественного Евангелия,
чтомыми о спасении раба Твоего. Попали,
Господи, терние всех его согрешений, и да

* Каждый день нужно читать по одной главе Еван-
гелия, а перед и после главы сию молитву.

вселится в него благодать Твоя, опаляющая, очищающая, освящающая всего человека во имя Отца и Сына и Святого Духа. Аминь.

**Молитва благодарственная,
святого Иоанна Кронштадтского***



Слава Тебе, Господи, Иисусе Христе, Сыне Единородный, Безначального Отца, еди-не изцеляяй всяк недуг и всяку язю в лю-дех, яко помиловал мя еси грешного и изба-вил еси мя от болезни моей, не попустив ей развиться и умертвить меня по грехам моим. Даруй мне отныне, Владыко, силу твердо тво-рить волю Твою во спасение души моей ока-янной и в славу Твою со Безначальным Тво-им Отцем и Единосущным Твоим Духом, ны-не и присно и во веки веков. Аминь.

Молитва во время эпидемии

Господи Боже наш! Услышь с высоты свя-того Твоего престола нас, грешных и недо-стойных рабов Твоих, благость Твою греха-ми своими прогневавших и милосердие Твое удаливших, и не взыскивай с рабов Твоих,

* Когда получишь исцеление от какой бы то ни бы-ло болезни, воздай благодарение Господу следующим кратким славословием.

но отвори страшный гнев Твой, справедливо нас постигший, прекрати пагубное наказание, удали страшный меч Твой, невидимо и безвременно нас поражающий, и пощади несчастных и слабых рабов Твоих, и не обрекай на смерть души наши, в покаянии прибегающие с истомленным сердцем и со слезами к Тебе, Богу Милосердому, мольбам нашим внимающему и перемену подающему. Ибо Тебе (одному только) принадлежит милость и спасение, Боже наш, и Тебе славословие приносим, Отцу и Сыну и Святому Духу, ныне и присно и во веки веков. Аминь.

**Молитва о том, чтобы ухаживать
с любовью за болящими**

Господи, Иисусе Христе, Сыне Бога Живаго, Агнче Божий, вземляй грехи мира, Пастырю добрый, положивый душу Твою за овцы Твоя, Небесный Врачу душ и телес наших, исцеляй всякий недуг и всякую язву в людях Твоих! Тебе припадаю, помози мне, недостойной рабе Твоей. Призри, Многомилостиве, на делание и служение мое, даждь ми быти верною в мале, послужити болящим Тебе ради, носить немощи немощных, и не себе, но Тебе Единому угодити во вся дни живота моего. Ты бо рекл еси, о Сладчайший

Иисусе: понеже сотвористе единому сих братьей Моих меньших, Мне сотвористе. Ей, Господи, суди мне, грешной, по сему глаголу Твоему, яко да сподоблюся творити благую Твою волю во отраду и утешение искушаемых, недугующих раб Твоих, их же искупил еси честною Твоею Кровию. Ниспосли ми благодать Твою, пополяющую во мне страстей терние, призывай мене, грешную, на дело служения о Твоем имени; без Тебе не можем творити ничесоже: посети убо нощию и искуси сердце мое, внегда предстояти ми у возглавия болящих и низверженных; уязви душу мою Твоею любовью, вся терпящею и николиже отпадающею. Тогда возмогу, Тобою укрепляема, подвигом добрым подвизатися и веру соблюсти, даже до последнего моего издыхания. Ты бо еси Источник исцелений душевных же и телесных, Христе, Боже наш, и Тебе, яко Спасителю человеков и Жениху душ, грядущему в полунощи, славу и благодарение и поклонение возсылаем, ныне и присно и во веки веков. Аминь.



КАНОН ЗА БОЛЯЩЕГО

Глас 3-й. Песнь 1

Пресекаемое море жезлом дрэвле, Израиль пройде яко по пустыни, и крестообразно яве предуготовляет стези. Сего ради поим во хвалении чудному Богу нашему, яко прославися.

Припев: Милостиве Господи, услыши молитву раб Своих, молящихся Тебе.

В день печали, нашедшия на ны, к Тебе, Христэ Спасе, припадающе, Твоея милости просим. Облегчи болезнь раба Твоего, изрекí нам яко и сотнику: иди, се здрав есть отрок твой.

Мольбы и моления, с воздыханием к Тебе вопиём, Сыне Божий, помилуй нас. Воздвигни со одра лежащаго, яко разслабленнаго, словом: возьми одр твой, глаголя, отпускаются ти греси твои.

Слава: Твоего, Христэ, образа подобию поклоняющесе, верою целуем, и болящему

здравія просим, подражающе кровоточивей, яже подольца риз Твоих коснуса, и исцеление недуга прият.

И ныне: Пречистая Госпоже Богородице, всем известная Помощница, не презри нас, к Тебе припадающих, моли яко блага Своего Сына и Бога нашего дати здравие болящему, да Тя с нами прославляет.

Песнь 3

Иже от не сущих вся приведи, словом созидаемая, совершаемая духом, Вседержителю Вышний, в любви Твоей утверди мене.

Иже от тяжких болезней на земли повержен, к Тебе, Христэ, с нами вопиет, подаждь здравие телеси его, яко же Иезекии плакавшуся к Тебе.

Призри, Господи, на наше смирение, и не помяни беззаконий наших, но веры ради болящаго, яко прокаженного, словом исцели ему болезнь, да Твое, Христэ Боже, славится имя.

Слава: Церковь, юже еси освятил, на ту, Христэ, не даждь поношения, но воздвигни невидимо в недуге на одре лежащаго, в нейже молимся: да не рекут невернии, где есть Бог их.

И ныне: Твоему пречíстому, Богородице, образу рúце воздéюще вопиём, услыши раб Твоих молитву и спасí в болезни лежáщаго, да от болезни возстáв, воздаст обéты, яже в печали глаго́лаша устá его.

Седален, глас 8-й

На одрэ грехóвнем лежáща мя, и страсть-мí уязвена, и я́коже воздв́гн есí Петро́ву тéщу и спасé разсла́бленнаго носíма со одро́м, та́ко и ныне посетí, Мíлостиве, болящаго, понесýй недúги рода нашего. Тебе Еди-наго вéмы, терпелíва и милосéрда, мíлостива врача душáм и телесéм, Христа Бога нашего, наводя́ща недúги и пáки исцеля́юща, подава́юща прощение ка́ющимся о согрешé-ниях, Едíнаго милосéрдаго и мíлостиваго.

Слава: Аз грешный пла́чуся на одрэ своем лежá, прощение ми пода́ждь, Христé Боже, и от болезни сея воздв́гни мя, и я́же есмь от юности грехи сотворил, избы́ти ми сих молитвами Богородицы да́руй.

И ныне: Умилосéрдися и спасí мя, воздв́гни мя от одра́ болéзненнаго, мощь бо моя во мне изнемо́же и весь нечáянием одержím есмь, Мáти Бóжия Пречíстая, исцели́ недú-

гующа люте, Ты бо еси помощница христіаном.

Песнь 4

Положил еси к нам твердую любовь Господи: Единороднаго бо Твоего Сына за ны на смерть дал еси, темже Ти зовем благодаряще: слава силе Твоей, Господи.

Уже отчаянна лютым недугом и к смерти приближившася, возврати, Христэ, на животи и даждь плачущимся утеху, да вси прославляем Твоя святая чудеса.

Тебе, Творче, каемся во своих гресех, яко не хочещи смерти грешници, оживи, уздрави болящаго, да востав послужит Ти, исповедуя с нами Твою благодать.

Слава: Слезы Манасиины, Ниневитян покаяние, Давидово исповедание приим, вскорее спаси еси, и наши молитвы ныне приими, даждь здравие болящему, о немже Тя молим.

И ныне: Подаждь нам Твою милость, Господи, всегда на Тя надеющимся, испроси здравие болящему, врачевнии Твои руки с Предтечею, Богородице, ко Господу Богу простираящи.

Песнь 5

На земли невидимый явился еси, и человеком волю сожил еси непостижимый, и к Тебе утренююще, воспеваем Тя, Человеколюбче.

Дщерь Иаирову уже умершу, яко Бог оживил еси, и ныне возведи, Христэ Бóже, от врат смертных болящаго, Ты бо еси путь и живот всем.

Сына вдовича оживив Спа́се, и тоя слезы преложив на радость, спаси от недуга тлеющаго раба Своего, да и наша скорбь и болезнь на радость придет.

Слава: Огненну болезнь тещи Петро́ве прикосновением Твоим исцелив, и ныне возстави болящаго раба Твоего, да востав яко Ио́на, послужит Ти.

И ныне: Ско́рбнии, смире́ннии, грешнии, не имущии дерзнове́ния к Тебе, Пречистая Богомати, вопи́ем, умоли́ Сына Своего Христа да́ти болящему здравие телеси́.

Песнь 6

Бездна последняя грехов обыде мя, и исчезает дух мой: но прострый, Владыко; высокую Твою мышцу, яко Петра мя, Управителю, спаси.

Бездну милосердия и милости имея, Христэ Бóже, услыши моления раб Твоих. Ты бо

еси Петром Тавифу воскресив, Ты и ныне в болезни лежащаго воздвигни, послушав церковных моли́твенник.

Врачу́ душам и телесѣм нашим, понесый недуги всего мира, Христѣ, и Енея Павлом исцели́вый, Ты и ныне болящаго исцели святы́х апостол молитвами.

Слава: Преложі, Христѣ, на радость рыдание о недужнем скорбящем, да Твою получивши милость, вни́дут в дом Твой со обѣтными дарми́, сла́вяще Тя в Троице Единого Бога.

И ныне: Приидіте, о друзи, поклонимся молящеся о болящем Божией Матери. Та бо имеет власть недужныя исцеля́ти, со безмѣздникама вкупѣ, духовным невидимо помазующи маслом.

Кондак, глас 3-й

Душу мою, Господи, во гресѣх всяческих, безмѣстными деяньми разслаблену воздвигни божѣственным Своим человеколюбіем, яко же и разслабленнаго воздвигл еси дре́вле, да зову Ти спаса́емь: ще́дре Христѣ, даждь ми исцеление.

Икос

Иже рукѣ Своеѣ горстию содержаѣ концы,
Иисусе Боже, Иже Отцу собезначальнѣ и
Духу Святому совладѣчествуя яко плотию,
явился еси недуги исцеляя и страсти очисти-
тил еси, слепыя просветил еси, и разслаблен-
наго словом Божественным совозставил еси,
сего право ходяща сотворив и одр повелел
еси на рамо взяти. Тем же вси с ним воспе-
ваем и поем: щедре Христѣ, даждь ми исце-
ление.

Песнь 7

Прежде образу златому, персидскому чтѣлищу
отроцы не поклонѣшася, триѣ поюще посреде пещи:
отцев Боже, благословен еси.

О, Кресте Пресвятѣй Христов, честное
Древо Животное, Тобою смерть погibe и
мертвии воскресоша, и ныне болящаго исце-
ли и оживи, якоже при Елене умершую де-
вицу.

Долгую и лютую болезнь Иовлю на гнои-
щи и в червех, того молящася, словом исце-
лил еси, Господи. И ныне же в церкви о бо-
лящем молим Тя, яко благ исцели невидимо
молитвами святых Твоих.

Слава: Все вѣмы, яко умрѣти намъ есть, Тебѣ Богу тако изволившу, но на мало время, Милостиве, здравия просимъ болящему, преніи отъ смерти на живѣтъ, даждь скорбящимъ утеху.

И нынѣ: Посѣбствуй и помогай нашему сирѣтству, Богородице, Ты бо вѣси время и часъ, когда умолиши Сына Своего и Бога нашего, дати болящему здравіе и прощѣніе отъ всехъ грѣхъ.

Песнь 8

Служити Живому Богу, в Вавилонѣ ѡтроцы претерпѣвши, о мусикійскихъ органахъ нерадіша, и посреде пламене стояще, боголѣпную песнь воспеваху, глаголюще: благословите, вся дела Господня, Господа.

Милость покажи, Владыко, в болѣзни раба Твоего, и скоро исцели, милостиве Христѣ Бже, и еще смерти не предаждь судней, да Ти покаяніе воздастъ. Самъ бо рекъ еси: не хочу смерти грѣшници.

Господи милостиве, Твоя преславная чудеса да и до насъ нынѣ достигнутъ: бѣсы проженіи, недуги погуби, раны исцели, болѣзни уврачуи, и потвѣры и чародѣянія и всякія язвы избави ны.

Слава: Запретивый, Христѣ, морским вѣтром, и страх ученик на радость преложивый, и ныне запрети тяжким болѣзнем, труждающим раба Твоего, да вси возвеселимся хваляще Тя во веки.

И ныне: Избави, Богородице, от обышедших ны печалей, различных недуг, отравы же и чародѣйства, и бесовскаго мечтания и от навета злых человек и от напрасныя смерти, молимтися.

Песнь 9

На Синайстей горе виде Тя в купинѣ Моисѣй, неопально огонь Божества зачѣншую во чреве: Даниил же Тя виде гору несекомую, жезл прозябший, Исаиа взываше, от корене Давидова.

Источниче жизни, подателю, Христѣ, милости, не отврати лица Твоего от нас. Облегчи болезнь утружденному болѣзнию, и воздвигни яко Фаддеем Авгаря, да присно Тебе славит со Отцем и Святым Духом.

Евангельскому верующе гласу, Твоего ищем обѣта, Христѣ: просите бо, рече, и дастся вам. Тем и ныне предстояще молим Тя, возстави со одра здрава лютым повержена недугом, да Тя с нами вкупе величает.

Слава: Мучимый недугом, внутри невидимыми ранами, Тебе, Христѣ, с нами вопиет,

не нам, Господи, не нас ра́ди, вси бо мы испóлнены грехов, но Ма́терними Твоими и Предте́чевыми молитвами даждь исцелёние болящему, да Тя вси возвеличим.

И ныне: Бо́жия Ма́ти Пречи́стая, со всеми святы́ми призыва́ем Тя, со ангелы и архангелы, с проро́ки и патриа́рхи, со апо́столы, с преподо́бными и пра́ведными моли́тися Христу Богу нашему да́ти здра́вие болящему, да Тя вси величаем.

Молитва

Бо́же сильный, милостию стро́яй вся на спасение роду человеческому, посети́ раба Своего сего́ (*имя*), нарица́юща имя Христа Твоего, исцели его от всякаго недúга плотска́го; и отпусти́ грех и грехо́вныя собла́зны, и всяку напасть, и всяко нашествие непри́язнено далéче сотвори от раба Твоего. И воздвигни от одра́ греховнаго, и устрой его во Святу́ю Твою Церковь здра́ва душою и телом, и де́лы добрыми сла́вящаго со всеми людьми имя Христа Твоего, я́ко Тебе славу возсыла́ем, со Безнача́льным Ти Сыном, и со Святым Духом, ныне и присно и во веки веков. Аминь.



АКАФИСТ ПРЕСВЯТОЙ БОГОРОДИЦЕ РАДИ ИКОНЫ ЕЕ, ИМЕНУЕМОЙ «НЕУПИВАЕМАЯ ЧАША»

Кондак 1

Избранное и дивное избавление нам даровася, — Твой образ честный, Владычице Богородице, яко избавльшеся явлением его от недугов душевных и телесных и скорбных обстояний, благодарственная хваления приносим Ти, Всемилостивая Заступнице. Ты же, Владычице, «Неупиваемою Чашею» нами именуемая, приклонися благоутробно к нашим воздыханием и воплем сердечным, и избавление подаждь страждущим недугом пианства, да с верою воззовем Ти: Радуйся, Владычице, Неупиваемая Чаша, духовную жажду нашу утоляющая.

Икос 1

Ангельстии чини и праведников сонмы непрестанно славят Тя, Царицу Богородицу, хо-

датаицу о многогрешнем роде христианском, погрязшем в беззаконии и пребывающем во гресех, ибо во утешение и спасение даруеши ему милость Свою чрез многоименуемая чудотворныя иконы Твоя, ихже яко звезды небесныя по всей земли нашей зрим; к единому же из сих образов, «Неупиваемая Чаша» именуемому, припадающе, из глубины сердца взываем Ти: Радуйся, неприступнаго Божества селение; радуйся, непрестанное людей удивление. Радуйся, скорбями грехи наша очищающая; радуйся, печальми наша немощи врачующая. Радуйся, милость Свою чрез чудотворныя иконы Твоя нам свыше посылающая; радуйся, явлением их скорбная сердца наша возвеселяющая. Радуйся, пречудное всех с Богом примирение; радуйся, геенны вечныя избавление. Радуйся, Владычице, Неупиваемая Чаша, духовную жажду нашу утоляющая.

Кондак 2

Видящи, Пресвятая Владычице, скорби сердечныя, муки душевныя, искреннее покаяние людей, одержимых губительным пороком пианства, благоволила еси явити Богоспасаемому граду Серпухову милость Свою явлением пречуднаго образа Своего «Неупи-

ваемая Чаша», да вси к нему припадающе с верою и сокрушенным сердцем, получивше исцеление от тяжкаго недуга своего, из глубины души вопиют Богу: Аллилуиа.

Икос 2

Разумев трикратное явление преподобнаго Варлаама и повеление его в путь шествовати в богоспасаемый град Серпухов, человек некий, страстию пианства одержимый, обрете тамо в монастыре икону Твою святую, «Неупиваемая Чаша» именуемую. Мы же, видяще таковое о нас, грешных, попечение, с благоговением вопием Ти: Радуйся, чрез благочестивых людей славу чудес Твоих грешным открывающая; радуйся, путеводительнице прозорливая, путь спасения им показующая. Радуйся, всеблагая наша наставнице, любовь Твоею нас привлекающая; радуйся, за вся благодеяния Твоя благодарению нас научающая. Радуйся, скорбь нашу в радость претворяющая; радуйся, несомненною надеждою нас увеселяющая. Радуйся, губительныя страсти наша разрушающая; радуйся, благим намерением способствующая. Радуйся, Владычице, Неупиваемая Чаша, духовную жажду нашу утоляющая.

Кондак 3

Сила Вышняго и благодать Владычицы укрепляше некоего человека, страждущаго недугом пианства, егда он, нозе расслаблены имуще, иде во град Серпухов, повеление Богоматери, чрез преподобнаго Варлаама реченное, исполняя. Пришед же во град сей, обрете икону Пречистыя Богоматери, абие исцеле от недуга своего, душевнаго и телеснаго, и из глубины души благодарственно воззва Богу: Аллилуиа.

Икос 3

Имуще источник неоскудеваемый, неупиваемую чашу небесных дарований, не токмо люди града Серпухова, но и вси православнии христиане иных градов и весей, притекающие к Твоему пречудному образу, «Неупиваемая Чаша» именуемому, и пред сим получив исцеление, припадающе, благодарными устами вопиют Ти: Радуйся, купель, в нейже вся скорби наша погружаются; радуйся, чаше, еюже радость спасения нашего восприедем. Радуйся, наша немощи душевныя и телесныя врачующая; радуйся, страсти наша силою молитв Твоих укрощающая. Радуйся, коемуждо во всякой потребе просящим

полезная дарующая; радуйся, безчисленные щедроты всем подающая. Радуйся, милости сокровище нам открывающая; радуйся, милосердие к падшим являющая. Радуйся, Владычице, Неупиваемая Чаша, духовную жажду нашу утоляющая.

Кондак 4

Бурю внутри имущии помышлений сумнительных, но с искренним покаянием притекающие к Твоему неизреченному милосердию, одержимии пианственной страстию, получают исцеление, и из глубины сердца вопиют рожденному от Тебе Спасителю нашему: Аллилуиа.

Икос 4

Слыша Господь тяжкия скорби, вопли и плач жен, стариц, детей, сродницы коих обуеваемы суть пианственной страстию, дарова им, Владычице, Твою икону, от неяже вси притекающие обретают утешение и радость духовную, и вопиют Ти со слезами: Радуйся, Агнице, рождшая Агнца, вземлющего грехи мира; радуйся, чаше, черплющая нам радость от источника безсмертия. Радуйся, скорбных матерей утешение; радуйся, безна-

дежных надеждо. Радуйся, притекающих к Тебе благодатное охранение; радуйся, скорбящих отрадо и увеселение. Радуйся, волнение страсти пианства утишающая; радуйся, руку помощи Твоея требующим простирающая. Радуйся, Владычице, Неупиваемая Чаша, духовную жажду нашу утоляющая.

Кондак 5

Яко боготечную звезду, честную икону Твою Ты нам показала еси, Владычице мира, юже мы зряще, с верою сердечною молящися Тебе, Богородице, глаголем: Исцели пианством и иною болезнию душевною и телесною страждущих, верных же научи воспевати хвалу Богу: Аллилуиа.

Икос 5

Видяще чудеса преславныя и знамения пречудныя, бываемыя не токмо от иконы Твоея, Богомати, во граде Серпухове явленные, но и от по подобию сея иконы списанных изображений, припадающе к ним, смиренно вопием Ти: Радуйся, скоропредстательная помощнице усердно к Тебе притекающих; радуйся, благосердная услышательнице молений наших. Радуйся, град Серпухов

благословением Твоим осенившая; радуйся, в пределах Московских славу чудес Твоих показавшая. Радуйся, всем требующим сокровище исцелений неоскудное; радуйся, в трезвении благоподвизающихся всемошная покровительнице. Радуйся, ведущим брань противу мира, плоти, диавола и пианства добрая споспешнице; радуйся, в мире благочестно живущих усердная заступнице. Радуйся, Владычице, Неупиваемая Чаша, духовную жажду нашу утоляющая.

Кондак 6

Проповедающе чудеса Твоя, Богородительнице, от иконы Твоея, «Неупиваемая Чаша» именуемая, бываемая, молим Тя, Пречистая, со слезами: избави всех нас от винного пристрастия и от падения греховного, научи нас воздержанию, подвизая воспевати Богу: Аллилуиа.

Икос 6

Возсияла еси в светлости Божественныя славы, Дево Богоотроковице, на младенца, преевечнаго Бога, Господа нашего Иисуса Христа, зряще, Иже в сосуде, аки в неупиваемей чаше предстоит, якоже Тя видим изображенную на иконе Твоей, «Неупиваемая

Чаша» таинственно пронареченней, от неяже избавление от пианственной страсти притекающим с верою даруеши, сего ради со слезами приносим Тебе гласы немолчныя сие: Радуйся, яко о тебе радуется и торжествует ангельский собор и человеческий род; радуйся, яко Твоя слава превосходит похвалы земныя и небесныя. Радуйся, таинственным изображением Сына в сосуде Тайну Божественныя Евхаристии нам открывающая; радуйся, рожденного Тобою Агнца, всегда ядомаго и никогдаже иждиваемаго, нам дивно указующая. Радуйся, Чаше жизни и безсмертия, ко вратам вечныя жизни нас приводящая; радуйся, источником нетления и радости жаждущия души напояющая. Радуйся, неисчетною благодатию не оставляющая самых презренных и отверженных; радуйся, от рова погибели милосердием Твоим исхищающая безнадежных. Радуйся, Владычице, Неупиваемая Чаша, духовную жажду нашу утоляющая.

Кондак 7

Хотя человек некий возблагодарити Тя, Владычице, за исцеление от недуга пианства, украси Твою пречудную икону, Богомати, во граде Серпухове пребывающую, из глубины сердца воспевая Богу: Аллилуиа.

Икос 7

Новое чудо видим, Владычице, от иконы Твоея святыя: страждущий бо недугом пианства некий раб Божий Стефан, прибегая к Твоему матернему предстательству, от тяжкаго недуга своего избавися, и благодаряще Тя, благолепными дары икону Твою украси, и припадающе к ней, со слезами возопи Тебе тако: Радуйся, Живоносный Источниче исцелений; радуйся, Чаше небесная Божественных дарований. Радуйся, реко исцелений приснотекущая; радуйся, море, вся наша страсти потопляющее. Радуйся, под тяжести греха пианства падающих матерними руками Твоими возставляющая; радуйся, благодарственные дары не отвергающая. Радуйся, сердца благочестивых людей возвеселяющая; радуйся, вся благая наша прошения исполняющая. Радуйся, Владычице, Неупиваемая Чаша, духовную жажду нашу утоляющая.

Кондак 8

Странно и сумнительно неверующим слышати, како икона Твоя святая «Неупиваемая Чаша» Божественных исцелений источает чудо. Мы же, верующе слову Твоему, Вла-

дычице, реченному к первописанней Твоей иконе: «Благодать Рождшагося от Мене и Моя с сею иконою да будет», — веруем, яко и сия икона Твоя благодать Твою источает. Темже благоговейно поклоняющесе, лобызаем ю, вопиюще Богу: Аллилуиа.

Икос 8

Все упование людие, страждущии недугом пианства, на Тя, Владычице, возлагают. Приклонися к немощем и страстем нашим, кто бо нас, грешных, изведет из рова погибели и нищеты духовныя и телесныя, аще не Ты, Владычице; сего ради, приклонше колена пред Твоим пречистым образом, вопием Ти тако: Радуйся, моления грешников не отвергающая; радуйся, призывающим Тя Свою небесную помощь ниспосылающая. Радуйся, глубину милосердия Твоего грешным показующая; радуйся, отчаянных и безнадёжных ободряющая. Радуйся, одержимым страстию пианства руку помощи простирающая; радуйся, терпеливых страдальцев благодатными дарами утешающая. Радуйся, недуги наша, душевныя и телесныя, врачующая; радуйся, суетныя радости мира сего презирати нас научающая. Радуйся, Владычице, Неупиваемая Чаша, духовную жажду нашу утоляющая.

Кондак 9

Всякое естество ангельское удивися делу Твоего милосердия, Господи, яко даровал еси грешному роду человеческому твердую Заступницу и Помощницу, к нашим немощем приклоняющуюся, и от горькаго недуга пианства свободяющую, верныя же научающую пети Богу: Аллилуиа.

Икос 9

Ветия человечестии недоумеют восхвалити по достоянию славное, Владычице, иконы Твоея явление, ниже мы, грешнии, от скверных устен наших возможем принести достойное похваление Заступнице нашей. Обаче неисчетная чудеса, иконою Твоею являемая, видевши, душею и сердцем радуясь, Тебе глаголем: Радуйся, от священнаго лика Твоего чудеса источающая; радуйся, от бед и скорбей скоро избавляющая. Радуйся, отвергающих Тя посрамляющая; радуйся, от всякаго зла прибегающих к Тебе сохраняющая. Радуйся, кротким сиянием Твоим мрак греха и мглу страстей наших разгоняющая; радуйся, души наша любовью к Тебе и Сыну Твоему исполняющая. Радуйся, на стезю покаяния нас премудре наставляющая; радуйся, добра-

го ответа пред Судиею Праведным нам усердная ходатаице. Радуйся, Владычице, Неупиваемая Чаша, духовную жажду нашу утоляющая.

Кондак 10

Спасти хотя многия страждущия недугом пианства, чудную икону Твою, Богомати, даровала еси, да вси, одержимии сею страстию, к чудотворному образу Твоему притекают, и, получив исцеление, во умилении взывают Богу: Аллилуиа.

Икос 10

Стена еси и щит, Богомати, людем, страждущим недугом пианства, и всем, усердно к Тебе притекающим, и икону Твою святую благоговейно чтущим. Ибо сию дарова нам благих податель Господь в помощь и врачество от губительной страсти, и сим внушает нам пети Тебе: Радуйся, отчаянных надеждо и печалей наших утоленье; радуйся, болезней душевных и телесных исцеление. Радуйся, нашу скверну чистотою Твоею очищающая; радуйся, Своею благодатию наше недостойнство просвещающая. Радуйся, брение наше тленное в нетление облакающая;

радуйся, моления наша Твоим предстательством подкрепляющая. Радуйся, в неможении нашем нас утверждающая; радуйся, облегающий нас облак страстей скоро разгоняющая. Радуйся, Владычице, Неупиваемая Чаша, духовную жажду нашу утоляющая.

Кондак 11

Пение наше смиренное, от полноты любви и усердия Тебе приносимое, не презри, Чистая, и не отвори от отчаявшихся и страждущих недугом пианства лика Своего, но помоги им и нам очиститься от всякия скверны греховныя, да возможем достойно и праведно пети Богу: Аллилуиа.

Икос 11

Светоприемную свещу зрим Тя, Пресвятая Дево, ибо образ Твой святой лучами благодати Твоя мглу греховную прогоняет и на светлую стезю добродетелей наставляет с верою зовущих Ти таковая: Радуйся, заступлением Твоим от суеты мира сего многомятежнаго нас избавляющая; радуйся, приражения страстей плотских отражати нам помогающая. Радуйся, мысль благу в сердце наше полагающая; радуйся, нечистую совесть нашу

просвещающая. Радуйся, от мучительного недуга пианства страждущих избавляющая; радуйся, к искреннему покаянию и вразумлению призывающая. Радуйся, души всех озлобленных умягчающая; радуйся, на помощь Тя призывающих и имя Твое славящих спасающая. Радуйся, Владычице, Неупиваемая Чаша, духовную жажду нашу утоляющая.

Кондак 12

Благодать Божия, присущая иконе Твоей, «Неупиваемая Чаша» именуемой, влечет к ней, Владычице, всех скорбящих, обездоленных, вдов и стариц, а наипаче же всех страждущих недугом пианства, и не тщетны отходят, Пречистая, от неупиваемая чаши Твоих Божественных дарований, но неоскудно получая цельбы от чудотворного образа Твоего, Всеблагая, благодарственно поют Богу: Аллилуиа.

Икос 12

Поюще Твоя чудеса и велию милость, людем, одержимым страстию пианства, явленные, молим Тя, Владычице, спаси и помилуй, и настави нас на стезю праву, и не остави

нас, покров Твоего ищущих и зовущих Ти: Радуйся, к воздержанию от греха пианства всех подвизающая; радуйся, от пристрастия к вину росой милости Твоея свободящая. Радуйся, страждущих от тяжкаго греха пианства присное врачевание; радуйся, бедствующим в страстях скорая помощнице. Радуйся, малодушных дивное ободрение; радуйся, благодушных велия радость. Радуйся, гордых смиряющая; радуйся, смиренныя возвышающая и всем спасения желающая. Радуйся, Владычице, Неупиваемая Чаша, духовную жажду нашу утоляющая.

Кондак 13

О премилостивая Мати сладчайшаго Господа нашего Иисуса Христа! Нынешнее наше услыши моление и избави нас от всех недугов, душевных и телесных, наипаче же свободи страждущих недугом пианства рабов Твоих (*имена*), да не во зле погибнут, но да спасенныя Тобою, присно вопиют Богу: Аллилуиа.

Этот кондак читается трижды, затем 1-й икос: Ангельстии чини и праведников сонмы... и 1-й кондак: Избранное и дивное избавление...

Молитва

О, премилосердная Владычице! К Твоему заступлению ныне прибегаем, молений наших не презри, но милостиво услыши нас: жен, детей, матерей; и тяжким недугом пианства одержимых и того ради от матери своея — Церкви Христовой и спасения отпадающих братий и сестер и сродник наших исцели.

О, милостивая Мати Божия, коснися сердце их и скоро возстави от падений греховных, ко спасительному воздержанию приведи их.

Умоли Сына Своего, Христа Бога нашего, да простит нам согрешения наша и не отвратит милости Своея от людей Своих, но да укрепит нас в трезвении и целомудрии.

Приими, Пресвятая Богородице, молитвы матерей, о чадах своих слезы проливающих, жен, о мужех своих рыдающих, чад, сирых и убогих, заблуждшими оставленных, и всех нас, к иконе Твоей припадающих. И да придет сей вопль наш, молитвами Твоими, ко престолу Всевышняго.

Покрый и соблюди нас от лукаваго ловления и всех козней вражиих, в страшный же час исхода нашего помощи пройти непреткно-

венно воздушная мытарства, молитвам Твоими избави нас вечного осуждения, да покроет нас милость Божия в нескончаемые веки веков. Аминь.

Тропарь, глас 4-й

Днесь притецем вернии к Божественному и пречудному образу Пресвятыя Богоматери, напояющей верных сердца небесною неупиваемою чашею Своего милосердия, и людям верным чудеса показующей. Яже мы видяще и слышаще духовно празднуем и тепле вопием: Владычице премилостивая, исцели наша недуги и страсти, молящи Сына Твоего Христа Бога нашего спасти души наша.

Кондак, глас 6-й

Бысть чрево Твое святая Трапеза, имущая Небеснаго Хлеба, Христа Бога нашего, от Негоже всяк ядый не умирает, якоже рече всех, Богородительнице, Питатель.



МОЛИТВЫ ОБ УСОПШИХ

Тропарь, глас 4-й

Со дѹхи праведных скончавшихся душу раба Твоего, Спасе, упокой, сохраняя ю во блаженной жизни, яже у Тебе, Человеколюбче.

В покоищи Твоем, Господи: идѣже вси святїи Твои упокоеваются, упокой и душу раба Твоего, яко Един еси Человеколюбец.

Слава: Ты еси Бог, сошедый во ад и ѹзы окованных разрешивый, Сам и душу раба Твоего упокой.

И ныне: Едина Чистая и Непорочная Дево, Бога без сѣмене рождающая, моли спасти души его.

Седален, глас 5-й

Покѡй, Спасе наш, с праведными раба Твоего, и сего всели во двѡры Твоя, якоже есть писано, презирая, яко благ, прегрешения его

вольная и невольная и вся яже в ведении и не в ведении, Человеколюбче.

Кондак, глас 8-й

Со святыми упокой, Христе, душу раба Твоего, идеже несть болезнь, ни печаль, ни воздыхание, но жизнь безконечная.

Икос

Сам Един еси Безсмертный, сотворивый и создавый человека: земнии убо от земли созддохомся и в землю туюжде пойдём, якоже повелел еси, Создавый мя, и рекый ми: яко земля еси и в землю отыдеши, аможе вси человецы пойдём, надгробное рыдание творяще песнь: Аллилуиа, Аллилуиа, Аллилуиа.

Родителей за детей

Господи Иисусе Христе, Боже наш, Владыко живота и смерти, Утешителю скорбящих! С сокрушенным и умиленным сердцем прибегаю к Тебе и молюся Ти: помяни, Господи, во царствии Твоем усопшаго раба Твоего, чадо мое (имя), и сотвори ему вечную память. Ты, Владыко живота и смерти, даровал еси мне чадо сие, Твоей же благой и премудрой воле изволися и отъяти е у мене. Бу-

ди благословенно имя Твое, Господи. Молю Тя, Судие неба и земли, безконечною любовью Твоею к нам, грешным, прости усопшему чаду моему вся согрешения его, вольная и невольная, яже словом, яже делом, яже ведением и неведением. Прости, Милостиве, и наша родительская согрешения, да не пребудут они на чадах наших: вем, яко множицею согрешихом пред Тобою, множицею не соблюдохом, не сотворихом, якоже заповедал еси нам. Аще же усопшее чадо наше, наша или своя ради вины, бяше в житии сем, работая миру и плоти своя, и не паче Тебе, Господу и Богу своему: аще возлюбил прелести мира сего, а не паче слово Твое и заповеди Твоя, аще предавшееся сластям житейским, а не паче сокрушению о гресех своих, и в невоздержании бдение, пост и молитву забвению предавшее, — молю Тя усердно, прости, преблагий Отче, чаду моему вся таковыя прегрешения его, прости и ослаби, аще и ино злое сотвори в житии сем. Христе Иисусе! Ты воскресил еси дочь Иаира по вере и молитве отца ея, Ты исцелил еси дочь жены — хананеянки по вере и прошению матери ея: услыши убо и молитву мою, не презри и моления моего о чаде моем. Прости, Господи, прости, вся согрешения

его и, простив и очистив душу его, изми муки вечныя и всели со всеми святыми Твоими, от века благоугодившими Тебе, идеже несть болезнь, ни печаль, ни воздыхание, но жизнь безконечная: яко несть человек, иже жив будет и не согрешит, но Ты Един еси кроме всякаго греха: да егда имаши судити мирови, услышит чадо мое превозведенный глас Твой: приидите, благословеннии Отца Моего, и наследуйте уготованное вам царствие от сложения мира. Яко ты еси Отец милостей и щедрот, Ты живот и воскрешение наше, и Тебе славу возсылаем со Отцем и Святым Духом, ныне и присно и во веки веков. Аминь.

Детей за родителей

Господи, Иисусе Христе, Боже наш! Ты — сирых хранитель, скорбящих прибежище и плачущих утешитель. Прибегаю к Тебе аз, сирий, стена и плача, и молюся Тебе: услыши моление мое и не отврати лица Твоего от воздыханий сердца моего и от слез очей моих. Молюся Тебе, милосердый Господи, утоли скорбь мою о разлучении с родившим и воспитавшим мя, родителем моим (*имя*); душу же его, яко отшедшую к Тебе с истинною верою в Тя и твердую надежду на Твое

человеколюбие и милость, приими в Царство Твое Небесное. Преклоняюсь пред Твоею святою волею, еуже отъят бысть у мене, и прошу Тя, не отыми точию от него милости и благосердия Твоего. Вем, Господи, яко Ты, Судия мира сего, грехи и нечестия отцев наказуеши в детях, внуках и правнуках даже до третьяго и четвертаго рода: но и милуеши отцев за молитвы и добродетели чад их, внуков и правнуков. С сокрушением и умилением сердца молю Тя, милостивый Судие, не наказуй вечным наказанием усопшаго незабвеннаго для мене раба Твоего, родителя моего (*имя*), но отпусти ему вся согрешения его вольная и невольная, словом и делом, ведением и неведением сотворенная им в житии его зде на земле, и по милосердию и человеколюбию Твоему, молитв ради Пречистыя Богородицы и всех святых, помилуй его и вечныя муки избави. Ты, милосердый Отче отцев и чад! даруй мне, во вся дни жизни моя, до последняго издыхания моего, не преставати памятовати о усопшем родителе моем в молитвах своих, и умоляти Тя, праведнаго Судию, да вчиниши его в месте светле, в месте прохладне и в месте покое, со всеми святыми, отнюду же отбеже всяка болезнь, печаль и воздыхание. Милостиве Гос-

поди! прими днесь о рабе Твоем (*имя*), теплую молитву мою сию и воздай ему воздаянием Твоим за труды и попечения воспитания моего в вере и христианском благочестии, яко научившему мя первее всего водити Тя, своего Господа, в благоговении молиться Тебе, на Тебе единого уповати в бедах, скорбех и болезнях и хранити заповеди Твоя; за благопопечение его о моем духовном преуспевании, за тепле приносимыя им о мне моления пред Тобою и за все дары, им испрошенные мне от Тебе, воздай ему Своею милостию, Своими небесными благами и радостями в вечном царствии Твоем. Ты бо еси Бог милостей и щедрот и человеколюбия, Ты покой и радость верных рабов Твоих, и Тебе славу возсылаем со Отцем и Святым Духом, и ныне и присно и во веки веков. Аминь.

Лишившегося супруги

Христе Иисусе, Господи и Вседержителю! В сокрушении и умилении сердца моего молюся Тебе: упокой, Господи, душу усопшя рабы Твоя, *имя*, в небесном царствии Твоем. Владыко Вседержителю! Ты благоволил еси супружеский союз мужа и жены, егда рекл еси: не добро быти человеку единому, сотворим ему помощника по нему. Ты освя-

тил еси союз сей во образ духовнаго союза Христа с Церковию. Верую, Господи, и исповедую, яко Ты благословил еси сочетати и мене сим святым союзом с единою из рабынь Твоих. Твоей же благой и премудрой воле изволися отъяти у мене сию рабу Твою, юже дал еси мне, яко помощницу и сопутницу жизни моя. Преклоняюся пред сею Твоею волею, и молюся Ти от всего сердца моего, приими моление мое сие о рабе Твоей (*имя*), и прости ей, аще согреши словом, делом, помышлением, ведением и неведением; аще земное возлюби паче небеснаго; аще о одежде и украшении тела своего печеся паче, неже о просвещении одеяния души своя; или аще небреже о чадах своих; аще преогорчи кого словом или делом; аще поропта в сердце своем на ближняго своего или осуди кого или ино что от таковых злых содела. Вся сия прости ей, яко благий и человеколюбивый: яко несть человек, иже жив будет и не согрешит. Не вниди в суд с рабою Твоею, яко созданием Твоим, не осуди ю по грехом ея на вечныя муки, но пощади и помилуй по велицей милости Твоей. Молю и прошу Тя, Господи, сил даруй ми по вся дни жизни моя не преставати молиться о усопшей рабе Твоей, и даже до кончины живота моего просити ей

у Тебе, Судии всего мира, оставления согрешений ея. Да яко же Ты, Боже, положил еси на главу ея венец от камене честна, венчая ю zde на земли; тако увенчай ю вечною Твоею славою в Небесном Царствии Твоем, со всеми святыми, тамо ликующими, да вкупе с ними вечно воспеваает всесвятое имя Твое с Отцем и Святым Духом. Аминь.

Вдовицы за супруга

Христе Иисусе, Господи и Вседержителю! Ты — плачущих утешение, сирых и вдовиц заступление. Ты рекл еси: призови Мя в день скорби твоея, и изму тя. Во дни скорби своя прибегаю к Тебе аз и молюся Ти: не отврати лица Твоего от мене и услыши моление мое, приносимое Тебе со слезами. Ты, Господи Владыко всяческих, благоволил еси сочетати мя со едином из рабов Твоих, во еже быти нам едино тело и един дух; Ты дал еси мне сего раба, яко сожителя и защитника. Твоей же благой и премудрой воле изволися отъяти от мене сего раба Твоего и оставити мя едину. Преклоняюся пред сею Твоею волею и к Тебе прибегаю во дни скорби моя: утоли печаль мою о разлучении с рабом Твоим, другом моим. Аще отъял еси его от мене, не отыми от мене Своя милости. Якоже

некогда приял еси вдовицы две лепты, тако приими и сие моление мое. Помяни, Господи, душу усопшаго раба Твоего (*имя*), прости ему все согрешения его, вольная и невольная, аще словом, аще делом, аще ведением и неведением, не погуби его со беззаконми его и не предаждь вечной мукѣ, но по велицей милости Твоей и по множеству щедрот Твоих ослаби и прости вся согрешения его и вчини его со святыми Твоими, идеже несть болезнь, ни печаль, ни воздыхание, но жизнь безконечная. Молю и прошу Тя, Господи, даруй ми во вся дни жизни моея не преставати молитися о усопшем рабе Твоем, и даже до исхода моего просити у Тебе, Судии всего мира, оставления всех согрешений его и вселения его в небесныя обители, яже еси уготовал любящим Тя. Яко аще бо и согреши, но не отступи от Тебе, и несумненно Отца и Сына и Святаго Духа православно даже до последняго своего издыхания исповеда; тем же веру его, яже в Тя, вместо дел ему вмени: яко несть человек, иже жив будет и не согрешит, Ты един кроме греха, и правда Твоя — правда во веки. Верую, Господи, и исповедую, яко Ты услышиши моление мое и не отвратиши лица Твоего от мене. Видя вдовицу, зельне плачущу, умилосер-

дився, сына ея, на погребение несом, воскресил еси: тако, умилосердився, утиши и скорбь мою. Яко же отверзл еси рабу Твоему Феофилу, отшедшему к Тебе, двери милосердия Твоего и простил еси ему прегрешения его по молитвам святых Церкви Твоея, внемля молитвам и милостыням супруги его: сице и аз молю Тя, прими и мое моление о рабе Твоем и введи его в жизнь вечную. Яко Ты еси упование наше, Ты еси Бог, еже миловати и спасати, и Тебе славу возсылаем со Отцем и Святым Духом, ныне и присно и во веки веков. Аминь.

Молитва за умершего скоропостижно (внезапно)

Господи Иисусе Христе, Владыко живота и смерти, Ты рекл еси в святем Твоем Евангелии: бдите, не весте бо, когда приидет Сын Человеческий, в оньже час не мните, Сын Человеческий приидет. Но мы, земнии и грешнии, предавшеся печалем и слаstem житейским, забвению предаем час смерти своя, и тако призываеми бываем к Тебе, Судие неба и земли, внезапно, в час, в оньже не чаяхом и не мнихом. Тако внезапно призван бысть к Тебе усопший раб Твой, брат наш (имя). Неизследимы и непостижимы пути дивнаго Твоего смотраения на нас, Господи

Спасителю! Смиренно преклоняю главу свою пред сими Твоими путями, Господи Владыко, и молю Тя усердною моею верою, призи с высоты святого жилища Твоего и осени мя Своею Благодатию, да исправится молитва моя сия пред Тобою, яко кадило благовонное. Премилостиве Господи, услыши молитву мою за раба Твоего, по неисповедимым судьбам Твоим внезапно похищенного от нас смертию; пощади и помилуй претрепетную его душу, позванную к нелицеприятному Твоему суду в час, в онъже не чаяше. Да не яростию Твоею обличиши ю, ниже гневом Твоим накажеша ю; но пощади и помилуй ю, ради крестных заслуг Своих и молитв ради Пречистыя Своея Матере и всех святых Твоих, прости ей вся согрешения, вольная и невольная, яже словом, яже делом, яже ведением и неведением. Аще и восхищен бысть раб Твой (*имя*), но обаче в жизни сей верова в Тя и исповеда Тя, Бога и Спаса миру Христа, и на Тя упование имеяше: сию убо веру и сие упование вместо дел вмени. Милосерде Господи! Ты не хочещи смерти грешника, но милостиво приемлещи от него и за него вся, ко обращению и спасению соделываемая, и Сам благоустраиваеши путь его, еже живу быти ему. Молю убо Тя, благоволи та-

кожде воспомянути вся дела милосердия и вся моления, zde на земли творимыя за усопшаго раба Твоего, благоволи прияти и мою молитву о нем купно с молитвами священнослужителей Святыя Церкви Твоея, и отпусти душе его вся согрешения, умироти смятенное сердце его, пощади его от вечныя муки и упокой в месте светле. Яко Твое есть, еже миловати и спасати ны, Христе, Спасе наш, и Тебе Единому подобает неизреченная благодать и вечная слава со Отцем и Святым Духом, ныне и присно и во веки веков. Аминь.

Молитва за всякого усопшего

Помяни, Господи Боже наш, в вере и надежди живота вечнаго преставльшагося раба Твоего, брата нашего (*имя*), и яко Благ и Человеколюбец, отпускай грехи и потребляй неправды, ослаби, остави и прости вся вольная его согрешения и невольная, избави его вечныя муки и огня геенскаго, и даруй ему причастие и наслаждение вечных Твоих благих, уготованных любящим Тя: аще бо и согреши, но не отступи от Тебе, и несумненно во Отца и Сына и Святаго Духа, Бога Тя в Троице славимаго, верова, и Единицу в Троице и Троицу во Единстве, право-

славно даже до последнего своего издыхания исповеда. Темже милостив тому буди, и веру, яже в Тя вместо дел вмени, и со святыми Твоими яко Щедр упокой: несть бо человека, иже поживет и не согрешит. Но Ты Един еси кроме всякого греха, и правда Твоя, правда во веки, и Ты еси Един Бог милостей и щедрот, и человеколюбия, и Тебе славу возсылаем Отцу и Сыну и Святому Духу, ныне и присно, и во веки веков.

**Молитва за младенцев, умерших во утробе
(митрополита Григория Новгородского
и Петербургского)**

Помяни, человеколюбче Господи, души отшедших рабов Твоих, младенцев, кои во утробе православных их матерей умерли нечаянно от неведомых действий, или от трудного рождения, или от некоей неосторожности, окрести их, Господи, в море щедрот Твоих, и спаси неизреченною Твоею благостию.

**Домашняя молитва
матери за детей мертворожденных,
иеромонаха Арсения Афонского**

Господи, помилуй чад моих, умерших во утробе моей! За веру и слезы мои, ради милосердия Твоего, Господи, не лиши их света Твоего божественного!



МОЛИТВЫ ОБ ИЗБАВЛЕНИИ ОТ ИСКУШЕНИЙ

Молитва преп. Симеона Нового Богослова

Не попусти на меня, Владыко Господи, искушение или скорбь или болезнь свыше силы моей, но избавь от них или даруй мне крепость перенести их с благодарением.

Молитва, когда бывают нечистые помыслы и желание грешить или уныние, отчаяние, тоска

Предложение твое, враже, на главу твою, Божия Матерь, помоги мне. (*И читать много раз молитву «Богородице Дево, радуйся...»*)

Молитва, чтмая во время брани плотской, преп. Макария Оптинского

О Мати Господа, моего Творца, Ты корень девства и неувядаемый цвет чистоты. О Богородительнице! Ты ми помози, немощному плотскою страстию и болезненну сущу, еди-

но бо Твое и с Тобою Твоего Сына и Бога имею заступление. Аминь.

Молитва на злые мысли

Помилуй мя, Господи, и не даждь мне погибнуть! Помилуй мя, Господи, яко немощен есмь! Посрами, Господи, борющаго мя беса. Упование мое, осени над главою моею в день брани бесовския! Борющаго мя врага побори, Господи, и обуевающия мя помыслы укроти тишиною Твоею, Слове Божий!

Молитва св. Иоанна Кронштадтского

Господи, Ты Судия земли, Ты не любишь неправду, услыши молитву мою недостойную и пошли силу Твою, и пошли помощь Твою там, где встретят меня враги видимые и невидимые, и чтобы стали столпы на месте том, где их встретит сила Твоя. Аминь.

Молитва к Божией Матери

Нескверная, Неблазная, Нетленная, Пречистая, Невенчанная Богоневесто, Богородице Марие, Госпоже мира и Надеждо моя! Призри на мя, грешнаго, в час сей и Егоже из чистых кровей Твоих неискусомужно родила еси Господа Иисуса Христа, милости-

во мне содейлай матерними Твоими молитвами; Того зревшая осужденна и оружием печали в сердце уязвившаяся, уязви душу мою Божественною любовью! Того в узах и поруганиях горце оплакавшая, слезы сокрушения мне даруй; при вольном Того ведении на смерть душею тяжце поболевшая, болезней мя свободи, да ты славлю достойну славимую во веки. Аминь.



МОЛИТВЫ НА ИЗБАВЛЕНИЕ ОТ ХУЛЬНЫХ ПОМЫСЛОВ

Начало обычное по: Отче наш... Господи, помилуй (12). Приидите, поклонимся... (трижды).

Молитва 1

Боже Превечный! сокровенных Сведетелю! испытай сердца и утробы, сидяй на Херувимех, и видяй бездны, разумевая помышления моя издалеча! Ты веси, яко ненавижду, не хочу, и не соизволяю нечистым, мерзким, хульным помышлениям, безстудне на мя нападающим; и молю Твою благость, запрети духу хульному, да отступит от мене, отжени мысли злыя, да не стужают ми, утиши волнение сердца моего, укроти бурю помыслов моих, посрами врага смущающего совесть мою, да не порадуется враг мой о мне; Тебе бо трепещут и трясутся противнии души, Тебе послушают всяческая, Тебе работ-

на суть вся; Ты повели буре и волнению ума моего, да станет в тишину, да без сумнения и смущения поработаю Тебе, Господу моему, во вся дни живота моего! Аминь.

Молитва 2-я

Господи! зриши ми скорбь, зриши мою беду, зриши и безстудие врага моего, яко люте и тяжце нападает на мя хульными помыслы, оскорбляя душу мою, опечалая сердце мое, помрачая ум мой, и смущая совесть мою, егоже богохульнаго шептания и богомерзкаго во уме моем глаголания толико ненавижду, яко первее умерети хотел бых, неже сия на Тя благаго Бога моего помыслы хульные прияти, и сим соизволити, яже враг мой во уме моем вещает; но за слабость мою, тым противным и богохульным и богомерзким мыслом одолети, и от себе я отгнати не могу без Твоея, Боже мой, помощи: естество бо мое страстно, ум непостоянен, сила моя немощна, супостат же мой крепок, и сила его превосходит моя силы; и аще не бы Ты, Господь крепок и силен был в людех Своих, то кто доволен, цел сохранен быти от врага и человекоубийцы диавола? Тем припадаю Ти, о Всемиловитый и Премилосердый! не хотяй отчаяния моего, Создателю Боже! и

молю всесильную Твою помощь, порази на главу стужающего ми врага, блесни молнию, и раждени обышедшия мя супостаты, возсияй светлую в сердца моем благодати Твоея зарю, да отбежит от мене темный облак хульных, находящихся на мя мыслей, да в свете помощи Твоея узрю Тебе Христа моего, просвещающего всякого человека, да в свете лица Твоего пойду, и о имени Твоем возрадуюся во веки! Аминь.

Молитва 3-я, на беса хульнаго

Да обратится болезнь твоя на главу твою, и на верх твой хула твоя да снидет, лукавый бесе и нечистый; аз бо Господу Богу моему кланяюсь, и Того никогдаже похую. Како бо ми возможно Сему досадити, или Его похулити, Егоже по вся дни и нощи и часы славословлю, и покланяюсь от всея души моя и крепости и мысли моя? Но убо славословие мое есть, хула же твоя есть; ты узриши, о нихже нань клеветещи, и яко отступник на Бога глаголеши.

Молитва 4-я, запрещение диаволу

Запрещает ти, вселукавый душе, диаволе, Господь, пришедый в мир Пречистою и

Святою Девою воистинну Богородицею на спасение миру нас деля* грешных. Проклят еси ты и вся неприязненная твоя помышления, яже в нощи и во дни. Заклинаю тя именем Единосущныя и Неразделимыя Троицы, Отца и Сына и Святаго Духа, отступи от мене раба Божия (имя), не влагай в сердце мое помыслов неприязненных, но отыди в места пуста и безводная, идеже не присещает Господь. Заклинаю тя, нечистый и богохульный душе, именем Господа нашего Иисуса Христа, не блазнити, не смущати мя хульными помыслы, внегда сотворити ми молитвы моя к Господу Богу моему, но да будут вся твоя хульная помышления на твою главу в День Судный; аз бо Господу Богу моему служу, и Тому единому возсылаю молитву во дни и нощи, тебе упражняюще, мене же милующу, и укрепляюще, и оставляюще ми за многую Его благодать и милость вся прегрешения. Иди за мною, сатано, и проклят буди ты, и вся неприязненная твоя и противная сила, яко благословися и прославися пречестное имя Отца и Сына и Святаго Духа, ныне и присно, и во веки веков. Аминь.

* Ради.

Молитва 5-я, к Пресвятой Богородице

Пресвятая Владычице моя Богородице, святыми Твоими и всесильными мольбами отжени от мене смиренного и окаянного раба Твоего уныние, забвение, неразумие, нерадение, и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и предприятий, и от всех действий злых свободи мя. Яко благословена еси от всех родов, и славится пречестное имя Твое во веки веков. Аминь.

Молитва 6-я, к Богу

В руце Твоего превеликаго милосердия, о Боже мой! вручаю душу и тело мое, чувства и глаголы моя, советы и помышления моя, дела моя, и вся души и тела моего употребления, вход и исход мой, веру и жительство мое, течение и кончину живота моего, день же и час издыхания моего, преставление мое и упокоение, и воскресение души и тела моего, со всеми святыми избранными Твоими. Ты же преблагий и человеколюбивый Боже! приими мя в руце защищения Тво-

его, и избави мя от всякаго зла, прости множество грехов моих, очисти оскверненную ми душу и тело, и сохрани мя в крове милости Твоея во вся дни живота моего, яко да Твоею благодатию укрепляемый избавлюся от ловящих мя сетей вражиих, и Твоею благостынею в чувство приведен, и на путь истиннаго покаяния наставлен, сподоблюся христианския кончины, животу моему безстрастная, непостыдная, мирная, и немятежнаго от воздушных духов прешествия, и добраго ответа на страшном Твоем суде, и да сподоблен буду зрения неизреченныя Ти славы, и слышания пресладкаго Твоего, благословеннаго Ти гласа, и у Тебе Бога моего да получу жизнь и спасение, аминь.

Псалом Давиду, 27

К Тебе, Господи, воззову, Боже мой, да не премолчиши от мене, да не когда премолчиши от мене, и уподоблюся низходящим в ров. Услыши, Господи, глас моления моего, внегда молити ми ся к Тебе, внегда воздети ми руце мои к храму святому Твоему. Не привлецы мене со грешники и с делающими неправду не погуби мене, глаголющими мир с ближними своими, злая же в сердцах своих. Дажь им, Господи, по делом их, и по лукав-

ству начинаний их: по делом руку их даждь им: воздаждь воздаяние их им. Яко не разума в дела Господня и в дела руку Его: разориши я, и не созиждеша я. Благословен Господь, яко услыша глас моления моего. Господь Помощник мой, и Защититель мой: на Него упова сердце мое, и поможет ми, и процветет плоть моя, и волею моею исповемся Ему. Господь утверждение людей Своих, и Защититель спасений христа Своего есть. Спаси люди Твоя и благослови достояние Твое, и упаси я, и возьми я до века.

Таже: Честнейшую Херувим... Слава, и ныне. Господи помилуй (трижды). Господи, благослови. И отпуст. Аще мощно, сотвори и поклонов по силе, и избавишься от хульных мыслей Богу помогающе.

КРАТЧАЙШИЙ ОБРАЗ ИЗБАВЛЕНИЯ ОТ ХУЛЬНЫХ МЫСЛЕЙ

Аще придет хульный помысл на Бога, читай: Верую во единого Бога... до конца: и будет ли мощно, сотвори метаний, или поклонов что-либо по силе.

Аще придет хульный помысл на Пречистая Тайны Христовы, читай: Верую, Гос-

поди, и исповедую, яко Ты еси воистинну Христос... *до конца и сотвори поклонение.*

Аще приидет хульный помысл на Пречистую Богородицу, читай каковую-либо молитву к Пречистой Богородице; или: Под Твое благоутробие... или: Богородице Дево, радуйся... или какой-либо тропарь Богородицы, с поклонами, глаголя: Пресвятая Богородице, спаси мя грешнаго!

Аще кий приидет хульный помысл на коего святаго, читай сие: Моли Бога о мне грешном, святой (имя), яко аз по Бозе к тебе прибегаю, скорому помощнику и молитвеннику о душах наших. И сотвори поклонов по силе, глаголя: Святой (имя), моли Бога о мне грешном.

Аще приидет хульный помысл на какую икону, сотвори пред тою иконою поклонов 15, или колико можеш, молящися тому, иже на той иконе изображен, и тако хульные мысли ни во чтоже вмениши Божиею помощию. Аминь.



МОЛИТВЫ НА ОТГНАНИЕ ЗЛЫХ ДУХОВ И О СОХРАНЕНИИ ОТ ДИАВОЛА

Три молитвы, приносимые с началом дня
Молитва 1-я

Тебе, Богу и Творцу моему, в Троице Святей славимому Отцу, и Сыну, и Святому Духу, поклоняюсь и вручаю душу и тело мое, и молюся: Ты мя благослови, Ты мя помилуй, и от всякаго мирскаго, дьявольскаго и телеснаго зла избави. И даждь в мире без греха прейти день сей, в славу Твою, и во спасение души моя. Аминь.

Молитва 2-я

В руце Твоего превеликаго милосердия, о Боже мой, вручаю душу и тело мое, чувства и глаголы моя, советы и помышления моя, дела моя и вся тела и души моя движения. Вход и исход мой, веру и жительство мое, течение и кончину живота моего,

день и час издыхания моего, преставление мое, упокоение души и тела моего. Ты же, о Премилосерде Боже, всего мира грехами непреодолеваемая Благосте и Незлобие, Господи, мене, паче всех человеков грешнейшаго, прими в руце защищения Твоего и избави от всякаго зла, очисти многое множество беззаконий моих, подаждь исправление злому и окаянному моему житию и от грядущих грехопадений лютых всегда восхищай мя, да ни в чемже когда прогневаю Твое человеколюбие, имже покрывай немощь мою от бесов, страстей и злых человеков. Врагом видимым и невидимым запрети, руководствуя мя спасенным путем, доведи к Тебе, пристанищу моему и желаний моих краю. Даруй ми кончину христианску, непостыдну, мирну, от воздушных духов злобы соблюди, на Страшном Твоем Суде милостив рабу Твоему буди и причти мя одесную благословенным Твоим овцам, да с ними Тебе, Творца моего, славлю во веки. Аминь.

Молитва 3-я

Слава Тебе, Царю, Боже Вседержителю, Иже Божественным Твоим и человеколюбным промыслом, сподобил мя еси, грешнаго и недостойнаго, от сна встати и получитьи

вход святого дому Твоего: прими, Господи, и глас моления моего, якоже святых и умных Твоих сил, и благоволи сердцем чистым, и духом смиренным приноситься Тебе хвалу от скверных устен моих, яко да и аз общник буду мудрым девам, со светлою свещею души моя, и славлю Тя во Отце и Дусе славимаго Бога Слова. Аминь.

Молитва преп. Нектария Оптинского

Господи Иисусе Христе, Сыне Божий, грядый судити живых и мертвых, помилуй нас, грешных, прости грехопадения всей нашей жизни, и имиже веси судьбами сокрый нас от лица антихриста в сокровенной пустыне спасения Твоего.



МОЛИТВЫ НА ВСЯКУЮ ПОТРЕБУ

Молитва о даровании молитвы

Научи мя, Господи, усердно молиться Тебе со вниманием и любовью, без которых молитва не бывает услышана! Да не будет у меня небрежной молитвы во грех мне!

Молитва в день рождения

Господи Боже, Владыко всего мира видимого и невидимого, от Твоей святой воли зависят все дни и лета моей жизни. Благодарю Тебя, премилосердный Отче, что Ты дозволил мне прожить еще один год; знаю, что по грехам моим я недостоин этой милости, но Ты оказываешь мне ее по неизреченному человеколюбию Твоему. Продли и еще милости Твои мне, грешному; продолжи жизнь мою в добродетели, спокойствии, в здоровье, в мире со всеми сродниками и согласии со всеми ближними. Подай мне изобилие плодов земных и все, что к удовлетворению нуж-

дам моим потребно. Больше всего очисти совесть мою, укрепи меня на пути спасения, чтобы я, следуя по нему, после многолетней в мире сем жизни, перейдя в жизнь вечную, удостоился быть наследником Царства Твоего Небесного. Сам, Господи, благослови начинаемый мною год и все дни жизни моей. Аминь.

Молитва в день Нового Года

Господи Боже, всех видимых и невидимых тварей Творец и Зиждитель, сотворивший времена и лета, Сам благослови начинающийся сего дня Новый Год, который мы считаем от воплощения Твоего для нашего спасения. Дозволь нам провести сей год и многие по нем в мире и согласии с ближними нашими; укрепи и распространи Святую Вселенскую Церковь, которую Ты Сам основал в Иерусалиме, и спасительною жертвою святого Тела и пречистой Крови освятил. Отечество наше возвыси, сохрани и прославь; долгоденствие, здоровье, изобилие плодов земных и благорастворение воздуха дай нам; меня, грешного раба Твоего, всех родственников и ближних моих и всех благоверных христиан, как истинный наш верховный Пастырь, упаси, огради и на пути спасения ут-

верди, чтобы мы, следуя по нему после долговременной и благополучной жизни в мире сем, достигнули Царства Твоего Небесного и удостоились вечного блаженства со святыми Твоими. Аминь.

**Молитва ко Пресвятой Богородице
за духовного отца**

О Пресвятая Владычице моя, Дево Богородице, Царице Небесе и земли, вонми вопиющей души моей и приими грешную мольбу мою, Пречистая Матерь Божия, за отца моего духовного, скорбящего раба Твоего (*имя*).

Буди ему всегда спутницей, и на всякое время сопровождай и ограждай его святыми Ангелами. Укрепляй его бодрствующаго, оберегай его спящаго, утешай его плачущаго, ободряй его унывающаго, избавляй от скорбей, освобождай от клеветы, воздвизай немощнаго, побеждай воюющих против него бесов и в смертной опасности помогай ему. Ежедневно являй его страшным для видимых и невидимых врагов, чтобы они знали, что он Твой раб, Богоматерь, родившая Бога и Царя, Которому подобает честь и поклонение во веки веков.

Матерь Божия, умягчи сердца злых человек, возстающих на него.

Ты видишь труды и скорби отца моего, его скорби Тебе единой известны. Ты ведаешь все тайны души его, воззри милостиво на него с небеси, облегчи его страдания, покрый его покровом Своим, посети его Своею небесною милостию, последи благословение на дела его и дай ему невидимую помощь. И святыми его молитвами дай мне смирение, самоукорение, терпение, кротость, целомудрие, молчание и покрый меня от всех напастей и врагов видимых и невидимых.

**Молитва перед выходом из дома,
свт. Иоанна Златоуста**

Отрицаюсь тебе, сатана, гордыни твоей и служению тебе, и сочетаюсь Тебе, Христе, во имя Отца и Сына и Святаго Духа. Аминь.

И ограждай себя крестным знамением.

Молитва идущего в церковь

Возвеселихся о рёкших мне: в дом Господень пойдём. Аз же множеством милости Твоея, Господи, вниду в дом Твой, поклонюся ко храму святому Твоему в стра́се Твоем. Господи, настави мя правдою Твоею, враг моих ради исправи пред Тобою путь мой; да без преткновения прославлю Едино Божество,

Отца и Сына и Святаго Духа, ныне и присно и во веки веков. Аминь.

**Молитва перед исповедью,
преп. Симеона Нового Богослова**

Боже и Господи всех! Всякаго дыхания и души имый власть, Един исцелити мя могый, услыши моление мя, окаяннаго, и гнездящагося во мне змия наитием Всесвятаго и Животворящаго Духа умертвив потреби: и мене нища и нага всякия добродетели суща, к ногам святаго моего отца (духовнаго) со слезами припасти сподоби, и святую его душу к милосердию, еже миловати мя, привлещи. И даждь, Господи, в сердце моем смирение и помыслы благи, подобающия грешнику, согласившемуся Тебе каятися, и да не вконец оставиши душу едину, сочетавшуюся Тебе и исповедавшую Тя, и вместо всего мира избравшую и предпочетшую Тя: веси бо, Господи, яко хочу спастися, аще и лукавый мой обычай препятствием бывает: но возможна Тебе, Владыко, суть вся, елика невозможно суть от человека. Аминь.

После исповедания грехов

Как слабому и вовсе безсильному самому по себе на дела благия, смиренно со слеза-

ми молю Тебя, Господи, Спасителю мой, помози мне утвердиться в моем намерении: жить прочее время жизни для Тебя, возлюбленного Бога моего, богоугодно, а прошедшие согрешения моя прости милосердием Своим и разреши от всех моих, сказанных пред Тобою, грехов, яко благий Человеколюбец. Также смиренно молю Тебя, Пресвятая Богородице, и вас, небесные силы и все угодники Божии, помогите мне исправить свою жизнь.

**Молитва о прощении забытых грехов,
св. Варсануфия Великого** 

Владыко Господи, поскольку и забыть свои прегрешения есть грех, то я во всем согрешил Тебе, Единому Сердцеведу; Ты и прости мне все по Твоему человеколюбию; тем-то и проявляется великолепие славы Твоей, когда Ты не воздаешь грешникам по делам их, ибо Ты препрославлен во веки. Аминь.

**Молитва благодарственная, приносимая
после Божественной Литургии**

Благодарю Тя, пренебесный Царю, и всем телом и душою молю, хвалю, славлю, почитаю и превозношу Тя, яко сподобил еси мене, грешного, в день сей в Божественном сем

Храме Божественную Твою и благоприятную, безкровную и словесную, Твоими священнослужителями о наших согрешениях Тебе принесенную и жертву видети жертву, в воспоминание пречистых Страстей, преславного Воскресения, на небеса Восшествия и страшного паки Пришествия Господа нашего Иисуса Христа ихже ради молю Тя: вся моя согрешения омый, очисти и прости, и даждь ми во вся дни живота моего поминати Твоя благодеяния и в чистой совести благодарения и мольбы Тебе приносить, Безначальному Отцу со Единородным Твоим Сыном и Всесвятым Благим и Животворящим Твоим Духом, ныне и присно, и во веки веков. Аминь.

**Молитва на принятие просфоры
и св. воды**

Господи Боже мой, да будет дар Твой святой и святая Твоя вода во оставление грехов моих, в просвещение ума моего, в укрепление душевных и телесных сил моих, во здравие души и тела моего, в покорение страстей и немощей моих по безпредельному милосердию Твоему молитвами Пречистыя Твоя Матери и всех святых Твоих. Аминь.

Молитва перед принятием пищи

Отче наш... (с. 5) или:

Очи всех на Тя, Господи, уповают, и Ты даёши им пищу во благовремени, отверзаёши Ты щедрую руку Твою и исполняешь всякое животное благоволения.

Молитва на благословение пищи и пития

Господи Иисусе Христе, Боже наш, благослови нам пищу и питие молитвами Пречистой Твоея Матери и всех святых Твоих, яко благословен еси во веки. Аминь.

И перекрести пищу и питие.

Молитва после вкушения пищи

Благодарим Тя, Христе Боже наш, яко насытил еси нас земных Твоих благ; не лиши нас и Небеснаго Твоего Царствия, но яко просредё учеников Твоих пришел еси, Спасе, мир дай им, прииди к нам и спаси нас.

**Молитва Пророку Божию Илии
о защищении от голода**

Во плоти Ангел, пророков основание, второй предтече пришествия Христова Илиё славный, от Ангела пищу приемый и Сарептскую вдовицу во время глада препитавый,

сам и нам, почитающим тя, благодатный питатель буди. Аминь.

Молитва на освящение всякой вещи

Создателю и Содетелю человеческого рода, Дáтелю благодати духовныя, Подателю вечнаго спасения, Сам, Господи, послѣ Духа Твоего Святаго с вышним благословением на вещь сию, яко да вооружена силою небеснаго заступления хотящим ю употреблять, помóщна будет к телесному спасению и заступлению и помощи, о Христе Иисусе Господе нашем. Аминь.

И кропят вещь святой водой трижды.

Молитва свт. Иоанна Златоуста перед чтением и слушанием слова Божия

Господи, Иисусе Христе, отверзи мои очи сердечныя услышати слово Твое и разумети и творити волю Твою, яко пришлец есмь на земли: не скрый от мене заповедей Твоих, но открой очи мои, да разумею чудеса от закона Твоего: скажи ми безвестная и тайная премудрости Твоея. На Тя уповаю, Боже мой, да ми просветиши ум и смысл светом разума Твоего, не токмо честі написанная, но творити я, да не в грех себе святых жития и словеса прочитаем, но в обновление,

и просвещение, и в святыню, и в спасение души, и в наследие жизни вечной. Яко Ты еси просвещающа лежущих во тьме, и от Тебе есть всякое даяние благо, и всяк дар совершен всегда, ныне и присно, и во веки веков. Аминь.

Молитва водителя

Боже, Всеблагий и Всемилостивый, всех охраняяй Своею милостию и человеколюбием, смиренно молю Тя, предстательством Богородицы и всех святых, сохрани от внезапной смерти и всякой напасти мене, грешного, и вверенных мне человек и помози невредимых доставлять каждого по его потребе.

Боже милостивый! Избави мене от злого духа лихачества, нечистой силы пьянства, вызывающих несчастья и внезапную смерть без покаяния.

Спаси мене, Господи, с чистой совестью до глубокой старости без бремена убитых и искалеченных по моему нерадению людей, и да прославится имя Твое святое, ныне и присно, и во веки веков. Аминь.

Вопль к Богоматери

О чем молить Тебя, чего просить у Тебя? Ты ведь все видишь, знаешь Сама, посмотри

мне в душу и дай ей то, что ей нужно. Ты, все претерпевшая, все преmogшая, — все поймешь. Ты, повившая Младенца в яслях и принявшая Его Своими руками со Креста, Ты одна знаешь всю высоту радости, весь гнет горя. Ты, получившая в усыновление весь род человеческий, взгляни и на меня с материнской заботой. Из тенет греха приведи меня к Своему Сыну. Я вижу слезу, оросившую Твой лик. Это надо мной Ты пролила ее и пусть смоеет она следы моих прегрешений. Вот я пришел, я стою, я жду Твоего отклика, о Богоматерь, о Всепетая, о Владычице! Ничего не прошу, только стою пред Тобой. Только сердце мое, бедное человеческое сердце, изнемогшее в тоске по правде, бросаю к Пречистым ногам Твоим, Владычица! Дай всем, кто зовет Тебя, достигнуть Тобою вечного дня и лицом к лицу поклониться Тебе.

Молитва оптинских старцев

Господи, дай мне с душевным спокойствием встретить все, что принесет мне наступающий день. Дай мне всецело предаться воле Твоей святой. На всякий час сего дня во всем наставь и поддержи меня. Какие бы я ни получал известия в течение дня, научи ме-

ня принять их со спокойной душой и твердым убеждением, что на все святая воля Твоя.

Во всех словах и делах моих руководи моими мыслями и чувствами. Во всех непредвиденных случаях не дай мне забыть, что все ниспослано Тобой.

Научи меня прямо и разумно действовать с каждым членом семьи моей, никого не смущая и не огорчая.

Господи, дай мне силу перенести утомление наступающего дня и все события в течение дня. Руководи моею волею и научи меня каяться, молиться, верить, надеяться, терпеть, прощать, благодарить и любить всех. Аминь.

**Молитва утренняя,
св. Иоанна Кронштадтского**

Боже, Творче и Владыко мира, призри милостью на создание Твое, украшенное Твоим божественным образом в сии утренние часы, да живит, да просветит Твое око, тьмами тем крат светлейшее лучей солнечных, мою душу темную и умерщвленную грехом. Отыми от меня уныние и леность, даруй же мне веселие и бодрость душевную, да в радовании сердца моего славлю Твою благодать,

святость, Твое безпредельное величие, безконечные Твои совершенства на всякий час и на всяком месте. Ты бо еси Творец мой и Владыко живота моего, Господи, и Тебе подобает слава от разумных созданий Твоих на всякий час, ныне и присно и во веки веков. Аминь.

Молитва свт. Димитрия Ростовского

Спаси мя, Спасе мой, по Твоей благодати, а не по моим делом! Ты хочеши мя спасти, Ты веси, коим образом мя спасти: спаси убо мене, яко хочеши, яко можеши, яко веси: имиже веси судьбами спаси мя! Аз на Тя, Господа моего, надеюся, и Твоей воле Святой себе вручаю: твори со мною еже хочеши! Аще хочеши мя имети во свете: буди благословен. Аще мя хочеши имети во тьме: буди паки благословен. Аще отверзеши ми двери милосердия Твоего: добро убо и благо. Аще затвориши ми двери милосердия Твоего: благословен еси, затворивый ми в правду. Аще не погубиши мя со беззакониями моими, слава безмерному милосердию Твоему. Аще погубиши мя со беззаконии моими, слава праведному суду Твоему: якоже хочеши, устрой о мне вещь!

**Ежедневная молитва
свт. Филарета Московского**

Господи, не знаю чего мне просить у Тебя. Ты один ведаешь, что мне потребно. Ты любишь меня паче, нежели я умею любить Тебя. Отче, даждь рабу Твоему, чего сам я просить не умею. Не дерзаю просить ни креста, ни утешения: только предстою пред Тобою. Сердце мое Тебе отверсто; Ты зришь нужды, которых я не знаю. Зри и сотвори по милости Твоей. Порази и исцели, низложи и подыми меня. Благоговею и безмолвствую пред Твоею святою волею и непостижимыми для меня Твоими судьбами. Приношу себе в жертву Тебе. Нету у меня другого желания, кроме желания исполнять волю Твою; научи меня молиться; Сам во мне молись! Аминь.

**Моление ко святому
Великомученику и Целителю Пантелеимону,
преосвященного Иереи (Отшельника)**

Святой великомучениче и целебниче Пантелеимоне! Моли Бога о нас и не допусти долее оставаться в нас тем болезням, коими болим душею и телом! Исцели те язвы и струпы, кои причинены нам страстями нашими.

Болим мы леностию и расслаблением — исцели ны. Болим влечением и пристрастием к земным предметам — исцели ны. Болим, о святой Пантелеимоне! Болим забывчивостию: о деле спасения, о наших грехах и немощах, о наших обязанностях — исцели ны. Болим злопомнением, гневливостию, ненавистничеством — исцели, о целебнике Свято-Афонский и всемирный. Болим завистью, гордостью, надменностью, превозношением, при всей скудости и непотребстве — исцели ны. Болим многими и разными припадками плотоугодия: чревоизлишеством, невоздержностию, многоядением, сластолюбием — исцели ны. Болим сонливостию, многословием, празднословием, осудливостию — исцели ны, о святой Пантелеимоне! Болят наши очи греховными воззрениями, болят наши уши слушанием пустословия, злоречия, наветов — исцели ны. Болят руки нерасположением к молитвенному воздеянию и к подаванию милостыни — исцели ны. Болят наши ноги нежеланием поспешно идти в храм Господень и стремлением к хождениям по стогнам и к посещениям домов мирских — исцели ны. Болит, зело болит язык наш, уста наши: пустословием, празднословием, злоречием, отвращаясь от молитвословий и сла-

вословий, или произнося их небрежно, рассеянно, без внимания, без понятия — исцели ны, о милостиве! От главы до ног болим мы: болит в нас разум непонятливостию, неразумностию и безумием; болит в нас воля, отвращаясь от святых занятий и стремясь к делам вредным и богопротивным; болит в нас память, забывая наши прегрешения и держа в себе неутратно согрешения и оскорбления ближних наших; болит в нас воображение, не умея и не желая живо представить нам нашу смерть, вечную муку грешных, блага Царствия Небесного, Божий гнев, крестные страдания Христовы, Его распятие — исцели ны, о святой Пантелеимоне!

Все в нас болит. Нemoщствует и душа наша вся со всеми ее силами и способностями. Нemoщствует и тело наше все со всеми его членами. Исцели ны, о святой Пантелеимоне, Целебниче безмездный и любвеобильный Врачеватель, слуга Пресвятыя Богородицы, и не оставь наше окаянство в толицах недугах и в толицей немощи: да исцелясь твоею благодатию, прославлю Пресвятую Троицу, Отца и Сына и Святаго Духа и Пресвятую Богородицу, тебе на служение болящим посылающую, и возблагодарю твою,

о святой Пантелеимоне, цельбоносную святину во веки. Аминь.

✓ Молитвенное воздыхание ко Господу,
иеросхимонаха Парфения (Киевского)

1. Когда я, удрученный болезнью, восчувствую приближение кончины земного бытия моего: **Господи, помилуй меня.**

2. Когда бедное сердце мое при последних ударах своих будет изнывать и томиться смертными муками: **Господи, помилуй меня.**

3. Когда очи мои в последний раз орошатся слезами при мысли, что в течение моей жизни оскорблял я Тебя, Боже, грехами моими: **Господи, помилуй меня.**

4. Когда частое биение сердца станет ускорять исход души моей: **Господи, помилуй меня.**

5. Когда смертная бледность лица моего и холодеющее тело мое поразит страхом близких моих: **Господи, помилуй меня.**

6. Когда зрение мое помрачится и пресечется голос, окаменеет язык мой: **Господи, помилуй меня.**

7. Когда страшные призраки и видения станут доводить меня до отчаяния в Твоем милосердии: **Господи, помилуй меня.**

8. Когда душа моя, пораженная воспоминаниями моих преступлений и страхом суда Твоего изнеможет в борьбе со врагами моего спасения, силящимися увлечь меня в область мрака мучений: **Господи, помилуй меня.**

9. Когда смертный пот оросит меня, и душа с болезненными страданиями будет отдаляться от тела: **Господи, помилуй меня.**

10. Когда смертный мрак закроет от мутного взора моего все предметы мира сего: **Господи, помилуй меня.**

11. Когда в теле моем прекратится все ощущение, оцепенеют жилы и окаменеют мышцы мои: **Господи, помилуй меня.**

12. Когда до слуха моего не будут уже доходить людские речи и звуки земные: **Господи, помилуй меня.**

13. Когда душа предстанет лицу Твоему, Боже, в ожидании Твоего назначения: **Господи, помилуй меня.**

14. Когда стану внимать праведному приговору суда Твоего, определяющего вечную участь мою: **Господи, помилуй меня.**

15. Когда тело, оставленное душою, сделается добычею червей и тления и, наконец, весь состав мой превратится в горсть праха: **Господи, помилуй меня.**

16. Когда трубный глас возбудит всех при втором Твоем пришествии и раскроется книга деяний моих, **Господи Иисусе Христе, Сыне Божий, помилуй мя грешного раба Твоего (имя).** В руце Твои, Господи, предаю дух мой. Аминь.

Молитва человека, страдающего рассеянием, невниманием, нерадением на молитве

Рассеянный ум мой собери, Господи, и оледеневшее сердце очисти, яко Петру дая мне покаяние, яко мытарю воздыхание, и яко блуднице слезы, да велием гласом зову Ти, Боже, спаси мя, яко един благоутробен и Человеколюбец.

Молитва оптинских старцев о даровании молитвы Иисусовой

Господи Иисусе Христе, Сыне Божий, имени Твоему покланяются Ангели и человецы, Твоего имени трепещут адские силы, Твое имя верное оружие на прогнание супостата, Твое имя пополяет грехи и страсти, Твое имя подает силу в подвигах, собирает воедино рассеянный ум и, во исполнении заповедей Твоих, обогащает добродетелями, Твое имя творит чудеса, и соединяет нас с Тобою, дарует мир и радость о Духе Святом, а в жиз-

ни будущей Царство Небесное. Сего ради я, недостойный раб Твой, молюся Тебе: прожени от нас неведение духовное, просвети познанием Божественной истины и научи нас незаблудно, во смирении, внимательно, с чувством покаянного сокрушения, устами, умом и сердцем творить непрестанно молитву сию: Господи Иисусе Христе, Сыне Божий, помилуй мя, грешнаго. Ты бо рекл еси, Господи, пречистыми устами Твоими: Аще что просите во имя Мое, то сотворю. Се молитвами Пречистыя Матери Твоея, святителя Иоасафа Белградскаго, святителя Николая Мирликийскаго, преподобнаго Серафима Саровскаго и всех преподобных отец наших о имени Твоем прошу молитвы пресвятаго и всемогущаго имени Твоего. Услыши мя, обещаый услышать всех призывающих Тя во истине. Твое бо есть еже миловати и спасати и даровати молящемуся во славу Твою со Отцем и Святым Духом. Аминь.

Молитва по соглашению

Господи Иисусе Христе, Сыне Божий, Ты бо рекл еси пречистыми усты Твоими: Аминь глаголю вам, яко аще два от вас совещаются на земли от всяцей вещи, еяже аще проси-

та, будет има от Отца Моего, Иже на небесех: идеже бо еста два или трие собрани во имя Мое, ту есмь посреде их. Непреложны словеса Твоя, Господи, милосердие Твое безприкладно и человеколюбию Твоему несть конца. Сего ради молим Тя: даруй нам, рабам Твоим (*имена*), согласившимся просить Тя (*просьба*), исполнения нашего прошения. Но обаче не якоже мы хотим, но якоже Ты. Да будет во веки воля Твоя. Аминь.

Молитва о даровании терпения

О, Дивный Создателю, Человеколюбивый Владыко, многомилостивый Господи! С сердцем сокрушенным и смиренным сице молю Тя: не возгнушайся грешнаго моления моего, не отрини слез моих и воздыхания, услыши мене, якоже Хананею, не презри мене, якоже блудницу, яви и на мне, грешнем, великую милость человеколюбия Твоего, ризою Твоею честною защити, помилуй и подкрепи мя, да вся посылаемая от Тебе беды и напасти со благодарением в надежде вечных благ претерплю: изряднее же печаль мою на радость претвори, да не в отчаяние впаду и погибну аз, окаянный. Ты бо еси источник милости и непостыдная спасения нашего надежда, Христе Боже наш и Тебе славу воз-

сылаем со Безначальным Твоим Отцем и с Пресвятым и Благим и Животворящим Твоим Духом, ныне и присно и во веки веков. Аминь.

О даровании разумения

Молитва 1-я

Господи, я человек грешный и не разумею, как должно, но Ты, Милостивый, вразуми меня как нужно поступить.

Молитва 2-я,

свт. Иоанна Златоуста

Дай, Господи, сейчас моему недостойнству также благодать разумения, чтобы распознавать приятное для Тебя, а для меня полезное, и не только распознавать, но и совершать, чтобы не увлекаться и не прилепляться к пустому, чтобы сострадать страдающим и снисходить к грешником.

Призывание помощи Божией во всяком добром деле

Царю Небесный... (стр. 4) или:

Тропарь, глас 2-й

Творче и Создателю всяческих, Боже, дел рук наших, к славе Твоей начинаемая,

Твоим благословением спешно исправи, и нас от всякаго зла избави, яко един всесилен и Человеколюбец.

Кондак, глас 6-й

Скорый в заступление и крепкий в помощь, предстани благодатию силы Твоея ныне, и благословив укрепи, и в совершение намерения благаго дела рабов Твоих произведи: вся бо елика хочещи, яко Сильный Бог, творити можеши.

Молитва пред началом дела

Господи Иисусе Христе, Сыне Единородный Безначальнаго Отца! Ты рекл еси пречистыми Твоими усты: яко без Мене не можете творити ничесоже. Господи мой, Господи, верою объем в души моей и сердце Тобою реченная, припадаю Твоей благости: помози ми, грешному, сие дело, мною начинаемо, о Тебе Самем совершити, во имя Отца и Сына и Святаго Духа. Аминь.

Молитва по окончании дела

Исполнение всех благих Ты еси, Христе мой, исполни радости и веселия душу мою

и спаси мя, яко един многомилостив, Господи, слава Тебе!

Достойно есть... (стр. 23)

Благодарение за всякое благодеяние Божие
Тропарь, глас 4-й

Благодарни суще недостойнии раби Твои, Господи, о Твоих великих благодеяниях на нас бывших, славяще Тя хвалим, благословим, благодарим, поем и величаем Твое благоутробие, и рабски любовию вопием Ти: Благодетелю Спасе наш, слава Тебе.

Кондак, глас 3-й

Твоих благодеяний и даров туне, яко раби непотребнии, сподобльшися, Владыко, к Тебе усердно притекающе, благодарение по силе приносим, и Тебе яко Благодетеля и Творца славяще, вопием: слава Тебе, Боже Всещедрый.

Слава и ныне: *Богородичен*

Богородице, христианом Помощнице, Твое предстательство стяжавше раби Твои, благодарно Тебе вопием: радуйся, Пречистая Богородице Дево, и от всех нас бед Твоими молитвами всегда избави, Едина вскоре предстательствующая.

**О умножении любви
и искоренении ненависти и всякой злобы**
Тропарь, глас 4-й

Союзом любви апостолы Твоя связавый,
Христе, и нас Твоих верных рабов к Себе тем
крепко связав, творити заповеди Твоя и друг
друга любить нелицемерно сотвори, молит-
вами Богородицы, Едине Человеколюбче.

Кондак, глас 5-й

Пламенем любви распали к Тебе сердца на-
ша, Христе Боже, да тою разжигаеми, серд-
цем, мыслию же и душою, и всею крепостию
нашею возлюбим Тя, и искренняго своего яко
себе, и повеления Твоя храняще славим Тя,
всех благ Дателя.

**Молитва о примирении
враждующих**

Благодарим Тя, Владыко Человеколюбче,
Царя веков и Подателя благих, разрушивша-
го вражды средостѣние и мир подавшаго ро-
ду человеческому, даруй и ныне мир рабом
Твоим, вкорени в них страх Твой и друг ко
другу любовь утверди: угаси всяку рáспрю,
отъими вся разгласия соблазны. Яко Ты еси
мир наш и Тебе славу возсылаем, Отцу и Сы-

ну и Святому Духу, ныне и присно и во веки веков. Аминь.

О ненавидящих и обидящих нас
Тропарь, глас 4-й

О распенших Тя моливыйся, любодушне Господи, и рабом Твоим о вразех молитися повелевый, ненавидящих и обидящих нас прости, и от всякаго зла и лукавства к братолюбному и добродетельному настави жительству, смиренно мольбу Тебе приносим; да в согласном единомыслии славим Тя, Единого Человеколюбца.

Кондак, глас 5-й

Якоже первомученик Твой Стефан о убивающих его моляше Тя, Господи, и мы припадающе молим, ненавидящих всех и обидящих нас прости, во еже ни единому от них нас ради погибнути, но всем спастися благодатию Твоею, Боже всещедрый.

**Молитва за неверующих,
гонителей и презрителей веры**

Господи, обрати к Тебе сердца врагов наших и если уже невозможно ожесточенным обратиться, то положи преграду зла их и защити от них избранных Твоих.

Молитвы о ближних
святого Иоанна Кронштадтского
О гордом и строптивом

Господи, научи раба Твоего, в диавольскую гордость впавшаго, кротости и смирению, и отжени от сердца его мрак и бремя сатанинской гордыни!



О злобном

Господи, блага сотвори раба Твоего сего благодатию Твоей.

О сребролюбивом и жадном

Сокровище наше нетленное и богатство неистощимое: даруй рабу Твоему сему, сотворенному по образу и подобию Твоему, познать лесь богатства, и яко вся земная — суета, сень и соние. Яко трава дни всякаго человека, или яко паучина, и яко Ты еси един богатство, покой и радость наша.

О завистливом

Господи, просвети ум и сердце раба Твоего сего к познанию великих, безчисленных неизследимых даров Твоих, ихже прият от неисчетных щедрот Твоих, в ослеплении бо страсти своя забы Тебя и дары Твои бога-

тые, и нища себя быти вмени, богат сый благами Твоими, и сего ради зрит прелестне на благая рабов Твоих, имиже, о, пренеизглаголанная Благостыня, ущедряеши всех, коегождо противу силы его и по намерению воли Твоея. Отыми, всеблагий Владыко, покрывало диавола от очию сердца раба Твоего и даруй ему сердечное сокрушение и слезы покаяния и благодарения, да не возрадуется враг о нем, заживо уловленном от него в свою волю, и да не отторгнет его от руки Твоея.

*О пьянице**

Господи, призри милостивно на раба Твоего, прельщенного лестию чрева и плотскаго веселия, даруй ему познать сладость воздержания и поста и проистекающих от него плодов Духа.

✓ *О чревоугоднике*

Господи, сладчайшее Брашно наше, никогдаже гиблющее, но пребывающее в живот

* Об исцелении недуга пьянства молятся также пред иконой Божией Матери «Неупиваемая Чаша» (с. 358), св. мученику Вонифатию (с. 309), свт. Вонифатию Милостивому, преп. Моисею Мурину.

вечный: очисти раба Твоего от скверны чревообъядения, всего плоть сотворившегося и чуждаго Духу Твоему, и даруй ему познать сладость Твоего животворящаго духовнаго брашна, еже есть плоть и кровь Твоя и святое, живое и действенное слово Твое.

Во время бедствий и нападений врагов

Тропарь, глас 4-й

Скоро предвари, прежде даже не поработимся врагом хулящим Тя и претящим нам, Христе Боже наш: погуби Крестом Твоим борущия нас, да уразумеют, како может православных вера, молитвами Богородицы, Едины Человеколюбче.

Кондак, глас 8-й

Возбранный Воеводо и Господи, ада Победителю! Яко избавлься от вечныя смерти, похвальная восписую Ти, создание и раб Твой; но яко имеяй милосердие неизреченное, от всяких мя бед свободи, зовуща: Иисусе, Сыне Божий, помилуй мя.

Псалом 90

Живый в помощи Вышняго, в крове Бога Небеснаго водворится. Речёт Господеви: Заступник мой еси и Прибежище мое, Бог мой,

и уповаю на Него. Яко Той избавит тя от сѣти ловчи и от словесѣ мятежна, плещма Своима осенит тя, и под крилѣ Его надеешься: оружием обыдет тя истина Его. Не убоишися от страха ночнаго, от стрелы летящия во дни, от вещи во тме преходящия, от сряща и беса полуденнаго. Падет от страны твоея тысяща, и тма одеснѹю тебе, к тебе же не приближится, обаче очима твоима смотриши и воздаяние грешников узриши. Яко Ты, Господи, упование мое, Вышняго положил еси прибежище твое. Не приидет к тебе зло, и рана не приближится телесѣ твоему, яко Ангелом Своим заповѣсть о тебе, сохранити тя во всех путѣх твоих. На руках возмут тя, да не когда преткнѣши о камень ногу твою, на ѡспіда и василіска настѹпиши, и поперѣши льва и змія. Яко на Мя уповѣ, и избавлю и: покрѹю и, яко позна имя Мое. Воззовет ко Мне, и услышу его: с ним есмь в скорби, измѹ его и прославлю его, долготѹ дний исполню его и явлѹ ему спасение Мое.

Да воскреснет Бог... (стр. 38)

О путешествующих
Тропарь, глас 2-й

Путь и истина сый, Христе, спутника Ангела Твоего рабом Твоим ныне, якоже Товій

иногда, послѣ сохраняюща, и невредимых, к славе Твоей, от всякаго зла во всяком благополучии соблюдающа, молитвами Богородицы, Едине Человеколюбче.

Кондак, глас 2-й

Луче и Клеопе во Еммаус спутешествоваый, Спасе, сшествуй и ныне рабом Твоим, путешествовати хотящим, от всякаго избавляя их злаго обстояния: вся бо Ты, яко Человеколюбец, можеши хотяй.

Молитва

Господи Иисусе Христе Боже наш, истинный и живой путю, состранствовати мнимоу Твоему отцу Иосифу и Пречистей Ти Деве Матери во Египет изволивый, и Луче и Клеопе во Еммаус спутешествоваый! И ныне смиренно молим Тя, Владыко Пресвятый, и рабом Твоим сим Твоею благодатию спутешествуй. И якоже рабу Твоему Товии, Ангела хранителя и наставника послѣ, сохраняюща и избавляюща их от всякаго злаго обстояния видимых и невидимых врагов, и ко исполнению заповедей Твоих наставляюща, мирно же и благополучно и здраво препровождающа, и паки цело и безмятежно воз-

вращающа; и даждь им все благое свое намерение ко благоугождению Твоему благополучно в славу Твою исполнити. Твое бо есть, еже миловати и спасати нас, и Тебе славу возсылаем со Безначальным Твоим Отцем и со Пресвятым и Благим и Животворящим Твоим Духом, ныне и присно и во веки веков. Аминь.

**Молитва ко Пресвятой Богородице от человека,
в путь шествовати хотящего**

О Пресвятая Владычице моя, Дево Богородице, Одигитрие, покровительнице и упование спасения моего! Се в путь, мне предстоящий, ныне хочу отлучитися и на время сие вручаю Тебе, премилосердой Матери моей, душу и тело мое, вся умныя моя и вещественныя силы, всего себе вверяя в крепкое Твое смотрение и всесильную Твою помощь. О благая Спутнице и Защитнице моя! Усердно молю Тя, да не ползок путь мой сей будет, руководи мя на нем, и направи его, Всесвятая Одигитрие, якоже Сама веси, ко славе Сына Твоего, Господа моего Иисуса Христа, буди ми во всем помощнице, наипаче же в сем дальнем и многотрудном путешествии соблюди мя под державным покровом Твоим от всяких находящих бед и

скорбей, от враг видимых и невидимых, и моли о мне, Госпоже моя, Сына Твоего Христа Бога нашего, да послет в помощь мне Ангела Своего мирна, верна наставника и хранителя, да якоже древле даровал есть рабу Своему Товии Рафаила, на всяком месте и во всякое время хранивша его в пути от всякаго зла: тако и мой путь благополучно управив и сохранив мя небесною силою, здрава да возвратит мя, мирна и всецела к жилищу моему во славу имени Своего Святаго, славяща и благословяща Его во вся дни живота моего и Тебе величающа ныне и присно, и во веки веков. Аминь.

Молитва перед отправлением в плавание

Владыко Господи Иисусе Христе, Боже наш, вместе со святыми Своими учениками и апостолами плававший, бурный ветер утишивший и повелением Своим волны на море успокоивший! Сам, Господи, и нам сопутствуй в плавании, всякий бурный ветер утиши и будь Помощником и Заступником, ибо Ты Бог Благий и любящий человеков и Тебе славословие приносим, Отцу и Сыну и Святому Духу, ныне и присно и во веки веков. Аминь.

**Молитва перед отправлением
в воздушное путешествие**

Господи Иисусе Христе, Боже наш, стихиям повелевая и вся горстию содержи, Его же бездны трепещут и Ему же звезды присутствуют. Вся тварь Тебе служит, вся послушают, вся Тебе повинуются. Вся можешь: сего ради вся милуешь, Преблагий Господи. Тако и ныне убо, Владыко, рабов Твоих сих (*имена*) моления теплая приемля, благослови путь их и воздушное шествие, запрещая бурям же и ветром противным, и лодию воздушную целу и невредиму соблюдая. Спасительное и небурное по воздуху превозведение им даруя и благое намерение совершившим им весело во здравии и в мире возвратитися изволь. Ты бо еси Спас и Избавитель и всех благих небесных и земных Податель и Тебе славу возсылаем со Безначальным Твоим Отцем и Пресвятым и Благим и Животворящим Твоим Духом, ныне и присно и во веки веков. Аминь.

О заключенных
Тропарь, глас 2-й

Манассию от уз и горькаго заточения молитв ради свободивый, всещедрый Боже, и

раба Твоего, нами ныне молящегося, от уз и заточения свободы, и от всякаго злаго обстояния избави, яко един Человеколюбец.

Кондак, глас 5-й

Яко милосердия источник и благи пучина, Христе Боже, не презри в скорбех и бедах Тебе верою призывающих, но яко щедр, помилуй и от уз скоро свободы, да поем Ти: Аллилуиа.

Молитва

Господи Иисусе Христе, Боже наш, святого апостола Твоего Петра от уз и темницы без всякаго вреда свободивый, прими, смиренно молимся, моление сие милостивно во оставление грехов раба Твоего (*имя*), в темницу всаженного, и молитвами того, яко Человеколюбец, всеильною Твоею Десницею от всякаго злаго обстояния избави и на свободу изведи.

**Молитва к Божией Матери
об обращении заблудшего,
святителя Гавриила Новгородского**

О, Всемиловитая Госпоже, Дево Владычице Богородице, Царица Небесная! Ты рождеством Своим спасла род человеческий от

вечного мучительства диавола: ибо от Тебя родился Христос, Спаситель наш. Призри Своим милосердием и на сего (*имя*), лишенного милости Божией и благодати, исходятайствуй Матерним Своим дерзновением и Твоими молитвами у Сына Твоего, Христа Бога нашего, дабы ниспослал благодать Свою свыше на сего погибающего. О, Препоблагословенная! Ты надежда ненадежных, Ты отчаянных спасение, да не порадуется враг о душе его!

Конечная молитва

Господи, аще которую молитву без внимания прочитал и рассеялся в помыслах: прости и спаси мя по милости Твоей.

СОДЕРЖАНИЕ

МОЛИТВЫ УТРЕННИЕ	3
МОЛИТВЫ НА СОН ГРЯДУЩИМ	24
СОВМЕЩЕННЫЕ ТРИ КАНОНА: ИИСУСУ СЛАДЧАЙШЕМУ, МОЛЕБНЫЙ КО ПРЕ- СВЯТОЙ БОГОРОДИЦЕ И АНГЕЛУ ХРА- НИТЕЛЮ.	42
АКАФИСТ ИИСУСУ СЛАДЧАЙШЕМУ	67
АКАФИСТ ПРЕСВЯТОЙ БОГОРОДИЦЕ	80
АКАФИСТ СВЯТИТЕЛЮ НИКОЛАЮ	95
ПОСЛЕДОВАНИЕ КО СВЯТОМУ ПРИЧАЩЕ- НИЮ	111
БЛАГОДАРСТВЕННЫЕ МОЛИТВЫ ПО СВЯ- ТОМ ПРИЧАЩЕНИИ	138
КАНОН СВЯТОЙ ПАСХИ	145
ЧАСЫ СВЯТОЙ ПАСХИ	157
ПРАВИЛО ОТ ОСКВЕРНЕНИЯ	160
ТРОПАРИ, БОГОРОДИЧНЫ И КОНДАКИ ВОС- КРЕСНЫЕ ВОСЬМИ ГЛАСОВ	168
ТРОПАРИ И КОНДАКИ ДНЕВНЫЕ НА ВСЮ СЕДМИЦУ	177
ТРОПАРИ И КОНДАКИ НА ПРАЗДНИКИ	181
БОГОРОДИЧНОЕ ПРАВИЛО	235
МОЛИТВЫ БОЖИЕЙ МАТЕРИ И СВЯТЫМ, ИМЕЮЩИМ БЛАГОДАТЬ ИСЦЕЛЯТЬ БО- ЛЕЗНИ И ПОМОГАТЬ В РАЗЛИЧНЫХ НУЖДАХ	241

✓	Пресвятой Богородице в честь Ее иконы «Казанская» (<i>Потеря зрения и болезни глаз, благословение на создание семьи</i>)	241	✓
✓	Пресвятой Богородице в честь Ее образа «Неопалимая Купина» (<i>От пожара</i>)	242	
✓	Пресвятой Богородице в честь Ее образа «Всех скорбящих Радость» (<i>Инфекционные заболевания: туберкулез, грипп и др.</i>)	244	
✓	Пресвятой Богородице в честь Ее образа «Нечаянная Радость» (<i>Потеря слуха и болезни ушей; против блудной страсти</i>)	246	
✓	Пресвятой Богородице в честь Ее образа «Скоропослушница» (<i>Ожоги, неизлечимые болезни</i>)	247	✓
	Пресвятой Богородице в честь Ее образа «Тихвинского» (<i>О здравии младенцев и сохранении их от опасности</i>)	248	
✓	Пресвятой Богородице в честь Ее образа «Всецарица» (<i>Раковые заболевания</i>)	249	✓
✓	Пресвятой Богородице в честь Ее образа «Троеручица» (<i>Увечье и боль рук</i>)	250	
	Пресвятой Богородице в честь Ее образа «Козельщанского» (<i>Телесные повреждения, травмы</i>)	250	
	Пресвятой Богородице в честь Ее образа «Феодоровского» (<i>О помощи в родах</i>)	251	
✓	Пресвятой Богородице в честь Ее образа «Взыскание погибших» (<i>Во всякой беде</i>)	252	✓
✓	Пресвятой Богородице в честь Ее образа «Умягчение Злых Сердец» («Семистрельная») (<i>Об умирении вражды между людьми</i>)	253	✓
✓	Пресвятой Богородице в честь Ее образа «Целительница» (<i>В любой болезни</i>)	254	✓

Великомученику и целителю Пантелеимону (В любых болезнях)	255
Святителю Спиридону Тримифунтскому (В любых болезнях; в бедности, си- ротстве, вдовстве)	256
Бессребреникам и чудотворцам Косме и Да- миану (В любых болезнях)	257
Архистратигу Михаилу (В любых болезнях)	258
Священномученику Власию, епископу Се- вастийскому (Ангина и другие болезни горла)	259
Священномученику Антипе, епископу Пер- гамскому (Зубная боль)	260
Святителю Димитрию Ростовскому (Астма и прочие «грудные» болезни)	261
Преподобному Феодору Студиту (Болезни «чревные»: желудок, печень и т.п.)	263
Великомученику Артемию (Грыжа)	263
Святителю Иоасафу Белгородскому (Болез- ни сердца)	264
Праведному Симеону Верхотурскому (Бо- лезни ног)	264
Преподобному Иоанну Рыльскому (Немо- та и дефекты речи)	265
Преподобному Серафиму Саровскому (Ра- дикулит и вообще боли в пояснице)	266
Преподобному Иакову Железнодорожному (Паралич)	267
Преподобному Никите Столпнику, Перея- славскому чудотворцу (О том же)	268
Праведному Артемию Веркольскому (Кож- ные болезни, язвы)	268
Бессребреникам и мученикам Киру и Иоан- ну (Нарывы, струпья)	269

Преподобному Ипатию Руфианскому (<i>Отетки тела и органов, в том числе водянка</i>)	270
Мученику Иоанну Воину (<i>Болезни крови</i>)	271
Преподобному Давиду Гареджийскому (<i>Женское недомогание</i>)	271
Преподобному Иринарху Ростовскому (<i>Бессонница</i>)	272
Святому первоверховному апостолу Петру (<i>Горячка, лихорадка, жар</i>)	273
Праведной Иулиании Ольшанской (<i>Так называемые душевные болезни, в том числе сумасшествие</i>)	274
Великомученице Екатерине (<i>О хороших женихах</i>)	275
Архангелу Рафаилу (<i>Чтобы найти невесту</i>)	275
Апостолу Симону Зилоту (<i>Покровителю благочестивых семейств</i>)	276
Мученикам Адриану и Наталии (<i>О любви и согласии между супругами</i>)	277
Апостолу и евангелисту Иоанну Богослову (<i>О том же</i>)	278
Мученикам и исповедникам Гурию, Самону и Авиву (<i>В случае неверности мужа</i>)	278
Сорока Севастийским мученикам (<i>О возвращении мужа с войны или из дальней отлучки</i>)	280
Преподобному Иоанну Кущнику (<i>В тоске по родине и близким</i>)	280
Преподобной Афанасии игуменье (<i>О благополучии второго брака</i>)	281
Преподобному Александру Свирскому (<i>При желании иметь дитя мужского пола</i>)	281
Пророку Захарии и праведной Елисавете, родителям св. Иоанна Предтечи (<i>О том же</i>)	282

Святым и праведным Богоотцам Иоакиму и Анне (<i>При бесплодии</i>)	283
Преп. Евфимию Великому (<i>О том же</i>)	284
Праведному Симеону Богоприимцу (<i>О здравии младенцев и сохранении их от опасности, о находящихся в заключении или в плену</i>)	285
Муч. Гавриилу Белостокскому (<i>О том же</i>)	286
Святому первоверховному апостолу Павлу (<i>О том же, также при болях в голове</i>)	288
Мученице Параскеве Пятнице (<i>В болезнях младенцев, о покровительстве семейному очагу, в супружеском бесплодии, разных житейских нуждах</i>)	289
Святым семи отрокам во Ефесе (<i>При нарушении сна у младенцев</i>)	290
Великомученику Никите (<i>При колдовском воздействии на детей и об исцелении от «родимца»</i>)	291
Преподобным Ксенофону и Марии (<i>О потерявшихся детях</i>)	293
Великомуч. Евстафию Плакиде (<i>О том же</i>)	293
Преподобному Сергию Радонежскому (<i>О просвещении ума детей, помощи в учебе</i>)	294
Святителю Николаю Чудотворцу (<i>В заботе об удачном замужестве дочерей</i>)	295
Святителю Митрофану Воронежскому (<i>В заботе о жизненном устройстве детей</i>)	296
Праведному Иосифу, Обручнику Пресвятой Девы Марии (<i>От воров, убийц, грабителей</i>)	297
Великомуч. Мине Египетскому (<i>О том же</i>)	299
Преподобным Зосиме и Савватию Соловецким (<i>При угрозе потопления</i>)	299

✓	Пророку Божию Илии (<i>От засухи, грозы, града, о сохранении от голода</i>)	300
✓	Блаженному Прокопию Христа ради юродивому, Устюжскому чудотворцу (<i>При морозе</i>)	301
	Преподобному Алексию человеку Божию (<i>От укусов ядовитых змей и насекомых</i>)	302
	Мученице Фомаиде Египетской (<i>От насилия</i>)	303
✓	Великомученице Варваре (<i>Чтобы не умереть без исповеди и святого причастия</i>)	304
	Великомученику Георгию Победоносцу (<i>О сохранении воинов</i>)	305
	Благодарному князю Александру Невскому (<i>Во время бедствия и нашествия врагов, иноплемеников и иноверных, о сохранении воинов</i>)	306
	Великомученику Димитрию Солунскому (<i>О том же</i>)	307
	Великомученице Анастасии Узорешительнице (<i>Об освобождении плененных</i>)	308
✓	Мученику Вонифатию (<i>Пьянство</i>)	309
	Святителю Иоанну Милостивому (<i>В бедности, вдовстве, сиротстве</i>)	310
✓	Мученику Трифону (<i>От вредных насекомых и при колдовском воздействии</i>)	312
	Святителю Василию Рязанскому (<i>При оклеветании</i>)	313
	Святителю Иоанну Златоусту (<i>В отчаянии</i>)	313
	Апостолу и Евангелисту Луке (<i>На насаждение огорода</i>)	315
	Святителю Тихону Амафунтскому (<i>При посеве</i>)	316
	Святому Исидору Ростовскому, Христа ради юродивому, чудотворцу (<i>О хорошем урожае</i>)	316

Священномученику Харалампию (<i>О плодородии земли и изобилии плодов земных</i>)	318
Благоверному князю Даниилу Московскому (<i>Об обретении своего жилища</i>)	320
Великомученику Феодору Тирону (<i>Об отыскании украденного или потерянного</i>)	321
Блаженной Ксении Петербургской (<i>В судебных тяжбах; в семейных трудностях</i>)	321
Праведному Евдокиму Каппадокиянину (<i>В сложных жизненных ситуациях</i>)	322
Священномученику Киприану и мученице Иустине (<i>Об охране людей и животных от лукавых духов, от волшебников, колдунов и т.д.</i>)	323
Праведному Иоанну Кронштадтскому (<i>О помощи в учебе, исцелении в любых недугах</i>)	323
Всем святым и Бесплотным Небесным Силам.	325
Молитва по призывании святых	326

МОЛИТВЫ О ДЕТЯХ И СЕМЕЙНОМ БЛАГОПОЛУЧИИ

✓ Ежедневные молитвы о чадах	327
Воздыхание матери о своих детях	327
Молитвы к Божией Матери	331
✓ Молитва к Ангелу хранителю	332
Молитва о детях, преп. Амвросия Оптинского.	332
Молитва перед началом обучения дитяти.	333
Молитва перед учением	334
Молитва после учения	334
Божией Матери, ради иконы Ее «Млекопитательнице»	334
Молитва супругов, детей не имеющих	336
Молитвенное воздыхание жены во время беременности	337

МОЛИТВЫ О БОЛЯЩИХ 340

Молитва об исцелении больного	341
Молитва в болезни	342
Молитва болящей	343
Молитва об исцелении	343
Молитва во время поваральной болезни	344
Молитва от недуга, скорби	344
Молитва благодарственная, св. Иоанна Крон- штадтского	345
Молитва во время эпидемии	345
Молитва о том, чтобы ухаживать с любовью за болящими	346

КАНОН ЗА БОЛЯЩЕГО 348**АКАФИСТ ПРЕСВЯТОЙ БОГОРОДИЦЕ РАДИ
ИКОНЫ ЕЯ «НЕУПИВАЕМАЯ ЧАША» 358****МОЛИТВЫ ОБ УСОПШИХ 375**

✓ Родителей за детей	376
Детей за родителей	378
Лишившегося супруги	380
Вдовицы за супруга	382
Молитва за умершего скоропостижно (вне- запно)	384
┐ Молитва за всякого усопшего	386
Молитва за некрещенных младенцев	387
┐ Домашняя молитва матери за детей мертво- рожденных и некрещенных	387

**МОЛИТВЫ ОБ ИЗБАВЛЕНИИ
ОТ ИСКУШЕНИЙ**

Когда бывают нечистые помыслы и желание грешить или уныние, отчаяние, тоска	388
Во время брани плотской	388
✓ Молитва на злые мысли	389
Молитва св. Иоанна Кронштадтского	389

Молитва к Божией Матери. 389

**МОЛИТВЫ НА ИЗБАВЛЕНИЕ ОТ ХУЛЬНЫХ
ПОМЫСЛОВ 391**

Кратчайший образ избавления от хульных
мыслей 397

МОЛИТВЫ НА ОТГНАНИЕ ЗЛЫХ ДУХОВ И О СОХРАНЕНИИ ОТ ДИАВОЛА

Три молитвы, приносимые с началом дня 399

Молитва преп. Нектария Оптинского. 401

МОЛИТВЫ НА ВСЯКУЮ ПОТРЕБУ

Молитва о даровании молитвы 402

Молитва в день рождения. 402

Молитва в день Нового Года. 403

Молитва ко Пресвятой Богородице за духов-
ного отца 404

Молитва перед выходом из дома 405

Молитва идущего в церковь 405

Молитва перед исповедью. 406

После исповедания грехов 406

Молитва о прощении забытых грехов 407

Молитва, приносимая после Божественной
Литургии 407

Молитва на принятие просфоры и св. воды . . . 408

Молитва перед принятием пищи 409

Молитва на благословение пищи и питья 409

Молитва после вкушения пищи. 409

Молитва Пророку Божию Илии о защите-
нии от голода 409

Молитва на освящение всякой вещи 410

Молитва свт. Иоанна Златоуста перед чтени-
ем и слушанием слова Божия 410

Молитва водителя 411

Вопль к Богоматери 411

✓ Молитва оптинских старцев	412
Молитва утренняя, св. Иоанна Кронштадт- ского	413
Молитва свт. Димитрия Ростовского	414
Ежедневная молитва свт. Филарета Москов- ского	415
Моление ко святому Великомученику и Це- лителю Пантелеимону, преосвященного Иеремии (Отшельника)	415
Молитвенное воздыхание ко Господу, иеро- схимонаха Парфения (Киевского)	418
✓ Молитва человека, страдающего рассеянием, невниманием, нерадением на молитве	420
Молитва оптинских старцев о даровании мо- литвы Иисусовой	420
Молитва по соглашению	421
Молитва о даровании терпения	422
Молитвы о даровании разума	423
Призывание помощи Божией во всяком до- бром деле	423
Молитва пред началом дела	424
Молитва по окончании дела	424
✓ Благодарение за всякое благодеяние Божие	425
О умножении любви и искоренении ненави- сти и злобы	426
Молитва о примирении враждующих	426
О ненавидящих и обидящих нас	427
Молитва за неверующих, гонителей и пре- зрителей веры	427
Молитвы о ближних св. Иоанна Кронштадт- ского	
✓ О гордом и строптивом	428
О злобном	428
О сребролюбивом и жадном	428
О завистливом	428
О пьянице	429

О чревоугоднике	429
Во время бедствий и нападений врагов	430
Псалом 90	430
О путешествующих	431
Молитва ко Пресвятой Богородице от чело- века, в путь шествовати хотящего	433
Молитва перед отправлением в плавание	434
Молитва перед отправлением в воздушное путешествие	435
О заключенных	435
Молитва к Божией Матери об обращении за- блудшего	436
Конечная молитва	437

ISBN 5-7854-0090-1. © Благовест, 2000. ЛР № 090157 от 01.08.96.

Подписано в печать 12.07.2000. Формат 70×90^{1/32}. Печать офсетная.

Усл. печ. л. 15,26. Уч.-изд. л. 10,70. Тираж 20 000 экз.

Заказ № 2129.

Изд-во «Благовест»:

Тел./факс в Москве: (095) 208-83-58, 208-85-54.

Москва, ул. Гиляровского, 5.

Наш адрес в Интернете: www.blg.rusk.ru

E-mail: blg@rusk.ru

Отпечатано с диапозитивов в ГПП «Печатный двор»
Министерства РФ по делам печати, телерадиовещания
и средств массовых коммуникаций.

197110, Санкт-Петербург, Чкаловский пр., 15.



3/17-04

400-

86

MINIATURE CONCORD

